



kat. komp.

36489

I

Mac. St. Dr.

P

Teol. 3487



X. f. 17.

Manuum proprium

Int. XI. 10. 81

EVERSIO ATHEISMI,

SEU

Pro Deo contra Atheos libri duo.

PRIMUS LIBER

Continet Tractatus tres.

IN PRIMO.

Fundamenta, quibus Atheismus innititur, recensentur
ac evertuntur.

IN SECUNDO.

Propositiones quædam, velut Principia statuuntur, conducentes
ad everfionem Atheismi.

IN TERTIO.

Argumenta supra quadraginta proponuntur, Atheismi everfiva.

SECUNDUS LIBER

Itidem TRACTATUS TRES complectitur.

IN PRIMO.

Expenduntur ad Veritatis lancem Argumenta, quibus Theodorus
Abucaras, Divus Anselmus, Antonius Perez, Esparza, Morinus,
& Cartesius, subruere nituntur Atheismum.

IN SECUNDO.

Doctissimorum novem Veterum Philosophorum.

IN TERTIO.

Sapientissimorum duodecem Patrum Rationes validæ referun-
tur, Atheismi everfivæ.

AUCTORE

R. P. GEORGIO GENGELL Societatis JESU Theologo.

BRUNSBERGÆ, Typis Collegij S. J. Anno DEi Homini 1716.

**Hæc est vita æterna, ut cognoscant
Te solum Deum verum, & quem
misisti Jesum Christum. *Joannis c. 17. v. 3.***

EXCELLENTISSIMO

Sanguine, meritisq;

ILLUSTRISSIMO

REVERENDISSIMO DOMINO,

D. THOMÆ

FRANCISCO

CZAPSKI

Abbati Peplinensi S. O. C. ejusdem-
que Ordinis per utramq; Poloniam,
Prussiam, Litvaniam, Commissario
& Vicario Generali, &c.

DOMINO ET PATRONO FAVENTISSIMO.

A Ternis damnatæ noctibus Atheorum mentes, ut in
Veritatis lucem deducerentur planius, AVITUM
ILLUSTRISSIMÆ DOMUS TUÆ, Primæ ma-
gnitudinis sidus accendi erat conveniens, *REVERENDIS-
SIME DOMINE.* Facile Numinis Regiam poterunt

DEDICATIO.

vestigare densis involutæ tenebris animæ, si CZAPSCIORUM CYNTHIA præferet facem, aliter lucere nescia, nisi suo semper affixa Coelo; primos Domûs splendores Divinis Ædibus communicando. Fugabit Vespertilionum gregem in prima exortûs pagina splendor iste, cui natura est, errorum noctes depellere, Orthodoxæ Fidei nutrire lumen. Ut verò istæ terris invisæ talpæ, perstringantur vibrantius, facilè ab Aquinatico sole lumen mutuabimur, lumen illud, quod nomine, pectore, mente, THOMAS integrum comprehendis, & geminato jubare assurgere facis in meridiem. Perstringet oculorum aciem densissima errorum obductam caligine CISTERCIENSIS serenum POLI, in quo numerosa millia siderum, illata Coelo, solem vincunt: è sacerrima enim ista Familia Sanctorum numero adscripta Nomina amplissimam phalangem armatam constituunt, honorem Numinis à culpata Atheistarum inscitia, veræ confessione Fidei vindicantem. E Religiosis item Divi *Bernardi* umbris, numerosissima radiant serie Prima Ecclesiæ Romanæ Capita, in honorum augem se attollentia. EUGENIUS III, ADRIANUS IV, ALEXANDER III. GREGORIUS VIII, URBANUS IV, BENEDICTUS XII. His, ex iisdem Divi BERNARDI umbris succedunt sacrâ Romanâ Purpurâ decori, quadringenti viginti septem Patres: Patriarchæ quatuordecem: Archiepiscopi octingenti: Episcopi mille quadringenti: & Coelestem instruunt aciem dimicaturam adversus

DEDICATIO.

versus Gigantes novos, impotentiùs eò, quò audacius supremi adita Numinis impugnantes. Quid si fulgoribus commistos tantis, CZAPSCIANÆ GENTILITIÆ LUNÆ splendores scrutemur penitiùs? Tot parelia, tot in execrandum Atheismum fulgura, quot Lechici Cæli decora spectantur illustriora. Stat pro Aris, Cælo inaugurata KOSTKANÆ sanctitas Domus, & ubi arctiori Naturæ nexu colligata, sacerrimo Tuam REVERENDISSIME Mecænas CYNTHIAM accendit jubare, Numinis Majestatem meridiano sole clarius demonstrat. Jam DZIALYNSCIORUM, KOSORUM, GNINSCIORUM, KONOPACCIORUM, RUDNICCIORUM, HUMIENECCIORUM, BYSTRAMORUM, SZYDŁOWSCIORUM, ZAKRZEWSCIORUM, BAKOWSCIORUM, & millena juratæ pro DEO, legibus Patriis, fortitudinis Agnomina gestorum immortalitatem, ac debitum Cælorum Domino honorem, aut cruento toties exarârunt ferrô, aut pinxerunt sanguine. Etiam hætenus vivunt mortuales inter Cineres igniti pectoris grandiores scintillæ, in Phænice Lechici Orbis MERITISSIMO PARENTE TUO FRANCISCO, MARIÆBURGENSI SUCCAMERARIO, erumpunt ardores illi, quos exortus ab Aquilone turbo ampliaverat, zelo Veritatis orthodoxæ excitaverat adeo, ut ocyùs in ipsa rueret pericula, pretiosum sanguinem, Patriæ, superum Regiæ, in victimam litaret sæpius, nisi clementior Provi-

DEDICATIO.

dentia Cæli, sæculis dignum communem egenorum Patrem, diutius reservaret. Achilles adoleverit in fortitudinis prodigium leonum enutritus medullis, quem non incutiet metum imbelli Atheistarum pectori Altissimæ MATERNO ex sanguine VON HOLTEN FAMILIÆ gentilitius LEO ENSIFER, cui pro DEO militasse ingenium, & Majores Achille Propugnatores Orthodoxæ Fidei educasse, natura est. Adeo RELIGIOSA GULDENBALK dicta PROSAPIA, ut in Posteris tantis Aureo Traibium Ternione, in fulcrum Fidei abiisse legatur. Vivit, superstitie gloria victurus semper SENATOR, retròactis sæculis invidendus, ILLUSTRISSIMUS EXCELLENTISSIMUS PETRUS CZAPSKI, CULMENSIS Castellanus, Tuus REVERENDISSIME MECÆNAS, & nascendi meritò & æmulâ virtutum copiâ Frater, Romanæ ac supremæ Cælorum, Potestatis Vindex & Assertor vivit. Vixisset utinam & ILLUSTRISSIMUS EXCELLENTISSIMUS DOMINUS JOANNES CZAPSKI, ELBINGENSIS CASTELLANUS, & nobilior Numa, Regni Tribunalis Judex, ut pluribus admirandâ; sic paucioribus nimis randa dexteritate Cælorum partes tueretur. Indolet hodie Patria, ingemiscunt ARÆ, ad vindicis sui fatum. Et jam tanti jacturam Viri non facile temporum serie reparandam censeret, nisi longæva EMERITISSIMORUM incolumitas FRATRUM, augusta simul Genitoris soboles, ADAMUS, CA

DEDICATIO.

CANONICUS VLADISLAVIENSIS, Infulis, Trabeis
natus: FRANCISCUS, Terrarum Prussiae ENSIFER, ho-
stibus Patriae formidandus: IGNATIUS, vice Colonellus
S. R. M. ipsi spectandus MARTI: JOSEPHUS, in Eloquen-
tiae campis Olympia decurrens gloriae; temperaret dolor-
rem: & cumulatiores AVITO SIDERI SPLENDORES
præberet illa, hæc polliceretur. En, quanta in projectas
Atheismi tenebras luminum magnitudo! quanta in Fidem
perosos, fulmina! Metuat, metuat Cælorum hostis, IL-
LUSTRISSIMÆ CZAPSCIORUM DOMUS PLANE,
TAM talibus semper minacissimum, ad exortum sideris
tanti: in recessus nemorum se præcipitent feroces belluæ.
Quilibet hic SPLENDIDISSIMÆ radius Lunæ, lethalis ve-
sano pectori ictus est, ubi in Cælorum Regiam, quilibet
concentratur. Amat disjecta ejusmodi luminum semina Aus-
gustum Numen, quæ Templorum Occasum evehunt in
meridiem. Surgit e cineribus Mogilnensis cænobii ædes
in faciem venustiore, sed CZAPSCIANA, TUA scilicet
liberalissime Domine, plusquam aurea manu, se erigente.
Obryzo radiant Peplinenses ARÆ, assurgunt in prodigium
& in Superum delicias gratissima abeunt Majestate. Con-
summata Pogutkowiæ Numinis Regia, Fundatoris sui in
polito marmore exarat munificentiam, toto tectorum fas-
tigio attollit pietatem. Adeo primus dexteræ Tuæ labor in
Cænobia, atq; templa profusum esse, cujus pectori unicum
nego-

DEDICATIO.

negotium, Numen quærere sollicitè, feliciter invenire. Hæc Religionis, Fidei, Zelatori magno fundit Encomia calamus: Hæc Patrono Societatis Polonæ Amplissimo, in Paginam ducit devinctus semper animus, in Societatis JESU Collegio Gedanensi illo, quod REVERENDISSIMI ANTONII HACKI ABBATIS Olivensis assurrexit auro; pretiosissimo, æstimatissimo tuo etiam conservandum est, quin & augendum favore. Stat moles, victura tempora, stabitq; eò magnificentius, quò plura TIBI Trophæa erigit in Everso Atheismo. Utinam & opima spolia animarum, impietati, ac erebo ereptarum huc deducantur, Religiosa Janua, in Triumphalem Portam, TIBI, Totiq; Gloriosissimo Cisterciensium Ordini abeat. Hæc ex animo Vota depromo

EXCELLENTISSIMO & REVERENDISSIMO

NOMINI TUO

Devinctissimus

GEORGIUS GENGELL
Societatis JESU.

CENSURA

A Celsissimo Principe Domino THEODORO POTOCKI Episcopo Varmienſi & Sambienſi, Terrarum Pruſſia Praſide commiſſum mihi Volumen, Duos libros complectens, quod inſcribitur: *Everſio Atheiſmi &c.* ab Admodum Reverendo Patre Georgio Gengell Societatis JESU, Rectore Collegij Gedanenſis, Eximio per multos annos Theologiae Scholaſtica Profefſore, pari ingenij laude ac pietatis merito concinnatum, ac elaboratum, attentè legi; & cùm nihil in eo repererim, quod Catholicae Fidei adverſetur, illud Volumen, tanquam utile, ac praſertim his corruptis temporibus perquam neceſſarium, dignum judico, ut typis mandetur. Datum Frauenburgi ad Eccleſiam Cathedralem Varmienſem. Die 23. Novembris Anno 1715.

ISIDORUS CAIETANUS MAGNANINI
Canonicus Varmienſis.

FACULTAS

R. P. Præpositi Provincialis Societatis JESU per Poloniam.

Cùm Opus, quod inscribitur: *Everfio Atheismi, &c.* à Patre Georgio Gengell Societatis JESU Theologo conscriptum, aliquot ejusdem Societatis Theologi recognoverint, & in lucem edi posse, probaverint; potestate mihi factâ ab Admodum Reverendo Patre Nostro Michâele Angelo Tamburino, Societatis nostræ Præposito Generali, facultatem concedo, ut typis mandetur; si iis, ad quos pertinet, ita videbitur. Cujus rei gratiâ, has literas, manu meâ firmatas, sigillôque munitas dedi, Cracoviæ 12. Martii, Anno 1715.

RAPHAEL TACZANOWSKI
Societatis JESU.

PRÆMUNITIO TOTIUS OPERIS.

In qua declaratur necessitas contra Atheos scribendi: Objicientium rationes in contra, dissolvuntur; Et indicatur, quomodo Volumen hoc, ab Atheis etiam, fructuosè legi possit.

T Ritheitæ & novi Ariani (ut memorat Eminentissimus Bellarminus Præfat: in lib. 1. de Christo) exposuerant publico spectaculo tabulam, in qua visebatur expressa penicillò Ecclesia Catholica ad normam ampli ædificij: in cuius culmine tecti, Lutherus confidebat suis cum asseclis, tegulas lateresq; longè disjiciebat: inde spoliatò ædis fastigiò, Zvinglianæ Sectæ Coryphæus cum Sacramentariorum phalange, parietum molem, summa vi demoliri parabat: tum verò ad subruendum Fundamentum, atq; adeo Domum integram prosternendam, ipsi Tritoitæ ac Neo-Ariani, malleis, ligonibus, universâque vulcaniâ supellectile armati, omni ope desudabant. Qua nefanda picturæ arte, Ariana rabies denotare mente agitabat, minora dogmata fidei Catholicæ, à Lutheranis invadi: à Zvinglianis & Calvinistis, majora oppugnari: à se verò ipsum subruere Fundamentum, dum Sanctissimæ Triadòs Mysterium convellere moliantur. Ast supra Universos Ecclesiæ oppugnatores, Vexilla extulerant, sola sui, aliorumq; perniciem triumphaturi, qui absolutè negant Numen: exinde nuncupati, Athei: id est, absq; DEo: componitur enim ea vox, ex α, seu Alpha privativo, & voce, θεος, seu Deus.

Ariani, Fundamētum Ecclesiæ Orthodoxæ subruere nituntur.

Athei verò, Fundamētum omnīs prorsus Religio nis, & virtutis subruunt.

A

Hi enim non tantum Catholicæ Religionis, imò ejusque, ut clarum est; sed omnis honesti, Virtutisq; fundamentum depopulantur: ut constat ex hujus lib. 1. Tract. 2. cap. 2. Unde si contra hæreticos, erroris convincendos, atq; in defendenda Ecclesia, duo Sæcula immediatè retròacta, pænè innumeros, certè numerosiores anteaetis, à Christi incunabulis, per mille quingentos Annos, dabant, dantq; Athletas, libris pro Veritate Orthodoxa depugnantes: quidni æquitati consonum, ut contra Atheos idem fiat?

*Imò,
Adversus
Volumen
istud pro-
ponuntur
Objectiones
quatuor.*

*Respondetur
ad eas.
Imò. Uni-
versaliter.*

At jam hac in arena consistentem, laceffet quispiam telo quadruplici. *Imò.* Plurimos dicet jam in hac materia defudasse, palmamq; pænè retulisse: quid nova bella? *2dò.* Prolixitatem Voluminis fastidiet. *3tò.* Styli florentioris desiderabit delicias. *4tò.* Cui bono contra Atheos in hoc Volumine sæpè allegatur Scriptura Sacra, seu Verbum DEI scriptum? At hoc telum multiplex. *Imò.* Universalis invado, Duce Clemente Alexandrino. *Nulla scriptura* (respondet ille lib. 1. Strom.) *ita fortunata prodit, cui nullus omnino contradicat.* Sedulius item ejusmodi Oppugnatores: *Proferant* (inquit) *sua, qui carpere nituntur aliena, promptius est judicare, quàm facere.* Præsertim verò solenne est, ut carpant doctissima scripta, illi, quorum altum est supercilium: ut notat S. Hieronymus Præfatione in Esdram libro 3tio. Lucilius quoque dicere consueverat; Scripta mea à doctissimis, suò solò judiciò: neq; ab indoctissimis, legi volo; quòd hi, nihil; illi, nimium sapiant.

*2dò respon-
detur ad
singulas.*

Ad imam.

2dò, ad singula, oppono telum. Ad imum. Non latet me equidem immediatis his sæculis superioribus geminis, à numerosissimis Philosophis atq; Theologis prodiisse plurima Volumina, quibus tractatur de Numinis Existentia, ut ferè ab ipso Orbe condito, exclusivè ad illa duo sæcula, de ejusdem materiæ dignitate, non plura emanasse, credam: attamen, quod olim

olim Sancto Hieronymo visum, dicenti: *Sacerdotes multi, Sa-* *Demonstra*
cerdotes pauci; intelligendo, multos equidem existere, quò ad *tur, nil ob-*
 numerum, paucos tamen, præstantiæ officij sui correspondere: *esse, quòd*
 idem mihi ferè censendum esse assero *Scriptores multos*, si nu- *plurimi*
 merem: *Scriptores* tamen *paucos*, qui nec nimium compendio- *antea im-*
 sè, adeòq; minimùm clarè, ac fundamentaliter: nec ex uno aut *pugnârunt*
 altero tantummodò fonte, sed ex plurimis, distinctè item, & *scriptis su-*
 enucleatè referant Argumenta, unà cum subversione funda- *is, Atheos.*
 mentorum, quibus inniti cernitur Atheismus Longè adhuc
 pauciores illos assero, qui efficiant id uno Volumine separato.
 Ordinariè enim hæc materia de Existentiâ DEi, in vastis vo-
 luminibus Philosophicis & Theologicis, conjuncta cum alijs
 speculativis, plurimùm sæpè arduis materijs, continetur, quæ
 primo illièd intuitu, non solum à se repellere videntur ignaros
 Philosophiæ ac Theologiæ: verùm etiam ipsâ suâ vastitate,
 quandoq; & profunditate, quodammodo deterrent etiam licet
 doctiores alios à legendo, alios verò à còdemendo. Addo: hu-
 jus materiæ tantam esse dignitatem, ac præstantiam, ut po-
 steris, etiam aliquid novi addendum supersit. Imò, universa-
 lius loquendo: rarum librum nancisceris (nec meos libros,
 inter rara monumenta repono) invenireq; post queas, ita a-
 damussim conscriptos, aut conscribendos, ut omninò nihil sit,
 quod in illis desideretur. Quare, cur non juvet obtinere plu-
 res in eadem materia, qui supplere possunt in alijs, quod in a-
 lijs desideres? Ab alijs longè melius hoc idem Argumentum
 pertractatum esse, non dubito. At quid exinde? *Non omnia*
contemnenda sunt, (verbis loquor Beati Hildeberti, in epistola
 ad Henricum primum Regem Angliæ) *quibus multa possunt*
reperiri meliora: ex aqua, plures, quàm ex mulso, sitis ardorem
extinxisse invenies. Nec propterea tacere debui (Magni Augu-
 stini ore loquor, libro imò de Trinitate cap: 3.) *quia non tam*

expeditè ac dilucidè, quàm alij (in talibus rebus, quæstionibusq; versati) eloqui potui: neq; enim omnia, quæ ab omnibus conscribuntur, in omnium manus veniunt: Et fieri potest, ut nonnulli, qui etiam hæc nostra intelligere valent, illos planiores non inveniant libros, Et in istos saltem incidant: ideoq; utile est, plures à pluribus fieri, diverso stylo, non diversa fide, etiam de quæstionibus eisdem, ut ad plurimos res ipsa veniat, ad alios sic, ad alios autem sic.

Ad 2dam Jam ad 2dum telum infringendum, procedo. Eminentif-
Objectionē simus Annalium Ecclesiasticorum Parens, idemq; scientiā ac
responde- eruditione eximius, Cardinalis Baronius, cū prolixiori ser-
tur, defen- mone de Divinissima egisset Thecla, in Notis Martyrum: ad
dendo Vo- 23. Septembris, subjungit. *Aliquibus fortasse, hæc prolixiora: sed*
luminis *Theclam impensius amanti, pauca videri possunt.* Idem potiori
hujus pro- jure eloquar: Libri hi duo mei contra Atheos conscripti, pro-
lixitatem. lixiores quibusdam: sed DEum ac veritatem impensius aman-
 ti, recteq; perpendenti, quanti nostri interest, ut nunc, tot
 ex erebo erumpentibus Atheis, notitia de Existentia DEI, fir-
 missimè mentibus hominum insideat, breves & pauci videri
 possint. *At, est gratior multis (subscribo cum Plinio 2do ad*
Tacitum, epistolâ 19.) actio & sermo brevis? est. Sed inertibus,
quorum desidiâ, quasi judicium respicere, ridiculum est. Nam
si hos in consilio babeas, non solum satius est, breviter dicere:
sed omnino non dicere. Et ibidem: *Plerisq; longiore tractatu,*
vis quadam Et pondus, accedit; utq; corpori, ferrum; sic oratio,
animo, non ictu magis, quàm mora imprimitur. Prævaricatio est,
transire dicenda; prævaricatio etiam cursim Et breviter attinge-
re, quæ sint inculcanda, insigenda, repetenda. Plura docere eli-
 go, quàm dicere: verborum corpora respuo; Abesse ea in Vo-
 lumine volo, quæ primæ literæ Diplomatum consimilia sint,
 multa varietate splendidæ, unâ tamen clauditur. Magnus Su-
 arez

arez in sua Metaphysica, unam tantummodò probationem Existentiæ DEI, quàm fusè pertractat! Minimè censetur nimia prolixitas, multorum judiciò, si etiam ter denis agitetur quæstio hæc folijs. Quid sit & quomodo fiat Ens rationis? Vel: cui identificetur negatio? aut, Ens estne Univocum? transcenditne differentias? similesq; , imò minoris momenti quæstiones, quæ difficultatis habent plurimùm, utilitatis verò solidæ, retinent exiguum. In ista verò nostra materia, adeo gravi, adeo proficua, proh dolor! prolixitas videbitur, cùm non nimis concisè pertractatur? *Infelix homo*, (exclamat Divus Augustinus lib. 5to Confess. cap. 4.) *qui scit illa omnia* (illas etiam vermiculatas quæstiones, & similia) *Te autem, ô Domine, nescit*. Legi, ore prompsisse quempiam: *Melius est dicere fusè, quàm confusè*. Et alium: *Dum brevis esse volo, obscurus fio*. Ad do è Divi Hilarij mente lib. de Synod: *Fallit* (inquit) *plerumq; audientes, & docentes brevitatis verborum, & compendiò sermonum aut non intelligi potest, quod requiritur: aut etiam corrumpitur, quod significatum magis, quàm enarratum rationis absolute non constat*.

Tertia Objectio concidit ex eo. Quia in hoc Volumine 3tie satisfacribendo, Theologum Scholasticum egi, adeoque stylum fit Objecti- admovi: id est, non horridum quidem, sed nec exquisitè cul- oni incu- tum, & florecentibus amœnitatibus facundiæ, deliciosum. santi stylū, Nec certè ejusmodi vernans stylus comperitur in Aquinatici quod non Angelici Doctōris voluminum hortis Divi Thomæ; Docto- sit floridus. ris Seraphici, Divi Bonaventuræ; Subtilis Scoti: primæ Magnitudinis Theologorum, Cajetani, Bellarmini, Suárez, Vasquez, aliorumq; . Accedit, quòd sumptuosæ materiæ, ut verum auri decus, argentiq; ac margariti, investigetur etiam informius, ac sine arte placeat rerum æstimatori æquo: & quis sibi displicere præferat Volumen hoc, quòd styli arte non splendeat?

Ad 4. 0- Quartum Adversarij telum (non diffiteor) foret validum, *stenditur*, si in eodem hoc Volumine non demonstrarem, Librum Scri-
rectè hic pturæ Sacræ, apud quoscunq; etiam Infideles prudentes me-
adhiberi reri majus sui pretium, & auctoritatem, quàm mereatur li-
Scripturā ber cujuscunq; profani Historici; ut Herodoti, Livij, Plutar-
Sacram e- chi, Curtij, Taciti, & similium, etiam simul sumptorum. Ast
tiam con- quia id fusè demonstratum continetur hîc in Tractatu 2do
tra Atheos. libri iiii. cap: 3tio. ideo telum illud esse omnino invalidum,
 in comperto est.

2dò itidē. Et hoc quadruplici Objectionis retusô telô, uni-
Objectio- versalius fortè oppugnantibus, respondendum erit. Non
nes tres esse (inquit alij) dimicandum contra Atheos, ob ra-
proponun- tionum sequentium dignitatem. *Primò. DEUS Mundum*
tur, ne di- *tradidit disputationi eorum*, id est hominum: ut ait Salo-
sputetur mon Ecclesiastæ 3tio. Ergo non se ipsum. Et idem præmo-
contra net Proverb: 26. versu 5to. *Non respondeas stulto*: quid autem
Atheos. aliud, quàm stultus censeatur, omnis Atheus, juxta illud Psal-
 mi 13. *Dixit inspiens in corde suo: non est DEUS*: potiusq; im-
 manis illa Atheorum impietas, scelestiori ausu in Gigantonoma-
 chiam provecta, quàm non montes, sed mentes blasphemias,
 verbaq; dementia jactat, potiùs inquam, lapideis impetenda
 argumentis, armisq; durioribus subigenda: aut in umbra mor-
 tis sedentibus Atheis, cōvenientior est flamma, & rogas ad
 illustrandam Existentiam DEI, quàm ut illorum obcœcatus
 animus demonstrationibus dirigatur.

2dò, Depromes Clementis Alexandrini lib: 1. Strom: a-
 jentis, effatum. *Sunt* (inquit ille) *questiones quedam digne,*
que puniantur: cujusmodi est, *querere probationes an sit Pro-*
videntia (multò magis, quòd sit DEUS) *cùm sit manifesta Di-*
vina Providentia ex aspectu omnium, que videntur effectorum,
que arte consistunt, & sapientiâ constant. Arnobium illi adjun-

ges, sublimis Eloquentiæ & Eruditionis Præceptorem Lactantij, lib: 1. contra Gentes, hæc exarantem. *Dicunt sana sentientes, contradicere rebus stultis, stultitiæ esse majoris; nec quidquid refert, aut discrepat, DEumne neges, an asseras: cum in eadem culpa sit, & assertio DEI (id est conquisitio Argumentorum, quibus probetur, DEum esse) & abnegatio refutatoris increduli.*

3tio, Addes Aristotelem 1. Top. cap: 9. dicentem. *Non oportet omnem Propositionem considerare, sed cum dubitabit aliquis eorum, qui ratione egent, & non pœnâ, vel sensu: nam qui dubitat, Ultrum oporteat Deos honorare & Parentes diligere, an non pœnâ indiget? qui verò, an nix alba, an non sensu? Neq; quorum propinqua est demonstratio; nam illa non habent dubitationem.* Eundem, primo Physic: textu 8. asserentem. *Contra negantem principia, non est disputandum.* Atheus autem negat Principium omnium Primum.

At his respondetur ipsâ suprà dictorum claritudine; deinde praxi continuâ innumerorum Sapientum: esse nimirum saluberrimum, erroris Atheos convincere. Naturâ denique comparatum est, Rationi non obee sermonem rationis & *semper ventilata veritas* (ut loquitur Consul Romanus, Cæsiodorus libro 1. de Incarnat. cap: 6to) *plus rutilat.* Quæ in contra allatæ rationes, ruinam referunt.

Primæ enim Rationi negatur Consequentia. Affirmatio etenim unius, non est Negatio alterius; maximè cum hæc Negatio, principaliorẽ Theologiæ partem demoliretur, partemq; magnam Philosophiæ: imò hac ipsa Scripturæ parte, pugnandum est contra Voluminis hujus Oppugnatorem, oppositumq; inferendum. An enim Disputationes de Mundo, non necuntur necessariò eum Disputationibus de Attributis, atq; Existentiã DEI, utpote causa productiva & conservativa

Mun-

*Propositæ
Objectiones tres
solvantur*

Mundi? Rectè proinde Divinissimus Hieronymus cum alijs, citatum Scripturæ locum explicando, differt: quòd DEUS hanc homini occupationem scrutandi res in Mundo à se creatas dedit, ut eâ honestè occupatus, DEUM Creatorem agnosceret, amaret, & laudaret. Salomon admonet sapienter; *Non respondeas stulto, ut ei assimileris*, videlicet stultè respondendo. Respondendum nihilominus stulto ita, ut illi sua demonstretur stultitia, quâ visâ, limam adhibeat. Unde annectit, versu sequenti. *Responde stulto, juxta stultitiam suam, ne sibi sapiens videatur*. Lapis, non debet esse terminalis Atheismi, aut rogi, sed præmitti debent ad conversionem media leniora & efficacia, inter quæ, sunt etiam Argumenta in his libris contenta: quæ si non sortirentur successum, utendum esse non diffiteor illis, quæ asseruntur.

Secundæ depromptæ Rationi: Animò dubitandi de Existentia DEI, vel improbandi communia Argumenta, ferè omnium Doctòrum consensu approbata: & quærere probationes novas, subtiles, non solidas: subscribo, non vacare culpâ, imò pœna dignissimum, affirmo: Secùs, minimè. Hi enim etiam ipsi citati Auctores probant suis in Voluminibus Numinis Existentiam.

Tertiæ Objectioni desumptæ ex Aristotele, ipsum responsurum Aristotelem reddo: ait ille ad summum, de propinqua demonstratione petenda ab Inductione, Experimento, sensuum assuetudine: alias sibi ipse contradiceret: nam Existentiam DEI, plurimis ipsemet probat. Illo autem primo Physicorum textu, intelligendus est loqui de primis Principiis lumine naturæ notis, quibus innititur omnis recta Disputatio. Talia sunt: *Impossibile est idem esse & non esse. Quodlibet est vel non esse*. Qui enim negat ejusmodi Principia, quæ sunt velut fundamentum Scientiæ, ac Disputationis, nihil ponit.

Omnis

Omnis autem Disputatio fit ex quibusdam positis. Quanquam & Principiorum talium veritas, ut magis evidenti in luce pateat, & Argumenta opposita dissolvantur, quandoq; etiam illa in Disputationem sumere convenit. Unde coactus est ipse Aristoteles in sua Metaphysica, veritatem probare illius Principii: *Non potest idem simul esse, & non esse*: quod quidam Philosophorum veterum, scilicet Heraclitus, teste eodem Aristotele 11. Metaph. cap: 3. ausus est pernegare. Item in sua Physica comprobavit, Corpora locô moveri: ut Zenonis Sophismata, satis ardua enuclearet. Accedit: quòd ut doctissimè in Historia Concilij Tridentini lib: 7. cap: 14. notat Cardinalis Pallavicinus: certum quandoq; est, quænam quæstionis pars, veritati consonet, sed quænam ex adductis rationibus, eam efficaciter comprobet, certum non est: quare talium quæstionum Disputatio, ad comprobandam legitimam probationem, etiam utilis est. Unde ad ingens emolumentum, Doctores Scholastici, accuratè pertractant illam quæstionem: An DEUS sit? quæ utpote ex ipsa rei natura, sua sponte certissima, possit videri supervacanea, nihilominus ob nostræ phantasie crassitudinem, supra terrestria ægrè assurgentis nostrarumq; depravationem appetentiarum, refugientium vindicem eorum facinorum, à quibus abstinere detrectant, summè necessaria est istis temporum tempestatibus dolendis, in quibus non solum in corde, ut olim insipiens, sed etiam palam, ore blasphemio non pauci profari haud verecundantur: Non est DEUS. Utinam verò illis ipsis, qui ex animo acriter impugnant necessitatem disputandi contra Atheos, non sit ejusmodi Disputatio, summè pernecessaria.

Libros hos duos conscripsi, & prælo mandavi: tum ut *Cur Volu-*
verus Christianus Lector in isto principali Religionis articu- *men hoc*
lo, magis ac magis confirmetur, habeatq; in promptu Argu- *contra A-*
men-

*theos con-*menta, ad convincendos erroris Atheos, repellendaq; con-
*scriptum?*traria veritati huic tentationum pericula, quibus persæpè,
 illuminatæ etiam animæ jactantur. Tum, ut si fortunâ ali-
 quâ, libri hi in manus alicujus, saltem in actu primo proxi-
 mo Athei, deveniant, is ab errore nefando facilius revocari
 queat. Porro istud posterius, ut efficaciter præduce Numi-
 nis favore fiat: observanda illi sunt hæc. *imò.* Ante lectionis
Illud, ut arreptam voluntatem ulteriorem, tantisper saltem exuat se
fructuosè persuasione erroneâ, ponatq; se in æquilibrio, atquè in eo
legat etiã statu, ac si modo primùm hæc quæstio: Existitne DEus?
Athens, proponeretur, ipseque primò mente volveret, quid respon-
quidnam dendum foret. *2dò.* Erigat in se flammans desiderium, id,
ei præstan- quod lecturus est, penetrandi; cùm aggrediatur rem gravis-
*dum?*simi momenti: nec simul plura legat, quàm valeat, ruminan-
 do concoquere: nec è contra, more canum ad Nilum biben-
 do, moras non trahentium, lambentium simul & mox fugi-
 entium (ne à Crocodilis capiantur: ut scribit Plinius lib: 8.
 Historiæ Naturalis, cap: iimo) festinet legendo: sed simul
 arenti & immoranti veritatem exhauriat ore. Signum malè
 constituti ventriculi est, fercula plura delibare, & nulla dige-
 rere, ac nullo refici. Indicem si legat, aut in marginibus an-
 notata, non simul se penetrasse omnia sibi persuadeat: mul-
 ta enim reperiet legendo Volumen istud integrum, quod huc-
 usq; ignoravit. *3tid.* Removeat se aliquantum à negotiorum
 strepitu aliorum; *qui enim à medio communium rerum strepitu*
non recedit, *DEI cognitionem assequi minimè potest:* teste
 Sancto Isidoro Pelusiota lib: 1. epist: 404. Mansuetudini de-
 inde animum inclinet. Hæc enim virtus, judicio Divi Tho-
 mæ 2. 2. q. 157. art: 1. *preparat hominem ad cognitionem DEI,*
removendo impedimentum dupliciter. imò, faciendo hominem
compotem sui per diminutionem ira: alio modò, quòd homo
 man-

mansuetus non contradicat Veritati: hoc enim plerumq; fit ex commotione iræ. Unde Ecclesiastici 5. legitur. Esto mansuetus ad audiendum verbum DEI, ut intelligas. Et Stagyrita 7. Ethic: cap: 6. ait: Ira nunquam perfectè rationem audit. 4to. Quòd in maximis poni vellem: abstineat saltem aliquo temporis intervallò à gravioribus criminibus, maximè à quacunq; specie luxuriæ. Ejice, (inquit Musonius apud Aristidem) quod est in anima mortuum, & DEUM cognosces. Nam ut asserit Dio Chrysostomus Orat: 12. Nebula ex vitijs assurgentes, intercludunt hominibus divinatorum cognitionem. Et Sanctus Augustinus serm: 2. de Ascensione, qui est 175, de tempore, ait: DEUM videre vis (etiam nunc in ænigmate) prius cogita de corde mundando. Aliàs illud Osee 6. verificabitur. Non dabunt cogitationes, ut revertantur ad DEUM suum, quia spiritus fornicationum in medio eorum est. Denique exprimat vocem: Si es aliquod Supremum Numen: si aliquis cæli terræq; Conditor, ac Rector, Te invoco: illustra, quæso, efficaciter mentem meam. Noverim Te, noverim me. In celo enim ille Cathedralam habet, qui corda hominum docet. ut loquitur Sanctus Augustinus in Epist: Joann: Tractatu 3. & sicut Solem hunc visibilem, ipso nonnisi sole adjuti, cernimus, ita nec solis Conditozem, summamq; illam Lucem, sinè illius adjumento spectare valemus: quòd minimè denegabit taliter exposcenti, & se disponenti DEUS Optimus, juxta illud Sancti Præsulis Hypponenfis, lib: 3. de libero arbitrio, cap: 13. Nulli homini sublatum est, scire, utiliter querere, quod inutiliter ignorat, & similiter confitendam esse imbecillitatem, ut querenti & confitenti, ille subveniat, qui non errat, dum subvenit. Item juxta illud Axioma, à Theologis & Divo Thoma, tum alibi, tum in secundum sentent: Distinct: 28. q. 1. art: 1. ab annis plùs quàm trecentis, approbatum, Divinæq; maximè con-

*Auctoris
desideriū.*

gruum Bonitati. *Faciēti, quod in se est, DEUS non denegat gratiam:* Et illud Psalms 20. *Clamabit ad me, & ego exaudiam.* Utinam verò ex lectione hujus Voluminis, prælucente ac adjuvante Divino Lumine, vel saltem aliqui, desumptâ inde clariore DEI notitiâ, ad ejus amorem, ut par est, efficaciter excitarentur! Item, utinam vel unus Atheus resipisceret seriò, ac ita salvaretur: non tantum inexplicabile mihi hinc promanaret solatium: verum Amor ille, resipiscētia illa salutifera, incomparabiliter omnis laboris mei in hoc Volumine conscribendo suscepti, excessiva foret merces & munus: nam ut ipsa Fides docet Orthodoxa, & Sanctus Chrysostomus Orat: contra Judæos profatur. Salus animæ, majus quid est, quàm Mundus hic universus, quantus quantus undiq; patet oculis: plusquē DEUM laudat unus Sanctus in cælo, quia per æternitatem, quàm omnes homines in terra ab initio Mundi usquē ad finem ejus. Non denega id Lector Benevole, quod non sine tuo etiam ingenti commodo, tam ardentem desidero, supplexquē à te postulo. Vale.



LIBER I.

PRO DEO CONTRA ATHEOS.

Fronti totius hujus Voluminis præfixi titulum: *Eversio Atheismi*: quare congruum duxi, ut statim in ipso limine hujus lmi Libri, sit, qui sequitur:

TRACTATUS PRIMUS.

FUNDAMENTA, QUIBUS ATHEISMUS INNITITUR,
RECENSENTUR, & EVERTUNTUR.



Icut Tribunalibus non desunt quandoq; Causidici, qui licet evidenter norint, nullum inesse pondus causæ, ad æquitatis libram expendendæ, totamq; rerum genderarum molem, facile disjiciendis sussultam fundamentis vacillare; attamen si pretiosa spes lucri affulgeat, contentionibus implent forum, Tribunalium æquitatem appellant, implorant Judicium benevolentiam, rationes undiq; petunt, suæ patrocinatoras liti: sicut item plerisq; usuvenit, ut nihil non audeant, juramenti q; vinculo se adstringere non formident, dummodo se metu poenarum, merito infligendarum liberent; ita aliqui reperiuntur, qui ut vetitas Mundi illecebras, sibi magis condiant, ne auri copia, alienis erepta gazis, suam conscientiam gravet, & tandem ne à tergo instet Ultor, scelerum immanitatem debito affecturus supplicio, Supremum Vindicem DEUM, & Cælo & Mundo exulare facit impietas, dum nullum esse confingit. Quâ arte clamantis conscientiæ non obstruuntur ora? quâ sollicitudine non conquiruntur fundamenta, quibus Atheismus innitatur,

Athei similes quibusdam perversis Causidicis

Cur quidam sibi persuadere conantur, non esse Deum?

tur, ac si nova Babylon extruenda foret? Verum hæc quænam sint, & quàm levia, jam videamus.

CAPUT I.

Fundamenta Atheistarum recensentur.

Primum Fundamentum.

Imū Fundamentum **A**Theistarum præsertim rudiorum est: *Deus, nec visu, nec ullo sensu percipitur. Ergo non est.* Unde Sanctus Augustinus sermone 147, ait: *In homine carnali* (quales utiq; solent esse præsertim Atheorum) *tota regula intelligendi, est consuetudo cernendi: quod solent videre, credunt, quod non solent, non credunt.* Et Gregorius Magnus lib: 4. Dialogi cap: 1. *Carnales quiq;, quia illa invisibilia* (nempe esse cælestem Patriam, Angelos, addo, DEUM) *scire non valent per experimentum, dubitant* (imò & negant aliqui) *utrumne sit, quod corporalibus oculis non vident.*

2dum Fundamentum.

adū. Quia *In hac vita, Probi sunt sæpè infelices: improbi, felices. Mori bonis, adi- untur quandoq; miserè & citò boni; vivunt diu & fortunatè, versa; im- impij. Ergo Deus non est Providus & Justus: proinde simpliciter pijs eveni- non est. Sic argumentari Atheos constat ex dicto illius impij: re solent prospera.*

Marmoreò Licinus tumultò tegitur: Cato parvò:
Pompejus Nullò: credimus esse Deos?

Et Ovidius in morte Tibulli ait:

Cùm rapiant mala fata, bonos, ignoscite fastò,
Sollicitor, nullos esse putare Deos?

Martialis item, Epigrammatum libro 4to refert de Selio.

Nullos esse Deos, inane cælum

Affirmat Selius, probatq; , quòd se

Factum, dum negat hæc, videt beatum.

Diagoras quorq; Democriti discipulus, cùm fuerit prius cultui Deorum addictissimus, ast cùm injuriâ ab aliquo affectus esset, qui pejeraverat, & tamen nihil propterea passus fuerat, quin prosperè vixerat, eò deductus est, ut diceret: non esse DEUM; aliosq; abducebat

à Numinis cultu. Quin & de Christianis quibusdam in Atheismum prolapsis, scribit Sanctus Basilius, sermone: Quod DEUS non sit Auctor malorum: ferè ab initio. *Siquid calamitosum acciderit, instantem in rebus adversis dolorem non ferentes, mox secum perplexi dubitant, an sit DEUS: an singula videat, utrum cuiusq; meritis respondeat: deinde ubi se ipsos viderint (vel etiam alios, quos putant esse bonos) in ijs, quæ nolunt, diu detentos, prævum illud dogma inter se confirmant, & in suis cordibus ita decernunt: Non est Deus.* Lucas etiam Opalinus, Marefchalcus Curixæ Regni Poloniæ, in suis doctissimis Prolegomenis librorum de Officiis ait: *Dum bonis, mala; & malis, bona vident quidam evenire, de Providentia primùm querantur, mox dubitant, & demum illam, atq; DEUM unà tollunt.*

3tium Fundamentum.

In Mundo sunt tot mala. Ergo Deus utpote non excludens mala, vel non est summè bonus, vel non est Omnipotens: proinde non est Deus. Meminit hujus Fundamenti, Sextus Empyricus libro imo Pyrronicarum Hypotypositon cap: 1. & Divus Thomas 1. p. q. 2. art: 3. dum Argumentum ex Persona Atheorum, tale ponit. *Si unum contrarium, fuerit infinitum, totaliter destruitur aliud. Sed hoc intelligitur in hoc nomine, Deus. scilicet, quòd sit quoddam Bonum infinitum. Si ergo Deus esset, nullum malum inveniretur. Invenitur autem malum in Mundo. Ergo Deus non est.* Simile Argumentum refert Subtilis Scotus in lib: 1. Sent: Distinct: 2. q. 1. Et illustrat exemplò solis, qui si esset infinitè calidus, nihil relinqueret frigidum in Universo.

4tium Fundamentum.

Natura rerum visibilium, seu Mundus, nequaquam divinitus, seu à Deo est productus. Ergo non est Deus. Consequentia probatur? Quia præcipuum Argumentum, DEI existentix probandæ, desumi solet ex productione Mundi visibilis. Antecedens etiam probatur. Quia Natura rerum visibilium scatet pluribus defectibus physicis. Magnam enim partem terræ occupant entia inutilia, ut montes, sylvæ, rupes, paludes, mare. In Mundo item sunt multa venenosa, & horrida animalia &c. Sic argumentatur nomine Atheorum, & suo, Lucretius libro 5to inquires:

Quod

Quod si jam rerum ignorem primordia, quæ sunt;
 Hoc tamen ex ipsis cæli rationibus ausim
 Confirmare, aliisq; ex rebus reddere multis,
 Nequaquam nobis divinitus esse paratam
 Naturam rerum: tantâ stat prædica culpâ;
 Inde avidam partem montes, sylvæq; ferarum
 Possedere: tenent rupes, vastæq; paludes,
 Et mare, quod latè terrarum distinet oras.
 Præterea genus horrifera natura ferarum
 Humanæ genti infestum, terraq; mariq;
 Cur alit, atq; auget?

Hoc fundamentum 4tum coincidit cum fundamento 3tio, nisi quòd in quarto, enumerentur, judiciò Lucretii & quorundam aliorum impiorum, particularia mala.

stum, Cri-
 tias Atheo-
 blaterat,
 ticum artificium,
 quò Reges & Principes
 populum sibi subiectum
 confectum contineant
 sub imperio suo, vel ad
 bella urgeant. Ita sensit
 impius Critias (erat is unus
 è triginta Tyrannis Athenien-
 sibus, à Lacedæmoniis im-
 positus, qui Athenienses
 nefandè oppressit. Mibi
 inquit ille, ut refert Sextus
 Empyricus in Examine Scien-
 tiæ Physicæ cap: 2.) videtur,
 vir aliquis ingeniosus &
 prudens cognovisse, quòd
 opere pretium faceret, si
 inter mortales invenisset;
 quemadmodum malis metus
 esset incutiendus, etiamsi
 clam agerent, aut dicerent,
 aut cogitarent: hinc
 Deum introduxit. Staius
 verò Pòeta Satyricus, dum
 cælo fulmina caderent,
 tunc primum ab hominibus
 confictos fuisse Deos censuit,
 inquiens: Primus in Orbe
 Deos fecit timor.

Stum Fundamentum.

Legislatorum id commentum est de Existentia Dei, & poli-
 ticum artificium, quò Reges & Principes populum sibi subiectum
 confectum contineant sub imperio suo, vel ad bella urgeant. Ita sensit impi-
 us Critias (erat is unus è triginta Tyrannis Atheniensibus, à Lacedæ-
 moniis impositus, qui Athenienses nefandè oppressit. Mibi (inqui-
 ebat ille, ut refert Sextus Empyricus in Examine Scientiæ Physicæ
 cap: 2.) videtur, vir aliquis ingeniosus & prudens cognovisse, quòd opere
 pretium faceret, si inter mortales invenisset; quemadmodum malis metus
 esset incutiendus, etiamsi clam agerent, aut dicerent, aut cogitarent: hinc
 Deum introduxit. Staius verò Pòeta Satyricus, dum cælo fulmina
 caderent, tunc primum ab hominibus confictos fuisse Deos censuit,
 inquiens: Primus in Orbe Deos fecit timor.

stum Fun-
 damentū.
 Absq; Deo possunt omnia
 sat benè refundi in ipsam
 Naturam. Quia om-
 niapossunt em Professòr,
 homo mediocris ingenij &
 eruditionis, Anno 1619 To-
 losæ in Gallia ob atheismum
 combustus, scripsit librum
 infamem, cui titulum præfixit:
 de Arcanis Naturæ: in quo
 libro probare nitebatur,
 Natu-

6tum Fundamentum.

Absq; Deo possunt omnia sat benè refundi in ipsam Naturam.
 Ita communiter Athei. Unde & Lucilius Vaninus, Medicinæ in speci-
 em Professòr, homo mediocris ingenij & eruditionis, Anno 1619 To-
 losæ in Gallia ob atheismum combustus, scripsit librum infamem, cui
 titulum præfixit: de Arcanis Naturæ: in quo libro probare nitebatur,
 Natu-

Naturam, rerum omnium esse Deam, nullumq; dari supremum Numen omniscium, Omnipotens.

7mum Fundamentum.

Dei Natura perfecte cognosci non potest. Ergo non est Deus. 7mū. Quia Hinc nunquam satis laudatus Lucas Opalinius, locō suprà citatō scripsit: Quod negant quidam, vel non ut oportet, adfatentur DEum, sic primum ingenij proterviā & petulanti acrimoniā, quæ ratiocinando antecedere Principium frustra conatur, cum illud, nulla antecedentia habeat, si enim haberet, Principium non esset (intellige primò primum) dum ergo ex antecedentibus non colligit, cur, & quomodo DEus sit, ne esse quidem putat. non potest comprehēdi Natura Dei.

8vum Fundamentum.

Non demonstratur, nec potest demonstrari Existētia Dei. 8vū. Quia Ergo Deus non existit. Hoc, inter alia, esse fundamentum Atheorum, testatur Joannes Baptista Morinus in Præfatione suæ Astrologiæ, asserens ideo fieri plerosq; Atheos, quod putent, Existētiā Dei non probari demonstrativè. Reverendus quoq; Pater Ignatius Franciscus Zapolski, meus olim in Philosophia doctissimus Professor, dein, post Theologicam Cathedram, & Regimen Collegii Torunensis, in Persiā, Apostolici Spiritūs, Missionarius, ubi etiam in laboribus decessit Anno 1703, hic inquam zelosissimus Pater, per literas quæsitus à me, quænam fundamenta sui Atheismi, Casimirus Lysczyński habuerit: in suis ad me responsoriis datis Szenvaldiā, Anno 1698. 19. Novembris, scribit sic: Supponendum, quod Atheus ille Dominus Lysczyński, omnia in Naturam derivabat. Fundamentum erroris illius Athei, erat Negativum, & Positivum. Negativum: Dicebat enim, & hoc fuscè probabat in suis Scriptis, quæ ego legi, & ex mandato Serenissimi Regis Joannis III, compendiavi Grodne: quod nulla sit, & esse possit Demonstratio DEI: conabaturq; solvere illas, quæ communiter solent adferri. Positivum fundamentum erat, quod esse DEI, quod à nobis asseritur, involvat implicantias in Mystērio Sanctissimæ Trinitatis, & in actibus DEI liberis. evidenter deducitur non potest, existere Deū.

9num Fundamentum.

Esse Dei, quod à Christianis asseritur, involvit implicantias. 9num. Quia Es- Dicitur enim DEus esse unus in Natura, trinus in Personis: quæ tantum sentia Dei

à Christi- men sunt omnino idem cum Natura. Dicitur, Actus Dei liberos, ver-
anis asser- *bi gratia: Volo creare Mundum. Nolo creare duos soles; realiter*
ta, involvit *Deo identificari; & tamen potuisse absolutè hos actus non esse: quod*
contradi- *est implicatorium; siquidem implicat, Deum non esse. Hoc etiam esse*
ctionem. *Atheorum fundamentum constat ex citata superius Epistola.*

IONUM Fundamentum Atheorum est.

10. demum *Posito, quòd Deus esset, sufficienter non posset responderi*
Fundamē- *ad multa quesita. verbi gratia, hæc: Si fuit Deus ab æterno, Cur Mun-*
tum Athe- *dum non creavit ab æterno? Cur non plures? Ubi fuit, antequam pro-*
orum est. *duceretur Mundus? Cur tot homines sine agnitione sui vera, esse per-*
Quia ad- *mittit? Cur tot damnantur? & alia innumera. Ergo Deus non est.*
missò Deò, *Unde Carthelius in Præfatione Opusculi, cui titulus: Meditationes de*
non posset *prima Philosophia, ait: Generaliter dicam, ea omnia, quæ vulgò jactan-*
satisfieri *tur ab Atheis ad Existentiâ Dei impugnandam, semper ex eo pendere, quòd*
multis *vel humani affectus, Deo affingantur; vel mentibus nostris tanta vis & sa-*
quesitis. *pientia arrogetur, ut quidnam Deus facere possit, ac debeat, determinare*
ac comprehendere conemur; adeo, ut modò tantum memores simus, men-
tes nostras considerandas esse ut finitas, Deum autem ut incomprehensibi-
lem & infinitum, nullam ista difficultatem sint nobis paritura.

CAPUT II.

1. & 2dum *Primum & 2dum Fundamentum Atheorum superius*
Fundamē- *positum, convellitur per Propositiones sequentes.*
tum Athe-

Prima Propositio.

titur. *Dantur multa, quæ non videntur. Imò nulla visibilia, nisi per*
Certum e- *invisibilia videntur ab homine.*
nim est *PRIMA pars Propositionis est evidens. Quia, ut rectè ait Lactantius*
multa da- *lib: 7. cap: 9. Instit: divi: . Quoniam DEUS ab homine videri non po-*
ri, quæ non *test, ne quis tamen putaret ex eo ipso DEUM non esse, quia mortalibus ocu-*
videntur *lis non videretur: inter cetera institutorum suorum miracula, fecit etiam*
oculis cor- *multa, quorum vis quidem apparet, substantia tamen non videtur: sicut*
poreis. *est vox, odor, ventus; ut harum rerum argumentò & exemplo, etiam De-*
um, licet sub oculos non veniret, de sua tamen vi & effectu & operibus cer-
neret

neremus. Sapienter proinde in Regno Cochinchinensi, Anno 1700, Antonius Ki, natione Cochinchinensis, cujus Genitor fuit Dux, & Christianus, persecutionem movente in Christianos Rege, captus, atq; gravi è cannis indicis vinculo onustus, rogatus, me præsente (scribit Pater Joannes Antonius Arnedo, Societatis Jesu, ibidem Missionarius) à militibus, cur DEum crederet, quem nunquam vidisset? *Hicce (respondit) oculus sanè non vidi, sed isto corde, jam à longo vidi tempore, vidi profectò, & gavisus sum.* Sapientissimè & Divus Augustinus de Symb: ad Cateh: cap: 3. dicit: *Non videtur DEus noster oculis carnis, sed videtur oculis cordis- Cor immundum & tenebris peccatorum obvolutum, quare DEum videre? Lux lucet in tenebris, & tenebra eam non comprehendunt. Nunquid quia cæcus non videt, ideo lux non lucet? si nossetis o infidelis, dicere DEO vero: Illumina oculos meos, videres nobiscum nunc per speculum in enigmate, ut posses videre facie ad faciem.*

Secunda etiam pars Propositionis pater, & Probatur verbis & Argumentò Magni Gregorij, libro 4to Dialogi, cap: 5to. [Ecce enim cuncta corporea oculus tui corporis aspiciit: nec tamen ipse corporeus, oculus aliquid corporeum videret, nisi hunc res incorporea ad videndum acuerit. Nam tolle mentem, quæ non videtur, & in cassum patet oculus, qui videbat: Subtrahe animam corpori, remanent proculdubio oculi in corpore aperti. Si igitur per se videbant: cur discedente anima nihil vident? Hinc ergo collige, quia ipsa quoq; visibilia, nonnisi per invisibilia videntur. Ponamus quoq; ante oculos mentis ædificari domus, immensas moles levare, pendere magnas in machinis columnas, quis (quæso te) hoc opus operatur, corpus visibile, quod illas moles manibus trahit: an invisibilis anima, quæ vivificat corpus? Tolle enim quod non videtur in corpore, & mox immobilia remanent cuncta, quæ moveri videbantur, sicut visibilia corpora metallorum. Quæ ex re pensandum est, quia in hoc quoq; Mundo visibili, nihil nisi per creaturam invisibilem disponi potest.] Hucusq; Sanctus Gregorius.

Imò, nihil visibile, nisi per invisibile videt homo.

2da Propositio.

Dantur multa, quæ nullo sensu externo immediatè, ut sunt in se, percipiuntur.

Probatur. Quis enim aliquo sensu externo immediatè unquam per-

Certum item, dari cepit

multa, quæ cepit visionem etiam suam propriam, aliosq; actus sensuum externorum
nullo ex- ac internorum? Quis spiritus vitales, aut animales in suo vel alieno cor-
terno sen- pore vivente? licet sint materiales, utpote ab exhalatione sanguinis be-
su imme- nignioris & æris inspiratu geniti, ad universas corporis functiones o-
diatè per- beundas necessarij. Quis actus memorativos, Intellectiones, volitio-
ciuntur. nes? Animas rationales, Angelicas substantias? Majora dico. Nullum
 Compositum substantiale etiam materiale, ullo sensu externo imme-
 diatè percipimus unquam. Unde Aristoteles 2. de Anima dicit: *Nulla*
substantia per se sensibilis est. Sub sensu enim externos immediatè non
 cadit materia prima, nec ulla forma substantialis vel unio, ex quibus
 constituitur compositum substantiale: ut certum apud Philosophos
 Classicos. Nonnisi accidentia sola, & quidem non omnia, tantummo-
 dò certa aliqua, sensibus externis immediatè percipiuntur; scilicet
 sensu visûs, percipitur solum immediatè Lux, Color, & probabiliter
 etiam Ubicatio, seu præsentia rei: Auditum, sonus & ejus præcipua spe-
 cies, vox: Odoratum, odor: Gustum, sapor: Tactum, qualitates primæ: ut
 Calor, frigus, humiditas, siccitas, & quædam etiam secundæ: ut Du-
 rities, mollities, impetus, gravitas, levitas.

3tia Propositio.

Rationes Non derogat hoc Divina Justitia, Providentia, & Bonitati, quòd
valide af- in hac vita, communia sint bona ac mala pluribus justis &
feruntur, impijs. Imò quòd plerumq; eveniant mala justis, bona impijs.
cur DEO PRÆter dicenda in Tractatu tertio Libri hujus imi, ubi ex hac ipsa
disponen- inæqualitate, eruitur efficax Argumentum pro Existentia Dei &
te, bona & immortalitate animæ. Nam hæc ipsa humanarum rerum sortiumque
mala tem- inæqualitas, planè demonstrat, esse aliam vitam, in qua, omnia ad æ-
poralia, qualitatem reducenda sunt ab aliquo Supremo Judice. Veritas
cõmunia Propositionis tertiæ probatur. Tum quia, ut rectissimè libro 1.
sunt bonis de Civit. Dei, cap: 8. Sanctus Augustinus ait: *Placuit Divina Providen-*
ac malis: tia, preparare in posterum (non in hac vita) bona, justis, quibus non
imò plerumq; fruuntur injusti: & mala, impijs, quibus non excruciantur boni: ista ve-
prospera rò temporalia bona, & mala, utrisq; esse voluit communia: ut nec bona cu-
 pidius appetantur, quæ mali quoq; habere cernuntur: nec mala turpiter e-
 vitentur, quibus & boni plerumq; afficiuntur. Tum quia, Electis suis (lo-
 quor

quor verbis Sancti Gregorii lib: 23. *Moralium* cap: 24.) *ad se pergen-* *eveniunt*
ribus, Dominus, hujus Mundi iter asperum facit, ne, dum quicq; vitæ præ- *impis, ad-*
sentis requie, quasi viâ amœnitate pascitur, magis eum diu pergere, quàm *versa Ju-*
ciùs pervenire delectet: ne, dum oblectatur in viâ, obliviscatur, quod de- *stis.*
siderabat in Patria. Tum quia tali ratione instruimur, quòd præfens
vita, non sit propriè locus & tempus remunerationis, sed certaminis
laborisq;: item ejusmodi malorum tolerantia augentur merita: mo-
mentaneum enim & leve tribulationis, æternum gloriæ pondus ope-
ratur: admissaque, sine quibus non vivitur, peccata levia eluuntur.
Tum quia sic Virtus probatur & exercetur, quæ enim Virtus esset,
festari ea, quæ etiam in hac vita semper, vel ferè semper afferunt de-
lectationem ac prosperitatem? nullumq; sic esset discerniculum inter
Virtutis & voluptatis; DEI, & proprii commodi, amatores. Item
manifestatur sic DEI Omnipotentia, amara, reddens suavia. Unde à
Patribus, tribulatio Justorum, appellatur Antiperistasis quædam spi-
ritualis, Virtutem augens & roborans: Cos, ferrum exacuens: Lima,
poliens, mundans æruginis: Malleus dilatans & extendens: Absynthi-
um, pueros ablaetans, avellensq; ab uberibus illecebrarum Mundi.
E contra, impiis, aliqua bona dantur hic à DEO, vel in præmium ali-
quod paucorum bonorum, quæ agunt, cum sint postea, æternum pu-
niendi: vel ut talibus beneficiis illos ad se alliciat: vel ut demonstret
quàm parvi DEus æstimet temporalia bona, conferendo ea hostibus
etiam suis. Lex præcipit, ut damnati ad mortem, antequam illam sub-
eant, refocillentur: & damnandis æternum, quòd aliquod refrigerium
detur per bona temporalia, vitionè vertemus DEO?. Imò dum con-
tinuè ac multum prosperatur impius, si sciret, exclamaret cum San-
cto Augustino: *Hic ure, hic seca, modò in æternum parcas.* Nam ut i-
dem Sanctus rectissimè Sermon: 37. de Verbis Domini, ait: *Magna mise-*
ricordie est, nequitie impunitatem non relinquere, & ne cogatur in extre-
mo gehenna dammare, modò, flagellò dignetur castigare. Item Sanctus
Bernardus Sermon: 42. in Cantica. *Tunc magis irascitur DEus, cum non*
irascitur: Miscreamur inquit (Isaia 26.) impio, & non discet facere Justi-
tiam. Misericordiam hanc ego nolo (addo felicitatem, opulentiam) su-
per omnem iram, misratio ista, sapiens mihi vias Justitiæ- Volo irascaris
mibi Pater misericordiarum, sed illà irâ, quâ corrigis devium, non quâ ex-
trudis de via: illud nobis, tua benigna animadversio parit; hoc formidolosa
nutrit

nutrit dissimulatio: cum enim sentio Te iratum, tunc maxime confido propitium. A Domino (inquit Sanctus Paulus 1. ad Corinth: 11.) corripimur, ut non cum hoc Mundo damnemur. Et ipse Dominus Apoc: cap. 3. Ego, quos amo, arguo, & castigo.

Gentilis Philosophus Seneca, libro de Providentia, cap. 4. quaerit. Quare DEus (inquit ille) optimum quemq;, aut mala valetudine, aut luctu afficit? Et respondet. Quare in castris quoq; periculosa, fortissimis imperantur? Dux leetissimos mittit, qui horis nocturnis hostes aggrediantur insidijs, aut explorent iter, aut praesidium, loco dejiciant. Nemo eorum, qui exeunt, dicit: male de me, Imperator meruit. Sed: Bene judicavit. Idem dicent, quicumq; jubentur pati timidus ignavisq; flebilis. Digni visi sumus DEO, in quibus experiretur, quantum Natura humana posset pati. Lege totum Librum Gentilis Senecæ de Providentia, & obmutescas Athee, qui ex eo, negas DEum, quod plerumq; boni, mala patiantur.

Pater Sebastianus Viera Societatis JESU, qui inter Japones fuerat tempore persecutionum, testatus est, se tunc supra quatuor millia Japonum, Confessiones excepisse, & in nullo peccatum invenisse mortale. Ut refert Nierembergius, 2do Theo-Politici cap: 11. Sic persecutio à peccando cohibet bonos.

CAPUT III.

3tium & 4tum Fundamentum Atheorum supra annotatum, subruitur à Propositionibus, quæ sequuntur.

4ta Propositio.

Subruitur. Non derogat Bonitati Divina, quod mala esse permittat in Mundo, quem gubernat.

Ex multiplici capite congruit Bonitati & Providentia Dei. **P**ROBATUR. Quia, sicut pictura (inquit Sanctus Augustinus libro 11. de Civit. cap. 23.) cum colore nigro, loco suo posita; ita universitas rerum, si quis possit intueri, etiam cum peccatoribus pulchra est, quamvis per se ipsos consideratos sua deformitas turpet. Imò maleficia ipsa, quæ permittit DEus, sunt medium efficax ad demonstrandam Existentiam DEI, sicq; homines perditissimos ab Atheismo revocandi, ut infra patebit in Tractatu 3tio sub Argumento 31. & in Tract. 2do cap. 6to. San-

*vine, ut
permittat
mala in
Mundo.*

Sanctus Thomas Opusc. 2do Compendii Theologiæ cap. 142. rationes solidas tres allegat, cur DEUS permittat mala in Mundo. imò quidem (inquit) quia Providentiæ non est, naturam gubernatorum perdere, sed salvare: requirit autem hoc perfectio Universi, ut sint quædam, in quibus malum non possit accidere: quædam verò, quæ defectum mali, pati possint secundum suam naturam: si igitur malum totaliter excluderetur à rebus, Providentiâ Divinâ non regerentur res secundum earum naturam, quod esset major defectus, quàm singulares defectus, qui tollerentur. 2do. Quia bonum unius, non potest accidere sinè malo alterius: sicut videmus, quòd generatio unius non est sinè corruptione alterius: & nutrimentum leonis, non est sinè occisione alterius animalis: & patientia Iusti, non est sinè persecutione iniusti: si igitur malum totaliter excluderetur à rebus, sequeretur, quòd multa etiam bona tollerentur. Non igitur pertinet ad Divinam Providentiam, ut malum totaliter excludatur à rebus, sed ut mala, quæ proveniunt, ad aliquod bonum ordinentur. 3to. Quia ex ipsis malis particularibus commendabiliora redduntur bona, si cum eis comparantur: sicut ex obscuritate nigri, magis declaratur claritas albi; & sic per hoc, quòd permittit mala esse in Mundo, Divina Bonitas magis declaratur in bonis, & Sapientia, in ordinatione malorum ad bonum. Hæc Doctor Angelicus. Qui etiam ad tertium fundamentum & Argumentum Atheistarum relatum suprâ capite 1mo, ex Sancto Augustino respondet 1. p. q. 2. a. 3. Ad infinitam Bonitatem DEI pertinere, ut esse permittat mala, & ex eis eliciat bona. Subtilis verò Scotus in lib. 1. Sent. Distinct. 2. q. 2. respondet. Quòd causa infinita activa, ex necessitate naturæ, non compatitur sibi aliquod contrarium. DEUS autem est liberè & voluntariè agens respectu omnium, quæ sunt extra ipsum, & ideo compatitur ad extra; licèt essentialiter excludat à se omne malum, & imperfectionem.

Sta Propositio.

*Magna est necessitas & utilitas montium, sylvarum, rupi-
um, paludum, maris.*

PROBATUR. Præterquam, quòd prædicta plurimum conducant, & ad Universi ornatum, & amœnitatem prospectûs. Montium est multiplex necessitas. Rabiem enim ventorum cœrcent, ne maria & flumi-

*Multifa-
ria est ne-
cessitas &
utilitas.*

Montium. na grandia, suis diluvionibus devastent terram, efficiunt. Terreni globi molem stringunt, uti circinis dolia stringuntur, ne dissolvi queat: & quod ossa, in parvo Mundo, id est Homine; hoc in magno mundo, structura montium facit. Sunt item necessarii ad fontium fluviorumq; propaginem: ad herbarum, arborum, plantarumq; varietatem, quarum multæ sine montibus, aliàs non provenirent, producendam: ad æstum solis temperandum, ærisq; salubritatem. Sunt metallicorum corporum & multorum mineralium, velut fornaces: magnorum Regnorum Provinciarumq; velut limites.

Sylvarum. Sylva, in usum hominum suppeditant ligna, quorum multifariam necessitatem, & utilitatem, quis nisi cæcus non videat. Rupium

Paludum. item multiplex necessitas utilitasq; in comperto est. Paludes, sunt ordinariè fluminum subsidia, unde nec longè ab ipsismet fontibus sitæ sunt plerumq; , ut, si fortè ipsi deficient, aquarum copiam, quæ in iis non secùs, ut adversùs famem, frumentum in horreis, quasi thesaurus coacervatur, ad tempus aliquod subministrent. Paludes insuper amplæ, piscibus refertæ esse solent, & amænissimæ. Maris pulchra species

Ex Sancto Ambrosio, desumpta Descriptio: quænam utilitas & necessitas maris. (loquor verbis Sancti Ambrosij lib. 3. Hexæmeron) vel cum surgentibus albescit cumulis, ac verticibus undarum, & cautes nivea rorant aspergine: vel cum æquore crispanti, clementioribus auris, & blandò serenæ tranquillitatis purpurascentem præfert colorem, qui eminùs spectantibus frequenter offunditur, quando non violentis fluctibus vicina tundit littora, sed velut pacificis ambit & salutat amplexibus; quàm dulcis sonus! quàm jucundus fragor! quàm grata & consona resultatio! Bonum mare, primum, quia terras necessario suffulcit humore, quibus per venas quasdam occultè succum quendam, haud inutilem subministrat. Bonum mare tanquam hospitium fluviorum: fons imbrium: derivatio alluvionum: invectionis commeatuum: quò sibi distantes populi copulantur: quò præliorum remouentur pericula: quò barbaricus furor clauditur: subsidium in necessitatibus: refugium in periculis: gratia in voluptatibus: salubritas valetudinis: separatorum conjunctio: itineris compendium: transfugium laborantium: subsidium vectigalium: sterilitatis alimentum. Ex hoc, pluvia in terras transfunditur: siquidem de mari, aqua, radiis solis hauritur, & quod subtile ejus est, rapitur: deinde quantò altius elevatur, tantò magis etiam nubium obumbratione frigescit, & imber fit, qui non solum terrenam temperat

sicci-

siccitatem, sed etiam jejuna arva fecundat. Hucusq; S. Ambrosius.

Salsum Mare, ut à putredine præservaretur: ut nimia humiditas piscium marinorum grandium temperaretur: fecundiorq; ad productionem & vitam piscium, densiorq; redderetur aqua & gravior, sicq; magis apta, ingentibus navium oneribus ferendis. Provenit probabiliter hæc salsedo ex eo, quòd in rerum exordio simul mari permiscuit DEUS salem: vel quia in maris fundo producti salini montes.

*Mare cur
salsum?*

*Unde pro-
venit hæc
salsedo?*

6ta Propositio.

Venenatorum noxiorumq; animantium multiplex est utilitas. Animantium ve-

PROBATUR enumeratione utilitatum. Prima utilitas, quia (ut ait Sanctus Augustinus libro primo contra Manichæos cap. 16.) *illis vel punimur, vel exercemur, vel terremur, ut non vitam istam multis periculis & laboribus subditam, sed aliam meliorem, ubi securitas summa est, diligamus & desideremus, & eam nobis, pietatis meritis comparemus.* 2da quia (ut dicit Sanctus Basilius Homilia 9. Hexæm.) *Fidei sanè sunt demonstrationes tales fera & eximie Sanctitatis: plerimis enim Sanctis, Viperæ, Serpentes, Tigrides, nihil nocuerunt.* 3tia. Quia elucescit ex illis magis aliorum bonitas. Opposita enim penes se posita, magis elucescunt. 4ta. Quia Universi hujus integritas tali ratione completur omnibus rerum generibus. 5ta. Quia terra ipsa sic purgatur à venenosis qualitatibus: venenosorum enim animalium terrestrium proprium est (ut cum aliis docet Pater Kircher in sua China illustrata, folio 204.) omne, quod in terrestribus globis virulentum est, in se, velut in bursas quasdam vivas attrahere. Unde ubicunq; terrenum fuerit ex se & natura sua, à venenosis qualitatibus alienum, serpentes sine veneno sunt, sicut in Samo & Lemno Insulis, ac in Provinciis Chekiang & Caraiam: ejusmodiq; serpentum carnes venduntur in cibum, nam libenter illis vescuntur illi homines; sicut etiam in Provincia Xensi, Regni Sinensis, carnes vespertilionum, ferculis gallinarum longè præferuntur. Certum item, quòd araneæ, noxios quosq; halitus, qui alioqui nobis officerent, ad se, summa cum sui incolumitate, trahunt. 6ta utilitas. Quia ad medicinas variosq; alios usus proficua sunt. Neq; ferè quidquam ars medica, nisi illorum ope, hominum saluti conferre possit. Ex viperis fit theriaca, ex serpentum cobra de Capelos, aliorumq; simili nomine, lapides intra se generantium por-

*tium ve-
nenatorum
utilitas
multiplex
recense-
tar.*

*Lapides
de Cobra
unde?*

*Galenier-
ror corri-
gitur, de
causa pro-
ductiva
venenato-
rum, & a-
liorū quo-
rundā ani-
mantium.*

*Atheorum
Fundamē-
tum stum
& 6tū con-
vellit.*

*Nam con-
vincitur
Critiasimo
pietatis &
inſpicien-
tie, dicen-
do: Deum
eſſe intro-
ductū ad
cōducendos
homines à
peccando.*

tionibus, conficiuntur lapides de Cobra, qui ad venena extrahenda, sunt præsentissima remedia: & fel quorundam serpentum, morbidis oculis, canisq; morſibus, ac aliis morbis sanandis, perutile. Imme- ritò proinde Galenus, libro de fatuum formatione, cap. 6. scripsit. *Nunquam adduci potui, ut crederem, Scorpiones, phalangia, muscas, cu- lices, vyperas, vermes lumbricos, pyeilas ab eadem (id est ab Anima Mundi vel Deo) ſingi ac formari; propè ad impietatem accedere hanc opinionem- ratus.* Non est mi Galene, Opinio, sed omnino ſcientifica Veritas, producta eſſe à DEO ut Prima Causa, etiam ejuſmodi animantia: ſi- quidem in fabrica eorum, quò ad organa ſenſuum, viſcera, diſpoſitio- nem membrorum &c: ſumma elucet Sapientia & Potentia, quin & Bo- nitas. Vide dicta infra in Tractatu 2do, capite 10mo: & in Tra- ctatu tertio ſub Argumento 16to.

C A P U T IV.

ſtum & 6tum Fundamentum convellit Propoſitio- nibus, quæ ſuccedunt.

7tima Propoſitio.

Graviter erroneum eſt dicere cum impio Critia, quòd aliquis vir prudens conſinxerit eſſe Deum ad cōducendos homines à peccando.

PROBATUR. Quia illud dictum Critiæ, merum inſanæ mentis deliri- um eſt, & meris ſictitiis conjecturis, nulli fundamento innixum. Ediſſere enim Critia, quisnam ille vir prudens fuerit? quo ſeculo vixerit? quibusnam populis id primum perſuaſerit? Ad hæc & ſimi- lia quaſita, impius Critia nihil aliud reſpondet, niſi *Ita mihi videtur.* Aſt, innumeris & Sapientiſſimis ac Sanctiſſimis, tuum illud Critia, videtur, meritò videtur impiſſimum: recta enim ratio docet, ſolida evidentiæ Argumenta evincunt (quorum multa & in hoc Volumine continentur) dari aliquod Supremum Numen, à quo cuncta produ- cta ſunt, reguntur, ac conſervantur. *Mundus ipſe ordinatiſſima ſua mu- tabilitate, & mobilitate, & viſibilitum omnium pulcherrima ſpecie, quodam- modo tacitus & factum ſe eſſe, & nonniſi à DEO ineffabiliter atq; inviſibi- liter magno, & ineffabiliter atq; inviſibiliter pulchroſeri ſe potuiſſe, pro- clamat.* Ut Divus Auguſtinus libro 11. de Civit: capite 4. pluribuſq; aliis

aliis in locis, testatur: eiq; assentiuntur universi, quibus ingens malitia oculos non velavit, ac nefanda non obstruxerunt aures, scelera.

Accedit. Tum quia si ipso tuo iudicio, Critia impie, ille vir prudens fuit, qui introduxit Deum. Ergo tu verè insipiens es, qui Deum pernegas, & secretum hoc manifestas, quod omnino oculcandum erat, ut evitarentur clancularia præsertim scelera. Tum quia eo ipso, quod persuasio de Existentia DEI, adeo necessaria est ad evitanda scelera, sequitur, eam esse veram. Non enim prudenter præsumitur, Genus universum humanum non posse benè regi, nisi prius erret gravissimè, in illoq; gravissimo errore perseveret.

Non primum, Timor, dum fulmina de calo caderent, Opinione de Deo (ut dixit Statius) impressit hominibus: verum præter alia, ipsa Corpora cælestia, dum conspiciuntur ingerunt Mortalibus fulminum, ratione utentibus, notitiam DEI. *Celi enim enarrant gloriam DEI. id fecit Deus* est, ut explicat Sanctus Chrysostomus versum illum Psalmi 18, alios etiam instruunt, & pro discipulis habent universum Genus humanum, & in medio propositâ scholâ librorum ac literarum locò, naturæ suæ pulchritudinem, idiotis, sapientibus, & omnibus contemplandam præbent: & tanquam in libro, insidentem ipsis, de DEI sapientia ac virtute doctrinam. Cum enim apud se quis perpenderit, quanta sit diei utilitas, quanta noctis, & quo pacto, hæc, illi succedit, & varietatis vicibus, velut in choro quopiam, alternatim sibi succedentes, nostrum Genus conservant; quamvis omnium quis stupidissimus sit, excitatâ sua ratione, Summi Opificis DEI Sapientiam nosse poterit, quam per diem ac noctem ostendit, dum illam nobis ad operationem: hanc ad laborum relaxationem attribuit. Confirmat id ipsum sequens Historia, quam Balthasar Fernandez in libro, cui titulus: *Expeditiones Lusitanorum in novum Orbem*, refert. Circa Annum (inquit) Salutis 1597, Navis Lusitana, vi tempestatis ad unam è desertis Insulis, quæ ultra Caput Bonæ spei versus Australem plagam, Oceano interjacet, applicuit, ibique juvenem viginti circiter Annotum, ab infantia inter feras illius loci educatum, reperit, omnis loquelæ, & consuetudinis humanæ prorsus expertem. Hic, ubi aliquot mensium studiò, artem loquendi didicit, mentis suæ ratiocinia, quæ à primo rationis usu, de mira rerum creaturarum dispositione, ac qualitatibus apud se formabat, aperire cepit. Nimirum, quoties Ma-

Non timor
fulminum,
id fecit Deus
Historia
notabilis,
de Juvene
educato
inter fe-
ras, unde-
nam ille
cognovit
esse Deum?

ximum cæli Lumen (solem ita vocabat) statis temporibus emergere de sub Océano adverteret, toties sibi unius Supremi rerum mundialium Gubernatoris imaginem sisti ob oculos, existimabat. Quoties, serenis noctibus innumeram siderum congeriem effulgere cerneret, toties micantes supremæ cujuscumque Majestatis scintillas, radiare putabat: Æstus maris quoties jam assurgere, jam subsidere, Supremi alicujus Numinis potentiam, cujus nutu & arbitrio, cuncta hæc fierent; intueri se dicebat. &c. Abductus inde à Lusitanis, cum post brevem paucorum annorum moram, inter homines exactam, sive depravatos eorum mores non ferens, sive desiderio prioris vitæ, cui ab incunte ætate assueverat, in suam profugit insulam: asserens longè clariùs sibi notitiam veri Dei, ipsam aspectabilem rerum mundialium varietatem prædicare, quàm omnes illos, quos unquam audierat Doctores, Verbiq; Divini Præcones.

8va Propositio.

Natura ut contrà distincta à Deo, seu ab Ente summè intellectivo & Omnipotente, non est causa productiva Solis, Astrorum, & Elementorum.

*Natura
nomen sum-
mitur mul-
tipliciter.*

ANtequam illud probem. Noto. Nomen Naturæ, diversimodè sumi. Imò enim Natura sumitur pro Deo, Auctore omnium, qui Natura Naturans, & Natura Creatrix dicitur, qui alias Naturas efficit & creat, quæ aliæ naturæ creatæ vocari solent: Naturæ naturatæ. Hinc Deus definitur à Chrysippo sic: *DEUS est Vis divina rationalis Natura, & Fatum rerum.* A Democrito autem; *DEUS est Natura, & Intelligentia, qua imagines fundat.* ut refert Minutius in Octavio. 2dò. Nomen Naturæ sumitur pro Quidditate & Essentia rei definitæ: sic definitio dicitur: Oratio explicans Naturam rei. 3tò. pro collectione rerum creatarum, ita dicitur: Aliquid esse vel non esse in rerum Natura: id est, Intra collectionem omnium rerum creatarum. 4tò. pro causis creatis, præsertim necessariis, prout juxta naturalem propensionem operantibus, sic dicitur: Quòd Natura horreat vacuum: & quòd nihil frustra operetur: item, quòd Natura semper faciat optimum, quod potest. 5tò. quandoq; sumitur pro appetitu innato & exigentia connaturali: in hocq; sensu dicit Aristoteles; *Perfectum est, quod est dispositum, secundum Naturam.* 6to. pro temperamento & complexione viventis, præfer-

sertim rationalis; ex quatuor humoribus resultante: estq; multiplex, juxta multiplex prædominium unius vel duarum qualitatum, supra alias in eodem misto; quo sensu dicitur: iste habet naturam Cholicam; hic, sanguineam; ille, phlegmaticam; hic, melancholicam. 7^{mo} sumitur Natura pro capacitate & idoneitate intrinseca: juxta illud S. Augustini cap: 5. de Prædestinatione. *Posse habere fidem, Natura est hominum; habere fidem, gratia est fidelium.* 8^{vo}. Natura designat Principium Actus, ut ait Sanctus Thomas 1. p. q. 39. art. 2. ad 3. Vel Radicem proprietatis: vel Omne id, quod est causa alterius. Natura enim, dicta est, quasi aliquid nasci faciens: ut dicit Suarez Disp: 15. Metaph: q. 11. 9^{no} pro viventium Generatione & Nutritione. Ultimò tandem strictè Aristotelicè, Natura definitur ab Aristotele 2. Physic: t. 3. *Principium & causa motus & quietis, in quo est primum & per se, & non secundum accidens.* In quo sensu, Materia, & quælibet Forma substantialis, est Natura. Hoc præmissò,

Probatur jam Octava Propositio. Quia certum est & evidens, tum ex dictis in hoc Capite sub Propositione 7^{ma}: & ex Probatione immediatæ Propositionis 9^{na}: tum ex dicendis passim in Tractatu 2^{do} & 3^{tio} tam Libri hujus primi, quàm Libri secundi, quòd Natura sumpta pro temperamento vel generatione & nutritione viventium: vel pro rebus creatis, vel causis iis, quæ sub aspectum nostrum cadunt: ut sunt Elementa, Plantæ, Animalia: vel Natura, sumpta pro quacunque materiali bruta & coeca forma, aut materia, non sint causa productiva solis astrorum & cæli. Certum item, à nullo hominum ea esse producta. Si enim nullus mortalium vi sua naturali, cursum astrorum sistere potest, ut per se patet. Quis, nisi planè demens, asserat, ab homine illa esse causata? Ergo restat, ut dum dicitur: A Natura esse producta Corpora coelestia: per vocem, Natura, intelligi debet, Natura Naturans: seu, DEUS, qui est summa Natura.

*Natura ut
contrà di-
stincta à
Deo, non
produxit
Solem, A-
stra, &c.*

9^{na} Propositio.

Non possunt omnia refundi in Naturam ut contrà distinctam à Deo.

Propositionis Veritas constat tum ex dictis; Tum quia ut sapienter Niceta apud Sanctum Clementem lib: 8^{vo} Recognitionum, ait: *DEUS ergo est, qui fecit omnia, & ipse à nemine factus est: qui autem Na-*

turam, pro Deo nominant, & per Naturam, facta esse cuncta testantur, latet eos appellationis suae error. Si enim Naturam irrationabilem putant, stultissimum est, rationabilem facturam, ab irrationabili Factore progredi. Si verò, Ratio est, per quam constat facta esse Univerſa, superflue nomen immutant, ubi de Conditoris ratione profitentur.

Illustrat Veritatem eleganter apud Lactantiū lib: 2. Instit: cap: 9. Seneca, hic enim Omnium Stoicorum acutissimus, vidit nihil aliud esse Naturam, quam Deum. Ergo Deum (inquit) non laudabimus, cui Naturalis est Virtus? nec enim illam didicit ex ullo: imò laudabimus: quamvis enim Naturalis illa sit, sibi illam dedit, quoniam Deus ipsa Natura est. Cum igitur ortum rerum, tribuis Naturæ, ac detrahis Deo: in eodem luto hæsitans, versuram solvū; à quo enim fieri negas, ab eodem planè fieri, mutato nomine confiteris. Idem Seneca lib: 4. de beneficiis cap: 7. & 8, scripsit hæc: [Cum dicis; Natura hæc mihi præstat. Non intelligis, te mutare nomen Deo. Quid enim aliud est Natura, quam Deus, & Divina Ratio. toti Mundo & partibus ejus inserta? Quoties voles, tibi licet aliter hunc Auctorem rerum nostrarum compellare, & Jovem illum Optimum ac Maximum, ritè dices, & Tonantem, & Statorem, qui non (ut Historici tradiderunt) ex eo, quòd post votum susceptum, acies Romanorum fugientium, stitit, sed quòd stant beneficiò ejus, Omnia, Stator, Stabilitorq; est. Hunc eundemq;, & Fatum, si dixeris, non mentieris. Nam cum Fatum, nihil aliud sit, quam series implexa causarum. Ille est Prima omnium Causa, ex qua ceteræ pendent. Quæcunq; voles, illi nomina propriè aptabis vim aliquam, effectumq; cælestem continentia. Tot appellationes Ejus possunt esse, quot munera. Hunc, & Liberum Patrem, & Herculem, & Mercurium nostri putant. Liberum Patrem, quia Omnium Parens sit, quòd ab eo primùm inventa seminis vis est, consultura per voluptatem; Herculem, quia vis ejus invicta sit, cumq; lassata fuerit operibus editis in ignem recessura. Mercurium, quia ratio penes illum est, numerusq; & Ordo, & Scientia. Quocunq; te flexeris, ibi illum videbis occurrentem tibi. Nihil ab illo vacat. Opus suum ipse implet. Ergo nihil agis ingratiſſime Mortalium, qui te negas Deo debere, sed Naturæ: quia nec Natura sine Deo est, nec Deus sine Natura: sed idem est utrumq;, nec distat. Officium si quod à Seneca accepissēs, Annxo te diceret debere, vel Lucio: non creditorem mutares, sed nomen.

Quo-

Quoniam five pronomen ejus, five nomen dixiffes, ille tamen idem effet: sic hunc, Naturam voca, Fatum, Fortunam: Omnia ejusdem Dei nomina sunt, variè utentis sua potestate.] Hucusq; Seneca.

CAPUT V.

7mum Fundamentum Atheorum subvertit Propositio Ioma & IIma.

Ioma Propositio.

Homines in hac vita mortali, non perfectè norunt, nec comprehendunt Naturas rerum creatarum.

PROBATUR. Quia per duo & amplius millia Annorum, magna Philosophica defudarunt ingenia, & celebriores Academix, in comprehendendo, ex qualibusham partibus componatur Continuum, tam permanens, puta: granum papaveris, palea, ala muscæ; quàm successivum, puta: tempus, hora, quadrans, motus; an ex indivisibilibus? ut sensit Zeno, non ille Stoicorum Princeps, sed potius Eleathes, acutissimus Philosophus, cum pluribus suis sequacibus. An ex divisibilibus in infinitum? ut docuit Aristoteles cum innumeris; quibus subscripsit & Sanctus Augustinus lib: 11. de Trinit: cap: 10. inquires: *Ratio docet, minutissima etiam corpuscula, infinitè dividi.* Item, an ex actu nemine cogitante distinctis partibus componatur continuum? an solum potentia? Et adhuc de his, præsertim de priore quæstione, nulla habetur evidens certitudo. Nec ullus sese Philosophorum teste Ariagâ, Hurtadô & aliis, non fatetur tantæ difficultatis pondere oppressum. Nec ullus, teste Pontio, famoso Scotista, pro & contra, Argumentis afferri solitis, potest satisfacere. Item, licet certò falsa sit, & meritò ex scholis nostris proscripta Opinio Atomistarum, duce Renato de Chartes, seu vulgò Carthesio, & alia Opinio Chymicorum quorundam, de principiis intrinsecis rerum: ut demonstratur à Peripateticis, P. Mauro, Semeri, & aliis; tamen incertum est, & invidens, apud ipsos Peripateticos; an Materia prima habeat existentiam propriam? An sit productiva quantitatis? An possit existere sine omni forma substantiali, possitq; simul plures recipere? An sit ejusdem speciei Materia sublunaris, cum Materia Astrorum; Cælorum?

An

7mū Fundamētum
Atheorum
concidit.
Siquidem
non comprehendū
tur ab hominibus
plurima
naturarum
creatarum.

Ult, natura
Continui,
tam per-
manentis,
quàm suc-
cessivi, &
aliorum
plurimorū
Entium.

An non dentur formæ substantiales, partiales? An Relatio, Unio, Actio, Duratio, Ubicatio, sint distincta à fundamento & termino, extremis unibilibus, causa & effectû, re ubicata, durante; & probabiliter pro, & in contra, in scholis disputatur de his, & aliis quasi-
 titis: ut evidens est ipsis Philosophis, & legenti vel audienti intelligibiliter Philosophos: ipsâq; tali dissensione doctâ, infundatâ gravibus pro & in contra argumentis, monstratur, non haberi de his perfectam scientiam. Cum ergo quælibet res materialis (excepto puncto Mathematico, si datur) sit continuum aliquod; & quodlibet compositum materiale substantiale, constet materiâ formâ, & unione, nihilq; planè creatum sit, quod non dicat relationem, imò non dicat & habeat innumeras ferè relationes, connexiones, & quod non respiciat actionem sui productivam, ubicationem, durationem: vel quod non sit ipsa relatio, actio, ubicatio, duratio: habetur ex his clarè, quòd nullius rei creatæ, habeamus notitiam perfectam, & strictè comprehensivam. Ignis natura, maxime quò ad sui admirandam activitatem & multiplicabilitatem, ita obscura est, quamvis luceat, ut nihil ferè magis ignotum inveniam; dicit eruditissimus Pater Cabæus libro 4to Meteor: Pyrii pulveris granulum, (ut experientiâ probatum) accensam, in orbem, flammam ex se spargit, quæ centies vices quinquies millies, & quingenties major est ipso fomite: & sic flamma producta ex granulo pulveris, suam sementem plùs, quàm centies millies, excedit magnitudine: ut testatur Villebrordus apud Merse-
 num Quæst. 7. Art. 9. de Comis cometarum. Unde id proveriat, quis novit? Motus cordis, quò alternatim intumescit, & detumescit: unde oriatur, adhuc non omninò certum. Alij, motum cordis fieri docent à cerebro, influente animales spiritus per nervos. Alij à sanguine infusente in cor copiosè: alij à pulmone respirante: alij ab ipsa Anima, per spiritus, vel per qualitatem, tanquam per instrumentum causari hunc motum asserunt. Cartesiani, spiritum aliquem vivificum, à semine partibus insitam, totius motûs, Auctorem prædicant. &c.

Quod ipsū
 comprobat
 Salomon.
 Divus
 Thomas.

Comprobat Veritatem Propositionis nostræ, Sapientissimus Rex Salomon, Ecclesiastæ II. *Quomodo ignoras, quæ sit via spiritûs* (id est via Animæ, ingredientis in parvulum) & *qua ratione compingantur ossa in ventre pregnantis: sic nescis opera DEI, qui Fabricator est omnium.* Et Sanctus Thomas Opusc. 6. in Expos. Symboli, scripsit: Co-

gnitio nostra est adeò debilis, quòd nullus Philosophus potuit unquam perfectè investigare naturam unius muscæ. Unde legitur, quòd unus Philosophus fuit triginta annis in solitudine, ut cognosceret naturam apii. Eximius Theologus Pater Lessius, libro 4to de summo Bono, cap: 2do, habet hæc: Nullus est Sapientum hujus Mundi, qui vel centesimam partem secretorum, quæ latent in una formica, vel musca (ut mihi facilè esset ostendere) possit investigare. Quod si in rebus infinis ita cæcutimus, quantò magis in summis & Divinis, nostram cæcitatem & ignorantiam fateri debemus. Hæc Lessius. Addo. Nec Angelus, etiam Supremus, ex defacto existentibus, scit perfectè, comprehensive, aliquod Opus DEI. Aliàs enim clarè & distinctè cognosceret naturaliter infinities infinitas rerum species, & in qualibet specie. infinita infinities individua: siquidem ad hæc potentiam habet obedientialem quodlibet Opus DEI, vel ea efficiendi partialiter, vel saltem terminandi.

Hujus ejusdemq; Propositionis iomæ Veritas, fusiùs adhuc probatur in libro meo, cui titulus: *Gndus ad Atheismum.*

IIma Propositio.

Stultum est, alicui Enti possibilitatem, vel existentiam, ex eo negare, quòd ratione & discursu percipere non possis, quomodo se habeat, qualisvè ipsius natura & proprietates, modusq; agendi & similia.

Hujus Propositionis Veritas evidenter patet ex probata Propositione ioma. Aliàs enim pluribus rebus, imò omnibus, quæ defacto existunt, deberet negari existentia. Quin & ipse Atheus deberet negare se existere: siquidem nec se, nec aliorum Naturam comprehendit: ut constat ex dictis. Hinc meritò explosus est à Sapientioribus, Zeno, contendens nil moveri, sed omnia conquiescere, contra communem hominū sensum: ideo tantum, ut ait Sanctus Thomas 8. Phisic. Lect: 5, quia nesciebat solvere rationes Sophisticas contra clarā sensuum ipsorum experientiam, quibus rationibus probatur, nil moveri. Multoq; Propositio hæc evidentior est in nostro intento; cum Deus sit infinitus in omni genere, & infinities excedens omnem creaturam, & scientiam: Unde dicitur Job 36. *Ecce DEus magnus, vincens scientiam*

pater Lessius.

Quin, nec Angelus ullus, perfectè comprehendit naturam alicujus Entis creati.

Proinde insipientis est, negare Existentiā vel possibilitatem alicui Enti, quòd illud comprehendere nequeas.

Quod ipsū multis, probatur, & illustratur

nostram. & cap: II, *Forſitan veſtigia DEI comprehendēs, & usq; ad perfectum, Omnipotentem reperies?* Jeremiæ item 32. *DEus incomprehenſibilis cogitatu.* incomprehenſibilis item locò, tempore, amore. Reſtiſſime Divus Auguſtinus de Trinit. lib: 5. cap: 1. dicit: *Quo intellectu DEum capiat homo, qui ipſum intell. dum ſuum, quò cum vult capere, nondum capit.* Et S. Bernardus: *Ex me ipſo (imò ex quacunq; re creata) cognoſco, quòd DEus incomprehenſibilis eſt: quia me ipſum (imò qualem cunq; creaturam) non comprehendo.* Et certè ſi DEum comprehendere mens humana poſſet, eo ipſo, non eſſet DEus; foret enim terminis circumſcriptus, ſiquidem limitaretur ad imperfectum, limitatumq; modum noſtrum concipiendi; ac ſic non eſſet infinitus in omni genere perfectionis, & ob hoc ipſum non eſſet DEus. Conveniunt jure merito Atheis illa Angeli verba, dicta ad Auctorem libri 4. Eſdræ, cap: 4. *Tu, quæ tuæ ſunt tecum coadoleſcentia, non potes cognoſcere: & quomodo poterit Vas tuum (id eſt, intellectus tuus) capere Altiffimi viam?* & ex eo, quod non poſſis capere, negare Exiſtentiam DEO. Sicut inſipientis eſt, negare, dari Oceanum, ex eo, quòd non poſſis eum exhaurire: ſic multò magis inſipientiffimi eſt, negare Exiſtentiam DEI, eò quòd habens intellectum finitum, limitatum, non poſſis comprehendere Illius Naturam incomprehenſibilem, illimitatam, abyſſalem, & in omni genere perfectionis, inſuitam: nec inveſtigare poſſis fines, propter quos, hæc vel illa facta ſint, vel fiant à DEO: Benè monuit Angelus, quondam Auguſtinum.

Mente haurire DEum fruſtra Auguſtine laboras.

Nam cochleari infans hauriet antè, mare.

Sapienter Caſſiodorus de Anima cap: 12. ait: *Quid de ſingulari DEI potentia conjiciamus? quando nec illud comprehendere modò ſufficiamus, quod ei parere poſſe, minimè dubitamus.* Cæleſtia & Divina, quò magis ſunt à nobis, ſenſibusq; noſtris remota, eò ſunt ſcitu difficiliora. Unde Ariſtoteles, Intellectum noſtrum ad Subſtantias immateriales, id eſt, ad DEum, & Intelligentias (quæ, maniſeſtiſſima omnium, vocat) relatum, comparat veſpertilionum oculis, qui clarum diei lumen, non niſi niſtando poſſunt videre. *Quemadmodum (inquit ille 2. Metaph. cap: 1. t. 1. veſpertilionum oculi ad lumen diei ſe habent: ita & intellectus Animæ noſtræ ad ea, quæ maniſeſtiſſima omnium ſunt.* Porro, ideò DEUS, & Intelligentiæ, vocantur, maniſeſtiſſima, quia cum habeant maximam

ximam Entitatem atq; Actualitatem, habent etiam ex se maximam cognoscibilitatem.

CAPUT VI.

Svum Fundamentum Atheorum nullatenus subsistere, evincit Propositio 12ma & 13tia.

12ma Propositio.

Existentia DEI, non solum absolute in hoc statu, intellectui recte disposito evidenter demonstrari potest (quæ enim in hoc vera contradictio?) sed etiam defacto demonstratur.

NOmne Intellectus recte dispositi, intelligo hominem rationis usum habentem, non semistultum aut indisciplinatè procacem, aut luxuriæ cæno totaliter immersum, aut rerum temporalium curâ nimium distractum, ut non possit, aut nolit solidè advertere ad ea, quæ illi proponuntur. Ex eo enim, quod homo destitutus intellectu recte disposito, non percipiat vim Demonstrationum, non sequitur, eas non esse in se veras Demonstrationes: sicut non sequitur, solem non esse luminosum, ex eo, quod cæcus neget eum esse talem, quia nunquam videt ejus lucem. Proculdubio etiam plurimæ sunt Demonstrationes, quas homines obtusioris ingenii non percipiunt.

Sic explicatam Propositionem, esse Veritati consonam, Constat. Tum ex Argumentis infra contentis in Libri hujus Tractatu tertio. Tum ex Reasonibus adductis in secundi Libri Tractatu 2do & 3tio, desumptis ex Patribus, & antiquis Philosophis. Unde & Angelicus Doctor quæstione 10ma, de Veritate, Article 12. dicit: *DEum esse, rationibus irrefragabilibus etiam à Philosophis probatum est.* Sanctus Nazianzenus Orat: 2. Theol: Nimis (inquit) absurdus & præposterus est, qui non cedit Argumentis naturalibus, & inficiatur, DEum esse. Item Divus Aurelius libro 2. Confess. cap: 10 ait: *Facilius dubitare, utrum ipsemet vivam, quam, utrum vivat Veritas illa Æterna, cujus sempiterna Virtus & Divinitas, in suis operibus dignoscitur.* Adeoq; tantus Doctor, certius autumat, existere Numen, seu Virtutem creatricem Universi, ac Moderatoricem, quam res ipsas productas existere. Et in Psalmum 73. dicit: *Stulte, ex Operibus Corporis, quia loqueris, quia ambulas, quia operaris,*

svum Fundamētum Atheorum non subsistit.

Existentia enim DEI demonstrari potest, & demonstratur intellectui recte disposito.

agnoscis viventem ; & ex Operibus Creatura, non potes agnoscere Creatorem ?

*Obiectio
in contra
solvitur.*

Obijciat quispiam. Si Existentia DEI, evidenter demonstratur. Cur ergo non pauci reperti sunt, & reperiuntur Athei ? Respondetur imò indirectè. Quærendo etiam ex Obijciente. Cur Protagoras Philosophus, qui primus esse DEum, in dubium vocavit, cur inquam, negavit illud primum Principium evidens. Impossibile est idem esse & non esse ? hoc & negavit Heraclitus. Cur Epicurus, teste Lactantio, libro de Ira DEI, cap: 6. dixit: Neq; oculos ad videndum esse natos: neq; aures ad audiendum: neq; pedes ad ambulandum ? & Zeno, cur negavit dari motum ? Cur Judæi, in deserto, vitulum adorârunt, inclamando: Hi sunt Dii tui, qui eduxerunt te de terra Ægypti: cùm evidenter id falsum fuerit ? Cur Filius nequam pernegat quandoque suosmet Parentes &c. Respondetur 2dò directè. Factum id est & fieri in plerisq; , quia præjudiciò depravatæ voluntatis clauderant, & claudunt oculos lumini rationis ; nec volunt considerare vim præmissarum & illationis : voluntariè mentem amoventes à Demonstrationibus, quò liberiùs vacare possint sceleribus: sicut peccatores quandoq; etiam fideles amovent mentem à motivis trahentibus ad DEum, & retrahentibus à peccando graviter. Unde Atheismus non sapientibus, sed corruptissimâ morum stultitiâ obcæcatis, in quibus est grandis depravatio naturæ, contingit ; ut notat Sanctus Hilarius in Psalmum 52. Sanctus Augustinus Tractatu 106. in Joannem, Scio equidem, Nominales fuisse quosdam, qui negârunt demonstratam esse Existentiâ DEI. Verùm respondeo, illos quò ad hoc vel esse evidenter deceptos: ut dicit Pater Cardenas Tractatu primo de Probabilitate: Vel solum negârunt, id demonstratum esse demonstratione evidenti metaphysicè ; licet non negârunt, demonstratum evidentiâ morali: vel quia erroneè credebant, omnes demonstrationes de Existentiâ DEI, infundari illi Principio: Impossibile est infinitum in creatis. Accedit. Tum quia nulla fatuitas est sine Patrono ; Tum quia nulla ratio est ita evidens ac solida (ut cum pluribus rectè annotavit Pater Comptonus) cujus vim imminuere aliquomodo ullus omnino non audeat, & argutiis quibusdam offundere ei tenebras non possit. Quare meritò incusantur illi, qui communissimo consensu Doctorem approbatas rationes

nes pro stabilienda DEI Existentia, suis nimis subtilitatibus, verum minime solidis, labefactare intendunt.

13tia Propositio.

Datò non concessò hoc Antecedente: *Existentia DEI non demonstratur, nec demonstrari potest.* Tamen ex illo Antecedente, non rectè infertur: *Ergo DEus non existit.*

Sed admisso etiam,

quòd Existentia Dei

non demonstratur, tamen inde non sequitur: Deum non existere.

PROBATUR. Tum quia aliàs pari ratione ex hoc Antecedente. Non demonstratur, nec demonstrari potest, seu evidenter probari, aliquem Atheum, esse legitime natum: ad summum enim id tantum probabiliter deduci potest: inferretur rectè. Ergo omnes Athei non sunt legitime nati, seu omnes sunt spurii. Et certè non demonstratur, nec demonstrari potest, quin nec probabiliter ostendi ab Atheis: Mundum fuisse ab æterno: eumq; factum esse ex concursu fortuito atomorum: Animas humanas post mortem evanescere: Fatum dari: item dari Negationem Existentiæ DEI: & tamen Athei asserunt, verius blaterant: Mundum fuisse ab æterno: factum casuali concursu atomorum: Animas interire: Fatum dari, & non Existentiæ DEI. Tum quia aliàs innumeris rebus deberet negari existentia: verbi gratia; deberet negari existitisse Alexandrum Magnum, fuisse Ciceronem &c: utpote de quorum existentia, habetur notitia, infundata solum rationibus probabilibus, vel fidei humanæ. Tum quia, etsi non defuerint quidam etiam Theologi, non contemnendæ omnino Auctoritatis, qui negarunt, evidenter demonstrari Existentiæ DEI; tamen omnes illi firmissimè crediderunt, DEum existere. Omnes item Orthodoxi, divina fide, & prudentissimè credunt, existere Mysterium SS. Trinitatis, Incarnationis; licet fateantur illa Mysteria non posse ratione naturali demonstrari.

Ut pluribus id rationibus deducitur.

Ad meliorem Intelligentiam dictorum, & eruditionis gratiâ.

NOta Imò. Non posse pro hoc statu demonstrari philosophicè; seu (quod idem est) Non posse ratione naturali certa evidenti, probari Existentiæ DEI, docuerunt olim quidam, quos sine nomine refert Sanctus Thomas, imò, contra Gentes, cap: 12. *Est quadam* (inquit)

tenuerunt, non posse pro hoc statu demonstrari Deum.

quit) aliorum Opinio, qui dicunt, quòd Deum esse, non potest per rationem (intellige evidentem) inveniri; sed per solam viam fidei & revelationis est acceptum. Hancq; Opinionem vocat Sanctus Doctor, ibidem: *Errorum.* & quæstione ima de Verit: dicit; Eam esse manifestè falsam. Huic, juxta S. Thomam manifestè falsæ Opinioni & Errori adhæsit ex Heterodoxis, Calvinus, qui lib: imò Instit: cap: 2. rationes, quibus scholastici Theologi usi sunt ad probandum, existere Deum, vocat: *frigidæ speculationes*; imò cap: 5. *inanes speculationes.* Hesiſius, qui lib: de Erroribus Pontificiorum, doctrinam Romani Catechismi damnat, quòd lumine naturali cognosci possit, esse Deum, & unum esse. Idem, dolendum! ex scholasticis Orthodoxis, opinati sunt Petrus ab Alliaco in 1. q. 3. 2. 3. Joannes de Bassolis, Gabriel, Major, hoc se ipso minor: Andreas de novo Castro, Casalius, & alii pauci; quamvis hi scholastici admittant, rationes suadentes, Deum esse, maximam habere probabilitatem, licet non evidentiam. Ast hæc Opinio malè audit apud omnes ferè Theologos Classicos, ac meritò. Ratio præter dicta in Probatione Propositionis 12mæ, est multiplex. ima. Quia Ratione naturali potest demonstrari immortalitas Animæ humanæ: ut definitum in Concilio Lateranensi, sub Leone X. Quid ni multò magis Existencia DEI? præsertim cum hoc posterius, videtur, juxta explicationem SS. Patrum sufficienter docere Scriptura sacra multis in locis. Psalmo 18. *Celi enarrant gloriam DEI.* Sapientiæ 13tio: *A magnitudine speciei & Creaturæ* (vel ut legit Sanctus Gregorius 26. Moral. cap: 8. per magnitudinem Creaturæ & speciem) *cognoscibiliter poterit Creator horum videri.* Ad Rom: 1. *Invisibilia ipsius* (id est Attribute DEI invisibilia homini mortali) *à creatura Mundi* (id est ab homine, ut exponunt ibi Glossa, Lyranus, Hugo, & alii: item Magist: Sent: 1. dist: 1. Molina p. 1. q. 2. aliq;); Vel ut explicat Lorinus & quidam, cum Sancto Augustino lib: 8. de Civit: cap: 9. Jam inde à Mundi creatione) *per ea, quæ facta sunt, intellecta conspiciuntur, sempiterna quoq; ejus Virtus & Divinitas, ita ut sint inexcusabiles.* Sanctus Hieronymus ad illud: *Intellecta conspiciuntur*, addit: *Tam evidenter intellecta sunt, ut conspecta dicantur.* Et Sanctus Augustinus Tract: 2. in Joannem: *DEus potest inveniri per Creaturam evidenter, dicente Apostolo: Invisibilia ipsius &c.* 2da Ratio. Quia aliàs Natura, vel inimica foret nobis,

vel

vel imbecillis, tribuens vim, naturali demonstratione cognoscendi alias veritates minùs necessarias: hanc verò Veritatem primam, scilicet, Deum esse, cujus Cognitio maximè necessaria ad vitam honestè transigendam denegans. 3tia. Quia (ut etiam notârunt alii cum P. Aylevortho) Opinio illa, fores ad omnem prorsus impietatem patefacit hominibus, suaptè naturâ proclivibus ad peccandum, & ad liberè agendum sinè dependentia ab alio, ac subjectione sui. Unde nisi evidenti aliqua ratione demonstretur Deus, quem timeant scelerum Vindicem; difficile poterunt còdèrceri ab impietate.

Accedit. Tum quia prædicta Opinio, erroris arguit omnes Sanctos Patres, Theologos & Philosophos summos: quibus videbantur evidèntia esse Argumenta ab illis allata pro Existèntia DEI. Ac ulterius via aperitur ad subvertendam vim Argumenti, quod pro Existèntia DEI desumitur ex consensu omnium Gentium & Sapientum. Tum quia illa Sententia videtur supponere motiva credibilitatis, Religionis Christianæ non esse evidèntia. Quare meritò prohibitæ sunt in scholis nostris doceri, aut defendi Propositiones hæ:

- , Mens nostra, eò quòd finita sit, nihil certi de infinito potest scire: proindeq; à nobis disputari de illo nunquam debet.
- , Ratione naturali non demonstratur Existèntia Dei.

Nota 2dò. Id, quod fide Divina creditur, licèt non possit demonstrari ex eodem motivo, ex quo motivo creditur; potest tamen ex diverso. Sicut potest dari Scientia abstractiva atq; etiam intuitiva ejusdem Objecti ex diversis motivis: & ita defacto in Beatis, cum Visione intuitiva DEI, stat Cognitio abstractiva DEI ex creaturis. Potest item haberi Cognitio clara & obscura de eadem re, per diversa media; ut patet, si aliquid discam ex relatione alterius, quod antea per experientiam propriam didici. Sic etiam in præsentì, Existèntia Divina creditur ex motivo, quia Deus dicit se esse: demonstratur autem ex effectuum existèntia, dispositione rerum, aliisq; motivis. Quod ipsum non obscure insinuare videtur S. Præsul Hypponensis, lib: 50. Homil. in 32. cap: 2. *Intende facta, & quare Factorem: aspice quæ vides, & quare, quem non vides. Crede in Eum, quem non vides, propter ista, quæ vides. Et nè sermone meo te exhortatum putes, Apostolum audi dicentem: Invisibilia enim DEI à Creatura Mundi per ea,*

Id, quod Fide Divina creditur, potest ex alio motivo demonstrari.

quæ

quæ facta sunt, intellecta conspiciuntur. Illi verò Theologi & Philosophi, qui docent, non posse eandem veritatem ab eodem intellectu esse simul scitam & creditam; dicere solent, quòd, ut quis actu credat aliquam veritatem fidei, verbi gratia hanc: DEUS existit: solum petitur, quòd actu illam evidenter tunc non cognoscat, dum actu credit; ac proinde, si Philosophus Christianus actu non exeat in cognitionem evidentem de Existentia DEI, poterit per fidem assentiri Existentiæ illius.

*Creatura
qualiter
sunt im-
proportio-
nata Deo?*

Nota 3^{to}. Creaturæ sunt quidem improporcionatæ Deo in ratione Entis finiti: non tamen in ratione effectûs, ut ad Causam æquivocam; adeoq; ex illis potest demonstrari Deus, quod sit, licet non ad omne, quod est; sicut ex cognitione lucis solaris, ejusq; Existentiæ, demonstratur existentia solis, licet non demonstretur ejus omnis quidditas, & omnis modus existendi. Demonstratur ergo Essentia & Existentiæ DEI, sub aliquibus rationibus, ut Causæ Creatæ, Entis à se, Necessarii in existendo, Entis perfectissimi, Omnipotentis, Omniscii, Æterni; etiamsi non sub ratione Trinitatis, Genitoris, Geniti, Spirantis, Spirati. Sicut evidenter demonstratur, aliquod dari Continuum; quales nam autem partes habeat, & an divisibile sit in infinitum, necdum demonstratum est.

*Cur con-
tingentia
creature,
non obest
demonstra-
tioni Cau-
se Primæ
in existen-
do neces-
saria.*

Nota 4^{to}. Quamvis Creaturæ sint contingentes in existendo, adeoq; demonstrant Causam Primam, seu Deum, esse liberrimum in operando; adhuc tamen illam demonstrant necessariam esse in existendo, quia demonstrant, illam esse Ens à se: ex Assèitate verò profuit omnis perfectio simpliciter simplex, adeoq; & necessitas in existendo. Ex imagine quidem existente, non demonstratur determinatè existere actu pictor, sed indeterminatè; scilicet, vel existere, vel existisse, potuit enim pictor mori, imagine defactò remanente; cum imago non arguat Pictorem esse Ens à se. Idem dic de aliis pluribus effectibus, respectu suarum Causarum secundarum: è contra, ex Creaturarum existentia, infertur evidenter, Deum esse Ens à se, adeoq; Ens independens ab alio in existendo, proinde semper ab Æterno, & in Æternum essentialiter existens. Unde supposito, quòd Deus saltem semel supponatur existere, impossibile est ut deficiat, tum propter rationem immediatè datam: tum quia aliàs eo ipso non fuisset Deus,

Deus, quia fuisset Ens imperfectum; non enim existere, est imperfectio.

CAPUT VII.

Primum tandem & ultimum Fundamentum Atheorum,
Propositiones, quæ succedunt, evertunt.

14ta Propositio.

Mysterium SS. Trinitatis nullam involvit in se veram contradictionem.

PROBATUR. Etsi enim Christiani confiteantur, DEum esse Trinum in Personis, Unum in Essentia (id enim revelavit ipsemet DEus pluribus in locis Scripturæ sacræ; eamq; Veritatem comprobant, tum innumera miracula, patrata in confirmationem hujus Mysterii: tum omnia evidentia motiva Credibilitatis fidei Christianæ) tamen in hoc Mysterio, nulla est vera contradictio: illa omnia enim prædicta contradictoria, quæ juxta fidem verificantur de Natura & Personis, salvantur per infinitudinem Divinæ perfectionis & distinctionem aliquam Naturæ à Personalitatibus: de quo fusè Theologi. Item inter Actus Dei liberos, & Essentiam Divinam, intercedit aliqua distinctio, ut iidem Theologi docent & probant; nempe, vel Distinctio virtualis: ut volunt multi cum Thomistis doctissimis: vel, Formalis ex Natura rei; ut censent Scotistæ subtilissimi: vel, ut quidam Recentiores magni Nominis sentiunt Theologi, Distinctio realis in tertio, seu inadæquata extensive: vel aliqua alia.

Nota. Anima humana est expressiva SS. Trinitatis, ut sapienter annotarunt Patres ac Theologi. Sicut enim Deus Pater per intellectum se cognoscens, producit Verbum, puta, Filium, & eum amando, producit Spiritum Sanctum: ita anima intelligendo se, producit in mente sua verbum intelligibile, sui ipsius expressivum, sibiq; simile, atq; inde procedit in voluntate ejusdem amor. Ita Sanctus Augustinus apud Cornelium à Lapide in primum Caput Genesis. Sanctusq; Bernardus Capite primo Medit. ait: *Mens, imago DEI est, in qua sunt tria, id est, memoria, intellectus, voluntas. Per memoriam, Patri similes sumus; per intelligentiam, Filio; per voluntatem, Spiritui*

Primum & ultimum Fundamentum Atheorum evertitur.

Falsum enim est, quod Mysterium SS. Trinitatis, involvat contradictionem.

Anima humana qualiter est expressiva SS. Trinitatis?

ritui Sancto. Doctor Angelicus Opusc. 23. in Expositione Primæ Decretalis. *Derivatur à Trinitate Divina, quædam trinitas in Anima nostra, secundum quam ad imaginem DEI sumus, secundum memoriam, intelligentiam, & voluntatem.* Item Anima nostra est trina virtute ac potentiis: nam est & vegetativa, & sensitiva & rationalis: habet item esse, vivere, & intelligere. Et sicut eadem Essentia Divina infinita, est per identitatem realem in tribus Personis realiter inter se distinctis: ita eadem Anima, quæ est essentia simplex finita, simul est per unionem Physicam in pluribus membris Corporis realiter inter se distinctis.

ISTa Propositio.

Hominem non posse adequatè respondere ad innumera quæsitæ, ut adequatè respondeat ad innumera quæsitæ circa res defacto existentes.

PROBATUR. Tum ex superius probata Propositione ioma & ima Cap: 5. Tum quia innumera quæstiones Theologicæ, Philosophicæ, ac Mathematicæ, necdum hucusq; sufficienter decisæ: plurimorumque morborum causæ, atq; remedia, hucusque ignorantur. Tum quia ex ipso Atheo, quæro. Respondeat sufficienter ad hæc: Cur Cæli & Astra, non plura, quàm defacto sunt? Cur hæc circulatio cæli, prior; illa, posterior; & non è contra: cum sint similes? Cur tempus extrinsecum hesternum, non fuit hodiernum; vel è contra? Cur non totus Mundus est inversus, ut pars antarctica sit, ubi est arctica: vel è contra? Terraquei Globi, cur non multi? Cur terra, non longè minor, vel major, quàm defacto est? Animalia venenosa, ut Dracones, Basilisci, Scorpiones, Vipera, & similia &c. Cur non ubiq; terrarum in maxima copia? Cur Leones, Tigrides, Ursi. Lupi, non plures, quàm homines? &c. Et quidem ad hæc, innumeraq; alia quæsitæ, ad quæ Atheus nunquam sufficienter respondebit, credenti verò, scientiq;, Deum esse ad extra liberrimum, ac providentissimum, facilius est respondere. Universaliter autem ad illas Interrogationes in Fundamento decimo Atheorum contentas. Respondeo verbis Doctoris Gentium Apostoli ad Roman: 9. *Quid adhuc queritur? Voluntati enim ejus quis resistit? O homo tu quis es, qui respondeas DEO: nunquid dicit figmentum ei, qui se finxit. Quid me fecisti*

cisti sic? Eleganter Divus Augustinus in Psalmum 149. dicit: *Et si Nos non intelligamus, quare quidq; fiat: demus hoc Providentia Ipsius, quia non fit sine causa, & non blasphemabimus. Quod si forte intrares in officinam fabri ferrarii, non auderes reprehendere folles, incudes, malleos: & da imperitum hominem, nescientem, quid, quare sit, & omnia reprehendit. Sed si non habeat peritiam artificis, & habeat saltem considerationem hominis. Quid sibi dicet? non sine causa folles hoc loco positi sunt: artifex novit quare, etsi ego non novi: in officina non audet vituperare fabrum (multò magis non audet negare artificem illorum instrumentorum fuisse vel esse) & audet reprehendere in hoc Mundo DEUM! imò negare propterea Auctorem Mundi!. Lumen ipsum rationis dicat, ea, quæ sunt certa & clara, non debent deferri propter incerta & obscura: neq; scientia unius, deferenda est propter ignorantiam alterius. Unde S. Aurelius lib: de Bono Perseverantia: capite decimo quarto, inquit: *Non ideo negandum, quod apertum est, quia comprehendendi non potest, quod occultum est. Cum ergò certum & clarum sit, scientificeq; probetur Existentia DEI, non debet ea negari propter aliquas rationes, quæstionesque, quarum solutio nobis ardua, Desinamus eum, qui sapiens est (verba sunt Magni Basilii in Homilia: Quod DEus non sit Auctor malorum) velle corrigere: desinamus, inquam, meliora, quàm DEus fecerit, indagare: quod si ob nostri ingenii debilitatem, omnia DEI consilia sigillatim ratione attingere nequimus, illud tamen animis nostris infixum ac in confesso sit: nullum malum (morale) ab eo, qui bonus est, fieri. Perscrutari autem ea, quæ nobis Divinus sermo voluit esse occulta, stupor est quidam, ac phreneticum mentis vitium: ut benè monet Olympiodorus.**

Ad illud etiam quæsitum, in Fundamento decimo propositum, Antequam DEus fecit cælum & terram, ubi habitabat? Respondet Sanctus Augustinus in Psalmum 122. *In se habitabat DEus, apud se habitabat & apud se est DEus. DEus nec calo indiget, ubi habitet, sed cælum ipso indiget, ut ab ipso inhabitetur.* Tertullianus verò, libro contra Praxeam cap: 5to respondet: *Ante omnia erat DEus solus, & ipse sibi, & Mundus, & locus, & omnia. Divus quoq; Bernardus libro 5to de Confid: cap: 6. Ubi erat DEus, antequam Mundus fieret? non est, quod quaras ultra, præter ipsum nihil erat: ergo in se ipso erat. Idem*

Ubi fuit DEus, ante productionem cæli & terræ?

expressit sat benè Pœta quidam versibus, quos citat Carthusianus in 1. Dist: 37.

, Die ubi tunc esset, cùm præter eum nihil esset?

, Tunc, ubi nunc: in se, quoniam sibi sufficit Ipse.

Longè item antè, libro 1, Legis Allegor: Philo scripsit: *DEUS sibi ipse locus est, & ipse se ipso plenus, sibiq; sufficiens, utpote unus & totus Ipse Ens.*

Fundamentis Atheismi subversis, jam progredior ad proponendas eas Propositiones, ac stabiliendas, quibus magna ex parte innititur moles Argumentorum Atheismi everfivorum, quæ complectitur Libri hujus Primi, Tractatus Tertius.

Quare sit.





LIBRI PRIMI

PRO DEO CONTRA ATHEOS,

TRACTATUS SECVNDVS.

*Propositiones quædam veluti Principia statuuntur,
conducentes ad everfionem Atheismi.*

UT robur Argumentorum everfivorum Atheismi in 3tio Tra-
ctatu infra ponendorum, facilius penetretur, ac menti inhære-
at: neve alicui illa Argumenta nimis proluxa videantur, si eo-
rum ferè singulorum Major & Minor Propositio, ibidem mul-
tifariis Mediis comprobarentur, ac illustrarentur: ideo censui expedi-
re, ut hic in Tractatu separato præmittantur Propositiones quædam
veluti Principia cum earundem Probationibus, quarum notitia per-
necessaria est ad stabilienda Argumenta infra in Tractatu Tertio
proponenda, quin & conducunt ad alias Veritates inde deducendas
ac illustrandas. Accedit, quòd tali ratione etiam Communia novi-
ter, nova verò, communiter dicemus: ut faciendum suadet Philostratus
in Epistola ad Aspasiâ. Interfero quandoq; Probationibus illis,
Eruditiones, ut sic fastidium arceatur, majorq; appetentia & orexis
ad legendum excitetur. Porro quisquis hæc attentè revolves, me-
mineris moniti à Sancto Fulgentio dati lib: 1. ad Trasamundum Re-
gem in Africa, cap: 3. *Magnum bonum confert inquisitio Veritatis, quæ exigit Li-
ber hic?* *ramen tunc desiderato non frustratur effectu, si rectis ad veri cognitionem*
lineis, animus annitatur. Itemq; à Divo Augustino lib: de Natura &
Gratia contra Pelagianos: *Procliviores sumus, querere potius, quid con-
tra ea respondeamus, quæ nostro obijciuntur errori, quàm intendere, quàm*
sint salubria, ut careamus errore. Neque sola libidine contradicendi,

*Neceffitas
hujus Tra-
ctatus ex-
ponitur.*

*Lectorem
qualem nã
ber hic?*

Lector nega, quæ affirmo. Plus enim potest unus stultus negare, quam centum Sapientes, probare: maxime si ille stultus, sine ulla ratione, innitatur merè otiosi sui cerebri commentis, veriùs inanibus propriæ phantasiæ deliramentis. Si dixerit quispiam, se non posse omnia in hoc Tractatu vel Volumine, intelligere. Illi respondeo cum Divo Augustino lib: 1. de Trinit: cap. 3. *Nullus hominum ita locutus est, ut in omnibus, ab omnibus intelligeretur.* Quæ quispiam non intelliget; quærat & discat ab alio intelligentiore, nec eo ipso totum damnet; præcipue, si ea, quæ intellexit, aliquomodo placuerint. Nunc jam sit.

CAPUT I.

De Possibilitate Entis in omni genere perfectissimi.

Prima Propositio.

Ex quonâ Principio rectè infertur, Ens in omni genere perfectissime non implicare?

Ex hoc Antecedente: *Nulla vera ab Atheis affertur implican-
tia Entis in omni genere perfectissimi: nec per tot millia an-
norum, à viris innumeris, acutissimis, doctissimis, ulla re-
pugnantia, seu contradictio, deprehensa est verè inesse Possi-
bilitati talis Entis, diligentissimè illud considerantibus, ac o-
mnibus, quæ ad ejus impossibilitatem afferuntur, seriò discuf-
fis.* Ex hoc inquam Antecedente, rectè infertur Consequen-
tia hæc: *Ergo prudenter censetur, tale Ens non esse in se im-
possibile.* Rectè, inquam, infertur hæc Consequentia, si con-
cedatur Antecedens.

Propositionis hujus Veritas, probatur multipliciter.

Imò. Quia ex hoc medio termino. Nulla infertur implican-
tia. Nulla, post seriam rei discussionem, apparet innu-
meris Viris solide doctis, contradictio in hoc vel illo objecto. In-
fertur prudenter (consentientibus omnibus Philosophis & Theolo-
gis Classicis) hujus vel illius objecti Possibilitas. Prudenter enim
præsumitur, non esse in objecto contradictionem, si hæc, viris sapi-
entissimis non appareat unquam, Si enim esset, cur aliquando non ad-
verte-

verteretur ad illam, in tanta ingeniorum sagacitate, varietate, perspicacitate? imò & proclivitate Intellectûs nostri ad implicantiam adstruendam aliquam, etiam ibi, ubi nulla est. Certificamur enim ex fide, de possibilitate Incarnationis, replicationis, penetrationis, Existentiæ Accidentium sinè subjecto, definitivæ præsentis Corporis, & plurimarum aliarum rerum, quæ humana ratio, absolute, antè judicabat impossibilia, cùm tamen revera erant possibilia in se, illa. Unde S. Augustinus in hæc verba Sancti Pauli 1. ad Corinth: 1. versu 20. *Stultam fecit DEUS sapientiam hujus Mundi*, rectè ait. *Stultam fecit, faciendo & declarando, esse possibile, quod ipsa judicat esse impossibile.* Item. In Naturalibus, certificamur ex visu & experienciâ; arbores grandes, floresq; miræ pulchritudinis fieri ex seminibus exiguis informibus: ex ovo, pullum: bombycem, variè mirabiliter transformari: in oculo concentrari species rerum visibilium sinè confusione: & alia innumera, quæ aliàs impossibilia naturaliter saltem judicassemus, si visus & experientia contrarium non probassèt. Ergo vera est illa Consequentia, admisso Antecedente.

2dò. Recta est Argumentatio hæc: Hostes sagaces Petri, ad calumniandum præcipites & capitales, sedulo, plurimis annis attentè considerantes Petrum, nullam justam causam eum calumniandi reperire poterant. Ergo prudenter censetur defacto nulla fuisse vera causa calumniandi data à Petro. Recta est inquam hæc Argumentatio. Proinde etiam recta est hæc: Athei, capitalissimi hostes DEI, qui sibi videntur cunctis fidelibus sagaciores, sapientioresq; esse, ac lumen naturale rationis majus præ omnibus aliis habere, per tot sæcula, nullam veram implicantiam deprehenderunt inesse Enti in omni genere perfectissimo (quam enim?) Ergo nulla est in illo implicantia.

3iò. Quia inter Regulas juris prudentiæ numerantur hæc: Nemo malus, nisi probetur. In dubio, standum est pro reo. Ergo etiam inter Principia rectæ Philosophiæ, numeranda, hæc: Nullum objectum est reputandum esse impossibile, seu chymera, nisi ejus impossibilitas per ostensionem contradictionis veræ, probetur. Et. In dubio, num sit possibile, standum est pro ipso, quod tanquam reus, tribunali Mentis nostræ præsentatur, & ut possibile, judicandum: præsertim, si illud Objectum fuerit antea in possessione suæ possibilitatis, & ut tale etiam à nunc nobis Oppositis, prius habitum: cùm sit melior

melior conditio possidentis. Ergo recta est Argumentatio, asserens & probans, Ens in omni genere perfectissimum, non esse impossibile: præcipuè cùm fuerit habitum tanquam verè possibile & certò existens etiam ab Atheis, antequam in Atheismum sunt lapsi. Nullus enim est, qui primò non censuerit, DEum esse.

2da Propositio.

Ens in omni genere perfectissimum, est possibile.

Possibilitas Entis perfectissimi, probatur.

PROBATUR. Quia quod non est impossibile, illud est possibile: sicut enim. Quodlibet, vel est, vel non est. Ita etiam; Quodlibet, vel est possibile, vel non est possibile: seu est impossibile. Et certè, si aliquid neq; esset possibile, neq; non esset possibile, eo ipso simul & non esset possibile: ut supponitur: & esset possibile. Quia non non esset possibile: seu, neq; non esset possibile. Dux autem Negationes æquivalent affirmationi. Sed Ens in omni genere perfectissimum, non est impossibile. Quanam enim in illo vera contradictio? Ergo est possibile.

Confirmatur. Possibile est, quò positò, nullum sequitur inconueniens: ut dicit Aristoteles 2do Rhetoricorum, & sæpè alibi. Sed ex positione Entis in omni genere perfectissimi, seu Entis carentis omni prorsus imperfectione, nullum sequitur inconueniens. Quod enim illud? Et aliàs, pari ratione dici posset: ex positione corporis lucidissimi secundum se, aliquas sequi tenebras; ex summè calido, sequi frigus. Cùm tamen, ut sapienter Divus Basiliius Homilia 2da Hexæmèron notat: *Nihil contrariorum, à contrario suo gignitur. Neq; enim vita mortem parere solet: neq; tenebræ, luci principium afferunt: neq; sanitatem morbus efficit unquam.* Nec è contra, sanitas morbum; lux tenebras; mors vitam. Ergo tale Ens est possibile. Vide dicta infra in Tractatu hoc 2do, Capite 2do, sub Propositione una & 2da.

3tia Propositio.

Expossibilitate Entis perfectissimi.

Ens in omni genere perfectissimum, si est possibile, existit actu. & quidem essentialiter necessariò.

PROBATUR dupliciter. Imò. Quia aliàs eo ipso non esset in omni genere perfectissimum: careret enim actuali existentia, quæ est perfectio

fectio magna, & fundamentum omnium aliarum perfectionum actualium. Item: Major est perfectio, nunquam posse non existere, seu esse Ens necessarium in existendo semper. Ergo &c.

2dò. Quia si tantum esset possibile, & actu non existeret; nunquam ex statu puræ possibilitatis, posset reduci (& sic, eo ipso non esset possibile) ad statum actualis existentiae. Non enim à se positivè. Nihil enim se ipsum potest producere efficienter physice, saltem quò ad primò esse. Non etiam à se negativè. Tum quia esse à se negativè, est esse improductum, seu esse sibi se solo sufficiens ad esse. Si autem tale est; Cur existere inciperet in tempore? Cur non semper fuerit? Tum quia evidens est: Id, quod transit à non esse ad esse, non habere causam sui esse in se, sed in alio. Non etiam à Nihilo posset reduci ad statum existentiae. Nam, ut doctissime Sanctus Anselmus cap: 3. Monologii dicit: *Nihil est per nihil, non enim est, vel cogitari potest, ut sit aliquid, non per aliquid.* Nulla enim res potest dare, quod non habet, multò minus poterit dare aliquod verum esse, id, quod est purum nihil. Non posset etiam ab alio Ente quò ad naturam distincto, reduci efficienter ad statum actualis existentiae. Quia Illud Reducens, esset saltem æqualis perfectionis cum Ente in omni genere perfectissimo, utpote Causa principalis effectiva, & adæquata illius; sicq; daretur duplex Collectio, omnis omnino perfectionis, quod implicat in terminis. Implicat enim perfectio, non inclusa in perfectione omni. Imò, quia Illud Reducens, esset quid perfectius ipso productò, quia esset ab æterno, vel saltem exigeret essentialiter prius esse tempore: vel saltem exigeret, non habere Causam sui priorem (ne admittatur processus in infinitum) proinde illud potius esset Ens perfectissimum. Item. Supposito, quòd semel tale Ens existat, nullus illi potest auferre esse. Non enim ipsum sibi. Tum quia aliàs imprudens & invidum esset sibi, adeoq; nec perfectissimum. Tum quia omne Ens, appetit, exigit, & quantum potest, tuetur suum esse, ac vim vi suà totà repellit. Hinc enim est illa resistantia & reàctio in creaturis. Unde S. Thomas lib: 1. contra Gentes, cap: 37. dicit: *Omnia appetunt esse actu secundum modum suum: quod patet ex hoc, quòd unumquodq; secundum naturam suam repugnat corruptioni.* Tum quia nihil potest sibi ipsi velle malum: utpote connaturalissimè appetens bonum.

mi, deducitur ejus actualis existentia.

Non etiam quidpiam aliud. Quis enim prævalere poteſt contra illud Ens, quod ſupponitur eſſe in omni genere perfectiſſimum? Ergo neceſſariò eſſentialiter exiſtit actu.

Objectiones incontraſolvuntur.

Neq; dicas imò. Faliſum eſſe, quòd nihil poſſit ſibi ipſi velle malum: ſiquidem multi ſe ipſos occidunt: multi propter ſua lucra, vel ob præmium cæleſte, ſe ipſos affigunt: Omnes, peccando, volunt ſibi poenas, peccato debitas. Reſpondetur enim: quòd id fiat, vel titulò majoris re ipſâ boni: uti faciunt lucra cæleſtia quærentes: vel majoris ſaltem in apprehenſione: quomodo ſe occidentes, majus bonum apprehendunt in non eſſe ſimpliciter, quàm in eſſe miſeri. Peccantes autem, vel ſibi perſuadent, ſe evaſuros poenas, peccato deſtinatas: vel certè majus bonum apprehendunt erroneè, in uſu objecti peccaminofi, quàm ſit malum in ipſa poena incluſum.

Neq; dicas idò. Ex poſſibilitate alterius Mundi, ac ſolis: & ex poſſibilitate Antichriſti, non rectè inferitur, quòd actu exiſtat alter Mundus, Sol, & Antichriſtus. Ergo nec ex poſſibilitate Entis in omni genere perfectiſſimi, rectè inferitur, exiſtentia illius. Reſpondetur enim, Diſparitatem eſſe evidentem. Tum quia prædicta, utpote creaturæ, ſunt limitata perfectionis, non includentes omnem omnino perfectionem, proinde non debent includere actualem exiſtentiam. Tum quia aliàs DEus non eſſet liberrimus ad extra, proinde nec in omni genere, Ens perfectiſſimum: ſiquidem illas creaturas, utpote ſemper, & ab æterno, licet fortè non pro æterno poſſibiles, debuiffet neceſſariò producere.

4ta Propoſitio.

Nomine

DEus eſt Ens in omni genere perfectiſſimum.

DEI propriè ſumpti, intelligitur Ens in omni genere perfectiſſimum.

PRobatur. Quia hoc, nomine DEI propriè intelligimus, & intelligendum eſt. eſtq; hæc prima DEI notio. Inſuper lumen ipſum naturæ dictat, quòd DEus ſit Ens Optimum, Maximum: non eſſet autem Ens tale, ſi non foret in omni genere perfectiſſimum: hinc & illud. DEus meus, & omnia: ac *Omnes Latina lingua ſocios* (ut loquitur S. Auguſtinus libro 1. de doctrina Chriſtiana, cap: 6. & 7.) *cum aures Sonus iſte, DEus, tetigerit, movet ad cogitandum excellentiſſimam quandam, immortalẽq; Naturam-* DEus ita cogitatur, ut aliquid, quòd
nihil

nihil melius sit, aut sublimius, illa cogitatio attingere conetur. Unde Divus Thomas ima parte, quæstione 13. articulo 8. ad 2. dicit: *Impositum est hoc nomen DEI, ad aliquid significandum supra omnia existens, quod est Principium omnium, & remotum ab omnibus.* Imò teste Richardo à S. Victore lib: 1. de Trinitate, cap: 20. *Quadam quasi dote Naturæ, contingere videtur, quòd cuncti pœnè, tam eruditi, quàm minùs eruditi, solent quasi pro Regala tenere: DEO quidquid optimum judicant, incunctanter attribuere.* Ideoq; dici solet: *DÈus non est Corpus, sed Spiritus.* Non quivis Spiritus, sed Summus Spiritus, non solùm qui est, qui esse potest, sed Summus, qui cogitari potest, non solùm ab homine, sed ab Angelo, sed à quovis, quem imaginari possumus Intellectu perfectissimo.

Nec obstat, quòd aliqui putaverint, DEum esse Corpus, vel Mundum hunc, vel aliquod aliud Ens, mixtum imperfectionibus: ut Cælum & Astra: juxta illud Sapient. 13. *Solem & Lunam aut gyrum stellarum, Rectores Orbis terrarum, Deos putaverunt.* Non obstat, inquam. Hi enim, vel nomen DEI, improprie sumpserunt, ac in latiori significatione; vel indebite: vel putaverunt erroneè, Entia illa esse perfectissima. Quare Divus Thomas Opusculo 6to in Exposit. Symboli, dicit: *Homines imbecillis intellectus, non valentes corporalia transcendere, non crediderunt aliquid esse ultra naturam corporum sensibilium: & ideo inter corpora, posuerunt illa præminere, & disponere Mundum, quæ pulchriora & digniora inter ea, videbantur: & eis attribuebant, & impendebant Divinum cultum: & hujusmodi sunt corpora cælestia: scilicet Sol, & Luna, & stelle: sed istis accidit, sicut alicui eunti ad curiam Regis, qui volens videre Regem, & credit quemcunq; bene indutum, vel in Officio constitutum, Regem esse.* Dici etiam posset, quòd non pauci sapientiores, nomine Cæli, non intellexerunt cælum visibile, ac materiale, sed Dominum & Auctore Cæli. Et hujus intelligentiæ, præter alios, fuisse videntur Atlantides, Africæ populi, qui primum apud se regnassè DEum *σπῶνδρ*, id est Cælum, gloriabantur. Quin & Hebræi per metonimiam, quâ continens pro contento ponitur, Deum vocant, *Scamaim*, id est Cælum. Unde Rabini dicere solent: *Sit timor Cæli* (id est DEI) *super vos. Sit nomen Cæli frequens in ore vestro. Omnia sunt in manu Cæli.* Insuper in Scriptura sacra, Cælum pro DEO quandoq; ponitur: ut Lucæ 15. v. 21. *Peccavi*

*Satis fit
Objectionibus.*

in Calum. Matthæi 21. v. 25. Baptismus Joannis, unde erat? è Cælo? an ex hominibus? Psalmo 72. v. 8. Posuerunt in Calum os suum. Imo Machab: 3. v. 18. juxta Græcum textum: Non est differentia coram Cælo. & alibi. Vide Cornelium à Lapide, in Caput 13 Danielis, v. 9. & Angelum Caninium de Nominibus Hebraicis, cap: 2. Maldonatum in Caput 15. Lucæ, v. 21. & alios.

Confirmatur Propositio 4ta. Quia nomine Dei. intelligimus Ens à se, seu Ens sibi, se solo, & omnibus aliis sufficientissimum ad esse: tale autem Ens, quod sit in omni genere perfectissimum, constabit ex dicendis immediatè.

5ta Propositio.

Ens à se, est Ens in omni genere perfectissimum.

Ens à se, esse in omni genere perfectissimum, probatur multifariè.

PROBATUR multipliciter. Imò. Ens à se, seu sufficiens sibi ad esse, debet necessarium esse in existendo. Tum quia ut Marius Victorinus, vir Consularis, & Divi Hieronymi Præceptor, ait libro 4. contra Arianos: *Quod à se vivit, ex æterno & in æternum vivit: nunquam enim se deserit, quod sibi causa est* (id est, sufficiens sibi ad esse) *ut hoc ipsum sit, quod existit. Igitur quoniam à se est Deus, nunquam non esse potuit.*

Et Hugo de S. Victore: [Quod à semet ipso est, non esse non potest: quia nulla res à semet ipsa dividi & separari potest: & qui aliunde esse non accipit, sequitur necessariò, ut semper sit, quia aliunde auferri non potest, quod aliunde datum non est.] Similia habet Richardus de S. Victore, libro 1. de Trinit: cap. 6. unde & tale Ens, nullius subest dominio, sed plenè est sui juris. Tum quia, si non esset omnino necessarium in existendo, tunc requireretur aliqua sufficientia alia extrinseca, per quam extraheretur ex nihilo, fieretque actu existens. Quod in terminis implicat. Ergo Ens à se, debet esse perfectissimum in omni genere. Sicut enim se habet Causa necessaria ad agendum, ita se habet Ens necessarium in existendo, ad essendum. Sed Causa necessaria ad agendum, agit, quod, & quantum potest, nisi aliunde impediatur: ut patet in igne applicato capaci subjecto: in aqua infrigidante: in sole illuminante, &c. Ergo etiam Ens necessarium in essendo, est tantum, quantum esse potest. Sed potest esse tantum, ut sit omnis perfectio in omni genere vel formaliter vel eminenter. Cur enim

nium

nim non? Nec ab ullo impediri potest, quin ita sit. A quo enim? Non à Causa sui. Siquidem hanc à suo formali conceptu excludit. Non etiam à sua propria essentia: cum Enti à se nulla repugnet perfectio: siquidem ex Ratione Entis à se, nulla potest (quæ enim?) inferri imperfectio, exclusiva perfectionis simpliciter simplicis, cum eaq; incompossibilis. Ergo illud Ens est Omnis Perfectio, seu perfectissimum. Item. Aliàs eo ipso non esset sibi absolutè sufficiens, si non sufficeret tollere à se omnem defectum. Merito proinde Divus Ambrosius lib: 2 Hexæm: cap: 1. disputans contra quosdam veteres Philosophos, asserentes, Materiam imam, esse Ens increatum, seu Ens sufficiens sibi ad esse, insufficiens tamen fuisse ad se exornandum, ait: *Si increata materia & tamen incompressa: mirum admodum, coeternam Deo, materiam, decorem sibi non potuisse conferre, quæ substantiam non à Creatore acceperit, sed sine tempore ipsa possederit.* Ejusmodiq; Materiæ debere tribui Divinos honores, utpote nullum defectum, & omnem perfectionem habenti, docet Sanctus Basilius Homiliâ 2dâ Hexæm: inquit: *Si Materia ingenta est, nec ulla prorsus ipsius exstat origo* (seu quod idem, si est à se) *honores ei, tanquam DEO aquali tribuendi sunt iidem, qui DEO tribui solent.*

2dò probatur Propositio. Ens omnimodè in perfectione illimitatum, continet omnem perfectionem. (aliàs hoc ipso haberet limitem perfectionis) Sed Ens à se, est omnimodè in perfectione illimitatum. Ergo continet omnem perfectionem: seu quod idem, est in omni genere perfectissimum. Probatur Minor. Omnis limitatio oritur ab aliqua Causa, vel Principio. Vel enim res limitatur à Causa: in quantum hæc, tantam præcisè, & non majorem perfectionem dat effectui: & tunc limitatur effectus à Causa efficiente: vel limitatur ex incapacitate propria: & tunc, aut incapacitas oritur ex eo, quod perfectio major repugnet fini, ad quem res ordinatur: & sic limitatur à Causa finali. Vel quod repugnet major perfectio subjecto aut formæ, ex quibus res componitur: & tunc limitatur à Causa Materiali vel Formali. Sed Ens à se excludit omnem Causam & Principium sui: cum sit Ens simpliciter Primum. Ergo est illimitatum. Accedit: quia, ut rectè advertit Pater Franciscus Amicus. Esse, quod non limitatur ab alio efficienter, vel exemplariter; nequit à se ipso limitari for-

maliter. Non eſſet enim Major Ratio. Cur ſe limitaverit ad tantum, & non ad majus, aut minus eſſe. Ergo eſt perfectiſſimum.

3^{id}. Ens à ſe, eſt Ens neceſſariò phyſicè actu in ſe ipſo exiſtens: ut conſtat ex dictis. Ergo exiſtentia talis Entis, eſt exiſtentia, quæ nullâ prudenti diſplicitiâ, reprobari poteſt. Quod enim neceſſitas ſumma approbat, (uti approbat exiſtentiam Entis neceſſariò phyſicè actu exiſtens in ſe ipſo) illud prudenter reprobari non poteſt: Aliàs id faciens, veller chymeram, chymera enim eſt, non eſſe, ſeu non exiſtere Ens, quod eſt omnino pro ſemper eſſentialiter neceſſarium in exiſtendo. Velle autem abſolutè chymeram, imprudentis eſt. Ergo ulterius exiſtentia talis Entis, eſt perfectiſſima, nullam dicens carentiam perfectionis: aliàs, ratione talis carentiæ, prudenter per diſplicitiam reprobari poſſet. Ergo debet illud Ens eſſe, in omni genere eſſe perfectiſſimum. Alioqui exiſteret ſine aliqua perfectione: proinde non haberet exiſtentiam perfectiſſimam: perfectior enim eſt exiſtentia, habens ſibi identificatam realiter omnem perfectionem.

4^{id} probatur. Quia Ens à ſe, eſt Fons omnis omnino perfectionis exiſtens, & poſſibilis in quocunq; genere: & à tali Ente, alia omnia, eſſe ſuum & vim omnem ſuam perpetuò mutantur, ac mendicant. Cùm Ens inſufficiens ſibi ad eſſe, ſcilicet Creatura, non poſſit eſſe talis Fons. Datâ enim quâcunq; Creaturâ, & collectione creaturarum, adhuc illa indiget ab alio produci: utpote Ens inſufficiens ſibi ad eſſe. Quare etiam dicit Ariſtoteles 2^{do} Metaph: Id quod eſt maximè Ens (quale utiq; eſt Ens à ſe?) eſſe Cauſam omnis Entis. Ergo Ens à ſe, præcontinet omnem perfectionem poſſibilem. Cauſa enim, non ut Inſtrumentum, aut ſemen Agentis ſuperioris, ſed virtute propriâ, efficiens omnium poſſibilium, debet, ſive formaliter, ſive virtualiter, & eminenter continere in ſe omnem perfectionem poſſibilem. Siquidem Cauſa adæquata, vel principalis, non poteſt eſſe imperſectior ſuo effectu: nec poteſt dare effectu perfectionem, quam non habet ſaltem eminenter. Subſumo cum Patre Quiros Tractatu 2^{do} de Eſſentia DEI, Diſput: 13. Sectione 3^{ta}. Sed Perfectio poſſibilis, eſt illimitata & infinita in omni genere. Quo namq; fundamentò ſtatuet quis, poſſibilem eſſe ſubſtantiam, quæ habeat hanc virtutem, & non majorem? poſſet tot objecta cognoscere, & repugna-

re intelligentiam ad plura? & sic de qualibet alia perfectione, quæ excogitari valet. Ergo Ens à se est in omni genere perfectissimum. Unde & Divus Thomas inâ parte, quæstione 4tâ, Articulo 1. & 2do probat, DEum, quia est Principium activum & prima Causa effectiva omnium, esse Ens perfectissimum. Concedo, quosdam antiquos Philosophos, ut Pythagoricos, & Leucipum, non attribuisse Primo Principio, Rationem Optimi, & Perfectissimi: ut narrat Aristoteles 12. Metaph: cap. 7. Quia illi antiqui Philosophi consideraverunt Principium Materiale tantum (ut inquit Divus Thomas locò citatò Articulò 1.) Primum autem Materiale Principium imperfectissimum est. Hinc etiam clarè deducitur, quòd DEus sit satiatus omnis appetitus: quia est causativus & contentivus omnium possibilem. Utì Fons causativus & contentivus omnium aquarum & liquorum potabilium, est satiatus seu extinctivus omnis sitis.

510 probatur à Patre Caregno, sapientissimo Professore Romano. Suppositâ existentia atq; divisione Entis. per differentias à se, & ab alio: sequitur, quòd omnis excogitabilis perfectio entitativa, vel est propria Entis à se, vel propria Entis ab alio, vel communis utriq;. Si ergo talis perfectio, est propria Entis à se, convenit illi; ut evidens est: neq; minus convenit eidem, si est perfectio communis Enti à se, & Enti ab alio. Si autem est propria Enti ab alio, est imperfectio. Quia dicit dependentiam ab alio: estq; insuper illa perfectio limitata. Omnis enim *Creatura* (ut dicit Sanctus Ambrosius lib: 1. de Spiritu S. cap. 7.) *certis sue Nature circumscripta est limitibus*: adeoq; ut talis, scilicet, limitata perfectio, non datur formaliter in Ente à se. Ergo in Ente à se, est omnis perfectio.

510. Probatur ab Eodem. Omnis Perfectio exclusiva identitatis realis cum Ente à se, est imperfectio simpliciter: quia imperfectè solum perficit: ut constat Inductione. Sic Abalietas, verbi gratiâ, perficit Ens, quatenus chymeram excludit ab illa specie, quam cum Ente constituit: sed quia simul ab Ente, cum ipso contracto, constituit speciem creaturæ, excludit esse Ens à se: ideo perficit cum imperfectione. Idem dic de ly Corpus, Accidens. Sed nulla simpliciter perfectio, est imperfectio. Aliàs eo ipso non esset simpliciter perfectio. Ergo nulla simpliciter perfectio, est exclusiva realis identitatis cum

Assi-

Aſſeitate, ſive cum Ente à ſe. Subſumitur. Sed omnis perfectio non excluſiva identitatis realis cum Ente à ſe. habet cum illo identitatem realem. Quia non excluſiva identitatis, eſt potens identificari, & potens identificari, identificatur neceſſariò. Aliàs poſſet eſſe realiter id, quod non eſt, & à ſe entitativè tranſire in non à ſe: quod eſt evidenter implicatorium.

Ab aliis Propoſitio eadem ſta, probatur ſic: Ens, quod eſt à ſe, debet eſſe omni ex parte perfectum. Aut enim ſibi dare, quod ſummum, perfectiſſimumq; eſt, non poteſt, aut nescit, aut non vult. Non enim. Quia qui à ſe eſſe poteſt, omnia poteſt. Non idem. Nam, qui ſe plenè ſcit, ſcit etiam, quod ſibi optimum ſit. Non demum 3tium. Quis enim, qui ſummè poteſt, & novit, non, quod perfectum eſt, ſibi velit &prehendat? Ab aliis communiter probatur taliter: Ens à ſe non habet aliam rationem ſic eſſendi, niſi quia ſic vult eſſe. Sed irrationabile eſt, quòd velit eſſe limitatæ perfectionis. Ergo vult eſſe perfectionis illimitatæ, atq; adeo talis eſt.

Contra hanc Probationem objici ſolet. Quòd prius ſit Eſſe, quàm Velle. Ergo ex Velle, non poteſt inferri Eſſe. Ergo nec omnis perfectio. Sed reſpondetur: Licèt Velle formale, ſupponat Eſſe; Velle tamen radicale & æquivalenter, prout hoc ſignificat appetitum innatum, non præſupponit: cùm tale Velle, ſit ipſum Primum Eſſe DEI, ex modo noſtro concipiendi; cùm ſit ipſa connexio prædicati Aſſeitatis cum perfectionibus Divinis attributalibus, indiſtincta ab Aſſeitate, in quantum hæc comparatur ad Attributa. Probabilius autem eſt, quòd Aſſeitas ſit prior per rationem, omnibus attributis.

Demum à Patre Nierembergio probatur ſic: Ens, quòd eſt à ſe, eſt tale, ut illud nullus limitaverit, nullius paruerit arbitrio, nemo conſtrinxerit. Ergo eſt infinitum Ens & perfectiſſimum. Ergo potentiſſimum. Ergo beatum. Si beatum ſummè. Ergo ſapientiſſimum, ergo Optimum. Nemo beatus ſinè ſapientia. Nemo ſapiens ſinè virtute. Si Potens ſummè, ſinè Virtute eſſet, intolerabilis tyrannus foret. Si bonus ſummè, ſinè potentia; intolerabilior virtutis injuria, Si ſapiens ſummè, ſinè bonitate, inſuperabilis malitiæ foret.

C A P U T II.

De sequela inconvenientium ex negata Existencia DEI:
& de consensu omnium Gentium.

Prima Propositio.

Illa Propositio est erronea, ex qua sequitur magnum aliquod inconvenienti, & absurdum.

PAtet. Quia talis Propositio, eo ipso est rectæ Rationi dissona. Omne enim inconueniens & absurdum, est rectæ Rationi dissonum. Si dissona. Ergo non est vera. Verum enim est consonum rectæ Rationi. Ergo erronea. Illustratur. Arbor est virulenta, ex qua fructus prodeunt virulenti. Non potest enim arbor bona, malos fructus facere: neq; arbor mala, bonos fructus. Ut rectè Veritas pronuntiavit. Ergo etiam illa Propositio est erronea graviter, ex qua sequitur magnum inconueniens.

*Quid est,
esse Propo-
sitionem
erroneam?*

2da Propositio.

Ex hac Propositione: DEus non est, Sequitur aliquod, imò plura sequuntur inconvenientia & absurda.

PROBatur enumeratione. Primum enim sequitur absurdum hoc: Evidens esse, quod sine persuasione universaliter pro semper, pro omni intellectu erronea, & sine ingenti pro omni intellectu dementia, nec conservari recta gubernatio Reipublicæ, nec consistere rectus Ordo vitæ humanæ, morumq; honestas, justitiæq; , fidelitas, & cæteræ Virtutes possint. Hæc omnia sequi ex Atheorum Propositione, evidens est. Nam, si DEus non est, impossibile esset DEum existere, meraq; chymera & figmentum esset DEus. ut patet: proinde summa dementia, & error foret, persuadere sibi, existere DEum. Et tamen sine hac persuasione Numinis, ejusq; amore ac timore, nulla ordinata Respublica, nec morum honestas, & virtus solida, rectusq; ordo vitæ consistere, præsertim diuturno tempore potest. Hujus enim persuasionis sublatio, est excidium honestatis, & virtutis: legum enervatio: humanæ societatis everfio: apertio januæ ad omnia scelera. Hinc libro contra Colotem Epicureum, rectè scripsit Plutarchus: Nusquam

*Ex Dei non
Existencia,
sequeretur
imò, quod
sine demē-
tia summa,
rectus Or-
do & vir-
tutes, non
possent
consistere.*

exſtare Urbem aut Oppidum, quibus nullus ſit DEus, nulla juramenta, nullæ preces, nulla ſacrificia, ad bona curanda, & mala impendenda amovenda: talem Urbem à nemine unquam viſam, aut etiam videri poſſe: potiusq; conſpiciendam ſine ſole urbem, quàm ſine DEO ac Religione: hos enim eſſe nervos totius humanæ ſocietatis, & fundamenta, ſinè quibus nullæ leges vigere, nulla Politia conſiſtere queat. Plotinus item Enneade 2da, libro 9. cap: 16. *Nec prius aliquis totus eſt malus, quàm deſpiciat Superos: ac ſi nondum in aliis omnibus malus ſit, ex hoc tamen uno, in cunctis malus evadit.* Divus verò Baſilius ſermones: Quòd DEus non ſit Auctor malorum, ait: Cùm in animum induxerunt: Non eſt DEus: certatim ad omne reliquum peccati genus ruunt. Si enim nullus eſt Inſpector, ſi nullus, qui pro meritis vitæ, cuilibet tribuat, quid prohibet, pauperem conculcare, Orphanos necare, viduam & advenam occidere, omne audax facinus tentare, impuris & abominandis affectibus, omnibus deniq; pecuinis cupiditatibus inquinari? idcirco, quod talem impietatem, quæ DEum non eſſe dicit, conſequitur, ſubjungit Propheta: Corrupti ſunt, & abominabiles facti ſunt in ſtudiis ſuis. Et Sanctus Chryſoſtomus in Pſalmum 13. dicit: *Qui DEum negavit, nihil boni facit: & Reipublicæ inutilis & pernicioſus evadit.* Demum ipſe Machiavellus Pſeudo-politicorum Patriarcha, libro 1. de Republica, cap: 11: licet in aliis pluribus mendax, hæc veritati conſona, ſcripſit: Ubi Religio eſt, locum habent, bonæ leges, ac bona diſciplina, ex quibus fortunati, felicesq; rerum, eventus in expeditionibus præſertim bellicis naſcuntur: Sicut e contra etiam ſublata Religione, corruere Rempublicam oportet: quoniã ſublato Dei timore, ſequitur impietas, ex eaq; ruina Imperiorum. Hæc ille. Hinc & Theodorus, qui Atheus cognominatus eſt, negando DEum, omnes ad furta, perjuriam, rapinas hortabatur: ut refert Sanctus Epiphanius in Hæreſi 80. Braſili etiam, qui ante adventum Luſitanorum, nullos colebant Deos, ſcribit Orſandinus lib: 9. Hiftoriarum numero 87, erant belluïs pejores, portentaq; potiùs hominum, quàm homines: flagitioliſſimi, beneficiorum acceptorum immemores, humani ſanguinis avidiſſimi, non tantum captos in prælio hoſtes, verum & proprios Parentes, ſeniõ conſectos, multorum dierum curâ ſagginatos, mactabant, vorabantq; toſta verubus membra.

Neq;

Neq; dicas imò, Seclusâ persuasione de Existentiâ DEI, ejusq; lege, ipsamet Natura rationalis, quâ talis, dicat, flagitium esse vitandum: Virtutem amandam: inclinâtq; ad amorem honesti & odium vitiorum. Contra enim est. Quia inclinatio illa, amor item & odium, omnino inefficacia erunt, seu absq; effectu ullo suo, si excludatur persuasio Existentiâ DEI, ejusq; amor & timor, ac spes præmiorum ab eo conferendorum. Hinc nullus ex Atheis repertus est unquam, qui probitate morum, innocentia vitæ, solidis virtutibus fuerit conspicuus: quantum nobis ex Historiis constat: sed potius infamem, ac beluina verius, quàm hominis vitam egerunt. Quis autem prudenter credat, quòd illud, ad quod recta Ratio, veritatis appetentissima inclinât: quod prima rationalis Naturæ Sinderesis faciendum dicat, indigeat omnino mendaciò & turpissimo errore, ut consequatur effectum? Accedit; quòd Atheus fingat, animam rationalem, totumq; hominem esse nihil aliud, quàm cumulum merum casualem corpusculorum, ratione carentium. Ergo à tali cumulo, ex stupidis entitatulis conflato, dictamina universalialia excellentissimæ Rationis provenire non poterunt, nec illi inesse propensio ad amorem honesti. Aliàs pari temeritate concedi possêt, à bruto possè provenire ratiocinationes, à lapide sensationes, à prorsus stolido perfectam scientiam. Proinde fatendum est, Animam rationalem, non esse congeriem corpusculorum, sed esse incorpoream, super quam signatum est: ut habetur Psalmo 4. & impressum indelebiter lumen rationis naturalis, non à casu fortuito, sed impressum & derivatum à vultu DEI: quia id Auctorem sui habet DEum, nosq; facit esse ad imaginem & similitudinem DEI.

Neq; dicas 2do. Etiam si non sciatur, vel credatur esse DEus, absterrendos homines à sceleribus, metu suppliciorum, quæ infert Potestas humana. Contra enim est. Quia secluso timore DEI, quis abstrahet, quæso, homines à patrandis sceleribus occultis, Potestati humanæ ignotis? ipsaq; Potestates humanæ, ac Principes, qualiter deterrebuntur à peccando? Illustratur id ipsum Imperator Sinarum XINCUM, ferè Anno Christi 1280, cùm tempore sterilitatis (ut habetur in monumentis Sinicis) in conclave, mæstus se reciperet, jejunio & solitudini vacans, placando Cæli Domino, quidam Vam ngan Xe, impius Atheo-politicus. *Quid (inquirebat) ô Rex affligeris? non est, quòd*

*Objectio
triplex in
contra dissolvitur.*

Calum, seu Dominum Cali, extimescas; calamitates casu, non consilio accidunt. Cui exnunc sapientissime, Vir, post Imperatorem, primariæ auctoritatis & dignitatis, dictus, Fupie, respondit: *Si Princeps, Calum, seu Cali Dominum non extimescit & reveretur, ecquid tandem erit, quod non perpetret?*

Neq; dicas 3tiò. Utiq; Ethnici, persuasione erroneâ de multitudine Deorum, & eorum Providentiâ, impellebantur ad morum honestatem? Respondetur enim. Quòd sapientiores Ethnici, ad honestatem morum incitabantur persuasione verâ unius Dei: Gentilium autem rudiorum persuasio de pluralitate Deorum (ut sapienter notavit Pater Lessius lib: 1. de Providentia, numero 151) fuit quidem falsa in particulari, quatenus sentiebant, hos vel illos, esse Numina, curareq; res humanas, non tamen in genere, quatenus sentiebant esse aliquod Numen, cui res humanæ sint curæ, quodq; factorum exigat rationem. Unde quando vel metu Numinis offendendi, vel affectu placendi, abstinebant à malo, non impellebantur vi persuasionis, quatenus falsa erat de tali Numine, sed quatenus vera in genere: quare Sanctus Chrysostomus in Psalmum 13. dicit: [Quamvis Mundi homines de Deo diversas sententias germinaverint, nominis tamen fundamentum nemo labefactavit.]

2dum Inconveniens ex negata Existencia DEI sequitur, nempe: Quòd Veritas moralis Prima juxta Atheos & juxta eosdem, summa hæc. DEus non est: debeat quàm maximè occultari. Doctrina enim Atheistica est gangræna quædam ac pestis corrodens & interimens omnem virtutem, homines fædâ quadam metamorphosi in belluas transmutans: est convulsio & confractio cataractarum seu repagulorum, quibus omnium scelerum inundatio, in genus humanum prohibebatur: est velut mortiferus virulentus Oceanus, ex quo, ingentia malorum flumina oriuntur: ut constat ex dictis; & ideo, dum aliquem summè sceleratam vitam agere cernimus, dicere solemus: debet esse Atheus. Non credo, quòd credat ipse, DEum esse. Hinc non mirum, quòd gravissimis poenis animadvertatur in Atheos. Certè apud ipsos Gentiles Athenienses, in Atheos tanquam in homines multum peeniciosos, graviter est animadversum. Protagoras, quòd vel dubitaret de Existencia DEI, Atheniensium urbe pulsus, libriq; ejus exusti: ut refert

Secundò sequeretur, quòd prima & summa, juxta Atheos, Veritas, deberet occultari.

fert Laërtius in vita ejus. Magna summa auri appromissâ ei, qui interemisset Atheum Diagoram. Theodorus, primò Cyrenis, dein Athenis, ejectus; vel ut alii referunt, Areopagi damnatus, cicutam bibit. Socrates quoq; damnatus, quòd videretur negare, Numen esse.

3tium Inconveniens & absurdum, Quòd Falsitas prima & summa, publicanda esset omnino pro maxima veritate. Sequitur id evidenter ex dictis.

4tum absurdum. Quòd bonum per se Intellectûs, esset causa per se Mali in Voluntate. Si enim Propositio & Opinio Atheistica est vera, seu attingit verum Ergo bona est homini hæc Opinio. Verum enim & Veritas est Intellectûs, seu hominis quâ rationalis intellectivi bonum proprium, cum sit ipsius objectum & finis. unde Aristoteles 6to Ethic: ait: *Verum, est bonum Intellectûs, falsum autem, est malum.* Et Divus Augustinus in Enchirid: cap: 19. *Error semper est malum, quis ergo nisi errans, malum neget, approbare falsa pro veris, aut habere incerta pro certis, vel certa pro incertis.* Galenus quoq; dicit, quòd homo debeat esse naturalis ad veritatem. Constat autem ex dictis, quòd illa Opinio sit per se origo ingentium malorum & vorago omnis honestatis. Ergo bonum hominis proprium, scilicet verum, per se traheret secum maximum hominis malum, essetq; ejus per se causa.

5tum absurdum. Malum per se Intellectûs, scilicet falsitas hæc juxta Atheos: DEUS est: esset per se Causa boni in Voluntate. Persuasio enim de vera Existentia DEI, est principium omnis dictaminis honesti. Est, ut loquitur Plutarchus, nervus totius humanæ societatis & fundamentum. Hinc ulterius sequitur.

6tum absurdum, nempe: Quòd homo ex eo esset bonus, quia errat circa primum & supremum Principium: & ex eo, per se loquendo, esset malus, quia non errat circa illud Principium.

7mum Inconveniens. Quia aliàs Religio, Pietas erga DEUM, Virtutes item Theologicæ, essent summè impia & stulta. Summè enim impium est, stultumq; , colere, amare chymeram, in eam credere, & ei, ac in illa totam suam spem collocare.

8vum Inconveniens. Quia perjuria, blasphemix, sacrilegia, non essent mala; his enim potius comprobaretur Veritas Atheistica: cum tamen ex fide dignissimis Historiis constat, prædictas impietates, mi-

3tio. Falsitas verò prima & summa publicanda

foret pro veritate principali.

4to & 5to quòd bonum esset causa per se mali: & è contra, malum, causa per se boni.

6to. Homo esset bonus, quia summè errat.

7mo & 8vo Primariæ Virtutes forent stultæ & impia;

è contra, rabiliter & graviffimè eſſe punitas. Vide dicta in Tractatu infra 3tio
primaria ſub Argum: 40.

impia-
tes, eſſent
laudabi-
les.
9nd. & 10. omum Inconveni-
ens. Quia omnes Virtutes eſſent vitia, cum per
Atheos tollatur omnis honeſtas: hæc enim tota eſt, vel per confor-
mitatem cum lege Divina, vel cum Natura rationali, in quantum ad
DEum, ut ad ultimum finem ordinata, à quo & lumen rationis natu-
ralis, & in quantum in ſe derivatum habet, eſt Regula bonitatis &
malitiæ moralis.

Virtutes
forent vi-
tia, nihilq;
eſſet ho-
neſtum. omum Inconveni-
ens. Quia tolleretur omnis honeſtas: utpote
ceſſante omni lege & obligatione naturali, à qua aliæ obligationes
pendent.

imò Opti-
mi quig;
& doctif-
ſimi, fuiſ-
ſent peſſi-
mi & ſtul-
tiſſimi. mum. Quod omnes, quicunq; unquam fuerunt & ſunt ſummæ
Auctoritatis, Optimi, Sanctiſſimi, pro eruditiffimis & ſapientiſſimis
à toto Orbe ſemper habiti: item omnes miraculis, prophetiâ conſpi-
cui, fuiſſent ſtultiſſimi. Hi enim agnoverunt, colueruntque DEum,
quem tu Athee impie, blateras eſſe merum capitis figmentum.

imum demum (ut alia prætermittam) ex doctrina Atheiſtica
ſequitur. Quod ſoli omnium mortalium ſceleſtiſſimi, ſoli plus quam
brutali laſciviæ & impietati dediti: ab univerſo Orbe ſemper pro in-
ſipientibus habiti Athei, fuiſſent ſapientiſſimi: utpote qui ſoli Veri-
tatem Primam, & præcipuum arcanum attigerunt.

3tia Propoſitio.

Conſenſus
abſolutè
omnium,
eſt indi-
cium Ve-
ritatis. Quod retròactis omnibus temporibus, & nunc, omnes Gentium
nationes: & in his univerſi innumeri viri, ſummò ingenio, au-
thoritate eximia, multiplici doctrinâ, Virtuteq; inſtructi pa-
lâm & conſtanter ſine ulla hæſitatione, ut verum ac indubi-
tatum affirmant: id eſſe deſacto verum, prudentiſſimè cenſe-
tur, imò evidens eſt moraliter. Maximè, ſi ex alia parte
non ſit fundamentum ſolidum, ad prudenter judicandum, il-
los, vel per malitiam velle decipere, vel per ignorantiam
decipi.

PROPOſitionis hujus Veritas conſtat. Quia tanta hominum indefi-
ciens

ciens consensus, est clarissima vox ipsius Naturæ, quæ fallere nescia & falli, utpote cujus Objectum materiale est verum, nec ad falsum inclinat. Aliàs dubitare prudenter possemus de Veritate primorum Principiorum lumine Naturæ notorum. Imò Consensus omnium Gentium & omnium ætatum, non solum non potest haberi circa falsum, sed nec solum circa Verum ambiguum, & merè probabile. Cùm enim in Gentibus, varia semper fuerint ingenia, & sectæ sibi oppositæ, nulla est Quæstio merè probabilis, in qua omnes semper conveniant: sicut omnes conveniunt: Corpus quantum non possè naturaliter penetrari cum alio corpore quanto, nec possè naturaliter simul existere in pluribus locis. Ex nihilo subjecti, nihil defacto, ab Agente creato fieri. Et hoc est evidens naturaliter. Accedit. Quia, ut apud Sanctum Thomam lib: 2. contra Gentes, cap: 34. dicitur: ipso, ut colligere licet ex cap: 37, approbante. *Falsa Opinio, infirmitas quadam Intellectûs est: sicut & falsum judicium de sensibili proprio, ex infirmitate sensûs accidit: defectus autem per accidens sunt, quia præter naturæ intensionem. Quod autem est per accidens, non potest esse semper & in omnibus: sicut judicium de saporibus: quod ab omni gustu datur, non potest esse falsum: ita judicium, quod ab omnibus de Veritate datur, non potest esse erroneum.* Sicut item ad discernendum lucem à tenebris, album à nigro, sufficit consulere commune judicium oculorum non cæcutientium: sic ad discernendum verum à falso, sufficit consulere commune judicium Intellectûs, seu si Intellectivis omnibus, præsertim cunctis sapientibus, hoc constanter appareat verum. Propositionem nostram comprobatur Aristoteles, qui libro 10. Ethicorum, ait: *Quod universis videtur, verum est.* Libro verò de Divinat: per somnia, cap: 1. *Quod omnes aut complures sentiunt, aut dicunt, id falsum esse non est putandum.* 6to Ethic: cap: 11. *Peritorum hominum & seniorum seu Prudentum pronuntiationibus, & opinionibus, absq; demonstratione, non minùs, quàm demonstrationibus attendendum est.* Licèt verò Aristoteles textu hoc ultimo agat de peritorum hominum pronuntiationibus circa res agendas: extendi tamen potest universaliter circa omnia alia, maxime si in contra nihil evidenter obstat. Seneca etiam Philosophorum omnium Stoicorum acutissimus, Epistola 118. scripsit: *Multum dare solemus præsumptiori omnium hominum, magnumq; est apud nos Veritatis argumentum,*
aliqui

aliquid omnibus videri. Et alibi: *Nemo omnes, omnes neminem, ſinguli ſingulos fallunt.* Gulielmus Avernus Episcopus Pariſienſis lib: de Virt: cap: 2. *Quod natura (inquit) univerſaliter & naturaliter conſtitetur, necesse est verum eſſe: Naturam enim naturaliter, & univerſaliter mentiri, impoſſibile eſt.* Et certè, cùm naturaliter ſpeciei cujuſq; inſtinctus fruſtaneus univerſaliter eſſe nequeat: quomodo naturale, immutabileq; humanæ ſpeciei animalium perfectiſſimæ, univerſaleq; iudicium pro omni tempore & ſtatu, erroneum eſſe cenſeri poterit?

Objectionibus in
contraſa-
tis fit.

Neq; dicas in contra. Quòd ante adventum Chriſti, omnes Gentes fuerint Politheiftæ, ſeu ſenſerint plures Deos eſſe. Divus etiam Hieronymus in dialogo contra Luciferianos, & ex illo Eccleſia in Lectionibus, in feſto Sancti Damasi, habet hæc: *Ingemuit totus Orbis, ſe arianum miratus eſt.* Demum Mahometanam ſectam magna pars Orbis, ut veram, amplexa eſt. Contra enim eſt. Quia omnes ſapientiores Ethnici, unum tantum eſſe Deum agnoverunt: quive colebant plures Deos, eo ipſo Numen aliquod ſupremum, ſaltem confuſe, eſſe affirmabant: quin pleriq; & diſtinctam etiam notitiam de aliquo Supremo habuerunt: paſſimq; Gentiles, primas deferrebant Jovi, & tanquam ſupremum Deum colebant. Hinc etiam Laëtantius libro I. Inſtitut: cap: II, ait: *Solent quidam, errores ſuos hac excuſatione defendere, qui convicti de uno DEO, cùm id negare non poſſunt, ipſum ſe colere affirmant, verum hoc ſibi placere, ut Jupiter nominetur.* Imò & in Indiis ac Japonia, prudentiores Ethnici, unum Deum colebant: ut conſtat ex Epistoſa Sancti Xaverii, Indiarum Apoſtoli, Romam ſcripta, Cocinò, Anno 1544. pride Idus Januarii, in qua Epistoſa, inter alia ſcribit ſic: *Unum Brachmanem in hac ora maritima naſtus ſum eruditum, qui in nobili ac celebri Gymnaſio inſtitutus terebatnr. Is mihi tanquam arcanum quoddam indicavit. Primum omnium, illius Academia Diſcipulos à Magiſtris adigi Sacramentò, ne ipſorum myſteria enuntient: verum tamen ſe mihi pro amicitia indicaturum. Unum ex myſteriis illud fuit: Unum eſſe Deum, cæli terræq; Conditoſem, ac Dominum, illumq; ab ipſis coli oportere: nam Idola nihil aliud eſſe, quàm Dæmonum ſimulacra. Dieq; ſuo feſto hanc unam precationẽ identidem ſua lingua uſurpant ſapientes: Veneror te Deus, tuamq; opem in perpetuum imploro. Hanc precationem iuriſjurandi Religionẽ*

gione adstricti, submissâ admodum voce iterant sapius. Hucusq; Sanctus Xaverius. Divus Hieronymus loquitur de illa multitudine Episcoporum, qui ex magna Orbis parte convenientes Ariminum, Valentis potissimum & Arsacii, Arianorum fraudibus circumventi, decreverunt tollendum esse nomen *ομολογ*, quod, quid significaret non penetrabant, præsertim Episcopi Occidentales, ignari linguæ Græcæ: qui tamen, ut admoniti sunt & fallaciam agnoverunt, ex-nunc errorem correxerunt. Accedit. Quod aliquibus Episcopis Occidentalibus deceptis, innumeri alii Viri doctissimi & Sanctissimi, tunc rectè senserint: ut etiam id ipsum insinuat Divus Augustinus Epistola 48. ad Vincentium Rogatistam, seu ex hæresi Rogatiana. Mahometisum vix ullus sapientum amplexus est. Crevit nonnisi tyrannide, ense, licentiâ Veneris, permissione scelerum, discordiâ Principum Christianorum. Prudentiores item ex ipsis Persis & Turcis, contemnunt Mahometisum, ut mihi retulit oculatus testis, Vir Apostolicus, Missionarius in Persiam, Venerabilis Pater Ignatius Franciscus Zapolski Societatis JESU. Insuper, quia non tantum solida, sed evidèntia sunt fundamenta, idololatriam, Arianisum, Mahometisum, esse sectas erroneas, illosq; , qui eas amplexi sunt, vel per ignorantiam supinam deceptos esse, vel per malitiam, voluisse decipere. Et quidem quod ad Idololatriam, ex eo patet: quia contra lumen Naturale, Gentilisumus adstruit plures Deos, & quidem Deos, hominibûs sceleratis sceleratiores. Unde Lactantius lib: 1. Institut: cap: 10. inquit: *Stultus est Marcus Tullius, qui Cajo Verri objecit adulteria, eadem enim Jupiter, quem colebat, admisit: qui Publio Clodio sororis incestum: Ast illi (id est Jovi) Optimo Maximo, eadem fuit soror & conjunx.* Arianisumus etiam evidenter falsitatis convincitur. Tum ex multitudine innumera miraculorum, quæ fiebant in confirmationem fidei Orthodoxæ, & ex morte turpissima Arii. Tum ex eo, quia incepit ab Ario, modò primum circa Annum Christi 324, eliminatusq; est jam ferè ex Orbe, paucis in Transylvania Arianis degentibus: cum tamen vera Christiana Ecclesia, nunquam possit deficere, juxta illud: Et portæ inferi non prævalebunt adversus eam, fueritq; etiam longè ante Arium, ut patet. Mahometisumus ex eo inter alia, erroneus demonstratur quia supremam felicitatem hominis collocat in voluptatibus corporis: quod est evi-

denter falſum. *Indulgere enim voluptati, initium omnium malorum eſt,* ut ſapienter notat Seneca Epiſt: 3. Eſt item contra rectam Rationem: hæc enim dicat, in ea hominis parte collocandam eſſe ſupremam hominis beatitudinem, quæ potior eſt & perfectior, qualis utiq; eſt Anima? Item, quia formalis beatitudo hominis eſſe nequit, niſi Operatio inſigniter excellens & perfecta, cum beatitudo ſit ultima perfectio hominis, imò ſumma, teſte etiam Ariſtotele: proinde debet eſſe Operatio vitalis, non materialis, nec brutis communis, ſed ſpiritualis, rationalis, ſoliq; Creaturæ intellectivæ propria: quales Operationes ſunt ſoli actus Intellectûs & Voluntatis. Hinc Avicenna, qui floruit circa Annum Chriſti mo, Philoſophus ac Medicus, Mahometanus licet, tamen lib: 9. Metap: cap: 7. falſitatis arguit Mahometem. Averroes quoq; , qui vixit circa Annum 1216. ſimiliter ſectæ hujus Profeſſor Philoſophus & Commentator Ariſtotelis, falſus eſt, melius ſcripſiſſe ac ſenſiſſe Ariſtotelem de ultimo fine, ac beatitudine hominis, quàm Mahometem: Ariſtoteles enim 10. Ethic: cap: 7. & 8, ſtatuit beatitudinem ſupremam hominis in contemplatione. Compendioſius etiam reſponderi poſſet ad Objectionem: ſcilicet, quòd Polytheiſmus non ſemper fuerit retròactis temporibus omnibus; ſiquidem non fuit à Mundi incunabulis, ſed longè poſt, & quidem probabilius modò primùm poſt diluvium (quod fuit juxta multos, Anno Mundi 1656.) ſi non cæpit, ſaltem modò primùm poſt illud vigit, nec nunc ſit apud omnes Gentes: quod multò magis dicendum de Arianismo & Mahometismo: proinde ſtat inconcuſſa noſtræ Propositionis 3tiæ Veritas: etiamſi ad illam non fuiſſet additum Ly. Maximè ſi ex altera parte, non ſit fundamentum &c: addidi tamen, ut Veritas Propositionis firmitus inconcuſſa maneat, clariuſq; eluceat,

4ta Propoſitio.

Deum exiſtere, omnes ſancti ſunt. *DEum eſſe, omnes Gentium Nationes, & in his univerſi ſummò ingenio & auctoritate eximiâ, multipliciq; doctrinâ & virtute inſtructi, ut indubitatum affirmarunt ſemper, ac affirmant. Neq; eſt fundamentum ſolidum ad prudenter judicandum, illos per malitiam velle decipere, vel per ignorantiam decipi.*

Pri-

Prima pars hujus Propositionis, Inductione clarâ evincitur, enumeratione populorum omnium: Christianorum, Judæorum, Turcarum, Persarum, Scytharum, Maurorum, Indorum Orientalium & Occidentalium, Romanorum antiquorum, Græcorum, Barbarorum: & cum nulla sit memoria, quandonam cæperit DEI cognitio, id ipsum documento est, eam semper fuisse, cumq; Mundo capissè. Eleganter Maximus Tyrius Philosophus Platonius, Dissertatione imâ, dicit: [Quod si concionem cogas, omnesq; simul artes convenire jubeas, ac de DEO ex iis quæras, putasne aliud Pictorem, aliud Statuârium, aliud Pœtam, aliud dicturum esse Philosophum? Verum enim verò, in aliis videbis alia, nec unquam eadem statuere homines: nec enim, bonum idem omnibus, nec idem omnibus malum: nec idem turpe & honestum. Ut de Legibus & Jure taceam, quæ pro cujusq; placito, in omnes ita partes distrahuntur ac vellicantur: ut non modò Gens, cum Gente, sed nec Urbs cum Urbe, nec Familia cum familia, nec homo cum homine, nec unus aliquis interdum secum ipse consentiat. In hac tanta pugna, contentione, atq; Opinionum varietate, in eo leges ubiq; terrarum atq; Opiniones convenire videbis: Deum esse unum, Regem omnium & Patrem: huic multos additos esse Deos alios (*intellige Substantias separatas intellectivas, seu Angelos, hos enim etiam nomine Deorum appellavit Plato, ut videbimus infra in Tractatu 2do Libri 2di, Cap: 2.*) qui supremi illius Filii sint, & quasi in Imperio Collegæ (*verius Administratorii Spiritus*) in eo Græcus cum Barbaro, mediterraneus cum Insulano, Sapiens consentit cum stulto: ut, si usq; ad extrema Oceani littora processeris, hîc quoq; Deos inventurus sis. Quod si ab omni ævo, duo aut tres exstiterunt tam abjecti homines, ut sine DEO, & sine ullo sensu aberrarent- ex his nihilominus hominibus, aliquid de Divina Natura intelliges, nam & inviti hoc sciunt, & inviti dicunt.] Hæc Tyrius. Idem cum Tyrio asserit Cicero libro 1. de legibus. De hominibus nulla Gens est tam immansueta, quæ non, etiamsi ignoret qualem DEum habere deceat, tamen habendum sciat. Et libro 2do de Natura Deorum: De DEO qui dubitat, haud sanè intelligo, cur non idem, sol sit an nullus sit, dubitare possit. Non absimilia habet Plutarchus libro contra Colotem cap: 18. Simplicius in Caput trigessimum octavum Enchirid: Epicteti, dicit: Omnes homi-

homines, DEUM eſſe, cenſent. Ex Patribus audiatur vel unus Sanctus Auguſtinus, qui Tractatu 186. in Joannem ait: Hæc eſt vis veræ Deitatis, ut Creaturæ rationali, jam ratione utenti, non omnino, nec penitus, poſſit abſcondi. Et ſermone de Verbis Domini: Pauci inveniuntur tantæ impietatis, ut dicant: Non eſt DEUS. Vide & paulò ſuperius ſub Propoſitione 2da, textum Divi Chryſoſtomi.

In hoc con-
veniunt
omnes Se-
ctæ anti-
quorum
Sapientium.
Confirmatur. Quia omnes Sectæ veterum Sapientum, licet in cæteris, ſecum pugnantes, in hoc tamen convenerunt omnes, quod datur Deus aliquis, nomine Dei intelligendo Ens primum, ſive primum cauſalitatis, ſive excellentiæ. Nam Zoroâſter, Primus Sapientiæ Princeps apud Chaldaeos, qui teſte Plinio lib: 30. Natur: Hiſt. cap: 110, viciſſim centum millia verſuum ſcripſit, ait: *DEUS incorruptibilium primus eſt, ingenitus, bonorum omnium Origo.* Ut refert Euſebius de Præparat: Evang. cap: ult.

Mercurius Trimegiſtus, Ægyptiæ ſectæ primus, quid ſenſerit de Deo, conſtat ex dictis infra lib: 2. Tract: 2. cap: 1.

Pythagoras, Italiæ ſectæ Princeps, dixit: *DEUS omnium Pater, Mens & Animatio cunctarum rerum.* Item: *Mundus à DEO factus eſt. Si quis ſe Deum dicat, præter unum, hic Mundum debet huic parem condere & dicere: Hic meus eſt. DEUS unus eſt, id eſt, non extra Mundi Ornatum, ſed in ipſo totus in toto.* Ut refert Sanctus Juſtinus Martyr in Exhortat: ad Gentes, & in libro de Monarchia.

Pœticæ ſectæ Princeps, Orpheus, hæc de DEO habet: *Unus per ſe genitus, ab eo cuncta progenita ſunt.* Ut refert idem S. Juſtinus.

Elæaticæ ſectæ Antefignanus, Xenophon dixit: *DEUS ingenitus, & æternus eſt.* Ut teſtatur Theophrastus.

Cynicæ ſectæ Auctor fuit Anthiſtenes, is, quid ſenſerit, colligitur ex Diſcipulo Cynico, hic (teſte Lærtio in ejus vita) interrogatus: an Deos eſſe exiſtimaret? *Quomodo (inquit) non exiſtimo, qui te Deorum hoſtem puto?*

Zeno, Stoicorum Princeps, inquit: *Videtur, duo eſſe univerſorum Principia, Efficiens & Patiens: patiens, Materiam; efficiens autem, Rationem, quæ in ipſa eſt, ſive DEUM.*

Epicuræ ſectæ Dux, Epicurus, hic teſte Tullio, libro 2do de Natura Deorum, dixit: DEUM eſſe Naturam præſtantem, quâ nihil ſit meli-

melius. Docuit item teste Lærtio in ejus vita: Felicitatem summam esse in Deo, cui accessio nulla fieri potest. Censuit proinde Epicurus, DEum esse Ens Primum, primate excellentiæ: etsi non Primum primate causalitatis.

Ionica sectæ Primus fuit Thales, is primus Sapiens appellatus, dixit: *Antiquissimum eorum quæ sunt, esse DEum, non enim genitus. Mundum Opus esse DEI.* Ita Lærtius in ejus vita.

Socrates suæ Dux sectæ, inquebat: *Ignotum DEum investigandum rationibus esse, nec facile Patrem & Opificem omnium inveniri posse.* Ut scribit Sanctus Justinus in Apologia pro Christianis:

De Euclide, qui Auctor Megaricæ sectæ, refert Lærtius in ejus vita, quod affirmaverit: *Omne bonum in DEO esse.*

Platonica & Peripatetica sectæ Princeps, Plato & Aristoteles, quod senserint DEum esse, & quidem unum: constat ex dictis infra cap: 2. & 3. in Tractatu 2do, Libri 2di. Hinc & Salvianus libro 1. de Providentia dicit: *Plato, & omnes Platoniorum scholæ, Moderatorem rerum omnium, consitentur DEum: Stoici, Eum Gubernatoris vice, intra id, quod regat semper manere testantur.* Ac teste Macrobio in 2do de somnio Scipionis: *Tota Philosophia posuit DEum, Auctorem rerum.*

Ex his evidenter habetur omnimoda Sapientum, & Sectarum omnium conspiratio de Primi Entis Existentia.

2da etiam pars illius Propositionis 4tæ probatur. Quia quodnam, rogo, solidum Fundamentum afferri potest, Omnes ex illis sapientiores, vel voluisse per malitiam decipere alios rudes: præsertim cum ex iis innumeri, omnis Ordinis, sexûs & ætatis homines, mirabili vitæ probitate, imò & insigni doctrinâ conspicui, huic veritati propugnandæ, scilicet: quod DEus sit, & quidem Unus in Essentia, fortunas omnes, vitamq; ipsam, stupendâ patientiâ, toleratis prius exquisitissimis tormentorum generibus, postposuerint? Vel per ignorantiam deceptos esse, cunctos Orbis sapientes?

Neq; dicas, fuisse Gentes aliquas, & esse sinè omni Deo. Pater enim Matæus refert lib: 2. Hist: Indic. In Brasilia, quæ est vasta Regio Americæ, seu Indiæ Occidentalis, nullum esse usum literarum harum trium F. L. R. Minimè absurda quorundam animadversione factum id esse divinitus, eo, quod Fide, (nullos enim omnino nōrunt

An, & quales Gentes fuerint sine cognitione Dei?

Deos) Lege, Rege careant. Et P. Molina in 1. p. q. 2dâ testatur, Brasiliſos nullam de DEO habuisse notitiam, ante adventum Lusitanorum. Pegusiana item Gens, teste Massæo libro 16. Histor: Indic. infinitos Mundos constituit perpetuò sibi succedentes, innumerabiles etiam Deos, quorum aliquot in singulis Mundis variante numero deinde existunt: qui nunc volvitur, hunc Deos quinque habiturum affirmant, quorum quatuor jam abierint, postremum hunc, ante bis mille annos & nonaginta novem, asserunt è vita migrasse: nunc sine Deo est, post multos Annos alium venturum expectat. Guaycuri etiam Gens barbara, teste Nierembergio Histor: Natur. lib: 8. cap: 21. Deum nullum agnoscit, nec etiam nominat, sed & nec Dæmones agnoscit, nec alios spiritus: solum putat animas postquam è corpore egressæ fuerint, vagabundas palari. Simile quid fertur de Angilæ, Africæ populo: & Strabo cap: 3. Geograph. dicit: Callaïcis, Deum nullum esse, quidam ajunt. Responderetur. Quòd adversio à Patre Massæo citata, sit sublimior, quàm solidior. Fides enim non in omni lingua incipit ab F. idem dic de Rege, Lege. Hoc tamen certum, quòd Brasili ferè omnes caruerint rectâ Fide, nec ante adventum Lusitanorum habuerint notitiam explicatam DEI, cui esset nomen proprium aliquod impositum, templaq; aut sacra dedicata: idq; non adeò mirum, siquidem illi barbari, absq; Urbibus & pagis, more ferarum in Sylvarum locis à se plurimùm disſitis ordinariè degebant. Pleriq; tamen ex iis ingenioſiores, non omnino in libidinem effusi, quòd habuerint notitiam Dei, colligi id sufficienter potest ex variis Historiis, inter quas, notabilis est & illa, quam de quodam ex Indis in Peruvia, refert Sacchinus in Historiarum Parte 5tâ, libro 9. ad finem.

Expeditiùs etiam fortè ad Objectionem responderi posset: nempe, Brasilorum Gentem & Pegusianam, vel in comparatione omniū aliarum nationum, pro nihilo computandas: vel Ly, omnes Gentes, in Propositione nostra 4ta positum, sumendum esse non mathematicè, sed moraliter: moralis autem universalitas admittit exclusionem aliquorum vel paucorum; & Sententia ferè omnium, reputatur moraliter esse omnium. Vel dicendum, illas Gentes fuisse omnino stolidas, nimia barbarie præpeditas, pravitate affectûs obœccatas: quod ipsum patet ex iis, quæ de illis narrant Historici.

Obje-

Objectiones alias vide solutas infra in Tractatu 3tio, sub Argumento 4to.

C A P U T III.

De Auctoritate Scripturæ sacræ.

SÆpè in hoc Volumine adduco Scripturam sacram, ut verò ex illa aliquid efficaciter contra Atheos concludi possit, demonstrandum necessàriò est, quantum sui pretium, & Auctoritatem, Liber Scripturæ sacræ mereatur apud quoscunq; prudentes, etiam infideles. Porro demonstrandæ Auctoritati & Veritati Scripturæ, immorabor tantisper. Tum quia pro Veritate illius, tam valida sunt documenta, ut si quis iis penetratis, adhuc discredere audeat Scripturæ, ausim dicere, quod olim Lucæ 16, Abraham Epuloni dixissè legitur. *Si Moysen & Prophetas non audiunt, neq; si quis ex mortuis resurrexerit, credent.* Tum quia hîc dicenda, digna scitu sunt, ac perutilia homini Christiano, ad eum in fide sancta confirmandum, & appretiandum Libros sanctos: Sit ergo

Prima Propositio.

Biblia sacra, seu Liber sacræ Scripturæ, etiam apud Infideles quoscunq; prudentes, magnum sui pretium, eximiamq; Auctoritatem meretur.

PROBatur. Demonstrando decem Causas tantæ Auctoritatis & meriti. Imò enim meretur ex eo. Quia per tot sæcula, imò tot millia annorum, in nullo, & à nullo, falsitatis convinci potuit: nec quidquam difforme rectæ Rationi præscribit faciendum: continetq; Historias conscriptas cum circumstantiis temporum, locorum, personarum, nominum, occasionum, tam consequenter, & congruenter pietati, ut admirari sufficienter non possis: talia autem in libris, qui confectas historias continent, minimè reperiuntur: veritatemq; eorum, quæ, verbi gratiâ, scripsit Moyses, comprobârunt omnes Prophetæ, & David Rex (qui annis solùm 370, ut ostendit Salianus in suis Annalibus, fuit posterior Moyse) in suis Psalmis, præsertim Psal: 77. 104. & 105. Comprobavit Christus Dominus Matth: 5to. *Non veni solvere legem aut*

Scriptura sacra, apud quoscunq; etiam infideles, Auctoritatem eximiam, & pretium sui meretur, ex decem præsertim Capitibus.

Imò. Ex sua omnimoda veritate.

Pro-

Prophetas, ſed adimplere. Joannis 5to: *Si crederetis Moysi, crederetis forſan & mihi, de me enim ille ſcripſit: ſi autem literis illius non creditis, quomodo verbis meis credetis?* Comprobant omnes, Sanctitate, Miraculis, & ſapientiâ conſpicui in Veteri ac Nova Lege; Univerſus Orbis Chriſtianus, & ipſi Turcæ, Arabes, Perſæ, Scythæ, quò ad libros Veteris Teſtamenti præſertim Moysi. Imò Mahometes in ſuo Alcorano cap: de Menſa, dicit: *O vos, quorum eſt divinus Codex* (nempe Alcoranus) *nihil omnino hoc vobis predeſt, donec Teſtamentum Vetus, & Evangelium complectamini præſeratis.* Licet erroneè Mahometani aſſerant, Teſtamentum vetus, à Judæis; Novum, à Chriſtianis, in aliquibus locis depravatum eſſe. Comprobat Veritatem ſcriptorum à Moysi, ejus nullo illitus fucò candor, quò plenus, Conſanguineorum ſuorum, & ſuoſmet lapſus non reticuit; ut Levi, Fratriſ ſui idololatriam: peccatum Mariæ, ſororiſ, & filiorum Aaron: ſuam incredulitatem in percuffione petræ, &c. Accedit, quòd in Libris Moysiſ conſcriptorum præcipuorum mirabilium veritatem comprobent, à temporibus Moysiſ hucſq; apud Judæos perſeſerantia feſta, Paſchæ, Pentecoſtes, Tubarum, Tabernaculorum. Feſtum enim *Paſchæ* celebratur in memoriam plurimum miraculoſæ ex Ægypto eliberationis Hebræorum, eorumq; conſervationis: cùm Dominus percuffit in una nocte omne Primogenitum in terra Ægypti, ab homine uſq; ad pecus. *Pentecoſtes*, in memoriam datæ legiſ in monte Sinai, quinquageſimo die poſt egreſſum ex Ægypto. *Tubarum*, in memoriam Iſaâci, ab immolatione mirabiliter eliberati, ac pro eo ſurrogati arietis: ut habetur Genefiſ 22. ideoq; eo die cornibus arietiniſ clangor fieri ſolebat. *Tabernaculorum*, quòd 40 annis in tabernaculis vixerint in deſerto, Deo prodigioſè illoſ protegente ac paſcente.

2dò. Ex
Auctori-
tate ſuo-
rum ſcri-
ptorum.

2dò Meretur magnum ſui pretium Scriptura ſacra ob Auctori-
tatem ſuorum ſcriptorum. Libros enim quinq; primos Scripturæ ſa-
cræ. ſeu Pentateuchon, ut certiffimum eſt (ſi inde quaſdam ſententi-
as demas, additas à Joſue vel ab Eſdra, vel ab alio quodam Propheta:
ut præter alioſ demonſtrat Cornelius à Lapide in Comentariis ſuiſ
in Pentateuchum, folio 1.) ſcripſit Moyses, patrator ipſe, ac ſpectator
ferè omnium mirabilium eorum, quæ ſcribit contigiffe in Ægypto, &
poſt egreſſum ex Ægypto. Vir iſ, quantæ auctoritatiſ ſit, inde colli-
ge.

ge. Ab infantia in aula Regia, veluti Regis Pharàonis, Amenophis, dicti, Filius, & regni hæres, educatus est annis 40: fuit eruditus, ut ait Sanctus Stephanus Act: 7. Omni sapientiâ Ægyptiorum, & quidem in tantum, ut ab Ægyptiis, ob sacrarum literarum interpretationem, dictus fuerit Mercurius, & quasi pro Deo habitus. Vide Sanctum Cyrillum lib: 1. contra Julianum, & lib: 7. A Gentiliis etiam Sapientibus ac Philosophis creditus est fuisse Vir sapientissimus. Gentilis Numenius, eum vocat Magnum Theologum, Legislatorem, & Prophetam: Eupolemus Sapientem innum. Diodorus Primum Latorem legum. Omnium, quorum nunc exstant scripta, vel quorum nomen in Gentiliis Scriptis proditum est, Primus fuit Pœta, Orator, Historicus, Philosophus, Theologus, Primus Dei Notarius. Pœtam fuisse insignem, testantur ejus celeberrima Cantica Exodi 15. Deutor: 32, quasi elegiaco carmine: Et saltem aliqua pars libri Jobi, quæ spondacis versibus ab illo met (ut gravissimi Auctores asserunt apud Pinedam in Præfatione cap: 3. & 4. in librum Job) conscripta sunt. Oratorem, probant Exhortationes vel reprehensiones ad populum, vel ad Deum Orationes. Ut Historicus, scripsit Historiam certissimam ab Orbe condito, usq; ad annum circiter bis millesimum quingentesimū. De ejus scientia Philosophica & Ethica, Theologicaq; , abundè testantur ejus libri quinq; , & Liber Job. Duodecim menses apud Pharàonem, dictum Technosis, munere legationis functus: decem plagis miraculosis eum afflixit, ac trigesies centena cervicosorum hominum millia, per arida deserta, ex Ægyptiaca servitute in prodigiis ac portentis deduxit, & per ultimos quadraginta annos vitæ suæ, peractis mansionibus quadraginta tribus, quatuor insignioribus Victoriis, viginti duobus à se editis miraculis, clarus, ad Promissionis terram Israëlitas perduxit: eorum summus Imperator, Doctor, judex, Legislator, Pontifex, Propheta: Quod ultimum ex eo constat, quia in illius libris, plurimæ continentur prædictiones, ut Gen: 12, & 49. Numer: 24. Deutor. 18 & 32. ac 33. Ex quarum veritate jam adimpleta, non possumus prudenter dubitare, quin & in cæteris omnibus verax fuerit. Imò tota lex Moysis fuit quædam Prophetia & figura Christi: Unde Christus, Joannis 5to, dicit: *De me enim ille (id est Moyses) scripsit.* Acutè notat Divus Augustinus lib: 16. contra Faustum, cap: 22, Non dici-

dicitur: *Ille enim & de me scripsit*, sed simpliciter *de me*: ut omnem Scripturæ illius intentionem, nonnisi ad intelligendam Christi gratiam perscrutando consuleremus. ut loquitur Sanctus Doctor. Sanctus quoq; Cyrillus Alexandrinus Archi-Episcopus, Opus Allegoricum scripsit, cui titulus & argumentum est: Quod per omnem Moylis scripturam, Christi mysterium deficiatur. Licet verò in tanto fastigio collocatus Moyses, erat Vir mitissimus super omnes homines, ac usq; eò, propter modestiam, omnium sermone celebratus, ut Platoni, homini planè modestissimo, ejus modestia ac mansuetudo, tanquam exemplar ad imitationem proponeretur: ut loquitur Constantinus Magnus, Imperator, in Orat: sua apud Eusebium cap: 18. Vixit Moyses annis centum quinquaginta: vegetus ac benè validus usq; ad mortem.

Psalmodum Librum conscripsit David, Rex potentissimus, victoriosissimus, & opulentissimus. Potentiam ejus vel inde collige, quòd (ut legitur 1. Paralip: cap: 21.) Joab Dux ejus exercitus, dedit Davidi numerum eorum, quos circummierat, & inventus est omnis numerus Israël, mille millia, & centum millia virorum educantium gladium: de Juda autem quadringenta septuaginta millia bellatorum. Levi verò & Benjamin non numeravit, eò quòd Joab invitus exequeretur Regis imperium. Debellavit Ammonitas, Syros, Philisthæos, aliosq; hostes. Opulentiam, & liberalitatem ejus in DEum, vel ex eo collige: quòd (ut scribitur 1. Paralip: cap: 22.) præter ligna cedrina, ferrum, æs, gemmas, in magna copia, reliquerit pro templo extruendo Salomoni, auri talenta centum millia, & argenti mille millia talentorum: quæ utraq; summa in universum facit bis mille & quadringentos milliones auri: unus autem millio auri, facit decies centena millia aureorum. Hanc summam, si tota ex auro esset, non ferrent decem millia currum, nongenti & octoginta: quamvis singuli currus, ducenta quinquaginta millia aureorum ferrent: ut dicit Drexelius Aurifodinarum Parte 3^{ti}a cap: 1. Fuit insuper Propheta eximius, Pòeta insignis, optimè peritus Moralis & Naturalis Philosophiæ, Historiæ sacræ & Legum Divinarum, quæ omnia clarè in ejus Psalmis relucet. Mortuus anno ætatis 70mo: Regni 40mo. Cui successit Salomon, annum agens vigesimum, mortuus anno sexagesimo, vel ut alii volunt, 52do. Hic inter alia (Parabolarum enim, Carminum, omnisq; generis librorum numerus

rus ab eo conscriptorum fuit juxta multorum sensum, ferè sinè numero) conscripsit Libros sacros tres, scilicet: Proverbia, Ecclesiasten, & Cantica Canticorum: imò juxta plerosq; , etiam Librum Sapientia. Fuit Rex sapientissimus. Is, ut legitur Sapient: 7mo. quam sinè fictione didicerat sapientiam, sine invidia aliis ut communicaret, Academiam celeberrimam ædificavit (teste Pineda lib: 3tio de Rebus Salomonis cap: 28. & aliis) in Monte Sion, juxta templum: in qua publicè ipsemet circa annum Regni sui 26tum, omnes docebat Scientias Naturales: hoc ipsum videtur ipsemet innuere Proverb: 9no. *Sapientia ædificavit sibi domum* (Doctrinæ videlicet publicum Gymnasium) *excidit columnas septem* (non planè quibus domus fulciretur, sed ex quibus veluti erectis Cathedris, tam ipse Salomon, quàm alii doctissimi Hebræorum, diversas scientias altiores docerent.) Et hæc Academia Salomonis, fuit Matrix cæterarum: suaq; recta dogmata, inde à Salomone & ab Hebræis, antiqui Sapientiores Ethnici hauserunt. Certum enim videtur esse, ad Salomonis doctrinam percipiendam, confluisse plurimos Phæniceses, Tyrios, præsertim verò Ægyptios: siquidem & Vaphres Regis Ægypti filiam, aliasq; alieligenas duxerat sibi Salomon in uxores: & si Regina Saba (quæ vocatur à Josepho, Nicaule) de ultimis finibus terræ, nempe ex Æthiopia venit, ut audiret sapientiam Salomonis. Quidni multò magis, simile quid dicendum de aliis finitimis populis ac sapientibus?

Aliorum etiam Librorum sacræ Scripturæ Veteris Testamenti Scriptores, fuerunt Viri sanctissimi, doctissimi, ac ordinariè nobilissimi, summa Auctoritate conspicui: ut Isaias, fuit filius Amos fratris Amasia, Regis Judæ, Sôcer Manassis Regis. Daniel, sanguine Regum genitus, Princeps & Rector totius Imperii & Monarchiæ Babylonica, annis ferè 90. Samuel in Gente sua ultimus Judex, & Princeps. Esdras, frater Josedec Summi Sacerdotis.

3tio. Meretur magnum sui pretium, eximiamq; Auctoritatem Scriptura sacra, ob suam antiquitatem. Moyses enim ante Romam conditam natus est annis 825. Pluribus annis, quàm centum anteivit Mercurium Trismegistum. Eo enim tempore, quo Moyses natus est (ut scribit Divus Augustinus lib: 18. de Civit: cap: 39.) fuisse reperitur Athlas ille, magnus Astrologus, Promethi frater, maternus Avus

3tio. Ex
Antiqui-
tate sua.

Mercurii majoris, cujus nepos fuit Trismegistus ille Mercurius. Supra quingentis annis antecessit Homerum: imò Porphyrius aſſerit, quòd Moyses, Orpheò, Linò, Musæò, fuerit mille annis antiquior: hi verò Pòetarum ac Theologorum sunt antiquissimi: post eos enim Homerus & Hesiodus nati sunt, utq; testatur Proculus, omnis Pythagoricorum & Platoniorum Theologia, ab Orpheo duxit originem. Quod concernit Historicos, Primus tempore inter Historicos Græcos, quorum Opera non perierunt, fuit Herodotus, quem Cicero, lib: i. de leg: & 2do de Orator: vocat, Patrem Historiæ, & Principem Historiarum: inter Latinos verò Primus fuit Crispus Salustius, de quo Martialis dicit. Crispus, Romana Primus in historia: Herodotus, annis 450, Crispus solum ferè 50 annis præcessit Christi adventum, quem tamen, juxta Salianum, Moyses antecessit mille quingentis octoginta novem annis. Omnes etiam Sapientes septem Græci, floruerunt ab Olympiade trigesima octava, usq; ad quinquagesimam, id est, sexcentis annis ante Christi Nativitatem. Undequaq; ergo cognitu facile est (meritò ait Sanctus Justinus in Orat: Exhort: ad Gentes) multò antiquiorem esse externis Historiis omnibus, Moysis nostri Historiam: Et Theodoretus lib: 2do de Græc: Curat: affect: alloquens Ethnicos dicit. An, non, quæso, tenetis, Moysen esse omnibus vestris Historicis, Pòetis, Philosophis antiquiorem? - Cur non ad Moysen, Oceanum Theologiæ transimus, à quo fluvii omnes, & maria omnia derivantur? Illic enim & Anaxagoras, & Pythagoras, Platoq; post eos, parva quædam veritatis lumina, quædamq; initia desumpserunt. Tertullianus quoq; in Apologetico, cap: 19. Gentiles alloquens de libris sacræ Scripturæ, ait: Primam Instrumentis istis Auctoritatem, summa antiquitas vendicat: apud vos quoq; Religionis est instar, fidem de temporibus aſſerere. Omnes itaq; substantias, omnesq; materias, origines, ordines, venas, veterani cujusq; Styli vestri, Gentes etiam plerasq; & Urbes insignes, historiarum causas, & memoriarum, ipsas deniq; effigies literarum indices, custodesq; rerum, & puto, adhuc minus dicimus, ipsos inquam Deos vestros, ipsa templa, & oracula, & sacra, unius interim Prophetiæ scrinium (*scilicet Moysis Pentateuchon*) sæculis vincit: in quo videtur thesaurus collocatus totius Judaici Sacramenti, & inde etiam nostri. Si quem audivistis interim Moysen, Argivo

, givo Inacho par est ætate: quadringentis pænè annis, nam & septem minus, Danaum, & apud vos vetustissimum, prævenit: mille circiter cladem Priami antecedit. possem etiam dicere quingentis amplius, & Homerum, habens, quos sequar. Cæteri quoq; Prophetæ, et si Moy si posthumant, extremissimi tamen eorum, non retrorsiores, (*id est, non posteriores*) deprehenduntur primoribus vestris Sapientibus, & Legiferis & Historicis. Hæc Tertullianus. Quod Moy si libri, sæculis vincant Deos Græcorum & Romanorum, constat: nam Moy ses multò senior deprehenditur Hercule, Castore, Polluce, Æsculapio, Libero, Mercurio, Apolline, & cæteris Diis Gentium, ipsius quoq; Jovis gestis, quem Græcia in arce Divinitatis collocavit, etiam si Cecropis tempore vixisse putetur. Idq; probat etiam solidè noster Cornelius à Lapide in cap: 14. libri Sapientia.

4^{to}. Meretur ex eo. Quia nunquam, tam prolixâ diuturnitate temporis potuit aboleri Scriptura sacra: verum mirabiliter conservata est per tot bellorum turbines, Regnorum ac Religionis mutationes, licet quandoq; plures Tyranni potentissimi, omnes vires intenderint ad eam abolendam. Imò ex Diocletiani imperio, cum injicerentur igni, sacri Codices, quos Abantinorum ex Sicilia, propè Cilybæum Fundanus quondam Episcopus tradiderat, subito pluvia ingens, serenò cælò exortâ, ignem exstinxit, grando subsecuta, omnisq; Regio devastata: Ut refert Surius in Vita Sancti Saturnini 15. Februarii & Baronius Tomo 2do, ex Victore Uticensi de persecut: Vandal.

4^{to}. Ex
sui conser-
vatione.

5^{to}. Ex eo meretur. Quia omnis Veterum Gentilium sublimior doctrina, magna ex parte de Scripturæ sacra purissimis fontibus, dimanavit. Unde Tertullianus in Apologetico cap: 47. Hoc mihi promissum, sicut antiquitas præstructa Divinae Literaturæ, quo facili credatur, thesaurum eam fuisse posteriori cuiq; Sapientia. Quis Poëtarum, quis Sophistarum, qui non omnino de Prophetarum fonte potaverit? Inde igitur Philosophi, sitim ingenii sui rigaverunt. Quod ipsum probat lib: 1. de Græc: affect: curati: Theodoretus, ex Plutarcho, Porphyrio, & Oraculis Apollinis. Confirmari hoc ipsum potest. imò ex eo, quod Philosophi Veteres, causâ addiscendæ veritatis, peregrinati sunt in Ægyptum: Ægyptii verò multa didicerunt de rebus Divinis, ab Abrahamo, qui fuit in Ægypto peregrinus: à Josepho,

5^{to}. Quia
est fons o-
mnis subli-
mioris do-
ctrina.

quem Pharaon Rex constituit Dominum domus suæ, & Principem omnis possessionis suæ; ut erudiret Principes, sicut se ipsum, & senes ejus prudentiam doceret. Psalmo 104: A tota Gente Hebræorum, quæ ab ingressu Jacobi in Ægyptum, usq; ad exitum inde suum, fuit continuus annis ducentis quindecim. Judæorum insuper terra non multum distat ab Ægypto, quod frequenter commerciorum causâ, Judæi cōmeabant, quove item complures ordinariè confugiebant, dum à Persarum Regibus, aliisq; hostibus impeteretur Judæa. 2dò. Quia Salomon erat in ditione sua habens omnia Regna, à flumine terræ Philistiim, usque ad terminum Ægypti. 3tio Reg. 4to: habuitq; in construendo templo, octoginta millia Ægyptiorum, & octoginta millia Phænicum, ac centum quinquaginta millia Gabæonitarum; extruxeratque (ut suprâ dixi) Academiam celebrem, ad quam undique confluxus erat Sapientum. 3iò. Quia Pythagoras, fuit discipulus Judæi cujusdam Nazareti Assyrii. Socrates Hebraicæ etiam sapientiæ, fuit æmulator. Plato in Mosaicâ disciplina versatus: ut dixit Numenius Pythagoricus: quæ docuit Plato in Symposio de hortis & campis Elysiis, de formatione hominis, de serpente: mutuatus est ex Moyse: ut dicit Origenes contra Celsum. Ex illo loco Exodi 25. *Inspice, & fac secundum exemplar, quod tibi monstratum est in monte.* non benè intellecto, accepit Plato Opinionem de Idæis: Ut asserit Sanctus Justinus Oratione Parenætica ad Gentes: ibidemq; cum fusè probâssent Philosophos Veteres & Pœtas, præsertim verò Platonem, multa desumpsisse ex libris Moysis, dicit. Plato, Moysis nomen, quod, unum solumq; Deum doceret, apud Athenienses exprimere metuens, Areopagum tutum non existimabat. Aristoteles fassus est, se cum quodam Judæo viro sapiente, collocutum, multaq; de Deo & aliis rebus ab eo didicisse. Ut testatur Clearchus nobilis Peripateticus apud Clementē libro 1. Strom: cap: 6. & Eusebium lib: 9. de Præparat: cap: 3: Quin nonnulli putârunt esse furtum Salomonicorum librorum, quæ de animalibus scripsit Aristoteles. Fusiùs hoc ipsum de Platone & Aristotele deduxi alibi, nempe in Libro meo, cui titulus: *Defensio Aristotelis & Philosophie*, in Corollario Tractatûs primi, pagina 61: & 62. Volumina etiâ Mosaica, multum probabile est, ante Alexandrum magnum, jndò & ante Persarum imperium, in græcam linguam, licet minus exactè fuisse conversa; Ut Aristobulus junior, celebris Hebræorum Philosopho-

Iosophus, Præceptor Ptolomæi Regis Ægypti testatur apud Eusebium lib: 11. de Præparat: cap: 6. Idq; sat solidè probant Recentiores quidam: ut Serarius in Prolog: Bibl: cap: 16. Gretserus, & alii: proinde illa fuisse à plerisq; Ethnicis lecta, probabilissimum est. Insuper perhibent Orthodoxi graves Auctores, quòd Gentiles, ex Scriptura sacra, per Interpretem Judæum vel ipsimet etiam eas legendo, multas Historias desumpserint. Sic ex Historia Samsonis, mutuatos esse gesta, fabulasq; sui Herculis: cum revera alius non fuerit Hercules, quàm Samson; ut docent Sanctus Augustinus lib: 18. de Civit: cap: 19. Philastrius, Otho Frisingensis, & alii, quos citat Cornélius à Lapide in lib: Judic: cap: 16. v. 29. illorumq; rationes quinq; adducit, sat probabiles. Clemens Alexand: lib: 2. Strom: docet, quòd Minos Legislator Græcorum, quem dicunt novem annis cum Jove familiariter esse conversatum, non alius sit, quàm Moyses, qui in Sina cum DEo colloquens, ab eo legem accepit. Nòe finxerunt esse bicipitem Janum, eundemq; Bacchum, eò, quòd duos quasi Mundos viderit, nempe antè, & post Diluvium, & quòd vitem ac vinum invenisset. Fimentum illud de geminis columbis, ex quercu reddentibus responsa in sylva Dodonæa, fertur originem sumpsisse, ex historia de columbis à Nòe ex arca emissis, ad explorandam diminutionem aquarum. Quia legerant, vel audierant Luciferum è cælis dejectum; formârunt inde Aten, à Jove, cælo pulsam, quæ res humanas turbaret. Ex historia & gestis Gigantum, finxerunt varia de Gigantibus. Phæætonis incendium ex incendio Sodomæ, desumptum. Campi horti; Elysii, ex paradiso terrestri. Audientes Græci ab Isâëlitis, quòd Elias curru igneo & equis sit igneis ad cælestia translatus, crediderunt viciniâ decepti nominis, solis hic transitum per calos esse designatum: ut dicit Eucherius & Angelomus. Non absimilia his habet etiam Beda quæst: 37. ac Sanctus Chrysostomus Homiliâ 1. de Elia, nisi quòd addat, ab Elia, solem dictum esse ἡλιον. Ex historia Jonæ fugientis in Joppen, ibiq; à ceto absorpti, sed à DEo liberati, originem sumpsit (ut censet Sanchez cum pluribus) fabula Andromedæ. Perseum finxerunt ex Danae Virgine genitum esse, quia (ut inquit Coquæus in 10. caput lib: 14. de Civ. Dei) per Isaiam prædictum fuerat, Christum ex Virgine nasciturum esse. Sapienter observat Sanctus Justinus Martyr Apolog: 1. ad Antoninum

*Gentiles
multa de-
sumpserunt
ex Scrip-
tura sacra
Libris.*

Pium, & Tertullianus in Apolog: cap: 47. quòd Dæmones per ipſos Pòetas, veritatem Scripturæ ſacæ, fabularum ac mendaciorum admixtione corruperint, eo fine, ut homines pro fabulis prodigioſis, Pòeticisvè narrationibus, res veras haberent, fabulæq; immixtæ, quæ ſidem infirmarent veritatis.

6to. Meretur ex eo. Quia ut demonſtrat Cornelius à Lapide in procemio in Scripturam, non ſolùm ſenſu myſtico, ſed etiam literali, complectitur Scriptura ſacra omnem ſcientiam, omneq; ſcibile: ut meritò ſcripſerit Sanctus Auguſtinus lib: 2do. de doctrina Chriſtiana, cap: 41. Quantum minor eſt auri, argenti, veſtisq; copia, quam de Ægypto ſecum ille populus abſtulit, in comparatione divitiarum, quas poſtea Jeruſolymæ conſecutus eſt, quæ maximè in Salomone Rege oſtenduntur: tanta fit cuneta ſcientia, quæ quidem eſt utilis collecta de libris Gentium, ſi Divinarum Scripturarum ſcientiæ comparatur.

7mo. Quia Sanctus Auguſtinus, Eruditorum ſanctiſſimus, & Sanctiſſimorum eruditiſſimus, ut eum appellavit Sanctus Paulinus. Ille inquam Auguſtinus, qui nullum profanum librum volvere ſolebat, quin protinus eum comprehenderet: Epistolâ 2da ad Voluſianum ſcribit ſic: *Tanta eſt Chriſtianarum profunditas literarum (ſcilicet Scripturæ ſacæ) ut in eis quotidie proficerem, ſi eas ſolas ab ineunte pueritia uſq; ad decrepitam ſenectutem, maximò otiò, ſummò ſtudiò, meliore ingenio, conarer addiſcere; tantaq; in eis latet altitudo ſapientiæ, ut annoſiſſimis, acutiſſimis, & flagrantiffimis cupiditate diſcendi, hoc contingat, quod eadem Scriptura quodam loco habet, (Eccleſiaſtici 18. v. 6.) cum conſummaverit homo, tunc incipiet.* Et Epist: 119. ait: *Ego in Scriptura, multo plura nescio, quàm ſcio.* Divus quoq; Chryſologus ſermone 64. dicit: *Singula Scripturæ verba, ſi libris ſingulis mandarentur, nec ſic myſteria, quæ in ipſis ſunt, audientibus perlucere.* Porro profunditas Scripturæ ſacæ oritur etiam ex eo, quia Scripturæ ſenſus eſt multiplex: videlicet, unus literalis, quem verba ipſa immediatè ſignificant: quò etiam & parabolicus ſpectat. Imò quandoq; unius ejuſdemq; loci Scripturæ, ſunt plures ſenſus literales: ut docent communiter Doctores, & expreſſè Divus Thomas 1. p. q. 1. art: 10. 2dus ſenſus eſt Sp̄itualis, ſeu Myſticus, quem res per verba ſigni-

significatæ, significant: ipseq; sensus spiritalis, saltem in pluribus locis Scripturæ, est triplex: nempe Allegoricus, Tropologicus, seu Moralis, & Anagogicus: sic Jerusalem, ad Literam significat civitatem Judææ; Allegoricè, Ecclesiam; Tropologicè, animam Justii; Anagogicè, cælestem Patriam.

8vò meretur. Quia continet verissima Prophetarum & Christi Domini Oracula. *Sancta Scriptura Fides* (verba sunt Divi Augustini lib: 10. de Civit. cap: 9. & 10.) *mirabilem auctoritatem non immerito habet in Orbe terrarum, atq; in omnibus Gentibus, quas sibi esse credituras, inter cetera, quæ dixit, vera Divinitate prædixit- Quæ totum Orbem sibi crediturum esse prædixit, & cui totus Orbis, sicut ab ea prædictum est, credidit: quæ vera se narrasse præterita, ex his, quæ futura pronuntiavit, cum tanta veritate implentur, ostendit.* Et Tertullianus in Apologetico cap. 20. *Majestatem Scripturarum probamus- quidquid agitur, prænuntiabatur: quidquid videtur, audiebatur- Idoneum opinor testimonium Divinitatis, veritas Divinationis. Hinc igitur apud nos futurorum quoq; fides tanta est jam scilicet probatorum, quia cum illis, quæ quotidie probantur, prædicebantur.* Ast de hoc fusè infra, Cap: 13. sub Propositione 2da.

9vò meretur ex eo. Quia Scriptura sacra, licet omni Atticæ eloquentiæ fastu careat. Ut loquitur Theodoretus lib. 8. de Græc: affect. curat: nec varietate verborum, tanquam fucis condita, sed nudatam omni prætextu & artificio, & garrulitate, veritatem proponat: ut ait Zacharias Mitilenensis Episcopus in Dialogo de Mundi Creatione. Tomo 4. Biblioth: Patrum: latet tamen in ea ingens vis ac efficacia, omni gladiò ancipiti penetrabilior. Hæc Antonium Eremitam, Simeonem Stilitem, Franciscum, Franciscum Assisium, aliosq; sexcentos, imò innumeros, ad vitæ austeritatem impulit admirandam: Paulinum Nolanum, innumerabilium prædiorum Dominum, ex opulentissimo divite, voluntate pauperrimum fecit, innumerabilesq; ad contemptum voluptatum, divitiarum, permovit. Eremitis deserta: Urbes, Oppida, Religiosis implevit: multoties etiam infideles ipsos terrefecit, ac convertit: Experti id sunt maximò sui bonò plurimi, inter quos Justinus Philosophus, Victorinus fastuosus olim Romanæ urbis Rhetor; Christianus opibus potens, quos lectio sacræ Scripturæ, Christianos, ac pro Christo humiles, pauperes, & Martyres fecit. Est item Scriptura sa-

8vò. *Quia complectitur Prophetias, veritati omnino consonas.*

9vò. *Quia ingenti pollet efficacia.*

cra, Affectuum gravium, fugatorium instrumentum: ignis animæ infiti extinctorium magisterium; ut dicit Sanctus Justinus Orat: 2da ad Græcos. Quod ipsum confirmat Cassiodorus ex Divo Hieronymo Epist: 4. ad Rusticum, proferens sententiam hanc: *Ama lectionem Scripturarum, & carnis vitia non amabis.*

10mò Quia Veritas Scripturæ insignib9 prodigiis comprobata. 10mò tandem (omissis aliis titulis, ut, quòd innumera miracula à Scripturæ sacre Scriptoribus, Cultoribus, Interpretibus Christianis edita fuerint; quòd sanguinis vitæq; profusione, Doctrina illius, ab innumeris confirmata sit) meretur ex eo. Quia Auctoritas & veritas sacre Scripturæ pluribus miraculis generaliter comprobata est. Nam annis ferè trecentis ante Christi Adventum, postulante Ptolomæo Philadelpho, Filio Ptolomæi Lagi, qui Alexandro Magno in Ægypti Regno successit, ab Eleazaro Pontifice, Flos Hebrææ Sapientiæ, Doctissimi 72 missi, linguæ etiam græcæ peritissimi, Testamentum Vetus, ita in Pharo Insula, 72 dierum spatiò, in græcam linguam transtulerunt, ut licet nullam omnino conventionem præviam inter se fecerint, tamen Prophetarum more, nihil in alicujus Codice eorum inventum sit, quòd non iisdem verbis, eodemq; verborum ordine inveniretur in cæteris. Ut scribit Philo, Sanctus Justinus, Tertullianus, Clemens Alexandr: S. Augustinus, aliq; passim: & fortassis ob tantum miraculum, libros sacre Scripturæ à 70 Interpretibus, in græcam linguam acceptos, Rex Ptolomæus adoravit: ut refert Josephus lib: 12. Antiquit: cap: 2. testaturq; Tertullianus, libros illos unà cum Judaicis Exemplaribus, usq; ad sua tempora, propè ipsum Serapidis templum exhiberi in Bibliotheca Ptolomæi. Accedunt alia miracula. Theopompus ac Theodætus Gentiles, graviter à DEo puniti sunt, quòd nimis reverenter, Scripturam sacram tractassent: ut referunt Aristæas & Josephus loco suprâ citato. Sanctus Gallus, apertò librò sacre Scripturæ, incendium magnum, subito in Civitate Averna, extinxit: ut scribit Sanctus Gregorius Turonensis in Vita Patrum cap: 6. Simile quid refert lib: 5. cap: 22. Nicephorus de S. Marciano. Russi ad fidem conversi, quòd Evangelium in flammis non arderet: ut narrat Zonaras in Macedone Divus Edmundus Archiepiscopus Cantuariensis, noctu, sancta Biblia legens, somnò oppressus, candela in sacrum librum incidit, eumq; flamma corripit, evigilans suspirat, putans combustum esse librum, favillam libro inhæ-

inhærentem efflat, & en, illæsum Codicem reperit. Cùm, Anno Domini 755. in caput Sancti Bonifacii, Germanorum Apostoli, ense vibrarent Gentiles Frisii, ille librum Scripturæ sacræ objecit, licetq; ense acuto per medium sectus sit liber, nulla tamen litera ex sectione abolita est. Item ex lectione Scripturæ sacræ primò occurrente, multi didicerunt mirabiliter, vel eventus belli: ut Moroveus, Chilperici Regis Francorum Filius, nec non Clodoveus: Vel poenas sui futuras: ut Leudastes calumniator: prout refert Sanctus Gregorius Episcopus Torunensis lib: 2. & 5. Historiarum.

Prætermitto recensere miracula, quibus omnibus sæculis præcipua Dogmata, sacræ literæ contenta, comprobantur.

His enumeratis decem Titulis penitus consideratis, meritò illud Psalm: 92. ingeminandum est. *Testimonia tua Domine (libro sacræ Scripturæ contenta) credibilia facta sunt.*

2da Propositio.

Liber sacræ Scripturæ, apud quoscunq; etiam infideles, prudentes, meretur majus sui pretium & Auctoritatem, quam meretur liber cujuscunq; profani Historici v. gr. Herodoti, Commentarij Julij Cesaris, libri Livij, Strabonis, Plutarchi, Justinij, Curtij, Taciti, & similium, etiam simul sumptorum.

PROBATUR. Quia nullus liber profanus habet simul tot ac tantos vel similes titulos fundativos pretii Auctoritatisq; tantæ, quot, & quales habet Scriptura sacra: ut patet reflectenti se ad decem superius enumeratos titulos. Unde meritò S. Augustinus lib: 2. de Genesi ad lit: cap: 5. dicit: Major est Scripturæ sacræ Auctoritas, quam omnis humani ingenii capacitas. Pater item Salmeron tomo 16. Disput: 4. pag: 173. ait: Plus uni loco Scripturæ tribuendum est, quam universis Philosophis, unum & idem constanter dicentibus. Accedit. quòd in prædictis profanis Historicis multa reperiantur Veritati dissõna. Cicero enim lib: 1. de Leg. ait: Apud Herodotum, Historiæ Patrem, & apud Theopompum, sunt innumerabiles fabulæ. Strabo etiam libro ultimo, dicit, ab Herodoto non historiam, sed mithistoriam, id est historiam fabulosam conscriptam: idemq; confirmat Præseus, eogno-

mine Chrysoftomus Orat: 37. Suetonius ex ore Afinii Pollionis Romani Consulis, accusat Julium Cæsarem, quòd in suis Commentariis sæpè fuerit fallax. Livium Augustus Imperator taxavit, quòd plus æquo, partibus Pompejanis in sua historia faveret. Strabo lib: 15 Geographiæ, mentitur, dicens: quòd Moyfes docuerit illa, quæ vocamus, Cælum, Mundum, & Naturam, esse Deum. Plutarchus falsò dicit, quòd Judæi, Bacchum colant pro Deo. Pererius supra Daniele, convincit Justinum multorum errorum. Curtius, qui sub Vespasiano aut Trajano vixit, in multis sibi non constat: & lib: 9. fatetur, se plura conscribere, quàm credere. Flavius Vopiscus in vita Aurelii, in Tacito notat plurimas falsitates: fateturq; nullum esse historiæ Scriptorem, qui non sit aliquando mentitus: quod ipsum comprobat Orat. II. Dion Prusæus: Mera sunt mendacia, quæ de Judæorum origine, nomine, ac Religione refert lib. 5. suæ historiæ, Tacitus, quem meritò Tertullianus in Apolog. cap: 16. nominat: mendaciorum loquacissimū.

CAPUT IV.

De Mundi duratione, & Possibilitate variorum Entium.

Prima Propositio.

*Mundus
quid?
Potuit
non esse
ab æterno.*

Mundus potuit non esse ab æterno.

Nomine Mundi, intelligitur hîc, tota cæli & terræ machina, sumpta cum creaturis omnibus, quæ intra cælum & terram sunt, fuerunt, ac erunt.

PROBATUR Propositio. Tum quia nullum est efficax fundamentum tribuendi Mundo necessariam æternitatem: imò nihil omnino est, unde vel probabiliter colligi possit, quòd cælum, astra, elementa, leo, homo, &c. indispensabiliter exigant fuisse ab æterno, & quidem ita, ut huic exigentiæ nullatenus contraveniri potuerit. Quin nec ab ipso omnipotente Deo potuisse fieri Mundum ab æterno, saltem quòd ad Entia successiva, docent gravissimi plurimiq; Doctores, quorum doctrina non levibus innititur fundamentis. Tum quia defacto Mundus non fuit ab æterno: ut constabit ex mox dicendis. Ergo potuit non esse ab æterno. Consequentia patet, Quia ab actu Secundo ad actum primum,

num, seu ad **Potentiam**, non contradictoriè actui Secundo oppositam, recta est Consequentia.

2da Propositio.

Mundum defacto fuisse ab aeterno, non est evidens.

PROBATUR. Tum quia, unde quæso hæc evidentia & certitudo? Tum quia contrarium huic fictitiæ evidentiae est certissimum ex fide, ac lumini Rationis conformius.

3tia Propositio.

Mundum non fuisse ab aeterno, sed habuisse principium suæ durationis, certum est ex Scriptura sacra (cujus Auctoritas magno in pretio, quod meritò esse debeat etiam apud Infideles quoscunq; demonstratum est superiori 3tio capite) *certum item, si spectetur Orbis universi judicium.*

Imò defacto fuisse in tempore productum.

Prima pars Propositionis probatur ex illo Genesis imo. *In principio creavit DEUS Cælum & terram.* Ubi nomine *Principij*, licet in sensu allegorico, benè intelligi possit, Filius DEI, in quo (ut ait S. Paulus ad Colossi. 1.) condita sunt omnia. Et ipse de se Joan: 8. interrogatus: *Tu quis es?* respondit: *Principium, qui & loquor vobis.* Possit item illud: *In Principio*; exponi, ut significet idem, quod ante omnia: seu prius, quam Deus alia faceret: tamen in sensu literalì, saltem primario, juxta unanimum consensum Patrum, intelligi debet, Principium, seu Initium durationis. Dixi Saltem primariò. Quia Divus Augustinus lib: 12. Confessi: cap. 31. asserit, Omnes illos tres enumeratos sensus, posse, se censerì literales, dicit enim. Cum alius dixerit: hoc sensit Moyses, quod ego; & alius: Imò illud, quod ego: religiosius me arbitror dicere: Cur non utrùmq; potius, si utrùmq; verum est, & si quid tertium, & si quid quartum, & si quid omnino aliud verum quispiam in his verbis (nempe: *In principio creavit DEUS cælum & terram*) videret: Cur non illa omnia vidisse credatur, per quem, Unus Deus, vera, & diversa visuris sacras Literas, multorum sensibus temperavit? Sensit ille (Moyse) omnino in his verbis, atq; cogitavit, cum ea scriberet, quidquid hìc veri potuimus invenire, & quidquid nos non

Constat ex Scriptura sacra.

,potuimus, aut nondum poſſumus, & tamen in eis inveniri poteſt. Hucufq; Sanctus Doctor.

Neq; dicas: Joannis imo dicitur. *In principio erat Verbum: nec tamen inde inferitur, quòd ab æterno non fuerit. Ergo & in præſenti. Respondet enim P. Quiros Diſput: 68 ſect: 1. in Curſu Philoſ: quòd non dicatur: In principio fuit Verbum: ſed, Erat: quaſi dicatur: Jam erat Verbum, quando tempus habuit initium: juxta illud Proverb: 8: *Antequam quidquam faceret à principio, cum eo eram cuncta componens.* Solidior tamen fortè diſparitas hæc afferri poteſt. Quia Sanctus Joannes aſſerit in eodem Capite, illud Verbum, eſſe DEum. Cum ergo certum ſit, DEum fuiſſe ab æterno, clarè habetur non ſignificare ly: *In principio:* initium temporis, ſaltem ita, quaſi ante illud non fuerit Verbum: ſed ſignificare, quòd ante omne tempus quomocunq; cogitabile, erat Verbum: ſumitur ergo hic *Principium* reſpectivè: dicit enim reſpectum ad omnia tempora, eò quòd illa longè antecedit: ut notat cum alijs Cornelius à Lapide.*

Confirmatur eadem Pars prima Propositionis ex alijs Scripturæ locis, ut Pſalmo 89. *Præquam montes fierent, aut formaretur terra, & Orbis, à ſæculo uſq; in ſæculum, tu es DEus.* Eccleſ: 24. *Ego ex ore Altiffimi prodij, primogenita ante omnem Creaturam.* Ad Ephēſios 1. *Elegit vos in Ipſo, ante Mundi constitutionem.* Demum ipſe Chriſtus Dominus Joann: 17. dicit: *Clarifica me Pater claritate, quam habui, præquam Mundus eſſet apud Te.*

2da pars Propositionis 3tix probatur. Quia huic veritati aſſentiebantur ſemper & aſſentiuntur, non ſolum omnes Chriſtiani, ac omnes Hæretici (nullus enim unquam Hæreticorum docuit, Mundum ipſum fuiſſe æternum: licet Marcion, Hermogenes, Manichæi, materiam, Deo coæternam & ingenitam fuiſſe, erroneè cenſuerint) non tantum omnes Judæi, & Turcæ: verum etiam omnes Gentes, ac omnes ſerè veteres Philoſophi, qui fuerunt ante Ariſtotelē, ut ipſemet ait: lib: 1. de Cælo, tex: 102. *Omnes Mundum generant.* Inter quos numerantur, Trifmegiſtus, Orpheus, Homerus, Anaxagoras, Empedocles, Heraclitus, Zerdāſtes, Zareta, Meliſſus, Stoici, Pythagorici, & verius etiam Plato, ut colligitur ex ejus libris de Republica, & ex Timæo, idq; non obſcurè oſtendit Philoponus, ac Marſilius Ficinus: idemq;

Conſtat item ex cõſenſu hominum.

idemq; de Platone dicunt omnes ferè Platonici, aliq; plures quin & ipse Aristoteles, qui bene noverat sui Magistri sententiam, & tamen dixit: *Omnes Mundum generant.*

Quare multum credibile est, doctrinam hanc de initio Mundi, utpote de re, non per se evidente, & tamen adeo inter omnes ferè homines constantem, à primis Mundi Incolis derivatam fuisse, præsertim verò ab Adamo, quem probabiliter, ideo etiam DEus, dum creavit hunc Mundum, in virili ætate statim efformavit, moxq; arbores perfectas & animalia in statu consistentiæ, produxit, ut Adamus cognosceret, se, ac cætera, initium habuisse: si enim eo modo tunc ad maturitatem cuncta lento passu processissent, qualiter nunc procedere videmus, potuisset suspicari Adamus, jam olim ista exstitisse, ac ex relictis seminibus pullulare: pariter, si infantiam suam usq; ad maturam ætatem produxisset, potuisset opinari, Patrem suum & Matrem aliubi esse, aut mortuos, jam non comparere. Quòd homines etiam in prima ætate Mundi, multum longævi fuerint (vixit enim inter alios, Adamus annos 930. Eva (ut opinatur Marianus Scotus) 940. Set 912. Enos 905. Cainan 910. Jared 962. Matufala 969. Noe 950.) multum credibile est, contigisse id, non solum ob bonitatem primavæ complexionis, sobrietatem, vigorem majorem terræ, ob eximiam notitiam herbarum, fructuum, & lapidum medicinalium, conservativorum vitæ; sed præcipuè ideo, ut statim initio multiplicaretur genus humanum per universam terram, illiq; primi homines edocti à primo Parente, notitiam propagarent de Mundi initio, ac creatione rerum, docerentq; suò exemplò, DEum colere.

Si quæras. Undenam Moyseſe accuratam doctrinam de fabricatione Mundi accepit? Respondet Pererius cum aliis plurimis: Moyſen accepisse eam doctrinam, partim divina revelatione, partim etiam traditione fidelissima id didicisse poterat à Filiis, vel Nepotibus Joseph Patriarchæ: inter mortem enim Joseph, & ortum Moyſis intercesserunt anni tantummodò 64; Joseph autem eadem nosse potuit ex Patre suo Jacobo: hic, ex Isaac; is, ex Abraham: hunc verò, Sem & Noe docere potuerunt: siquidem post ortum ipsius Abraham, vixit Noe adhuc annis 58: Sem autem per 33 annos Abraham superſtes fuit: Noe verò id didicisse potuerat ab avo suo Matufalem, qui ad annum Noe sexcentesi-

*Adamus
cur in virili
ætate
productus?*

*Cur item
initio Mundi
multum
longævi
fuerint
homines.*

*Moyſes unde
nam didicit
Mundi in tem-
pore pro-
ductum.*

simum

Aristoteles quidnam sentierit de Mundi initio?

ſumum pervenit, & cum Adamo 242 annis inſimul vixit. Porro æternitatem Mundo primus ferè adſtruxiſſe videtur Ariſtoteles, quem ſecuti ſunt Proclus, Simplicius, Averroes, Avicenna. Quanquam & Ariſtoteles abſolutè dubius fuit circa æternitatem Mundi, ut opinatur Divus Thomas 1. parte, q. 46. art. 1. Albertus Magnus in 2. Diſt: 1. art. 10. Udalricus, Argentinas, P. Valentia tomo 1. Diſp: 1. q. 3. nec ab illis diſſentio: quidquid contradicant plurimi, nam inter problemata, id eſt inter opiniones conjecturales, poſuit quæſtionem de æternitate Mundi; expreſſè enim dicit, quòd quædam ſunt problemata Dialectica, de quibus rationes (intellige evidenter convictivas) non habemus, ut; Utrum Mundus ſit æternus. Adverte autem, Datò non conceſſò, Ariſtotelem ſummiter cenſuiſſe, Mundum fuiſſe ab æterno, tamen ipſe conſtanter tenuit, Mundum fuiſſe efficienter productum à Deo, ut deduxi ſat clarè in libro meo, cui titulus: Defenſio Ariſtotelis & Philoſophiæ Peripateticæ, ſub Propoſitione 4ta Tractatùs 1mi.

4ta Propoſitio.

Rationes naturales æternitatem Mundi ſat efficaciter diſſuadent.

Rationibus ſex probatur, Mundum in tempore eſſe productum.

PROBATUR, aſſerendo Rationes.

1ma eſt. Prudentiſſimè id creditur eſſe verum, quod Liber ſacræ Scripturæ teſtatur: ut conſtat ſufficienter ex dictis in hoc Tractatu, toto Capite tertio: item ex dictis infra in Tractatu 3tio, ſub Argumento 3tio. Sed Liber ſacræ Scripturæ, teſtatur, Mundum non fuiſſe ab æterno; ut patet ex dictis in probatione Propoſitionis 3tiæ. Ergò prudentiſſimè creditur, Mundum non fuiſſe ab æterno: proinde adducta Ratio, æternitatem Mundi, ſat efficaciter diſſuadet, ut evidenter inferitur.

2da Ratio eſt. Etiam unius producibilis rei exiſtentia Actualis, ut prudenter aſſeratur, præſertim contra plurimos Sapientes, ac in re graviffima, debet haberi fundamentum grave poſitivum illius aſſertionis: ut patet, Aliàs enim aliquis prudenter poſſet aſſerere, exiſtitſſe Atheum in rerum Natura ante annos centum in ſpecie porci: Soles dari plurimos, & ſimilia innumera. Ergo multò magis contra innumeros Sapientes, ſenſumq; cunctarum Gentium, non debet aſſeri ſine funda-

fundamento gravissimo, Mundum existisse ab æterno: seu, quod idẽ est, existisse à parte rei, infinitas infinitas generationes & corruptiones rerum: circulationes astrorum, motus marium, fluviorum: infinitas infinitos existisse viros, fœminas, leones, boves, aquilas, cetos, lucios, &c. Subsumo. Sed nullum est gravissimum fundamentum, id asserendi. Quod enim? asseriturq; id contra innumeros Sapientes, sensumq; omnium Gentium ac consensum: qui consensus, ut sapienter notat Cardinalis Toletus in lib: 8. *Physic. cap: 2. q. 2.* est magni faciens in rebus præsertim, quæ ex facto pendent: maximè, quòd testes hic, quò sunt vetustiores, eò propiores fuerunt Mundi Origini, eoq; majoris Auctoritatis, ut iis credatur. Sicut eò limpidior est aqua, quò magis abcedit ad fontem, unde emanat. Ergo non debet asseri, Mundum fuisse ab æterno.

3tia Ratio dissuasiva æternitatis Mundi est. Altissimum totius æternitatis à parte ante, silentium, hoc clarè intonat, Mundum non fuisse ab æterno. Percurre Athee omnes quatuor Orbis partes, earumq; singulas lustra Regiones, nullam Historiam, nulla rudera Urbium, nulla initia Gentium, Monarchiarum, Regnorum præteritorum & præsentium, verbo; nulla penitus vera antiquitatis monumenta reperies, quæ excedant memoriam sex vel septem millium annorum. Porro, si Mundus fuisset ab æterno, id defactò contigisse, incredibile est, spectatâ tum cupiditate naturali hominibus insitâ, posteris transmittendi memoriam sui: tum posteriorum, sciendi præteritorum curiositate: tum paritate hac. Atheus, nisi fallor (quo enim fundamento?) non audet indubitanter, & tanquam certum asserere, post sex millia annorum, nullam penitus in rerum natura futuram memoriam Imperii Romani, Turcici, Regnorum, Gallix, Hispanix, Poloniæ, &c. Urbium Romæ, Venetiarum, Parisiorum, Viennæ, Cracoviæ, Gedani &c. Et cur pro indubitato asserit, periisse penitus memoriam eorum omnium, quæ non dico ante centum millia, sed quæ ante septem millia annorum fuerunt. Meritò Lucretius lib: 5. sui Pœmatis, in multis licet mendax, in hoc tamen, à vero non deflexit, cum cecinit:

Præterea, si nulla fuit genitalis origo

Terrarum & cæli, semperq; æterna fuere,

Cur supra bellum Thebanum & funera Trojæ

M

Non

Non alias alii quoq; res cecinere Poëta?

Quo tot facta virum toties cecinere? nec uſquam

Æternis famæ monimentis inſita florent?

Verum, ut opinor, habet novitatem ſumma recensq;

Natura eſt Mundi, neq; pridem exordia cæpit.

*Invento-
res qui &
quando,
Typogra-
phia? Pi-
xidis nau-
tica; Ho-
rologiſo-
laris, &
rotatilis?
Pulveris
nitriſ, Tu-
bi optici?*

Accedit. Si Mundus fuit ab æterno, cur Artes, & præclara in-
venta, etiam antea ab omni æternitate, aut ſaltem ante aliquot millio-
nes annorum, non exſtiterunt? Conſtat enim, qui & qua atate flori-
erint Artium Inventores, ut legere eſt apud Plinium, Polidorum, &
alios. Conſtat, quod Anno milleſimo quadringentefimo quadrageſimo
ſecundo, Joannes Guthembergius, ab aliis Fauſtus, ſeu Fauſtius, dictus,
natione Germanus, primus omnium, Moguntiaꝝ artem facilem (quæ
incomparabiliter antecellit Sinenſium & Japonum Typographiam:
illi enim libros ſuos imprimunt, non ſecus ac apud nos imagines im-
primi ſolent) literarum imprimendarum excogitavit, primumq; ibi
exerceri cæpit. Pixidem nauticam, ſeu artem Magneticam invenit ac
excogitavit circa Annum 1300, quidam Joannes Goia, oppidi Melphi-
tani in Regno Neapolitano civis, ab aliis vocari ſolet Flavius à Gloria:
quanquam alii, Paulum Venetum iſtius artem, quam à Sinenſibus ipſe
didicerat, anno ſerè 1260, in Italiam traduxiſſe volunt. Primum ho-
rologium ſolare, quod in Hiſtoriis ſive ſacris, ſive profanis legimus,
eſt horologium juſſu Achaz Patris Ezechiaꝝ conſtructum, ducentis ſerè
annis ante Anaximenem Philoſophum, quem erroneè aſſerit Plinius
lib. 2. cap. 76, horologiſolaris inventorem. Horologium rotatile in-
ventum à Germanis anno 1330. Quanquam alii, inventionem hujus
tribuunt Gerberto, Archiepiſcopo Ravenneniſi, qui poſtea, anno 999,
electus in Romanum Pontificem, dictus eſt Silveſter II. Anno 1378
Bertholdus Schuarc, alii vocant, Suuartus, Monachus Friburgeniſis,
invenit pulverem nitrium, & ſclopum. Gabricius Thuiſcorum ſepti-
mus Rex, anno ab Orbe condito 3413, docuit primus decoquere cere-
viſiam: teſte Rodegino lib: 6. cap: 8. Tubum opticum invenit anno
1609. Batavus quidam Joannes Lipperſein, Zelandus &c: ſiccine ar-
tes ac inſignia enumerata inventa & ſimilia, per annos retròactos in-
finitos latere omnes omnino poterant?

Neque dicas cum æternitatis Aſſertoribus, hominum monu-
men-

menta, artes, memoriam, unà cum hominibus certis quibusdam cæli conversionibus, per diluvia, vel incendia, multoties, imò infinities interiisse. Contra enim est. Unde nosti interiisse hæc vel semel omnia, cum nec legeris, nec videris ea monumenta, vel eorum posteros nec ullam afferas hujus rationem evictivam? Meritò Orbis Christianus cum Sancto Augustino in Psalmum 63. ridet Judæos, qui dormientes testes adibere volebant, ut negarent, Christum resurrexisse. Dicite, (inquiunt Judæi custodibus sepulchri) venerunt Discipuli ejus nocte, & furati sunt illum, nobis dormientibus. Matthæi 28. Si enim Custodes dormierunt, quomodo scire potuerant, Discipulos venisse, amovisse lapidem obsignatum, & abstulisse corpus? Et quomodo furtum viderunt dormientes? ut rectè quærit Sanctus Remigius. Sic & in præsentì, multò magis ridendus es tu Athee. Si enim perierunt monumenta omnia & Historiæ cum hominibus, quomodo testari potes, illa, cum hominibus periisse, aut certa traditione te hæc accepisse? Quomodo ut Philosophus asserere audes, multoties, imò infinities interiisse cuncta illa, quæ vel semel interiisse, si assereres, imprudenter ageres, utpote nulli innixus fundamento. Item Si omnes omnino homines interierunt, & animalia, unde ergo postea prodierunt novi homines, & animalia perfecta? Si non omnes? cur ergo nulla memoria? Si dicas: Ignorantiam hanc univèrsalem inductam esse ex ipsa Natura hominum, ob invectas ab iis Religionis ac linguarum mutationes: ut suspicatur Machiavellus lib: 2. de Repub: cap. 5. Contra est, Quid ad rerum omnium antiquarum memoriam penitus abolendam conducit, Religionis ac linguarum mutatio? Quo item fundamento suspicatur ille Pseudo-politicorum & Atheorum Magister, omnis omnino Religionis, linguarumq; omniumq; immutationem ubiq; factam? Ignarum fuisse Historiarum Machiavellum, clarè convincit noster P. Carolus Grobendonq; lib: 10. de Ortu & progressu Spiritus politici, numero 33.

4ta Ratio est Patris Cabxi lib: 1. Meteor. textu 72. Defactò (inquit) videmus montes imminui, & valles semper profundiores fieri, dum magis excavantur aquis pluvialibus, & latiores, dum montium latera exeduntur & productiores intra montes, dum terra paulatim ruit, aquis decurrentibus: hoc ipsum observari potest à quolibet, qui montes

Patris Cabxi ratio contra æternitatem Mundi,

*proponi-
tur, &
defendi-
tur.*

videat, & torrentes despiciat ex montibus defluere: illa enim aqua turbida, quâ feruntur, non est turbida, nisi quia habet admixtam terram, illa terra admixta non pluit de cælo. Ergo sumitur ex montibus: si ergo montes perpetuò minuuntur terrâ, non potest hæc inaminitio facta esse ab æterno, alioqui montes, licet fuissent infiniti numero, essent jam deleti, & ad planitiem redacti, non solum, si singulis annis, ea terræ copia deflueret, quam videmus ex torrentibus detrahi: sed si singulis annis, vel arenula subtraheretur: Cum igitur sit in Natura Principium, terram ex montibus ad planitiem detrahendi, & nullus appareat in ipsa Natura nec fingi possit modus, quò terra detracta revertatur, ad summmitatem montium: evidens est ex naturæ principiiis, nobis constare, terram non esse ab æternitate, in illo statu, in quo nunc est, cum illa rerum vicissitudine, nec potuisse esse ab æterno. Hoc Argumentum adeò videtur mihi evidens (ait Cabæus) ut qui oculos sibi non eruit, ne videat confutatum Aristotelem de Mundi æternitate, non possit contradicere.

Ad hanc Rationem Patris Cabæi, accedit imò, Quòd Pater Kircherus in Mundo subterraneo lib: 2. cap: 12. scribit, Palatini & Capitolini montium olim editas, arduasq; rupes, ita temporum injuriâ decrevisse aquarum vi, ut planitiem ferè æquare videantur. Item Job 14 dicitur: Alluvione paulatim terra consumitur.

Accedit 2do. Quia tempore Aristotelis, qui vixit ante Christum ferè trecentis annis, numerabantur terræ, milliarium Italicorum quinquaginta millia, seu stadiorum quadringenta millia: octo enim stadia faciunt unum milliare, ut ipsemet scribit Aristoteles, 2do de cælo, in fine. Hipparchus verò insignis Mathematicus, qui vixit ante natum Christum, circiter annis 125, solum reperit milliaria 34600. Ptolomæus postea, qui obiit anno Christi 147, non plura milliaria reperit, quam 22500. Alphraganus Arabs, nono sæculo Christiano, nonnisi 20400. Recentiores demum Mathematici, milliaria Italica 19080. Ita patet, quantum uno sæculo, aqua hominibus eripuerit terræ: adeoq; Mundum taliter dispositum, ab æterno esse non potuisse.

Ad solvenda ea, quæ contra Rationem à Patre Cabæo allatam, afferuntur. Notandum, quòd longo sæculorum decursu, vix potest ostendi, collem aliquem aut potius tumulum, factum ex terræ motu:

nunquam autem ingentem aliquem montem factum novimus. Conspiciuntur item ingentes montes, illis in Regionibus, ubi nulli unquam notabiles motus terræ deprehensi: ut in Polonia, montes Carpatii, mons Calvus, &c: hominum industriâ erectos esse montes altissimos, frivolum est asserere. Cacumina etiam montium altissimorum, non lapidosa, sed ordinariè arenosa, vel terrea conspiciuntur. Concedendum. Quòd Mundus sic sibi relictus sub ea vicissitudine rerum, quam modò habet, solo communi & ordinario concursu, quò nunc à DEo conservatur, non possit in æternum durare: siquidem omnes montes tollerentur, & mare, totam superficiem terræ occuparet. Cùm Sanctus Thomas, ima parte, quæst. 46. art. 2. dicit. Mundum incepisse est credibile, non autem demonstrabile aut seibile. Intelligendus est loqui vel de Rationibus illis, ex impossibilitate infiniti, inventione artium, & similibus, quibus ibidem adductis respondet Sanctus Doctor: vel solum negare, esse demonstrabile, non potuisse per absolutam DEI potentiam, in ulla suppositione vera possibili, Mundum produci ab æterno: quod, stante in robore suo, Patris Cabxi Argumento, simpliciter concedi potest: DEus enim potuit absolutè producere Mundum sine ullis montibus: vel impedire, ne fuissent ab æterno pluvia: vel abrasas partes montium, reponere in iisdem. Unde etiam prædictus Auctor dicit: Evidens est ex Naturæ principiis, terram non esse ab æternitate in illo statu, in quo nunc est, & cum ista rerum vicissitudine.

Ita Ratio, quà dissuaderi potest æternitas Mundi, est hæc: Quia si Mundus fuisset æternus, & in generationibus hominum datus fuisset processus in infinitum à parte antè, sequitur infinitos, imò infinities infinitos debere nunc dari homines: quod tamen evidenter falsum est. Sequela verò probatur. Quia ex una parte, impossibile est concipere solummodò unum fuisse vel duos homines, à quo per infinitum tempus, homines descenderent. Nam cur unus fuit vel duo, à quibus omnis generatio capit ab æterno? cur non plures? cur non innumeri? imò cur non infiniti? Quis determinavit talem solum, & non minorè, nec majorem numerum? supposito, quòd DEum neges, & Mundum ab æterno fuisse asseras cum generationibus hominum, animalium, &c. Et ex altera parte, Quò magis per descendentes ascenditur ad Antecessores, eò

magis minuitur Personarum numerus: ut patet in Judæorum progenie, in qua, ascendendo ad eorum Majores, pervenies tandem ad unum Abraham: descendendo autem ab Antecessoribus ad Successores, majorem semper numerum reperies. Certè non multò amplius quadringentis annis, numerositas Hebrææ Gentis tanta procreata est, ut in exitu ejusdem populi ex Ægypto, sexcenta ferè millia peditum virorum fuerint, absq; parvulis, sed & vulgus promiscuum innumerabile: omnesq; hi per unam Saram, ex uno Isâac ab Abrahamo descendebant: ex filio autem Agar Ismaële; nata est tota gens Ismaelitarum. Et Cornelius à Lapide in Caput imum Exodi ait: Naturaliter, septuaginta homines, si continuè generent, & hi alios, & illi alios semper, per ducentos quindecim annos, immensum producent filiorum numerum. Unde Diodorus Siculus scribit, Ninum, qui regnare cæpit ducentis quinquaginta annis à diluvio, contra Bactrianos eduxissè peditum decies septies centena millia, & equitum ducenta millia. Vide quantum ducentis quinquaginta annis, ex tribus tantum Nòè filiis propagati sint homines. Toletus item in librum 2. Physic: Arist. cap: 2. qu. 2. solidè ac fusè probat, quòd plures homines nascantur, quàm moriantur; nec dici possè, tot homines mori, quot nascuntur. Ergo si infinitæ generationes præcesserunt, imò infinitæ ætates hominum, ac ex singulis ætatibus, saltem unus homo plùs, quàm antea superessèt, tunc jam infiniti modò viverent homines. Quod si autem pertinaciter asseras, plures mori, quàm nasci, Infero. Ergo nullus fuit homo ab æterno: siquidem defactò modò sunt tantum numero finiti homines: ut certum est. Probatur illatum. Quia supponamus, nunc hoc anno essè mille milliones hominum: ante hunc annum essent pauciores, saltem uno minùs, & ante duos annos, saltem duo minùs, ac sic perpetuò retrocedendo. Ergo tandem ante mille milliones annorum, nullus fuisset homo, multò magis ab æterno. Porro, insignis Mathematicus, Ricciolus lib: 12. Geographiæ, satis probabiliter, censet universam multitudinem hominum nunc habitantium super terram non excedere mille milliones.

Græta tandem (prætermisfis aliis) Ratio desumi solet ex imminutione humanæ staturæ. Plinius enim lib: 7. Hist: Natur. cap: 16. ait: In plano autem cuncto Mortalium generi, minorem in dies fieri mensuram

suram propemodum observatur, raroq; Patribus proceriores, tanquam consumente ubertatem seminum exustione, in cujus vices nunc vergat ævum. Et Juvenalis Satira 15. habet.

Terra malos homines nunc procreat, atq; pusillos: Auctor etiam libri 4ti Esdræ (qui liber, teste Cornelio à Lapide in Prologomenis in Prophetas Majores, meretur majorem auctoritatem, quam aliorum Doctorum libri) ait ad Dominum cap: 5. [Loquar coram Te, nam mater nostra, de qua dixisti mihi, adhuc juvenis est, jam senectuti appropinquat. Et respondit ad me, & dixit: Interroga eam, quæ parit, & dicet tibi. Dices enim ei: quare quos peperisti nunc, non sunt similes his, qui ante te, sed minores statura? Et dicet tibi & ipsa: alii sunt, qui in juventute virtutis nati sunt, & alii, qui sub tempore senectutis, deficiente matrice, sunt nati. Considera ergo & tu, quoniam minori staturâ estis præ his, qui ante vos, & qui post vos, minori quam vos, quasi jam senescentes creaturæ & fortitudinem juventutis prætereuntes.] Divus itidem Augustinus lib: 15. de Civit. cap: 9. & alibi, multis probat, imminutam fuisse hominum ætatem ac staturam: quod ipsum videtur fateri & Averrôes 2do de Generat: textu 85. Si hæc vera sunt. Ergo si Mundus, hominesq; ab æterno fuissent, jam nunc ferè nullius, aut minimæ deberent esse quantitatis, licet singulis millionibus annorum decrevissent solum latitudine unius capilli.

Sta Propositio.

Potuit absolutè loquendo terraqueus globus major fuisse vel minor, quàm defacto nunc est: idem dic de globis Astrorum.

PROBATUR. Quia ex una parte, Sapientissimi quiq; asserunt, Propositionem hanc esse veram; ex altera verò parte, Nulla solida vera implicancia (quæ enim illa?) allata est ab ullo, nec assertur, cur terraqueus globus, & globi Astrorum, non potuerint absolutè fuisse majores, vel minores. Aristoteles quidem, imo de Cælo, cap: 8. multis probare intendit, DEum non posse plures Mundos condere: sed explicari congruè potest, eum loqui tantum de Potentia DEI ordinaria, & secundum consuetum rerum cursum, sic enim plures Mundi esse nequeunt: ut benè advertunt Conimbricenses in fine 8. libri Phisic.

Globū modernū Terraqueum & siderales globos possibile fuerat, majores, vel minores fuisse.

Con-

Confirmatur & illustratur Propositio. Circumferentia maximi terraquei globi, juxta communem sententiam Mathematicorum, est milliarium germanicorum quinq; millium, quadringentorum. Cur ergo non potuit esse milliarium sex millium, vel solum quatuor millium, vel quinq; millium quadringentorum & unius? Aquæ etiam Elementum multò defacto minus est, quàm Elementum terræ: ut demonstrant Geographi. Et certè, cur non potuit esse aquæ Elementum æquale, vel longè majus Elemento terræ? Nulla alia horum causa assignari potest, nisi recurrendo ad Agens increatum, ejusq; beneplacitum.

*Obiectio
in contra
solvitur.*

Neq; valet, si dicat Atheus. Impossibilem esse majorem vel minorem terraqueum globum (idemq; diceret de globis siderum) idq; ex eo, quia alius globus terraqueus, vel esset producibilis ab aliqua causa, eaq; vel necessariâ, vel liberâ. Non necessariâ: quia sic deberet existere. Non liberâ: quia hæc non est assignabilis; nisi fortè dicatur esse Deus, quem ego dari nego. Non valet inquam. Nam contra est clarè. Quæro enim ex Atheo. Terraqueus modernus existens globus: item globi Astrorum, qui defacto dantur: Suntne producti ab aliqua causa distincta, à se: vel non? Si sunt. Ergo jam concedis Athee dari Deum. Causam enim illam, quæ produxit globum terraqueum, & globos Astrorum, vocamus Deum, dicimusq; cum Magistro sententiarum in 1. Sentent. Distin. 3. Accedat quæcumq; vis Creatura & faciat tale Cælum, (addo, talem terraqueum globum, talem Solem & Astra, tantæ magnitudinis elevationisq; à terra, faciatq; ea tã celeriter moveri, ut defacto moventur moderna Astra) & dicam, quia Deus est. Vide dicta, infra Cap: 7: in hoc Tractatu. Si autem moderni globi Astrorum & terraqueus, non sunt producti nec producibiles ab aliqua causa. Infero. Ergo si illi, non tantum ad sui possibilitatem, sed ad existentiam suam actualem, non requisiverunt essentialiter causam, quæ illos produxit: multò minus ad possibilitatem adstruendam alterius globi terraquei vel sideralis non requiritur, ut adstruatur causa illorum à qua produci possint. Neq; dicere potest Atheus, globum terraqueum, & siderales globos, esse à se ipsis productos: vel esse à se ipsis negativè. Contra enim est. Quia evidens est, quòd nihil se possit producere saltem quòd ad primò esse, evidens inquam,

tum

tum per se: tum ob rationes datas infra Cap: 7. sub Propositione ima. Clarum item est, quod est à se negativè; seu sibi, se solo sufficiens; sit Ens perfectissimum in omni genere: ut deductum est supra in hoc Tractatu cap: 1. sub Propositione 5ta. Globi verò nominati, quòd non sint Entia in omni genere perfectissima, est extra omne dubium prudens.

6ta Propositio.

*Absolute potuit & potest dari alius terra globus, ejusdem speciei Possibiles
vel diversæ cum nostrate: itera plura sidera, nec non plures So- sunt plu-
les, Luna, item plures Cali, quàm defactò sunt. res globi*

PRobatur. Cur enim non potuerunt, aut non possunt esse absolute *terraquei*
plures globi terræ, sicut sunt plures globi siderum? Unde de hoc, *& sidera-*
quòd præsens globus terræ sit essentialiter exclusivus alterius globi *les.*
terræ, sibi similis? Imò in sententia communi; universaliter implicat
Creatura saltem materialis essentialiter individua: seu, cui sit essentia-
le, non habere, nec posse habere sibi simile aliud individuum. Quæ-
nam, quæso, alius terræ globus habet prædicata intrinseca essentiali-
ter secum pugnantia? Idem proportionatè quærendum de aliis cælis
& sideribus extra hæc, quæ defactò dantur. Quæ item repugnantia,
ut non possint absolute dari aliqui globi ex sola arena: alii ex solo limo
conflati, magnitudine æquales, vel etiam majores nostrò globò terra-
queò? Accedit. quòd Democritus, Epicurus, aliiq; quidam Veteres,
docuerint dari defactò innumerabiles Mundos & Cælos: id tamen
cum sine ullo solido fundamento assertum sit ab illis Veteribus, ideo
ab omni specie veri alienum est, licèt defactò veritati consonum sit,
esse possibiles: ideoq; meritò anno 1706 in Societate Nostra, prohibi-
ta est doceri vel defendi Propositio hæc: Mundus existere non potest,
nisi unicus. Nota, à Patre Tannero, aliisque quibusdam Theologis
doceri non improbabiler: plures Soles in fine Mundi post judicium
extremum, producendos esse.

7ma Propositio.

*Possunt dari novæ species Entium perfectiores existentibùs spe- Nec non
ciebùs & imperfectiores. res Enti-*

N

Pro-um speci-

es, defa- Etò exi- stentibus. **P**ROBatur & illustratur. Supponamus, veram esse quorundam Veterum Philosophorum opinionem, asserentium, parem in unoquoque Elemento specierum numerum esse, quotque sunt in aqua, totidem esse in Terra & aëre: esse autem piscium genera trecenta: avium itidem genera trecenta: terrestriumque totidem. Vel supponamus, veram esse opinionem, in Timæo Platonis, qui docet, in tota Universitate decies mille trecentas sexaginta octo species contineri. Supponamus item, quod leo, sit suprema species defacto existentium terrestrium brutorum: & aquila volatiliū: & Cetus, vel Delphinus aquatiliū: & Basiliscus, vel Bôa serpentium. Tamen nulla est absolute repugnantia, ne umbra quidem, quod minus producantur, vel produci possint species novæ animantium, non contentæ intra seriem specierum enumeratarum, perfectiores defacto existentibus: & quod minus brutum aliquod terrestre possit produci longè perfectius leone: & volatile, perfectius Aquilâ: & aquatile, perfectius Cetô: & reptile, perfectius Basiliscô. Ergo vera est Propositio nostra 7ma. Accedit. Quod species sunt sicut numeri: ut dicit Aristoteles. Non tantum quod ad habitudinem ad unum primum Principium; sicut enim omnes numeri pendunt ab Unitate, sic & species omnes ab uno Principio; non tantum etiam ideo, quia sicut numerus superior continet inferiorem, & aliquid ei addit; ita & species perfectior continet eminenter inferiorem, & aliquid adhuc plus: ut patet Inductione: sed etiam ideo Species sunt sicut numeri: quod sicut numeri possunt esse majores semper, & majores sine fine: sic Species possunt esse perfectiores semper ac perfectiores etiam his, quæ defacto existunt Speciebus. Illustratur. Non datur, imò in Sententia Nostræ Societatis, & communi, implicat numerus maximus finitus, quod major esse non possit: Ergo & implicat Species Entium existentium ita perfectæ, ut perfectiores iis saltem defacto existentibus dari non possint.

8va Propositio.

Entia completa spiri- tualia sunt possibilis. **P**ossunt dari Entia spiritualia, completa, intellectiva, simplicia in natura, quales defacto censentur esse Angeli.

PROBatur & illustratur. Quia dantur Substantiæ completæ purè maeriales, ut Leo, planta, lapis: item dantur Substantiæ incompletæ,

pletæ, intellectivæ spirituales, ut Animæ hominum. Ergo saltem possibile etiam est dari Substantias spirituales completas intellectivas. Accedit. Substantia corporalis dissuſa est in Species ferè innumeras: Ergo Substantia spiritualis creata poterit etiam saltem diffundi in diversas Species. Si dicat Atheus, implicare produci Angelos, cum non sit causa productiva illorum, nempe DEUS. Tunc responde juxta dicta ad Objectionem sub ista Propositione.

9na Propositio.

Si potest interire Species, seu collectio leporum, canum, luporum, boum, leonum, aquilarum, hominum, rectè inde inferitur dari Deum.

*Ex possibili-
tate in-
teritus a-
nimantiū
perfecto-
rum, bene
infertur
Existen-
tia Dei.*

PROBATUR. Si absolute loquendo, possunt interire prædictæ Species: Supponamus interituram hoc anno Speciem, seu collectionem totam leonum, vel hominum. Jam quæro: Potueruntne de novo post decennium, produci ex nihilo sui, aliqui homines, vel leones, similes prioribus, qui supponuntur perituri hoc anno: vel non poterunt? Si non? Quomodo ergo poterant ab æterno produci, vel exsilire ex nihilo sui, ut tu Athee blateras, si nunc non poterint? Utiq; non sunt hæc Entia essentialiter successiva, affixa nonnisi huic vel illi durationi? Si poterunt? Quæro, à quonam produceretur homo, vel leo? Non à sui similibus? supponuntur enim hæc omnia interitura hoc anno. Non ab Ideis? sub concavo lunæ existentibus, utpote commentitiis: de quibus probabilius, nec Plato somniavit. Non ab Angelis? Tum quia hos negat Atheus: Tum quia Angeli non habent vim creandi Animam rationalem (quod enim fundamentum hujus potentia?) nec possunt producere leonem, nisi applicando virtutes seminales passivis: quidquid interim sit, utrum Intelligentiæ, seu Angeli motores cæli & Astrorum, possint immediatè producere animalia imperfecta: ut vult Themistius, Avicenna & Alpharabius. Non etiã producerentur ab Astris, cælò, terrâ, vel insensitivis inanimatis Entibus: quia licet Corpus cæleste, (puta Astra, & Cælum) tanquam instrumentum Motricis Intelligentiæ, ex virtute sui Motoris, imperfecta animantia causare possit: ut probabiliter censet Divus Thomas inâ parte, quæsti-

*Animan-
tia à quo
nam cau-
santur ?*

one 70. art. 3tio. ad 3tium: fueritq; à sua origine statim productum à DEO, velut semen, id est, conspersum quasi virtute seminariâ productivâ imperfectorum animantium; ut vult Durandus & Conimbricenses: tamen animalia perfecta, ut bos, canis, leo, multò magis homo, animalibus cunctis perfectis longè perfectior, juxta omnem rectam Philosophiam non aliter producuntur, nec positis qualibuscunq; cælorum revolutionibus per tot millia annorum unquam observatum est aliter produci naturaliter, nisi per generationem formæ substantialis, aut saltem unionis ex materia vitaliter elaborata, & per naturalem calorem, aliasq; virtutes Animæ ad illud munus destinatas dispositâ intra generantem ejusdem Speciei substantialis. Nonne mulieres (ut rectè 3tio Esdræ cap: 4, ait Zarobabel) genuerunt Regem & omnem populum, qui dominatur mari & terræ? Vidistine unquam Athee, naturæ legum ignare, ac in genus humanum contumeliose, hominem produci, ut muscam vel ranam? id est sinè patre vel matre; idem dic de bove, leone, &c: vel audistine ab oculato aliquo teste, fide digno, naturaliter id unquam factum esse vel fieri? Certè non. Nec semen animantium perfectorum, naturaliter fieri potest, nisi ab animali decisum: nec ad factum formandum perducitur potest, nisi in utero alicujus animalis generantis: ut ab immemorabili, clara & quotidiana experientia etiam id demonstrat. Hinc bene dicit Sanctus Thomas in 2a parte, qu. 45. art. 8. ad 3tium: *Ad generationem animalium perfectorum, requiritur Agens proprium, quod est generans univocum.* Et 1. par. q. 91. art. 2. ad 2dum ait: *Animalia perfecta, quæ generantur ex semine, non possunt generari per solam virtutem celestis corporis, ut Avicenna fingit (asserens etiam hominem ex terra, vi Astrorum posse naturaliter produci) licèt ad eorum generationem naturalem còoperetur virtus celestis corporis, prout Philosophus dicit.* Similia habet Divus Bonaventura, & Subtilis Scotus in 2dum Distinct: 8. quæstione 1.

Accedit. Quomodo astra, cælum, terra, inanimata non sensitiva entia, multò minùs intellectiva, vel libera, causare adæquatè & principaliter poterunt effectum longè se perfectiorem, nempe Animalia perfecta, bovem, leonem, imò etiam intellectivum & liberum hominem? Cum nemo det, quod non habet. Addo. Infans, dum primò nascitur, indiget summe alimentò, & quidem sibi proportionatò conveni-

venienti, Parentum ope ac subsidio, defensione ab injuriis cæli. Quis igitur infanti, ab astris, ut dicis, producto, provideret commodum alimentum, quis à cæli injuriis defenderet? Ergo restat, ut in dato nostro casu, produceretur leo, homo, saltem principaliter ab aliquo Ente, enumeratis perfectiore; & hoc non est aliud, nisi Deus.

Neq; dicas. Musca, rana, & alia animalia imperfecta ex putri generantur naturaliter, sine ulla sui causa univoca. Ergo & bos, leo, ac homo, sic saltem generari poterunt naturaliter. Pulchrum enim sanè Argumentum, simile huic: Muscæ, ranæ, ordinariè ex putri generantur, suntq; bruta. Ergo & Athei, ordinariè ex putredine nascuntur, suntq; bruta. Valetne Argumentum ô Athee à Minori ad Majus viâ affirmativâ? Deinde. Quid si tibi Athee, cum sat bonæ notæ Philosophis, negem Antecedens; veritatem illius quomodo evinces? Censeo enim esse multum probabilem Sententiam eorum, qui docent: Animalia, quæ dicuntur fieri ex putri, defecto generari ex semine, ac spiritibus, à certo quopiam animali exspiratis, æriq; propter tenuitatem, commixtis, qui delati in materiam aptam, in eam agunt virtute seminali, quam continent, & animal gignunt: sicq; illius animalis geniti causa, erit illud animal univocum, à quo semen illud ac spiritus exhalârunt. Convince erroris hanc sententiam? Ingeniosè olim, Exercitationum lib. 15, Scaliger, Cardano idem ex parte cum Atheis blateranti, illufit, dicendo. [Apud Æsopum Fabulatorem, muliercula commodius hõc tuõ commentõ texisset adulterium. quæ è nive puel- lum natum, Marito, unde esset quærenti, prædicabat: dixisset è Cardani limo natus est (aut honestius, per nudum elementorum & astro- rum concursum conceptus ac formatus) non ausus esset ille tibi in hac excusatione contradicere, neq; puerum vendidisset.]

Confirmatur supradicta 9na Propositio. Si potest interire collectio illa multiplex. Ergo non est sufficiens sibi, se solâ ad existendum: Vel enim ideo periret, quia non posset se ipsam perpetuò conservare; vel quia nollet. Si immum. Ergo non est sibi, se solâ sufficiens ad existere: minus enim est se conservare, quàm sibi esse sufficiens ad primò existere: proinde extra illam collectionem multiplicem debet dari Ens aliquod, dans illi collectioni sufficientiam: & hoc est

DEUS. Si 2dum. Ergo illa Species eſſet ſtultiſſima, ſibiq; invida; nollet enim ſuum bonum, quod univerſaliter Enti repugnat.

CAPUT V.

De inſufficientia Entium cauſatorum ad exiſtendum.

Prima Propoſitio.

Sine ſuffi- *Implicat, ut aliquid exiſtat actu, non datà illi ſufficientiâ ad*
cientia ad *exiſtere actu.*

exiſtendū, **E**ſt evidens ex iſſis terminis: ſicut evidens eſt implicare, ut ali-
nihil po- quis videat, audiat, ambulet, non habitâ ſufficientiâ ad videndum,
teſt exiſte- audiendum, ambulandum: ita etiam ut aliquid exiſtat ſine ſufficientia
re. ad exiſtendum, vel inſinſecâ, qualis convenit Deo: vel extrinſecâ effe-
ctivâ, qualis convenit creaturis: & aliâs daretur actus 2dus ſine actu 1mo.
Hinc clarè inferitur Propoſitio etiâ hæc: Ens T. v. g. quod eſt omnino
inſufficientis ſibi ad eſſe actu, ſeu ad actu exiſtere in rerū natura, illud ut ſit
actu, debet habere aliud Ens. v. g. S. ſufficientis ad dandum illi Enti T.
eſſe actu: quod ſi Ens S. pariter ſit ſibi inſufficientis, debet habere tertiu-
m Ens: v. g. R. ſufficientis ad dandum eſſe illi ipſi S; quod tertium
v. g. R. ſi pariter ſit inſufficientis ſibi ipſi ad eſſe actu, debet habere
quartum Ens. v. g. Q. ſufficientis dare eſſe Enti R; & ſic conſequenter.
Ratio hujus patet; Tum ex Propoſitione 1ma. tum quia aliâs nulla
eſſet neceſſitas cauſarum efficientium, quas tamen dari, evidens eſt.

Ex ſingu-
lorum En-
tium in-
ſufficien-
tia ad exi-
ſtendum,
rectè in-
fertur ad
exiſtendū
inſufficien-

2da Propoſitio.

Si ſingula Entia, numero finita, ſunt inſufficientia ſibi ad exi-
ſtere actu, etiam tota collectio, conſtans ex illis ſolis finitis
Entibus, eſt inſufficientis ſibi ad exiſtere actu.

Propoſitionem hanc nec ipſi Athei audent negare, ejusq; evidens ve-
ritas conſtat. Tum ex Probatione Propoſitionis 3tiæ, quæ ſequitur.
Tum quia evidens eſt, fieri non poſſe, ut v. g. entia quatuor; Pater,
Filius, Nepos, Pronepos, quorum ſinguli ſunt inſufficientes ſibi ad
exiſte-

existere, collectio tamen ex his solum quatuor entibus conflata, non sit insufficientis sibi ad existere.

3tia Propositio.

Si singula entia etiam numero infinita, sunt insufficientia sibi ad existere, tunc & collectio ex illis infinitis entibus constans, est insufficientis sibi ad existere: ac proinde nullâ ratione existere potest, nisi extra illam collectionem detur aliquod Ens, quod sibi ipsi sufficiat ad esse, & illi collectioni.

*tia totius
collectio-
nis, sive
hæc sit fi-
nita, sive
finita.*

Propositionem hanc negant Athei, sed Veritas ipsius multipliciter declaratur. 1^{mo}. In aquæductibus quantumcunq; multiplicatis, & rivulis, seu ab æterno, seu in tempore decurrentibus, debet deveniri ad fontem, ex quo traducantur aquæ: aliàs aquæductus, & rivuli continuò decurrentes, nulli esse possunt. 2^{do}. In serie, sive finita, sive infinita annulorum catenæ alicujus ab alto in aëre pendentis, debet dari aliquid extra seriem illorum annulorum, à nullo pendens, à quo annulorum series sustentetur: cum nullus annulus sufficiens sit se ipsum sustentare. 3^{io}. In superimpositione gravium: si enim unum grave, v. g. lapis molaris incumbit alteri lapidi, & hic alii & iterum hic alii, etiam in infinitum, nullo per se positò fixò & consistente, tantò minus tota series sive universitas omnium aliorum lapidum, aliis incumbentium erit firma in loco, & consistens, quò plura sunt ejusmodi entia gravia. Et universalius loquendo. Evidens est ex terminis; In causis materialibus seu subjectivis, progressionem non posse dari ita, ut hæc in alia subjectetur, & hæc in alia, & sic ulterius, quin detur aliqua, quæ sit cæterarum, primum subjectum. 4^{to}. Illustratur idem in candelis in infinitum etiam multiplicatis, quarum singulæ singulas accendant, profectò debet dari extra collectionem illarum Ens sufficiens ad illas accendendas.

Propositio eadem, secundò probatur multipliciter. 1^{mo}. Evidens est implicare, ut in aliqua collectione sive finita, sive infinita, singulæ partes sint materiales; & collectio sit immaterialis, Partes singulæ, accidentia, & totum substantia; singulæ partes, non Entia, & totum sit Ens: singulæ partes contingentes, & collectio necessaria. Singuli boves sint non intellectivi, tota tamen collectio boum, sit intellecti-

va, &c. Ergo etiam evidens est, implicare, ut singula Entia sint sibi insufficientia ad existere, collectio tamen non sit insufficientis, sed sit sufficiens ad existere. Et Ratio ulterior horum est. Tum quia eum totum per aggregationem, seu collectio quæcunq; non sit nisi partes, repugnat esse perfectionem absolutam, præsertim simpliciter simplicem (qualis etiam est, esse Ens, sufficiens sibi ad esse, esse immateriale, esse substantiam, esse quid necessarium, esse intellectivum) in collectione, quæ non sit antecederet in partibus, saltem ex parte, seu aliquomodo inchoativè. Tum quia imperfectio, quæ per additionem non minuitur, non potest tolli per additionem etiam infinitam ejusdem rationis; infinitas enim additorum, non mutat, sed solam eorum multitudinem auget. Ut probat omnis Inductio. Hic autem additio alterius Entis insufficientis, non minuit intrinsicam insufficientiam Entis A. ut patet. Ergo licet addantur infinita entia insufficientia, non tollent simpliciter insufficientiam Entis A. *2dò*. Probatur à Patre Caregno, insigni Theologo Romano. Tota collectio Entium causatorum est causata, & dependens ab alio, adæquatè distincto: Ergo & tota collectio, verbi gratiâ, hominum insufficientium sibi ad esse, est insufficientis sibi ad esse, debetq; extra illam dari Ens sufficiens sibi ad esse, & illi collectioni. Consequentia est evidens. Antecedens probatur. Ideo quodlibet Ens causatum, quod includitur in collectione omnium causatorum, est dependens, & causatum ab alio adæquatè distincto, quia est quid realiter causatum: ut patet. Implicat enim actio reflexa sui, sive adæquata, sive inadæquata, quò ad primum esse: sic enim ex nihilo causæ, causaretur realis effectus. Sed collectio omnium causatorum est quid realiter causatum. Ergo ipsa est dependens & causata ab aliquo distincto adæquatè. Minor etiam patet. Nam illa collectio, oppositò se modò habet, quando omnis pars illius realiter causatur, ac se haberet, si nulla pars illius realiter causaretur: Sed si nulla pars illius realiter causaretur, ipsa non esset causata realiter. Ergo quando omnis pars illius causatur, ipsa non est non causata realiter, atq; sic est causata realiter. *3iò* probari solet sic. Bona est Argumentatio hæc: Singuli sunt cæci. Ergo tota collectio est cæca. Pariter bona Argumentatio debet esse ista: Singuli sunt insufficientes ad esse. Ergo tota collectio est insufficientis sibi ad esse.

Ne-

Neq; dicas Disparitatem esse. Quia sicut singuli cæci, non dant sibi ipsis visum, ita nec unus alteri, sicq; omnes manent cæci. Jam autē licet non sufficiant singuli se solis sibi ad esse, tamen unus dat alteri esse: scilicet Filio Pater, huic Avus, huic Abavus, & sic ulterius: ideo dici potest, quod tota collectio, seu illi omnes, sufficiant sibi ad esse. Sed contra est imò. Quia Paritas stat in hoc, in quo urgetur. Nempe, sicut illi singuli cæci sunt ideo omnes cæci, quia nullus est inter illos, non cæcus: Ita illi singuli v. gr. homines insufficientes sibi ad esse, sunt omnes insufficientes sibi ad esse, quia nullus est sufficiens sibi ad esse: & sicut non tollitur prædicatum cæci, per additionem unius ad alium, ita hic non tollitur prædicatum insufficientis. Contra addò. Ponamus, quod nemo cæcorum illorum possit sibi dare visum, sed illum cæcus A. possit non nisi accipiendo à cæco habere, qui prius visum accepit ab alio, & sic ulterius; ita planè, sicut Filius accipit esse à Patre, Pater ab Avo: tunc sic. Illi cæci omnes erunt cæci, si singuli sunt cæci, & nullum sit ad extra Ens, quod tollat insufficientiam ad videndum alicujus cæci, ut is postea illam tollat in alio, & hic in alio, & sic consequenter. Ergo etiam illi insufficientes sibi ad esse, quod esse non nisi ab alio habere possunt, omnes erunt non habentes esse. Si autem habent, aut habuerunt, debebat dari tale Ens, quod non indigebat alio ad suum esse, seu quod sit sufficiens sibi ad esse se solo.

Propositionem etiam nostram, quidam probare solent taliter. imò. Evidens est, quod collectio trium Entium, quorum singula sufficiunt ad dandum esse alteri per successivam propagationem, sibi verò non sufficiant ad esse actu, non sit plenè sufficiens dare esse toti huic trium collectioni. Ergo pariter evidens est, idem dicendum esse de collectione Entium infinitorum. addò. Quia aliàs non posset convinci erroris ille, qui (supposità communi Sententiâ Peripateticorum, dari in quolibet continuo infinitas partes) assereret, nullam dari causam extrinsecam productivam alicujus continui, v. g. palmaris ligni: sed unam partem palmi, produci ab alia, & hanc ab alia sine fine, quin veniatur ad primam improductam. Allatæ Propositiones duæ non adeò mihi probantur. Primæ enim Probationi negari posset Consequentia, adterriq; Disparitas hæc. Quia videlicet aliunde colligitur, illam tri-

trium Entium collectionem eſſe inſufficientem ſibi ad eſſe: nempe ex eo, quia ſupponitur tota illa collectio exſtitiſſe in tempore finito: ab æterno enim exſtitiſſe tantum tria ejuſmodi entia impoſſibile eſt: ſiquidem in ſucceſſivis ab æterno exiſtentibus Entibus, implicat dari initium, ſeu primò primum ſucceſſivum. Ergo ſupponi etiam debet nihil fuiſſe aliquando in rerum natura de illa collectione. Ergo extracta eſt ab aliquo principio à non eſſe ad eſſe: proinde ſibi non ſufficiens. Eadem ſolutio applicari poſſet 2dæ Probationi. Palmarum enim illud lignum, etiam ſecundum nullam ſui partem, quâ hoc lignum eſt, fuit ab æterno: collectio verò Entium infinitorum per ſucceſſivam propagationem à parte ante, ſupponitur juxta Atheos, fuiſſe ab æterno.

Demum Propoſitio noſtra 3tia declaratur & illuſtratur ſat convictivis exemplis hiſ. 1mò. Exemplò famelici. Veniat famelicus Paulus cum integro pane ad Petrum in carcere fame laborantem, nec ſaturandum niſi integro pane: tunc illo pane ſatiabitur Petrus, ſed non Paulus: veniat iterum famelicus Andreas cum pane, ſatiet Paulum, non ſatiabit ſe ipſum, & ſic ſine fine nunquam erit ſatiata tota collectio, ſed ſaltem unus erit famelicus. 2dò. Exemplò nudi. Sit Petrus in ſpatio in infinitum diſfuſo, nudus; veniat ad eum Paulus habens ſolum unicam veſtem, qui, ſi hâc contegat Petrum, ipſe Paulus nudus manebit: veniat poſt Andreas, itidem unicam ſolum habens veſtem, qui ſi hâc contegat Paulum, ipſe Andreas, nudus manebit: adveniant alii & alii ſucceſſivè plures & plures, aſt quilibet cum veſte unica: imò producantur infiniti, ſed ſinguli cum veſte unica, addanturq; Petro & Paulo jam tectis, verum Andream nondum tectò: tunc tota illa collectio nunquam manebit tecta, quia ſaltem unicus nudus reſtabit: & niſi aliquis ad illam collectionem etiam infinitam adveniat cum duabus veſtibus, unâ, pro ſe, alterâ pro alio, nunquam contegetur tota illa collectio; verum erit ſaltem unus nudus. Pariter licet per Paulum tolleretur inſufficiencia ad eſſe actu in Petro, qui naſcitur, & in Paulo per Andream, & ſic de cæteris; non tolletur tamen plenè inſufficiencia ad eſſe in collectione quamvis infinita hominum, niſi ſit aliquod Ens tale, quod & ſibi, ac omnibus illis aliis (ſivè immediate, ſive mediate) ſufficiat ad eſſe, aut ſaltem uni ex illis, à quo cæteri per ſeriem pro-

producantur, accipiantq; effectivè sufficientiam suam.

4ta Propositio.

Singuli homines (idem dic de brutis, plantis. Elementa etiam, corporaq; cœlestia non esse sufficientia sibi ad esse satisfusè probabitur infra Cap: 7. 8. 9. 10.) *sunt insufficientes sibi, se solis ad esse actu.* *Certum est, singulos homines esse insufficientes sibi ad existendū.*

Veritas hujus Propositionis patet. Tum quia homo, animalia & plantæ, cum egeant tanta congerie requisitorum, ut generentur ac censerentur, facileq; intereunt; quis illa, se solis ad existendum sufficientia esse credat? Tum quia singuli homines (idem dic de animalibus perfectis) necessariò indigent Patre & Matre, idq; non sterilibus ad productionem sui. Et certè si tu Athee esses tibi sufficiens ad esse, meritò irasci deberes Parentibus, quòd tibi ademerint tam specialem gloriam, nempe, quòd cum potueris esse, Ens à te, Parentes fecerint, ne esses: tenerenturq; Parentes, te magis amare, ac revereri, quàm tu illos; quia cum potueris esse à te, & non ab illis, eis hanc gloriam tribuisti, quòd sis ab illis. Tum quia, si tu Athee fuisti tibi sufficiens ad esse, cur te non conservasti vel conservas per longum aliquod tempus; v. g. per annum, sine ullo alimento, aut cum alimento per aliquot centena annorum? utiq; longè facilius est conservare aliquid, quàm de nihilo producere, seu facere ut, ex nihilo profiliat? Cur Potentissimi Principes moribundi, etsi maximè velent, nequeunt vitam retinere, ac conservare animam in corpore pro libitu suo?

Accedit. Evidens est, quòd homo sit insufficiens sibi, se solo, ad dandum esse visioni oculari suæ, vel cognitioni de aliquo Objecto; cujus nullam speciem habet, & habuit: est item insufficiens ad amorem alicujus objecti, cujus nullam cognitionem apprehensionemq; habuit. Et quâ ratione, homo dici poterit esse sufficiens sibi, se solo, ad esse substantiale suum, quod longè majus est?

5ta Propositio.

Tota collectio hominum, quorum singuli, ut probatum est, sunt insufficientes sibi ad esse actu (idem pariter dic de collectione brutorum, plantarum, &c.) etiam gratis admissio, quòd sit infinita, est insufficientis, seu non est sufficiens sibi ad esse actu.

Tota collectio hominum, quorum singuli, ut probatum est, sunt insufficientes sibi ad esse actu (idem pariter dic de collectione brutorum, plantarum, &c.) etiam gratis admissio, quòd sit infinita, est insufficientis, seu non est sufficiens sibi ad esse actu.

Propositionis hujus veritas sufficienter constat ex probata supra Propositione 3ta. Et insuper probatur ex dictis alibi, nempe. Tum quia Ens sufficiens sibi ad esse, est in omni genere perfectissimum. Ut constat ex Propositione 5ta, Capituli 1mi supra. Sed nulla collectio hominum, multò minùs brutorum, plantarum, est Ens in omni genere perfectissimum: ut patet. Ergo &c: Tum quia Ens incipiens existere, vel saltem potens aliquando non existere; seu Ens contingens in existendo: item Ens potens absolutè interire, non est sibi sufficiens ad esse. Ut demonstratum est superius Capite 1. sub Propositione tertia & quinta. Sed collectio hominum, incepit existere in tempore, vel saltem potuit aliquando non existere: est item potens interire: Ut ostensum est supra, Capite 4. sub Propositione 3. & 4ta: & infra in Tractatu 3. in Argumento 13tio. Ergo est insufficientis, seu non sufficiens sibi ad esse.

Propositio eadem 5ta Confirmatur. imò. Collectio hominum est insufficientis sibi se solà ad se conservandam vel uno mense: requirit enim necessariò ærem ad sui permanentiam, quòd spiret: alimentum, quòd alatur: terram, vel aliud æquivalens, in quo consistat: influxum siderum, quòd foveatur: & quidem ita enumeratis indiget, ut ablato aliquo ex illis, collectionem, sive speciem humanam, seu omnia individua humana (non enim collectio est quid separatum realiter ab omnibus individuis sub concavo lunæ existens) interire naturaliter necesse sit. Ergo multò magis collectio illa non est sufficiens sibi, se solà ad esse.

*Pluries nō
valet Ar-
gumenta-
tio à sensu*

6ta Propositio.

Multoties à sensu distributivo Entium, sive finities, sive infinities multiplicatorum, Argumentatio ad collectivum, non est recta.

Pa-

PAtet in Entibus finities multiplicatis. Ex eo enim, quòd singuli equi, non possint trahere currum, non sequitur, quòd non possent trahere seni. Ex eo, quòd singulæ unitates, non sint denarius, non sequitur, quòd collectio decem unitatum, non sit denarius. Ex eo, quòd singuli Menses, non sint annus: non sequitur, quòd collectio duodecim mensium, non sit annus. Idem etiam in Entibus infinitis multiplicatis, vel potius multiplicabilibus, patet pluribus instantiis. *imo* enim. Quòd singuli homines infiniti, essent pauperes, ineruditi, indocti, non sequeretur, quòd collectio hominum talium infinita, esset pauper, inerudita, indocta. Quia, si singuli homines in illa collectione infinitorum hominum, solum haberent unum solidum; & singuli tantummodò scirent eruditiones & veritates singulas, inter se tamen semper diversas; certè singuli illorum non essent divites, eruditi, docti: imò essent simpliciter pauperrimi, ac stulti: nihilominus collectio illa infinita hominum, esset ditissima (saltem respectivè ad collectiones quascunq; finitas hominum divitum) haberet enim infinitas decades, centenarios, millenarios, millionarios solidorum, florenorum: aliàs successivè accipiendo per partes finitas, esset exhaustibilis multitudo illa solidorum (quod enim est exhaustibile per millenarios, vel per quamcunq; speciem numeri finiti, eo ipso potest exhaustiri per unitates: quia ipsi millenarii numerantur per ipsas unitates) consequenter non esset infinita illa multitudo; quod est contra suppositionem: Supponitur enim esse infinita collectio solidorum, sicut & hominum. Esset etiam illa collectio hominum eruditissima & doctissima: sciret enim infinitas eruditiones, ac infinitas veritates diversas. Concedo tamen, possibilem etiam esse infinitam collectionem hominum ditiozem, eruditiozem ac sapientiozem priori: unum enim infinitum in Sententia probabili, & sat communi, potest esse majus altero infinito, etiam infinitis, saltem in multitudine. *240.* Si cæli & sidera deberent moveri circulariter infinitis per æternitatem à parte post, tunc verum esset dicere. Post quamcunq; circulationem, erit alia & alia circulatio, existetq; Deus, ac rationalis Anima. Falsum tamen est, inde inferre. Ergo etiam post totam, seu omnem circulationem infinitam, erit alia circulatio, existetq; Deus, ac Anima rationalis. *310.* Si cæli & sidera cum suis motibus producti fuissent ab æ-

terno (quod fuisse ab æterno possibile, multi non improbabiler centent) tunc verum fuisset dicere. Ante singulas circulationes astrorum fuit alia prior circulatio. Et tamen falsum fuisset inferre. Ergo ante totam etiam collectionem infinitam circulationum fuit aliqua prior circulatio. Alias ante totam æternitatem à parte ante, fuisset aliquid prius, quod manifestè implicat. Idem similiter dic de generationibus hominum successivis à parte ante, quod non esse impossibile, docet Divus Thomas 1. p. q. 46. art. 2. ad 7. inquit: *Non est impossibile, quòd homo generetur ab homine in infinitum.* Tunc verum fuisset dicere: Ante singulas generationes hominum fuit alia prior generatio. Et tamen est falsum. Ergo ante omnem collectionem generationū, fuit alia prior generatio. 4to. Ex eo, quòd creaturæ possibiles divisim sumptæ excedantur in perfectione ab alia creatura; non sequitur. totam collectionem creaturarum excedi in perfectione ab alia creatura: vel dari aliquam possibilem creaturam, quæ non possit excedi ab alia in perfectione. Siquidem in Sententia communi; Implicat creatura absolute perfectissima: seu quâ perfectior absolute creari non possit.

7ma Propositio.

Multoties tamen Argumentatio etiam à sensu distributivo ad collectivum est recta.

Multoties tamen etiam valet talis Argumentatio. Patet inductione longâ. Nam secundum ipsos Atheos, Argumentatio est recta hæc. Quodlibet Ens existens, non est Ens improductum, simplex. Ergo tota collectio Entium existentium non est improductum, simplex. Alias vera deberet esse illi contradictoria hæc. Ergo tota collectio Entium existentium est Ens improductum, simplex: quæ tamen est evidenter falsa. Rectæ item sunt Argumentationes istæ: Singuli homines, sive finiti, sive infiniti, sunt rationales, viventes, sensitivi, sani. Ergo tota collectio hominum, sive finita, sive infinita, est rationalis, sensitiva, vivens, sana. Singuli Angeli sunt spirituales, intellectivi. Ergo tota collectio Angelorum, est spiritualis, & intellectiva. Singula bruta, sunt materialia, irrationalia. Ergo tota collectio brutorum, est materialis, irrationalis. Item singuli modi v.g. Uniones, sunt insufficientes existere sine suis modificatis: videlicet sine suis extremis unibilibus: Actiones sine

finē causa, & termino. Item. singula Accidentia sunt insufficientia existere finē suo subiecto. Ergo tota collectio etiam infinita Unionum. Actionum, Accidentium, est insufficientis existere sine suis extremis. sine causa & termino, finē subiecto. Itidem, bona est Argumentatio hæc: Singuli homines sunt cæci, nihil omnino scientes, nihil omnino habentes (non dico, pauperes, indocti: Vide dicta suprà sub Propositione 6ta) Ergo tota collectio etiam infinita ejusmodi hominum, est cæca, nihil omnino sciens, nihil omnino habens; nec illi homines per infinitam etiam sui additionem, evadent videntes, sapientes, divites: sicut nec nummi anei, etiam per infinitam sui additionem, unquam evadent argentei vel aurei. Proinde pariter Argumentatio etiam erit recta hæc: Singuli homines (idem dic de singulis brutis, viventibus insensitivis, & non viventibus) non sunt sufficientes sibi ad esse. Ergo tota collectio hominum, non est sufficiens sibi ad esse, seu est insufficientis sibi ad esse. Comprobat veritatem Propositionis Divus Ambrosius, lib: 1. Hexæm. cap: 3. cum dicit: Non possunt negare, quoniam, cujus partes corruptioni & mutabilitati subjacent, hujus necesse est, universitatem, iisdem passionibus, quibus propriæ portiones ejus, sunt obnoxia, subjacere.

8va Propositio.

Regula statuitur recta, à sensu distributivo ad collectivum Consequentia.

imò. **A**B aliquibus hæc statuitur. Tunc est recta Consequentia à sensu distributivo ad collectivum, quando fit per prædicatum, quod non decrescit, nec tollitur per additionem (& tale inter alia est prædicatum, ut patet, cæci, claudi, corporei, viventis, nihil omnino habentis &c.) imò potius crescit; quale etiam in præsentī est prædicatum, insufficientis sibi ad esse; hoc enim prædicatum, formaliter dicit, Esse causatum, quod nullo modo decrescit, nec tollitur per additionem alterius causati, imò potius crescit; nullumq; Ens causatum, habet ex se etiam partialem sufficientiam & incompletam ad hoc, ut existat. Non est autem Consequentia recta, si fiat per prædicatum, quod decrescit vel tollitur per additionem alterius individui ad prius: uti fit in exemplis adductis aliquibus superius; decrescit

enim

*Principia
statuuntur, quando
nam recta est Ar-
gumentatio à sensu
distributivo ad col-
lectivum.*

enim impotentia trahendi currum, per additionem equi ad equum; quia crescit potentia, seu virtus, illum trahendi; quilibet enim equus habet trahendi currum, potentiam; seu vim, licet minorem, & incompletam, cui per additionem aliorum equorum quinque, accedit potentia non impar trahendo currui, ac completur sufficientia; decrefcit item in unitate, impotentia ad constituendum denarium per additionem alterius unitatis, quia per hanc additionem crescit potentia constituendi binarium, deventura ad denarium per positionem decimæ unitatis. Idem dicendum de Mensibus, imò & de prædicatis, Pauperis, Inerudit, Indocti, aliisque similibus instantiis allatis supra sub Propositione 6ta.

2da. Communiter ab aliis Regula universalis (quæ tamen prioris Regulæ est etiam confirmativa) statuitur ista. Quoties aliquod prædicatum, omnibus distributivè partibus convenit præcisè in quantum Entitas sunt, & non in quantum sunt partes, & prædicatum est tale, quod non importat quantitatem physicam, aut virtuales, sed præscindit ab omni specie & affectione quantitatis: id est, à majoritate ac minoritate: finitate, & infinitate: paucitate, ac multitudine: duratione, successione, loco, situ, & similibus, quantitatem aliquam importantibus, toties tale prædicatum dici potest de partibus etiam collectivè sumptis, seu tota collectione: ut universalis probat Inductio, & constat ex dictis sub Probatione 7ma. Ratio hujus insuper est hæc: Quia multitudo singularium, non tollit Entitates singularium: nullum enim totum destruit suas partes: aliàs destrueret se ipsum. Et tale, inter alia, est etiam prædicatum, Insufficientis sibi ad esse, Vivens, Sensitivum. Non est autem recta Consequentia à sensu distributivo ad collectivum sub prædicato, quod aliquomodo importat quantitatem, vel speciem, aut affectionem quantitatis, competens singularibus, quæ parti, vel partibus, vel quæ solitariè sumptis: ut patet etiam universali Inductione & instantiis supra allatis. Prius enim & posterius, dicunt quantitatem successivam, sive in serie generationum & corruptionum, sive in circulationibus astrorum: Excedens etiam & excessum, includunt in se quantitatem vel molis, virtutis, aut perfectionis. Ratio insuper est. Quia 1y, pars. 1y, solitariè sumpta: ultra Entitatem, dicit negationem alterius: ex eo enim solo, quod altera pars

pars adveniat, sit aliquod totum, & pars illa, non est sola, sed cum altera, sive est totum aliquod.

3^{to}. Patri Joanni Baptistæ de Benedictis, tomo 3. Philosophiæ lib: 1. cap: 4. §. 2. Regula certa videtur hæc, nempe: Consequentiam tenere à partibus distributivè ad totum, in prædicatis importantibus puram perfectionem. Probatq; hujus Regulæ bonitatem. Tum quia per nullam instantiam infringitur. Tum Inductione. Neq; enim singulæ partes collectionis poterunt esse contingentes, & collectio necessaria: partes esse Accidentia, & collectio substantia &c. Tum quia, cum collectio nihil sit præter partes, ex quibus constat; adeoque quidquid est in ea perfectionis, ab his formaliter derivetur, non est intelligibile, quod perfectio pura in collectione reperiatur, quæ singulis partibus omni ex parte desit, imò & omnimodè repugnet. Aliàs, defectus in aliqua linea, evaderet in eadem linea perfectio, per meram additionem defectus, quod ex terminis est falsum. Hinc fit, ut si singulæ partes sint ab alio simpliciter, tota etiam Collectio debeat esse ab alio: aliàs erit à se: quod est prædicatum puræ perfectionis, in toto repertum per necessitatem & in partibus singulis, per repugnantiam. Ulterius ostenditur Argumentationem esse malam istam. Hæc causa habet effectum à se productum, & illa, & illa, in serie infinita producentium & productorum in post. Ergo tota causarum collectio habet effectum à se productum. Habere enim effectum, non est nisi ad summum accidentalis, & non pura perfectio.

4^{to}. Alii cum Patre Francisco Amico, sat bene docent. Naturam infiniti esse talem, ut non liceat quidem, in illo argumentari à distributivo ad collectivum in talibus prædicatis, quæ consequuntur infinitum, ut infinitum. Et sic mala est Argumentatio. In collectione mille hominum reperitur terminus. Ergo & in collectione infinita hominum reperitur terminus. Licet tamen argumentari in talibus prædicatis, quæ consequuntur essentiam ipsam rerum infinitarum: quia sicut hæc non mutatur per rationem infiniti, rebus ipsis accidentaliter advenientis, ita nec ejus intrinseca essentialia prædicata. Sed esse à se, vel ab alio: Esse sibi Ens sufficiens ad esse, vel non esse sibi sufficiens, sunt rationes essentialiter convenientes rebus ipsis, nempe singulis hominibus, brutis, plantis &c. & illæ non mutantur per rationem

infiniti, accidentaliter illis advenientis. Ergo est bona Argumentatio hæc: Singuli homines sunt insufficientes sibi ad esse. Ergo & tota collectio.

sed demum alii docent etiam non malè. Quod tunc valeat Consequentia à sensu distributivo ad collectivum sub aliquo prædicato, quando prædicatum est capax utriusq; sensûs, & præterea si non potest esse verum in sensu distributivo, nisi sit verum in sensu colectivo: ut patet universali Inductione. Docent item, quòd licet prædicatum competens alicui finito, quod includitur in infinito, non poterit tribui infinito, quâ tali, quod ex ratione infiniti repugnat eidem, debet tamen tribui prædicatum infinito, quâ tali, quod finito conveniebat si illud infinito ex ratione infiniti non repugnat. Sed prædicatum hoc: Insufficiens sibi ad esse: finito, v. gr. denario competit incluso in infinito, neq; est repugnans infinito ex ratione infiniti. sicut non est repugnans eidem prædicatum: Esse. Ens ab alio. Ergo hoc prædicatum: Insufficiens sibi ad esse: debet tribui toti collectioni, nec debet obstare processus in infinitum individuorum illius collectionis.

Regulas has omnes recensitas non improbo: & juxta eas, ut ostensum est, tenet nostra 5ta Propositio. Quod si has Regulas, negat Atheus, ostendat illarum vitium; infringat eas aliquâ verâ instantiâ: det meliorem Regulam: & si rectam dederit, certè coincidet cum aliqua Regula ex allatis à nobis, deservietq; nostræ quintæ Propositioni comprobandæ.

9na Propositio.

Recta est Argumentatio hæc: Singuli homines sive finities multiplicati (ut certum est) sive infinities (uti conſingunt Athei) sunt insufficientes sibi ad esse. Ergo tota collectio hominum est insufficientis sibi ad esse.

Objectiones in contraria solvuntur.

Veritas Propositionis hujus patet ex dictis. Neq; dicas *imo*. Totam collectionem hominum, utpote successive à parte ante, infinitam, in qua scilicet non possit deveniri ad primum hominem, nec esse insufficientem, nec sufficientem sibi ad esse. Nec esse

esse causatam, nec incausatam; quia tota collectio hominum infinito-
rum, est implicatoria, utpote constans terminis implicatoriis: ly enim:
Totum: est. *Cujus nihil est extra*. Infinitum autem est: *Cujus est sem-
per aliquid extra*. Contra enim est. Quia quidquid sit de Possibilitate
Infiniti, sive simpliciter, sive restricti ad seriem Causarum, Quidquid
item sit, an ly: *Totum*. & ly: *Infinitum*: sint termini impossibiles;
quod negavi in Philosophia cum pluribus; ex eo etiam, quia illud,
Cujus aliquid semper est extra: intelligi debet de successiva accepti-
one ex infinito Quidquid, inquam, sit de istis. Detraho istum termi-
num: *Tota*. Et quæro. Collectio hominum, vel est insufficientis, seu
non est sufficiens ad existere, vel est sufficiens. Inter contradictoria
enim non datur medium. Si imum. Ergo conceditur hoc, quod volo.
Si 2dum. Tunc redeunt omnes Probationes, quibus probatum est,
esse insufficientem. Et licet collectioni hominum successivè à parte
ante infinitæ, repugnet habere primam Causam intra eandem colle-
ctionem hominum: seu quæ causa sit aliquis primo primus homo: non
tamen solum non repugnat, sed omnino necessarium est, ut tota col-
lectio hominum pendeat ab alia causa, quæ sit extra totam collectione-
nem hominum se generantium & genitorum.

Neq; dicas 2dò. Licet qualibet pars circuli est connexa cum
alia parte, totus tamen circulus non est connexus cum alio, sed
tantum secum. Ergo pariter, licet singuli homines sint insuffici-
entes sibi ad esse, non sequitur, quod etiam tota collectio sit in-
sufficiens sibi ad esse. Contra enim est 1mò. Retorqueo. De catena
ferrea ab alto pendente, in qua licet annuli se mutuo sustentent, ta-
men debet dari aliquid, vel intra, vel extra illam collectionem annu-
lorum, quod à nullo sustentante dependeat, & à quo omnium annulo-
rum gravitas sustentetur: cum nullus annulus in illa catena se ipsum
sustentare, sufficiens sit. Contra 2dò. Quia Disparitas est nimis lon-
ga. Partes enim circuli non mutuo causantur, sed solum inter se uni-
untur; non implicat autem aliqua mutuo uniri secum. E contra im-
plicat, aliqua Entia mutuo se causare efficienter quò ad primò esse;
vel aliquid se ipsum efficienter producere.

Porro notandum, quod Athei à veri specie in infinitum rece-
dendo, confugere soleant ad ordinem, seu quasi ordinem rerum semper
retrogradum absq; ullo fine, tanquam (ut sapienter ait Pater Esparza)

ad Afylum nequiffimæ fuæ pertinaciæ, nolentis agnofcere veritatem, ideoq; conjicientis fe fe in mediam caliginem fictionis femper ulterius propellentis: qui retrogradus ordo infinitus incutit horrorem ac ftuporem, fimilem illi, quem incutiunt tenebræ nocturnæ, iter agenti folitario per filvam denfam ac inviam; verum hoc afylum, talesque merè fictitii retrogradi ordinis infiniti latebras, nihil prodeffe Atheis ad declinandam vim ac lucem Argumentorum pro Exiftentia Dei, comprobanda hic infra in Tractatu 2tio afferendorum, patet: fiquidem præfcindunt ab Affirmatione & Negatione proceffus in infinitum; licet verò Argumentum 14tum in Tractatu infra 3tio: in aliqua fui parte gratis concedat Atheis recursum ad latebras infiniti proceffus Entium caufatorum & caufantium, nihilominus & illic latitantes validè impetit, ac fatis evidenter & efficaciter evincit Exiftentiam Entis à fe, feu Dei.

CAPUT VI.

De exiftentia fubftantiarum intellectivarum invifibiliū.

Prima Propofitio.

Dati funt effectus multoties hi. Hominum per aërem devectio fine ullis instrumentis corporeis: vel in altum, eorundem sublevatio: Virgarum converfio in Dracones: Fluviorum in sanguinem: ranarum innumerabilium productio admiranda: stupenda locutio animantium: mutorum idolorum & ftatuarum inanimatarum refponfio: lingvis item antea ignotis repentina locutio: aliiq; fimiles, imò & admirabiliores his, effectus.

Multi, verè mirabiles effectus contigerunt.

Veritas Propofitionis hujus conftat ex Scripturæ facræ Libro, (qui apud quofcunq; etiam infideles meretur eximiam auctoritatem, ut demonftratum hic eft fuprà, Capite 3.) In libro enim illo legitur, quòd Habacuc in impetu fpiritus, translatus fit à Judæa in Babylonem fuprà locum leonum, in quo fuit Daniel. Enoch translatus in paradifum. Elias raptus in curru igneo in cælum. Philippus Diaconus raptus in via, & Azotum delatus. Chriftus Dominus, per aëra, fuprà

supra templi pinnaculum & montem excelsum, delatus. Malefici (Jan-
nes & Mambres) præsente Pharaone, per incantationes, fecerunt, ut
virgæ eorum conversæ fuerint in Dracones, educerenturq; ranæ super
terram Ægypti innumeræ (sive interim Dracones & ranæ illæ, præ-
stigiosæ fuerint: ut multi opinantur cum Sancto Hieronymo: sive ve-
ri Dracones & ranæ, ut probabilius censent plures cum Divo Augu-
stino) aquæ itidem ibidem, conversæ in sanguinem. Serpens locutus
est Evæ in paradiso: & Asina Balàamo. Apostoli etiam die Penteco-
stës caperunt loqui exactè derepente variis linguis, sibi antea igno-
tis. Eadem veritas constat ex innumeris Historiis profanis & Ec-
clesiasticis, quibus pleni sunt libri conscripti à Viris solidè doctis, ac
non facilè credulis. Transferri verò sæpè verè magas, sagasq; per
, ærem in loca diffusa, certissimis historiis comprobatur. Ipsa quoq;
, (ait doctissimus Abulensis, in Caput 4. Matth: quæst. 47.) quotidi-
, ana Experientia istud ostendit, quæ utinam, non tam cognita esset.
, Multos enim scimus, qui quasi in momento, de locis distantibus ad
, alia se loca transtulerunt, deservientibus sibi Dæmonibus ad hoc, qui
, Principes maleficiorum sunt: & istud ita manifestum est, quod im-
, pudentia sit, illud negare, cum mille nobis testes occurrant, qui si-
, bi horum conscii sunt. Hucusq; ille; qui etiam locò citatò solidè &
evidenter deducit, quòd nihil planè contrarium nostræ huic Assertioni
statuerit Conciliū Acquirense, seu ut alii vocant, Ancyranum: vel potius,
ut cum quibusdam sentit Cardinalis Baronius, tomo 4to ad annum 382
Concilium Romanum, sub Damaso Papa, in Decretis Tit: 26. qu. 5.
Cap: Episcopi: citari solitum in contra. Quod ipsum ulterius con-
firmat: Tum celebris ac certa historia de Ernesto, quam fusè descri-
bit Pater Stengelius tomo 4. Judic: Divin. cap: 61. Aliæq; Historiæ.
Tum repertio mensarum ac supellectilis variæ, conventu subitò dis-
solutò, & vestigiorum humanorum: & animantium in orbem saltanti-
um impressio. Tum constans sagarum, magorum, etiam statùs altio-
ris contestatio, tantaq; inter, locis, temporibus, ætate, sexu, statu, ac
studiis disjunctissimos, adeoq; plurimos consensio, etiam jam in ipso
rogo positarum, ubi nihil fictio profutura, & torturæ jam exhaustæ:
mendacii autem non potest esse tanta conformitas, nec in delusoriis
rebus tanta omnium contestatio: peculiaris enim cuiq; est animi actio,

& alius ab alio diverſum quid imaginatur; nec cerebri aut phantaſia omnium, eadem eſt diſpoſitio: ut rectè arguit Pater Delrio lib: 2. Diſq: Magic. cap: 16. Licet non omnino ſemper translatio Sagarum vera eſt: ut bene docet Concilium citatum. Accedit. Quòd noviffimè P. Joſephus Juventius, celebriſ Hiftoricus, parte 5. Hiftor: Soc. lib: 18. folio 503, ſcribat hæc: Scio futuros, qui fidem iis, quæ ſum, dicturus, abrogent: ſed nobis in re per totam Indiam creberrima, ſingendi locus non eſt: ſic enim occultò DEI iudiciò accidit ſæpiſſimè, non ſolùm in Madurenſi, verùm etiam in vicinis Regnis, ut Indorum corpora infeſtus dæmon ſubeat, ea diſcrutiet miſeris modis, attollat ſublime, huc illucq; momentò deportet, & ad reſponſa, illorum ore aperiat res abditiſſimas, & alia multa præſtet, quæ naturæ vires omnino ſuperant. Hæc ille.

2da Propoſitio.

Illorum eſſectuum cauſa fuerunt Angeli. *Prædicti effectus rectè refunduntur in ſubſtantias completas intellectivas, inviſibiles, diſtinctas, ab hominibus & iis ſuperiores.*

PROBATUR. Quia dicti effectus non poſſunt refundi in ipſos homines: nam vires illorum, ſaltem quò ad modum, longè plurimi ſuperant: ut patet. Nec poſſunt refundi in melancholiam, vel ſiderum influxum: ut homini ratione compoſiti, per ſe evidens eſt. Licet autem ſagæ, ante transvectionem, inungant corpus ordinariè unguentò ex membris puerorum, ante Baptiſmum interemptorum, conſectò, tamen eas non deferri vi illius unguenti, patet. Quæ enim proportio unguenti ad corpora gravia, per àera deferenda? item, quia aliàs, omnes ſagæ inunctæ, deberent deferri ad eundem locum, & ad eandem loci diſtantiā: Cauſa enim neceſſaria eſt determinata ad unum. Deferuntur proinde à dæmone, cum quo habent pactum, ut illas, poſitâ unctiōe, deferat. Locutiones etiam illas animantium, non fuiſſe factas vi naturali animantium, clarum eſt, niſi velis delirare, aſſerens, bruta animantia poſſe naturaliter propriè loqui; ſicut inſipienter multi Brachmanes & Indi putabant, Simias poſſe loqui, habereq; intellectum propriè, ſed tantum diſſimulare, ne ab Hiſpanis, ad labores compellantur. Rectè Divus Auguſtinus lib: 11, de Geſeſi ad Literam, monet: *Ne quiſquam exiſti-*

existimans animantia, rationis expertia, humanum habere intellectum; vel in animal rationale, repente mutari, seducatur in illam opinionem ridiculam, & noxiam, revolutionis animarum vel hominum in bestias, vel in homines, bestiarum: Sic ergo locutus est serpens homini (nempe Evæ) sicut Asina, in qua sedebat Balaam, locuta est homini: nisi quod illud fuit opus diabolicum, hoc Angelicum: habent enim quedam, boni & mali Angeli similia, sicut Moyses, & Magi Pharæonis. Neq; prædicti effectus, in aliquid aliud, præter substantias intellectivas completas refundi possunt. In quid enim? Ergo &c.

Eruditionis etiam gratiâ, Adverte imò. Falsum est, quòd peritia linguarum, antea ignotarum, possit oriri in energumenis à melancholia, complexionem vitiantem: vel à fiderum influxu. Ratio imi est. Quia (præterquam, quòd arbitrariè, melancholiæ tribuatur tanta vis) Videmus innumeros melancholicos, non tantum species necessarias ac peritiam novarum linguarum, vi melancholiæ non acquirere: verum imperitos ut antè manere. Item, alias optanda foret & procuranda ab omnibus melancholia, complexioq; vitata, utpote mater tantæ peritiæ. Demum, Ad quid exorcismi Ecclesiastici (quibus tam multoties arreptitii curantur) contra melancholiam, sensus & rationis expertem? Aristoteles, dum ex suo, vel potius aliorum sensu, dicit in Problemate: sect. 31. qu. 1. *Animus melancholicus, potest ea prestare, quæ Energumeni.* intelligendus est loqui de quibusdam minoribus operibus: qualia solent esse in foeminis, præsertim multum melancholicis: ut immutatio vultus, clamor, inquietudo, &c. Ratio 2di, præter etiam jam dicta est. Quia testatur ipsa Experientia, quòd Luna, aliaq; sidera, species solum sui immittant, non aliarum rerum, præsertim ignotarum: sine speciebus autem, notitiam habere non possumus, quid vocabula ignoti idiomatis denotent. Concedendum tamen est, quòd certis Lunæ periodis, plus vexentur Energumeni: ast id fit, vel ob humores tunc magis vexationi dispositos: vel ipse daemon vexat corpus lunaribus incrementis, ut esse lunæ credatur, quod est diaboli criminis: ut benè advertit Sanctus Chrysologus Serm. 51. intendens scilicet, ut hæc ratione blasphemetur creatura Dei.

Adverte 2dò. Toletus lib: 1. de Anima cap: 3. tex: 53. q: 9. docet. Probabile esse, admirandam sublevationem corporum in æra, provenire

Peritia
linguarum
peregrinorum
non provenit à
melancholia.

Nec à siderum influxu.

Sublevatio
admirandae

da corporū in dera non oritur naturaliter à fervore Orationis. nire forſan ex motu ipſius animæ rationalis, ſurſum naturaliter ferente corpus ſuum, qui motus eſt in anima, ex ſuaviſſima mentis in Deum contemplatione, ac ferventi oratione, quo impetu quodam ad ipſum fertur. Sed hanc Cardinalis Toleti doctrinam non approbo. Tum quia miror Toletum ipſum nunquam ſic orâſſe ferventer, ſaltem eo fine etiam, ut ſuæ hujus Opinioni (ut ipſemet fatetur) novæ, haberet experimentalem probationem. Tum quia minus credibile eſt, neminem orâſſe ferventer, niſi qui ſurſum elevatus fuit: ac non niſi toties orâſſe ferventer, quoties elevatus. Item, aliàs ferventior Oratio cauſaſſet ſublevationem majorem, & adhuc ferventior, majorem: ſi quæ debuiffent aliqui, qui ferventiſſimè orabant, elevati fuiſſe naturaliter cum corporibus longè ſuprà nubes. Non videtur proinde recedendum à communi Doctorum ſententia docentium, hypocritas orantes aliquando è terra ſublevari ope dæmonis: Sanctos autem Viros, ope honorum Angelorum, à quibus etiam lumen illud, quò ſic elevati, fulgere ordinariè ſolent, cauſatur.

3tia Propoſitio.

Independenter à Fide, Exiſtentia Angelorum, intellectui rectè diſpoſito, ſat efficaciter ſuaderi poteſt, & probari.

*Rationib9
probat9
Exiſtentia
Angelorū.*

PROBatur imò. Quia ex una parte, non implicat produci ſubſtantias completas intellectivas, libertate præditas, ſuperiores hominibus: ſeu Angelos: quæ enim in hoc, vel umbra ſolidæ implicantix? Ex altera parte, illos deſactò actu dari, tenuerunt omnes ſapientiores Ethnici Antiqui: ut Mercurius Triſmegiſtus, Orpheus, Homerus, Heſiodorus, Thales Mileſius, Pythagoras, Xenocrates, Socrates, Plato, Ariſtoteles, veteres Peripatetici & Platonici. Imò omnes Gentiles pro comperto habebant, dari bonos ac malos Genios, à quibus proinde oracula exſpectabant, & beneficia poſtulabant: tenentq; nunc omnes Gentium Nationes, & in his innumeri ſummâ auctoritate, ſummò ingenio, excellenti virtute ac doctrinâ conſpicui: è quorum numero etiam multi fide digniſſimi, Angelos à ſe deſactò viſos eſſe, conſtanter affirmârunt: ut conſtat ex plurimis Hiſtoriis certiſſimis. Neq; eſt ullum prudens fundamentum, dicendi, illos omnes, deceptos fuiſſe,

isse, vel decipere voluisse. Ergo dantur Angeli.

Adverte *1^{mo}*. Dum Sanctus Thomas qu. 16. de malo, art. 1. dicit: Peripatetici Aristotelis sectatores non posuerunt dæmones esse. Vel tunc Sanctus Doctor (ut notat Franciscus de Lugo Disput. 1. de Angelis cap. 1.) nondum plenissimam Peripateticorum veterum notitiam adeptus fuerat: vel loquitur de aliquibus recentioribus: vel non posuisse dicit, esse dæmones, quales asserit Fides Christiana, nempe propter peccatum, rudentibus inferni detractos in tartara. Porro ipse Aristoteles docuit eos dari, dicens 2 Rhethor: Dæmones, DEI opus esse.

Adverte *2^{do}*. Si dicat Atheus implicare Angelos, cum non sit causa productiva illorum, nempe DEus. Contra est: cum enim juxta Atheos imperfectiora hæc Entia, puta, Elementa, corpora cælestia, poterant profiliisse ex nihilo: neq; ad sui possibilitatem indigebant causâ: Cur Angeli dicendi implicare, seu non esse possibiles ex defectu causæ?

Probatur *2^{do}* Propositio. Quia effectus superius enumerati sub Propositione 1^{ma}. Item operationes Energumenorum mirabiliores, ut peritia linguarum peregrinarum, quas loquens nunquam didicit, vel ante scivit: sublevatio in aëra &c. non possunt commodius refundi, nisi in Angelos. Ergo &c.

Accedit *1^{mo}*. Quia constat tot experientiis, mulieres plurimas, præsertim si fuerint suspectæ non laxi cum fundamento de magia, vel aliunde id probatum sufficienter fuerit; ligatis licet manibus & pedibus, aquæ injectas non submergi, nec posse submergi: verum supernatare aquis. Sed hujus non potest multoties, alia causa sufficiens assignari, nisi quod id fiat auxiliò extraordinariò alicujus naturæ intellectuæ, distinctæ ab hominibus, seu ope alicujus Spiritûs. Ergo &c. Dixi: *Multoties*. Concedi enim fortè posset cum aliquibus non mediocriter doctis, estq; conforme Archimedi, in libello de supernatantibus aquæ, posse id aliquo in casu provenire ad tempus exiguum, ex certa dispositione corporis atq; complexione: videlicet, si mulieres illæ sint ventricosæ, protensoq; utero, ac pulmones laxissimos habeant, ubera maxime fungosa, intestina ampla, ideoq; copiosè flatibus impleantur: unde facile innatant & tunc potiss.

tiffimùm, quando adaectæ metu ſubmerſionis, ſpiritum cohibent, & fauces claudunt. Aſſerere autem, quòd ejuſmodi ſupernatatio, nunquam proveniat ope alicujus Spiritûs, videlicet, Angeli boni, vel mali, temerarium eſt, contrariumq; multis experimentis ac testimoniis graviffimorum Auctorum. Breviter noto. Nemini licere uti probâ hâc aquæ frigidæ. Tum quia id eſt ſacris Canonibus prohibitum, eſtq; judiciò Summorum Pontificum, ut Stephani quinti, Honorii 2di, Lucii 3tii, ac Innocentii 3tii, hæc proba *inutilis, plebeja inventio, peregrinum* (id eſt alienum ab Eccleſiæ moribus) *judicium, ſuperſtitioſa adinventio, deſtructa Patrum documentis.* Tum quia ex Hiſtoriis pluribus conſtat, multoties, & veras ſagas ſubmerſas, & plures innocentes & Sanctos, aquis mergi non potuiſſe. Vide Patrem Delrio lib: 4. Diſq: Mag: cap. 4.

*Item unde
agilitas &
motus ipſi
us cada-
veris?*

Accedit 2dò. Quia pluries contigit apud nos in Polonia, Ruſſia, Lithvania: item in Ungaria, ut teſtantur plura authentica exempla, & ego multoties ab oculatis fide dignis teſtibus audivi, quòd cadaver humanum repertum ſit, non tantùm diuturno tempore eſſe incorruptum, flexibile, rubicundum, ſed inſuper caput, os, ac linguam, quandoq; & oculos movere, lintheamina, quibus fuit involutum deglutire, imò & vorare partes ſui corporis. Quandoq; etiam notatum eſt, quòd cadaver ejuſmodi è tumulo exſurgat, compita, domosq; obambulet, his & illis, ſe conſpiciendum præbeat: Ac quosdam etiam invadat & ſuffocare nitatur. Cadaver ejuſmodi, ſi viri ſit, vocatur ex Ruthenico, Upier: ſi muliebre, Upierzyc: quaſi dices, plume factum: hoc eſt plumis ſeu pennis inſtructum corpus: vel quia leve & agile redditur ad motum: vel quòd plumæ alicujus generis, & forſan ex pulvinaribus hominis demortui deſumptæ, & in cineres redactæ, cadaveri leviter aſperſæ, maleficio huic deſerviant. Porro illius agilitatis ac motuum in cadavere, ſufficiens alia cauſa aſſignari non poteſt, quàm, quòd dæmon, illud cadaver, etiam aliquando hominis Sancti, in finem maleficii poſſedit ex pacto antecederet inito cum malefica, permittente DEo: & tandiu nocituro dæmone, quouſq; illud maleficio, non diſſolvatur. Diſſolvi verò ordinariè in Polonia cenſetur per abſciſſionem ſcircularem illius humani capitis cadaverici: quod, an tali ratione liceat, defendunt aliqui ex eo. Quia

major est habenda ratio vivorum hominum, quam cadaverum: beneficiumq; præstatur illi cadaveri, ne amplius possideatur à dæmone: cum melius sit, esse sine capite, & sine dæmone, quam cum capite, & cum dæmone. Neq; ille si viveret, posset esse rationabiliter invictus. Insuper, cum illud cadaver sit iniquus aggressor vivorum, potest truncari. Alii tamen (quibus etiam favet Responsum Revisorum Nostrorum Romanorum anno 1696. 5. Maji) licite id fieri posse negant acriter. Cum contra maleficia, uti liceat remediis petitis ex medicina: item exorcismis ac Sacramentis Ecclesiæ, invocationibus Sanctorum &c. atq; destructione signorum, per quæ demon nocet: sed absq; alio maleficio, vana observantia, & peccato, atq; irreligiositate: dicta verò amputatio, vel omnes, vel aliquem ex his defectibus, sapiat, præferatq; quandam sævitiā in mortuos.

Accedit *3^{id}*. Quia incantatio serpentum non sit naturali verborum potestate, verum ope dæmonis ex pacto saltem implicito, quod ipsum constat. Tum quia illa carmina incantantium non fortiuntur effectum, nisi à certo genere hominum pronuntientur, qui solent esse vitæ perversissimæ. Tum quia carminibus nulla potest inesse naturalis efficacia ad alliciendos potius serpentes, quam aliud genus animalium: carmina enim non sunt efficacia ratione soni, cum is æctivus non sit: nec ratione significationis: cum illam serpens, utpote brutum animal, percipere nequeat. Tum ex unanimi consensu Patrum: ex quibus Sanctus Augustinus lib: II. de Genesi ad literam cap: 28. sic loquitur. [Quod putantur audire & intelligere serpentes verba Marforum (*Marfi*, fuerunt quidam populi Italia, qui salivā suā, serpentum moribus medebantur: ut scribit Plinius lib: 7. *Histor. cap: 2.*) ut eis incantantibus pro-

Incantatio serpentum fit ex pacto cum dæmone.

, filiant plerumq; de latebris, etiam illic diabolica vis operatur: hæc, non parva testatio est, Naturam primitus humanam, serpentis seductam esse colloquid: gaudent enim dæmones, hanc sibi potestatem dari, ut ad incantationes hominum, serpentes moveant, ut quolibet modo fallant, quos possunt: hoc autem facere permittuntur, ad primi facti memoriam commendandam, quod sit eis quædam cum hoc genere animalium familiaritas.] Hucusq; Sanctus Doctor. Nec refert, quod dicatur in Psalmo 57. Veneticus sapienter incantare aspidem. Sapiens enim (ut ait hic Cassiodorus) etiam in malo sumitur.

Et Glossa addit: Sapienter. id est, quantum ad artem suam, & in opinione vulgi.

*Astra mo-
ventur ab
Angelis.*

Probatur 3^{ti}o Propositio nostra tertia. Quia sidera cælestia moventur ab Intelligentiis, seu Angelis. Quod ipsum probatur multipliciter. 1^{mo}, Auctoritate: id enim asserunt Philosophi cum Platone & Aristotele. Theologi omnes cum Divo Thoma, Patres cum Sancto Augustino lib: 1. de Trinitate. Divus Thomas Opusculo 9. Artic: 3. hæc habet: Cælestia corpora à spirituali Creatura moveri, à nemine Sanctorum, vel Philosophorum negatum, legisse me memini. Opusculo 10. Quod Angeli sint motores cælorum non solum à Philosophis est multipliciter probatum, verum etiam à Sanctis Doctoribus, evidenter asseritur. Opusculo 11. Artic: 2. Mihi etiam videtur, quod demonstratione probari possit, quod ab aliquo intellectu, cælestia corpora moveantur. Imò severius de Potentia q. 6. Art. 3. ait: Fidei sententia est, quod corpora cælestia moveant localiter Angeli. Sanctus etiam Bonaventura in 2. Distinct. 14. art. 3. q. 2. Hanc Sententiam vocat rationi, fideiq; consentaneam. In Scholis quoq; Nostræ Societatis prohibita est doceri Propositio hæc: *Motus cælorum est omnino ab intrinseco, & nullo modo ab Intelligentiis.* 2^{do}. Quia non ab alio, quam ab alio Intellectu, seu assistente Intelligentia videtur posse tam exacta & constans & artificiosa regularitas, multiplexq; uniformitas motûs Planetarum sine errore semper errantium, & cæli stellarumq; provenire: nec non varietas cursûs solis, quâ vicissitudine, summa inæqualitas, est summa æqualitas: ut loquitur Sanctus Nazianzenus lib: 3. de Theologia. Quod enim fundamentum grave tribuendi id rebus, vitâ & ratione carentibus? præsertim cum juxta satis probabilem Sententiam recentium Astronomorum cælestia corpora fluida sint, unâ cum sole, & quidem ita, ut in sole multæ absumantur ejus partes ferè in dies singulos, licet postea reparentur: macularum item atq; umbrarum continuâ successione, mutuis inundationibus, sol varietur: quæ maculæ alterantur physicè, & aliæ aliis citius deficiunt, magnitudine verò suâ multæ ex illis maculis, æquales sunt toti terraqueo globo: ut præter alios observavit Pater Scheinerus, ac refert in sua Rosa Ursina: unde non posset esse eadem adeò constans vicissitudo diei ac noctis, & constans varietas hyemis, æstatis, aliorumq; temporum anni

anni, nec possent à longè præcognosci certò, & prædici eclipses, solstitia, si non concedatur ab Intelligentia solem moveri. 3^{to}. Quia gubernatio non debet provenire à tali, quod est longè imperfectius eò, quod gubernatur, saltem loquendo prudenter ac connaturaliter. Sed si motus gubernativus Mundi, qui magna ex parte, est motus astrorum ac cæli, procederet à forma eorundem, tunc gubernatio proveniret ab eo, quod est longè imperfectius gubernatò: quia magna ex parte gubernatio hominum & animalium, quæ sunt longè perfectiora quavis formâ inanimatâ, proveniret à forma calorum & astrorum inanimata. Ergo &c. 4^{to}. Quia sicut in parvo Mundo, id est homine, dantur duæ partes, una Materialis, alia Intellectiva: ita conveniens est, in magno Mundo dari duas partes, unam Intellectivam & aliam Corpoream: & sicut in Mundo parvo, Intellectiva movet & regit corpoream: ita & in Mundo magno, Intellectiva debet movere ac regere corpoream: cum hoc tamen discrimine, ut pars Intellectiva Mundi magni, solum assistat corporeæ. 5^{to}. Quia sicut materia prima, quia indifferenter respicit formas, indiget agente extrinseco, ut eas successivè suscipiat: ita & Corpora Cælestia, quia indifferenter respiciunt spatia, per quæ moveri debent, neq; melius in uno, quàm in alio se habent, ideo non possunt ex naturali inclinatione ab uno spatio ad aliud moveri, sed indigent Motore extrinseco, & quidem Intellectivo, propter dicta. 6^{to}. Motus reptilium imperfectus & tardissimus, provenit à Principio vivente. Et quidni motus velocissimus ingentium corporum cælestium admirandus, toti Mundo utilissimus, ac pernecessarius habeat aliquam sui causam specialem, vitæ præditam, incapacem lassitudinis? 7^{mo}. Quia aliàs non posset reddi causa solida, cur sol v. g. in orbem perpetuò & tam rapidissimè agatur? Cur confectò diurno vel annuo cursu suo, non quiescit? (idem proportionatè dic de aliis cælestibus corporibus) cur non tendit ad aliquem terminum, ut in illo quiescat? sicut videmus in motu gravium & levium. Siquidem tali continuo motu, nec quidquam sibi acquirit, nec quod habet, tuetur & conservat: sed tantum continuo tali motu, ad existentiam, augmentationem, perfectionem, ac conservationem sui, corpora sublunaria summè indigent: quorum indigentiam, cum non præcognoscant sol, aliq; sidera, utpote vitæ, rationisq; expertia, non possunt rotationem illam intendere, &

velle

velle ex affectu succurrendi Mundo inferiori: quare admitti debet aliquod Ens, vel aliqua Entia intellectiva, longè excedentia vires, naturamq; humanam, à quibus illi motus causentur. Et licet Elementa, & mixta Corpora gravia & levia in centrum suum moveantur per insitam gravitatem ac levitatem, non sequitur, quòd etiam corpora Cælestia à Naturali sua vi, ac impetu & formâ, moveantur: ut volunt Guilhelmus Parisiensis, Valesius, Nierembergius, Telles. Disparitas enim patet tum ex dictis. Tum quia gravium & levium, quæ sub cælo sunt motus, nihil habent tam artificiosi & admirandi, ut motus corporum cælestium. Tum quia, ut sapienter Divus Thomas l.p.q 70, Artic: 3. dicit: [Quòd corpora Cælestia moveantur ab aliqua substantia apprehendente, & non solum à Natura, sicut gravia & levia, patet ex hoc: quòd Natura non movet nisi ad unum, quòd habitò qui, escit, quòd in motu corporum cælestium non apparet: unde relinquitur, quòd moveantur ab aliqua substantia apprehendente.] Quod si dicas cum Lessio, Celada, Joanne de Benedictis, multò verisimilius esse, motum cæli & astrorum causari immediatè à DEO, ut causa particulari. Tunc adhuc immediatius, ex motu corporum cælestium inferatur DEI Existentia, quam unicè principaliter evincere intendo. Quia tamen censetur minus esse Philosophicum, ad Causam Primam recurrere, cum possint aliæ assignari creatæ, assignenturq; ex communissimo sensu Doëtorum, Intelligentiæ: sensusq; sit Patrum & Theologorum, à DEO inferiora gubernari per superiora, & infima per media, in finesq; suos dirigi: à quo sensu ut recedatur, cum nulla convincens afferatur ratio, ideo potius ei standum est.

CAPUT VII.

De insufficientia Entium causatorum ad existendum.
Et de Causa productiva Corporum Cælestium.

Prima Propositio.

*Quòd nihil
se ipsum
producere*

*Nihil se ipsum efficienter physice producit, saltem quòd ad primò
esse, nec naturaliter se quidpiam sic producere potest.*

Est

Est id adeò certum ac evidens, ut hoc nec Athei, saltem ingenio-
siores, negent; nec ullus unquam Sapientum. E numero Sapientum
audiantur aliqui. Plato in *Timæo* ait: Quidquid gignitur, necessa-
riò ab aliqua causa gigni, asseruimus. Aristoteles libro de motu A-
nimalium cap: 3. Impossibile est quidpiam ipsum sibi esse causam,
præexistere enim oportet movens ei, quod movetur: generans ei, quod
generatur: ipsum autem se ipso prius nullum est. Idem Aristoteles,
vel quisquis est Auctor *Theologiæ* secundum *Ægyptios* lib: 3. cap: 3tio.
[Rationi consuetaneum non est, aliquid à se ipso, tanquam ab Agente
existere, præsertim cum Agens omne, eà re prius habeatur, quam suà
vi efficit: falsumq; sit, idem se ipso in una ac eadem ratione prius esse
ac posterius.]

*possit, pro-
batur Au-
thoritate.*

Sanctus Augustinus libro de immort: Animæ cap: 8. *Sic nostræ
ratiocinationis exordium, quòd nulla se res facit, aut gignit, alioquin e-
rat, antequam esset. - Verissimum est, nullam rem posse à se fieri.* Similia
habet lib: 1. de Trinitate, cap: 1. Sanctus Anselmus Monologii cap: 28
*Nihil per se ipsum fieri potest, quia quidquid sit, posterius est eò, per quod
sit, & nihil est posterius se ipso.*

Sanctus Bernardus lib: 5. de Confid: cap: 6. *A se capit nihil, nisi
fortè quis putaverit, quod non erat, dare sibi potuisse, ut esse inciperet, aut
fuisse aliquid antequam esset: quod utrumq;, quia Ratio non consentit,
constat nihil sibi extitisse principium.*

Sanctus Thomas imà parte quæst: 2. Artic. 3. *Nec invenitur, nec
est possibile, quòd aliquid sit causa efficiens sui ipsius, quia sic esset prius se
ipso, quod est impossibile.* Et omnes Sancti Patres ac Theologi, ex eo
inferunt, Patrem æternum distingui realiter à Filio, quia Pater pro-
ducit Filium.

Probatur insuper Propositio multiplici Ratione. Tum quia, si
aliquid causaret physicè efficienter immediatè se ipsum quòd ad pri-
mò esse, tunc res existeret, antequam existeret: ut enim daret si-
bi primò esse, deberet existere; nihil enim non existens, & quod
nunquam extitit, nec existit in aliquo sui, potest causare physi-
cè immediatè, existens: nemo enim dat, quod non habet ullo mo-
do: & quia nondum haberet suum primum esse, nondum existeret.
Ergo existeret antequam existeret. Tum quia daret sibi primò esse,
ut supponitur: & non daret: quia supponeret primum esse, per quod
da-

*Ratione
item mul-
tiplici.*

daret ſibi eſſe. Tum quia per ſe notum eſt. Id quod nihil eſt, non habere vires, ut alteri phyſicè det verè eſſe. Ergo multò magis nec ſibi ipſi: cùm in hoc ſit ſpecialis difficultas, utpote identificans correlativè oppoſita; nempe, produçens, productò. Tum quia nunquam compertum eſt, quod aliquid ſe ipſum produxerit: Quin ipſo lumine Naturæ inſtructi, dum videmus effectum de novo poſitum, ſtatim inquirimus diſtinctam ab eo cauſam. & ſi quis nobis monſtraret pro cauſa effectus, ipſum effectum: v. gr. pro cauſa Filii, ipſum Filium: pro cauſa ignis a, ipſum ignem a: exnunc inſipientiæ illum argueremus. Ergo apparet, quòd id, ſaltem naturaliter fieri non poſſit. Cur enim nunquam factum? Cur intellectus & lumen naturæ, contrarium edocet? Tum quia ſi ſemel concedatur, quòd ignis a (idem dic de rebus poſſibilibus quibuſcumq;) poſſet ſe producere, tunc eſſet Agens reſpectu ſui neceſſarium, nullo alio indigens, præter ſuum nihil: proinde ignis a, & omnes res poſſibiles, puta, innumeri ſoles, Aſtra, Animantia, neceſſariò ſe producerent, imò produxiſſent ſe longè antè. Tum quia, nec materia ima, poteſt ſe recipere, nec forma informare: nec unio poteſt eſſe vinculum ſui ad ſe ipſam: nec conditio poteſt eſſe ad ſe ipſam conditio: nec approximatio poteſt eſſe ſui approximatio: nec diſpoſitiones, poſſunt eſſe diſpoſitiones ad ſe ipſas: nec idem poteſt eſſe ſibi ipſi ſimile: ſic nec cauſa phyſica, ſe immediatè efficienter, quò ad imò eſſe ſaltem naturaliter producere poteſt. Imò quòd nec divinitus fieri hoc poſſit (quidquid contradicat Fraperius & Saraceni) evincunt multæ ex adductis rationes, nec non conſenſus ſapientum: ideoq; proſcripta eſt meritò è ſcholis Noſtris Propoſitio hæc: Poteſt creatura aliqua elevari, ad ſe ipſam primà vice producendam. Non diſſiteor tamen, Probabilem eſſe ſe Sententiam aliquorum Doctòrum, aſſerentium cum P. Suarez, quòd Creatura jam exiſtens, & cauſata aliunde, poſſit, non quidem naturaliter, & ut cauſa principalis, ſed divinitus, ac ut inſtrumentum obedientiale, producere ſe phyſicè immediatè efficienter quò ad idò eſſe: imò quòd deſaecto Chriſtus Dominus, in cælo exiſtens, toties reproducat ſe ipſum phyſicè ſub ſpeciebus Eucharifticis, quoties à Sacerdote, debitè proferuntur verba confeſſationis. Verùm hoc gratis admiſſo, ſtat inconcuſſa Veritas Propoſitionis noſtræ imæ; ut patet.

Dices

Dices. Potest idem, se ipsum conservare etiam directè: ut aliqui opinantur. Ergo potest idem se ipsum etiam imò producere. Respondedo. Transeat Antecedens, propter dicenda infra in Tractatu 3tio in argumento decimonono. Nego Consequentiam. Qui enim admittunt Antecedens, in tantum id admittunt, in quantum idem, dum conservat se, præsupponitur præexistere aliunde causatum: & sic opinantur, posse idem secundum suum esse præexistens, influere ad suum esse consequens: ante primam autem sui productionem, non præsupponitur res præexistere, imò supponitur non esse simpliciter: quâ ergo potentiâ, quod omnino non est, se ipsum faceret? Rationes etiam allegatæ supra, Cur aliquid se ipsum non possit producere quò ad imò esse, non videntur militare contra Antecedens, adeoq; Disparitas, inde etiam petenda est.

2da Propositio.

Nunquam id factum, nec fieri potest naturaliter, ut aliqua duo Entia causaverint, vel causent se physicè efficienter, mutuo quò ad primò esse.

Nec duo Entia possunt se causare efficienter quò ad primò esse.

HÆc Propositio ita evidens est, ut nec ipsi Athei, teste P. Haunoldo lib. 1. de Deo Contr. 2. audeant statuere duo Principia à se invicem producta ab æterno. Rectèq; Sanctus Anselmus Monol. cap. 3. dicit: *Irrationalis cogitatio est, ut aliqua res sit (intellige imò & efficienter) per illud, cui dat esse: nam nec ipsa relativa sic sunt per invicem.* Estq; omnium Theologorum ac Philosophorum nullo discrepante, Sententia (ut testatur Petrus de Godoy in 1. p. D. Thomæ Disput. 3. num. 224. eximius ex Doctissimo Ordine Prædicatorum Theologus, post Episcopus Oxoniensis) quòd mutua efficientia principalis secundum eandem rationem formalem in eodem genere repugnet: licet possit dari mutua inter duo causalitatem, in diverso genere causæ, vel secundum diversas rationes formales etiam in eodem genere, à pluribus doceatur non improbabiler: licet item probabiliter quidam admittant causalitatem mutua quò ad 2dò esse: hi tamen eam non admittunt, nec possunt admittere, sine aliquo tertio, utrumq; producente, & quidem miraculosè.

R

Tum

Tum Inductione & Experienciâ manifeſtâ. Quæ enim illa duo Entia ſe produxerunt, vel producere efficienter naturaliter poſſunt, quò ad primò eſſe? Siccine homo mas, ſe ſolo, aliquando imò produxit foeminam in instanti a, & ab eadem foemina, in eodem instanti a ſimul productus primò fuit? idem dic de Leone, aquila, planta, aliisq; Entibus. Tum quia quæro, quis illas duas cauſas determinaret ad cauſandum ſe mutuò? Si dicas, quòd à ſe poſſint determinari. Urgeo. Cur ab æterno ſe omnia ſic non determinârunt & cauſârunt? Item, ſi aliqua ſe ſaltem cauſârunt ſic ab æterno, cur non omnia? Quare item nunquam viſi ſunt duo ignes, è nihilo erumpere in tempore ſe mutuò quòd ad primò eſſe producentes? idem dic de aliis Entibus, cùm id dicatur fieri poſſe & quidem naturaliter, faciliusq; ad captum noſtrum foret, ut duo Entia ſimili ratione è nihilo in tempore proſiliant, quàm ab æterno. Tum quia, ſi a cauſaret b, quòd ad imò eſſe, & b viciffim cauſaret a, quòd ad imò eſſe, tunc a, & haberet primum ſuum eſſe ante b: quia daret imum eſſe ipſi b; & ſimul non haberet imum eſſe ante b; quia ſupponitur accipere primum ſuum eſſe à b. Tum quia, ut aliquid ſe ipſum producat quòd ad primò eſſe, implicat: ut conſtat ex dictis: & implicat ex eo etiam, quia ad omnem operationem ſuam phyſicam, & ad actionem ad ſe terminatam, neceſſariò ſupponitur, primò eſſe. Ergo etiam neceſſariò ſupponi debet eſſe primò ad operationem, & actionem terminatam ad rem à ſe realiter diſtinctam. Et certè, quod non eſt ſufficiens ſibi ad eſſe, quomodo ſibi poteſt eſſe ſufficiens ad producendum phyſicè efficienter tale Ens, à quo imò accipiat ſufficientiam, ut ponatur, exiſtatq; in rerum natura, ſeu ut producat? Tum quia implicat, ut aliquis acquirat pedes, ab ipſo curſu: oculos, à viſione: à volatu, alas; quæ antè ſupponitur non habuiſſe. Ergo etiam implicat, ut aliquid poſſit acquirere imum eſſe ſuum ab effectu ſuo, cui primò eſſe dedit effectivè.

Illustratur. Ut aliqui duo penitus ſtulti, ſe doceant, debet ſaltem unus ex illis diſcere id aliunde priùs, quod docturus eſt alium, & non à penitus ſtulto, qui hoc ipſum ignorat: ut evidens eſt. Ergo pariter, ut duo Entia, quorum ſingula ſunt ſibi ſe ſolis inſufficientia ad eſſe, dent effectivè ſibi eſſe, debet unum illorum aliunde habere eſſe, & non primò ab alio illo, cui dat primò eſſe, quod ſimiliter ſupponi-

ponitur esse insufficiens sibi se solo ad esse.

3tia Propositio.

Sol, Luna, Astra, Cælum, non sunt Entia à se.

PRÆTERquam, quia nullum est fundamentum positivum (quod e- *Corpora*
nim?) tribuendi illis hanc eminentissimam perfectionem: imò ra- *Celestia*
dicem (ut constat ex dictis suprâ cap. 1.) omnis perfectionis sim- *sunt ab*
pliciter simplicis; multiplicatioq; realis Entis à se, implicat: ut con- *aliquo En-*
stat ex capite imo. Præterquam etiam, quòd ingeniosiores Athei *te produ-*
doceant, Omne Ens esse essentialiter ab alio, nec ullum possibile, *cta.*
quòd sit à se. Præter, inquam, hæc,

Probatur Propositio multipliciter. *imò.* Quod est Ens à se,
seu sibi sufficiens ad esse, seu sui juris, & à nullo distincto, quò ad
naturam suam dependens (hæc enim omnia idem sonant) illud est
Ens in omni genere perfectissimum: ut in hoc Tractatu demonstra-
tum est Cap. 1. sub 3ta Propositione. Sed Sol, Luna, Astra, Cælum,
non sunt Entia in omni genere perfectissima; ut patet: sunt enim
Entia Materialia, extensa, quanta, ex partibus realiter composita, *Intellectu,*
intellectu ac libertate, sensuq; omni destituta, & vitâ intrinsecâ: non *sensu, &*
minùs quàm elementa alia, vel adamas aut smaragdus. Nulla enim *vitâ omni*
est in Sole, Cælo, organorum varietas aut distinctio, nec nutriuntur *destitun-*
vitaliter, nec crescunt: ipsa etiam eorum figura, dispositio, præser- *tur.*
tim verò magnitudo vastissima non est proportionata animabus vege-
tativis, vel sensitivis, utpote quæ exigunt partium approximationem,
ut vicissim foveri possint, & in se influere: nullum etiam vitæ indi-
cium aut opus in astris & cælis invenitur: nam illuminatio ac influ-
entiæ, sunt naturales actiones, non minùs, quàm in igne vel aqua: mo-
tus etiam localis, præsertim non progressivus, nullum est vitæ indi-
cium: siquidem ab impetu, vel naturali, uti levia feruntur sursum, gra-
via deorsum: vel ab extrinseco provenire potest: qui ergo cælum ap-
pellârunt vivens, vel animatum: locuti sunt metaphoricè, ratione In-
telligentiæ moventis cælum; vix autem aliquis Philosophus per tot
millia annorum inventus, qui cælum propriâ animâ informatum esse
censuerit: ut dicit Suarez in Metaph. Disp. 29. Sect. 2. Scripturæ au-

tem ſacræ textus, quibus videtur innui contrarium, accipiendi ſunt (ut docent Interpretes ſacræ paginæ) vel per Proſopopæiam, vel per Metonymiam, continens ponendo pro contento ; ut cū dicitur, terra etiam iudicanda ; vel per Hyperbolem, vel per Analogiam & Metaphoram vel demum non ex veritate, ſed ex hominum erronea opinione ; Ut cū legimus Jerem: 7. Job. 15. & alibi. Militia cæli ; de Aſtris ac Cælis: Similiter explicandi textus aliquorum Patrum. Imò ipſe Divus Auguſtinus lib: 1. Retract: cap. 7. Quæ aliàs de Solis ac Lunæ vita aſſeruerat, ait, metaphoricè accipienda eſſe ſicut (inquit) de mari ſcriptum eſt, quòd fremit in utero matris ſuæ, volens progredi, cū utiq; non habeat voluntatem. Sapienter proinde Sanctus Damascenus è ſenſu communi Sanctorum Patrum, lib: 2. Fid: Orthod. cap: 6. dicit: *Nullus, celos aut ſidera, animata eſſe exiſtimet: animâ quippe ac ſenſu carent.* Quare meritò proſcripta eſt è Scholis Noſtris Propoſitio hæc: *Planeta, tanquam viventia, moventur ab intrinſeco.* Neq; ab ullo jam ſine gravi temeritatis nota ſuſcipi poteſt.

*Mutantur
variantur,
in-
trinſecè.*

2dò Probat. Quia Cælum & Aſtra mutantur, varianturq; intrinſecè. Ergo non ſunt Entia in omni genere perfectiſſima. Ipſa enim mutatio, eſt quædam mors. ut ait Sanctus Auguſtinus: jam verò acquiſitio de novo, vel amiſſio alicujus boni intrinſecè perfectivi, Enti perfectiſſimo ac optimo quò ad ſuam naturam accidere non poteſt. Proinde ſunt facta, & non Entia à ſe. Conſequentia utraq; patet ex dictis: unde Divus Auguſtinus lib: 11. Confess: cap: 4. dicit: „Cælum & terra clamant, quòd facta ſint, mutantur enim atq; variantur. Et lib: 8. de Civit. cap: 6. Viderunt iſti Philoſophi (nempe „Platonici) nullum corpus eſſe DEum. Viderunt, quidquid mutabile eſt, non eſſe ſummum Deum. Antecedens etiam conſtat, Tum ex eorum motibus, ſine quibus applicari non poſſunt ad agendum in variis locis. Tum quia, ut ait Plato in Polit: Quoniam Cælum & Mundus corpus participaverunt, mutationis expertia ſemper eſſe non poſſunt. Tum quia ſunt corruptioni obnoxia: ut ante Ariſtotelem, omnes Antiqui docuerunt Sapientiores, Plato, Heraclitus, Anaxagoras, Cleantes, Zeno ; docentq; idem fere omnes antiqui Sancti Patres, præſertim Græci: item Expoſitores ſacrorum Voluminum, nec non Theologi & Philoſophi plurimi ; videturq; id eſſe confor-

mius sacrae Scripturae. Insuper comprobant id ferè innumeri insignes recentiores Mathematici, ut allegat P. Christophorus Borrus in sua Astronomia parte 5. Artic. 1. cum Tichone de Brahe, inter alia ex eo etiam, quòd cometæ, novæ stellæ, phænomena, in cælo propriè dicto, seu sidereo generentur de novo, & corrumpantur observatumq; ope telescopii à Patre Kircher, Scheinero, aliisq; , quòd sol tanquam mare fluctibus asperum, ac fluctuantibus undis crispum, hodie aliter, quàm heri, & cras aliter, quàm heri se habeat; quòd ingentes fumorum globos evomat; quòd umbræ cum luculis quotidie in Sole permisceantur incredibiliter, vastissimumq; illud luminum pelagus, macularum atq; umbrarum continuâ successione, mutuïs inundationibus serieq; indissolubili varietur, illæq; maculæ alterentur physicè, aliæ aliis citius deficient, sintq; ex illis maculis multæ, magnitudine æquales, Europæ; aliæ, æquales, Asiæ; aliæ, totâ terrâ habitabili non minores. In Lunâ item (quam esse nostro globo terraqueo similem, adeoq; compositam ex terra & aqua sat probabiliter docent non pauci Astronomi, quibus adhæret P. Kircher, & P. Schottus in Itinerario 1. Dialogo 1. cap: 1. §. 4.) quotidie mutationes conspiciuntur (idem multoties observatum in aliis quoq; Astris) lumenq; suum à sole derivat, imò probabilius & aliæ stellæ. Nec obest, quòd libero oculo facile non deprehendantur hæ mutationes in sole: id enim facit distantia ingens à sole. Cerrè si quis nostrum in globo Lunæ consideret, indeq; terram lustraret, nullas in ea mutationes cerneret, ratione magnæ distantia. Sed demus, Cælum & Astra esse incorruptibilia; incorruptibilitas hæc non arguit illa esse Entia à se: potest enim conjungi cum imperfectione magna; ut constat in Materia ima, quæ est Ens imperfectissimum, & tamen incorruptibile; secus ratio Entis à se: potestq; provenire vel ex carentia contrarii: vel ex conditione materiae: vel ex quadam rei simplicitate, incorruptibilitas: ut sapienter notat Suarez.

3^{ia} Probatur. Singuli homines, quin tota collectio humana, seu species, non est Ens à se: ut constat. Ergo multò magis, sol, astra, non sunt à se: utpote Entia absolutè longè imperfectiora: Unde Divus Augustinus lib. de duabus Animabus cap: 4. ¶ Si fortè turbati, à me Manichæi quærent, Num etiam mulsæ animam huic luci (id est soli) *Sunt absolute imperfectiora animalibus*

ſoli) præſtare cenſerem? Reſponderem. Etiam. Nec me terreret muſca, quòd parva eſt, ſed quòd viva, firmaret. Quæritur enim quid illa membra tam exigua vegetet? quid huc atq; illuc pro naturali appetitu tantillum corpusculum ducat? quid currentis pedes in numerum moveat? quid volantis pennulas moderetur & vibret? quod quælecunq; eſt, benè conſiderantibus in tam parvo, tam magnum eminet, ut cuius fulgori, oculos præſtringenti, præferatur. J Et libro de vera Religione cap: 29. J Non qualicumq; moles, quanquam iſta viſibili luce præfulgeat, ſi vitâ careat, magni æſtimanda eſt: qualibet namq; viva ſubſtantia, cuilibet non vivæ ſubſtantia, naturæ lege præponitur. J Idem docet Plato in Timæo, ac Theologi cum Divo Thomâ, qui i. p. q. 3. artic. 1. dicit: J Corpus vivum, manifeſtum eſt, quòd eſt nobilius corpore non vivo. J Et certè in uno culice, formica, aut ape (ut prudenter lib. 1. Hiſtor. notat Nierembergſius) eſt, quod plus mireris, quàm in aſtris: & in illis majus ingenium artificis eſt, cum & in ipſo artificio, ingenium inſit, quòd non ſit in aſtris vel ſole.

*Corpora
Celeſtia
quòd non
ſint Entia
absolute
independen-
tia, deſ-
monſtra-
tur multi-
pliciter.*

Conſumatur Propoſitio multipliciter. 1mò. Quia, quâ ratione ſol (idem dic de aliis aſtris) cenſendus eſt, Ens eſſe à ſe, ſuiq; juris, qui multis (loquor verbis Sancti Chryſoſtomi Homilia 10. ad Pop: Antioch.) ad ſui ſubſtantiam eget, nec ipſe ſibi ſufficere poteſt: quippe ut vadat, cæli indiget, tanquam pavimenti cujuſdam ſuppoſiti; & ut luceat, àëris puritatis & tenuitatis, quem vincunt nubes & muri, & alia quædam corpora, ipſius lucem abſcondentia; corrigunt autem ipſius intemperantiam, rores, & fontes & àëris frigiditates. Addo. Qui incepit in tempore, cum exiſtentia Mundi? qui nec impedire poteſt, ne Lunæ interpoſitione, toties eclipſetur; nec eſt potens illuminare ſimul totum orbem terræ? qui eſt omnis quietis expers: ſed ſemper certâ de loco in locum motione commigrat, impellente Intelligentiâ, in Mundi commodum? Quem creavit (ſimul Aſtra, Lunam & Cælos) Deus, in miniſterium cunctis Gentibus, quæ ſub cælo ſunt. Deuter. 4. Idq; ipſa Cælorum, Aſtrorumq; diſpoſitio, ac influentiæ proclamant? Qui eſt inſtar lucernæ, à Deo conſtitutus in magna hac aula, iſtam Univerſitatem colluſtrans.

2dò. Sol & Aſtra ſunt indifferentia, ut ſint in hac vel illa parte cæli. Materia item illorum fuit indifferens ad hanc vel illam formam cæle-

celestem: imò in sententia plurimorum, etiam ad formas sublunares. Ergo habent causam efficientem sui, ac determinantem se potius, ut sint in hac, quàm in illa parte cæli, siquæ materia sub hac potius, quàm illâ formâ.

310. Quia, quòd nulla compositio sit sine componente, ut patet omnibus intellectum habentibus & ratione utentibus, ut loquitur Richardus à S. Victore lib: 5. de Trinit: cap: 3. Omnis enim, ut bene notat Doctor Angelicus lib: 1. contra Gentes, cap: 18. compositio indiget aliquo componente: si enim compositio est, ex pluribus est: qua autem secundum se sunt plura, in unum non conveniunt, nisi ab aliquo componente uniantur. Cum igitur sol & astra sint composita ex partibus, nempe ex materia & forma, aut saltem ex partibus integralibus, necessario habent componentem sui causam, non enim se ipsa componere possunt: quia nihil est causa sui ipsius, esset enim prius se ipso, quod est impossibile. Componens autem est causa efficiens compositi, ut ibidem dicit Divus Thomas. Ergo Sol & Astra habent causam efficientem sui, & sic non sunt Entia à se.

410. Quia absolute loquendo poterant esse majores globi astrorum, quàm defactò sint: possunt item dari plures Soles, & Astra: ut probatum, & illustratum supra hic Cap: 4to. Ergo non sunt à se hæc astra. Item Motus Astrorum provenit efficienter à causa aliqua superiore incorporea: ut ostensum supra Cap: 6to. Quidni multò magis illorum substantia habeat causam sui efficientem.

510. Quomodo Sol, Ens à se, qui est verus & materialis ignis, vel aliquid igneum? ut id fusè, eruditè ac solidè probat, præter alios, Pater Scheinerus in sua Rosa Ursina, non solum ex Sanctorum Patrum, Ecclesiæ, Philosophorum & Mathematicorum sensu, ex sacris itè Literis, ac hebrais fontibus; sed etiam probat validis rationibus cum sufficiente solutione Objectionum in contra: favetq; Etymon Hebræum. Sol enim hebraicè vocatur; *Schames*, quasi dicas: *Schames*, id est, *ibi ignis*. Qui ad vocem Josue, Solem esse Ens à Deo productum, agnoscens, stetit: ac invocante Isaiâ Dominum, reversus est decem lineis in horologio Achaz, per gradus quos descenderat, diesq; , fere triplo quàm solet, longior tunc effectus est, sub Ezechia Rege, quæ portentosa regressio Solis, cum & in Babylone visa esset, ac ejus cau-

*Solestquid
igneum*

fam

ſam eſſe in Judæa, rumore percepſſent Babylonii, miſſi fuerant ad Ezechiam Legati *Principum Babylonis, ut interrogarent de hoc portento, quod acciderat ſuper terram.* ut legitur 2do Paralip: cap. 32.

4ra Propoſitio.

Sol, Luna, Aſtra, Cælum, non ſunt à caſu fortuito.

*Evidenter
deducitur
ſ multi-
farie, Cor-
pora Cæle-
ſtia non
eſſe à caſu
fortuito
producta.*

PROBATUR & ILLUSTRATUR. 1mo. Archymedes Sphæram vitream Siraculis expoſuerat cunctis videndam, in qua, Solis, Lunæ, ſtellarum motus, tarditate & velocitate diſſimillimi, ut in cælo ſit, repræſentabantur: cujus meminit Cicero lib: 1. Tuſc. Claudianus etiam de illa Sphæra, hæc habet:

Jura poli Regnumq; Deorum

Ecce Siraculis tranſtulit arte Senex.

Percurrit proprium mentitus ſignifer annum,

Et ſimulata novo Cynthia menſe redit.

Similem vitream cæli machinam habuit quondam Nero, quam, orando, S. Torpes auſticus, confregit. Cosdrôas etiam Rex Perſarum (ut ſcribit Cedrenus) fabricari fecit machinam, in qua cæli effigies eſſet, aſtrorumq; conversiones cum Angelis Sceptrigeris adſtantibus, admirabili ſpectaculô, indeq; imbres deſluebant, micabant fulgura, reſonabant tonitrua: in medio autem, Cosdroes, quaſi Deus humanus, ſpectabat omnia. Athenæus item lib: 12. teſtatur, Demetrio Regi, fuiſſe chlamydem, cui intextus erat ſolus, in quo erant ſtellæ, ac duodecim ſigna Zodiaci. Vidimus etiam ſæpe ex varia materia confectas ſphæras, in quibus ordo ſignorum Cæleſtium, & Aſtrorum, lineamentis vel coloribus variis exhibetur. Ejusmodi exiguas ſphæras, quæ tamen ſolummodò umbræ quædam ſunt ſphærarum ingentium Cæleſtium, & illam chlamydem, quicumq; intellectu non plene deſtitutus conſpexit, evidens eſſe judicavit, non à caſu fortuito eſſe factas, ſed ab intellectiva cauſa. Ergo multò magis id evidens de Sole, aliisq; corporibus Cæleſtibus: ſiquidem hæc, ut per ſe patet, incomparabiliter ſuâ inexplicabili pulchritudine, perfectione, magnitudine, perpetuitate, utilitate, ſuperant omnes ſphæras ſuprà dictas, & quaſcunq; chlamydes factibiles à quocunq;.

2dò. Probatur & Illustratur. Evidens est, stultum esse, asserere fortuito innumerorum characterum jactu libros v. g. Virgilii, scitè impressos, repentè & casualiter emerisise; vel Tentorium grande perelegans, adamantibus, auròq; coruscum, à mero casu dispositum esse. (idem dic de ingenti speculo crystallino) Vel horologium rotatile affabre, pauculis rotulis constans, factum esse ex concursu fortuito rotularum ac ferramentorum. Ergo multò magis evidens est, stultum esse, idem asserere de Cæli, & tot Astrorum ordinatissima machina, quæ est grandis quidam Liber Divinitatis, ac Speculum Divinorum: ut eam vocant Trisnegistus, Sanctus Basilius, & alii. Est præstantissimum velut Tentorium Mundi; juxta illud Isaia: 40: *Expandit Calos sicut tabernaculum*. Est Horologium totius Naturæ; horum enim motibus mensurant etiam Gentiles, annos suos, menses, dies, horas; & quidem per tot annorum millia, hoc Horologium nulla ex parte factum deterius, semperque aquali motu, ac cursu procedit. Quodcumq; artefactum, puta, calceus, v. g. vel vestis, vel olla, evidenter demonstrant, quòd non sint casu fortuito, sed à peritia alicujus Artificis facta; & quidni magis demonstrant Cælestia corpora, se à Summo Artifice facta? Cur impie, paras cibum, excolis vineam, & agros? Cur non expectas, ut ipso casu fortuito parentur cibi, floreat vinea, generentur segetes? Non ad Doctorem scholas, sed ad artificum, puta, sutoris, sartoris, figuli, coci, officinas, mittendi homines illi impii, qui de Existencia DEi Summi horum Opificis, vel dubitare etiam impiissimè præsumunt, ut sic vel ibi, stolidissimi discant, Deum esse.

Principalis Propositio confirmatur multipliciter. 1mò. Quia sine fundamento ac temerè asseritur, quin absurdum est censere, illud casualiter factum, à cujus existentia, ordine, & motu, totus inferior Mundus pendet: & quæ superant hominum omnium, artiumq; vires, ac ingenia, asserere, sine arte, absq; ratione, solo casuali motu & concursu Atomorum, producta; cùm lumen naturale dicter, illa, quæ ad sui existentiam, requirunt summam rationem, existere dependenter à ratione, seu intellectu, & non à casu.

2dò. Quia Casus & Fortuna varietati amica, inordinata & indeterminata sunt, constantiam, ordinemq; respuunt; & quæ casu ac for-

tuito

tuito accidunt, perpetua eſſe nequeunt, cum non habeant Cauſam perpetuò conſervantem, ac dirigentem. Diſpoſitio verò & motus Aſtro-
rum, admirandam eandem conſtantiam, ordinemvè ſervant. Item ſi ex
fortuita Atomorū conjunctione factus eſt Sol & Luna, cur per tot millia
annorū, non eſt ſimili ratione, factus zdus vel tertius ſol, & Luna multi-
plex, quæ conſtanter luceant? Si item caſu ſic cōaluerunt, cur caſu non
diſſolvuntur? 3^{ia}. Quia Caſus & Fortuna ſunt Cauſæ per accidens,
ſeu cauſæ caſuales; & quæ ſunt à cauſa per accidens, poſſunt fieri à cauſa
per ſe, & cauſa propria. Caſus item ac Fortuna reducuntur ad cauſam
efficientem; ut docet Ariſtoteles 2. Phyiic. textu 66. Omnisq; cauſa
per Accidens, habet aliam priorem nobiliorem cauſam per ſe, ad quam
revocetur. Ergo ſi Cælum & Aſtra ſunt à Caſu fortuito, eo ipſo ha-
bent cauſam ſui per ſe, vel habere poſſunt; hæc q; certè non eſt al-
lia, niſi ſummus Intellectus, ſummæ Potentiæ conjunctus. Nota di-
ligenter. Datò etiam per impoſſibile, non concedō; à caſu fortuito,
Corpora Cæleſtia facta eſſe. Quæro: Illæ ipſæ innumeræ ſpecies A-
tomorum, quarum fortuita conjunctione aſſeruntur facta eſſe. Quæro
inquam: à quo nam ſunt factæ illæ atomi? Non enim ſunt Entia à ſe.
Neq; Caſus & Fortuna ſunt à ſe: ut patet ex dictis. Non etiam fa-
ctæ ab aliis atomis, alio caſu & fortunâ: de his enim ipſis aliis, quæ-
ro, à quo nam ſunt? donec ſiſtatur in Ente à ſe, ſeu Deo. P. Atha-
naſius Kircher in ſua China illuſtrata, folio 156. refert, Brachmanes
multos opinari, Primam rerum Cauſam, eſſe araneum, qui ex ventre
ſuo, continuâ filorum evolutione, Elementa primū, deinde Cælo-
rum globos efformavit: Opusq; ſuum continuâ aſſiſtentiâ gubernet
uſq; ad Mundi interitum. Opinionem hanc, quis prudens non ri-
deat?

*ſed ab En-
te ſummæ
Potentiæ.*

*Quanta
amplitu-
do Cælorū
& ſiderū?*

ſta Propoſitio.

*Cauſa illa, quæ produxit Corpora Cæleſtia, eſt Ens ſummæ
Potentiæ.*

Veritas Propoſitionis patet ex Vaſtitate Cælorum ampliffima, quæ
quàm ſtupenda ſit, vel inde aliquomodo colligitur. imò. Quòd
totus Terraqueus globus reſpectu cæli Firmamenti, ſit inſtar puncti:
ut demonſtrat inter alios Ptolomæus, (Aſtronomorum Phanix, qui
floru-

floruit sub Adriano Imperatore, anno Domini 130.) lib: 1. Almagesti cap: 6to.

2dò. Quòd omnes stellæ fixæ, licèt sint ferè innumera, & singulæ ingentis magnitudinis; sunt enim longè majores toto Terraquò globò, ob ingentem tamen à terra distantiam, ac ob nostrorum sensuum infirmitatem, videntur nobis velut exigui lichni, aut clavi igniti, cælo infixi: magnumq; spatium intercedit Cæli, inter stellas, vacuum stellis. *Sol* item (ut ait Cicero lib: 2. de Natura Deorum) *licèt multis partibus major atq; amplior, quàm terra universa sit.* Est enim juxta communem Antiquorum ac Recentiorum Astronomorum sententiam, major 166. vicibus, quàm totus Terraqueus globus: imò juxta Ricciolum, insignem Mathematicum, major 38600. Et Sanctus Basiliius Homilia 6ta Hexæmeron dicit, quòd *Sol sit immensa molis, & infinitum grandior eò, qui nobis videtur:* tamen comparative ad Cælorum amplitudinem, est quid exiguum.

3iò patet eadem Veritas, ex ingenti distantia Cæli à terra, & ex admiranda velocitate Corporum cælestium. Pater Christophorus Clavius, præstantissimus Mathematicus, ex communi Astronomorum sententia (quibus, utpote in sua scientia peritis, credendum est.) asserit: Quòd si bis mille annis viveres, & quotidie directè ad cælum ascenderes ad centum milliaria, idq; continuò: post bis mille annos nondum pervenires ad concavum Firmamenti: nam bis mille annis, tantum conficeres septuaginta tres milliones miliarium: jam autem inter concavum Firmamenti & terram intercedit spatium majus, quàm octuaginta millionum miliarium: nam juxta Alphraganum & alios, spatium illud continet milliaria $80942471 \frac{1}{2} \frac{3}{2}$. Rursum post alios bis mille annos, tantundem quotidie ascendens, non pervenires à Concavo Firmamenti, ad convexum ejusdem; Nam crassitudo Firmamenti, continet similiter milliaria $80942471 \frac{1}{2} \frac{3}{2}$. Deniq; post quatuor, & plura annorum millia, tantundem quotidie ascendens, non pervenires à convexo Firmamenti ad Cælum Empyreum. Quàm igitur ingens est totius circuli amplitudo! Hinc Baruch Propheta in Ecstasi sua, contemplatus, exclamat: *O Israël, quàm magna est Dominus DEI, & ingens locus possessionis ejus!* Vide Cornelium à Lapide

*Quanta
eorum di-
stantia à
terra?*

in hunc locum ; & in Caput 1. Aetorum: item Patrem Blanc in Psalm: 147.

*Quanta
velocitas
ſiderum?*

Celeberrimi etiam Mathematici aſſerunt, & demonſtrant, quòd Luna in minima ſua diſtantiâ à terra, ſingulis horis conficiat milliaria Germanica 11615. In maxima verò diſtantiâ 13723. & dimidium. Solis velocitas adhuc major longè; nam in minima diſtantiâ, conficit ſol horis ſingulis milliaria Germanica 247282. In maxima autem diſtantiâ, circiter milliaria 273571. Unde longè plus, ſol unâ horâ conficit ſpatii, quàm globus tormentò excuſſus conficeret, quinq; millibus horarum: licet quolibet horæ minuto percurreret tria milliaria, & conſequenter unâ horâ percurreret milliaria 45. germanica.

Celeritas demum ſtellarum fixarum, poſitarum ad æquatorem, longiſſimè adhuc major, quàm Solis: quia conficiunt unâ horâ, milliaria germanica 3149666. & dimidium.

6ta Propoſitio.

*Cauſa illa, qua produxit Cæleſtia Corpora, eſt Ens ſumma
Sapientia.*

*Corpora
Cæleſtia
producta
ſunt ab
Ente ſum-
me ſapi-
entia.*

Veritas Propoſitionis præter alia innumera, patet etiam ex his. Quòd Ens illud, tam ingentia Corpora Cæleſtia, à ſe producta, pulchritudine admirandâ & ordine convenientiſſimo, diſpoſuerit. Sol, ut cætera omitam, in medio planetarum eſt collocatus juxta Archimedeſem, Chaldaeos, Ciceronem, Plinium, Ptolomæum, Claviſium, & communiter alios: ut inde quaſi è regni medio, vim ſuam quoquo- verſum diſfunderet, atq; attemperaret: ſi enim eſſet ſupra omnes planetas, multò magis ſi ſupra ſtellas fixas, ex tanta locorum diſtantiâ, multò remiſſius interveni lucis, inferiora corpora calefaceret, ac omnia propemodum, frigore obrigeſcerent; ſi verò ſol eſſet proximus terræ, ibi, ubi nunc eſt luna, vel infra, ardoribus ſolis cuncta deſlagrarent, ob ejuſdem vicinitatem. Non conſiſtit immobilis: alias Mundi ſtatus foret turbulentiffimus, rerum ordo diſſolveretur, maximaq; pars terræ eſſet inhabitabilis. Habet motum tum longitudinis diurnum, tum latitudinis annuum, eumq; excentricum: ut hæc diverſitate motûs, ſubjectis Regionibus temperies conſervetur; temporum, videlicet; Hyemis, ſæſtatis, Autumni, ac Veris habeantur viciffi-

*Sol in me-
dio plane-
tarum quare
conſtitu-
tus?*

*Diverſitas
motûs ſo-*

viciffi

vicissitudines; annorum, dierum curricula transigantur. *Dies enim, ut larisquid rectè ait S. Basilii Homiliâ 6. Hexâmeron, est àër illuminatus à sole: nam efficitur aut quantitas temporis tanta, quò sol in globo nostro dimidio, moram trahit. Annus autem solaris est, cum ad idem punctum sol, unde profectus est suapte redierit.* Sapientia Entis illius summa demonstratur etiam ex eo, quòd innumeri cælestes globi, immensæ ferè magnitudinis & distantiae à terra, celerrimè moveri possint, moveanturq; continuò per tot annorum millia, & quidem sine sui, saltem totali corruptione, facillèq; reparabili, si in aliquo sui, aliquando corrumpantur.

CAPUT VIII.

De causa productiva Elementorum.

Prima Propositio.

Elementa, scilicet; Terra, aqua, àër, ignis, non sunt Entia à se, nec sunt à casu fortuito.

PROBATUR iisdem ferè omnibus Rationibus (paucis immutatis) quibus Capite immediatè superiori probatum est, Corpora Cælestia non esse Entia à se, nec à casu fortuito. Insuper casum non esse Causam Elementorum constat ex Probatione Propositionis sequentis.

2da Propositio.

Causa illa, qua produxit Elementa, est Ens summae Potentiae, Sapientiae, & Bonitatis.

EX magnitudine enim eorum intelligitur ab intellectu rectè disposito, Creator Omnipotens; ex Ordine & dispositione, perfectione, aliisque proprietatibus, summè sapiens; ex necessitate ac utilitate eorundem Elementorum, summè Bonus. Verùm ut magis pateat Veritas Propositionis, aliquatenus consideremus breviter singula Elementa, eorumq; mixta quædam imperfecta.

TERRA, omnium Elementorum gravissima; Mundi subsellium, ingentis est amplitudinis. Terraquei enim globi circumferentia Circuli maximi, est miliarium germanicorum 5400. Diameter medius inter iusto maiorem ac minorem circulum, est miliarium 1720. Superficies

Terra Elementum, suâ amplitudine,

immobili- facies convexa totius terraquei globi, est milliarium quadratorum
tate, fa- 9288000. Soliditas deniq; est milliarium 2501560000. Tanta moles
cunditate, è nihilo eruta, & in medio ære, in Mundi medio collocata, sic volente
pulchritu- Summò Opifice ut æqualiter undiq; distaret à Cælo & Astris, ad excipi-
dine, alijsq; endos eorum influxus, consistit immota in medio Universi, quia terra
proprietatibus, est Elementum gravissimum, quæ gravitas illam impellit deorsum ad
monſtrat centrum Universi, in illoq; eam tenet. Quanquam alii cum Patre Kir-
Causam chero, probabiliter opinantur, stabilitatem terræ provenire ob quali-
sui produ- tatem magneticam, quâ, ipsa terra tenetur fixa ad polos Mundi. Alii
ctivam ef- addunt, globum terræ stare immotum, quia arctissimis undiq; ma-
ſe Ens sum- gnetisimi vinculis ligatur: constat enim (ut ipsi volunt) ingentibus saxi
mè Potens & ferri circulis, à polo ad polum excurrentibus, visq; magnetica undiq;
& sapiens. ab ipsius centro, ad omnia extremitatis puncta diffunditur, & sic uni-
 versa terræ fabrica secum ubiq; constricta tenetur. Ut verò habitabi-
 lis esset, & idonea generationi rerum, non còoperta est tota, aquæ E-
 lementò, licet hoc sit levius, quàm terræ Elementum; unde eminere
 deberet super terram. Tot fossæ in terra magnæ profunditatis, qui-
 bus flumina, maria includuntur. Diversis in locis innumeras fere
 species diversas lapidum (ut saxorum, marmoris, magnetis, &c.) La-
 pillorum pretiosorum (ut smaragdi, adamantis, gemmarum.) Metal-
 lorum (ut ferri, æris, argenti, auri &c.) Necnon aliorum minerali-
 um: ut sulphuris, salis, &c: in suis visceribus continet, eaq; suppeditat
 abundè hominibus, non tantum ad usus necessarios, verum etiam
 ad commoditatem, ad ornatum, ad medicinas, ad delicias. Et qui-
 dem, ut observatum est; ordinariè terra continet mineralia in locis
 ac montibus illis, qui sunt magis steriles, & infrugiferi; ut sic terræ
 foecunditas maneret illæsa. Per tot annorum millia perseveranter
 est foecunda in productione tot variarum herbarum, florum, fruti-
 cum, arborum, segetum, vitium. Tot animalium, sylvestrium, cicu-
 rum, domesticorum, atq; hominum, est altrix & sustentatrix. Ter-
 ræ facies quàm conspicua in montibus, vallibus, fontibus, fluminibus!
 insuper Vere & æstate in pratis, campis, hortis, sylvis! Vide etiam
 dicta supra in Tractatu 1. Capite 3. sub Propositione sta.

Idem a-
qua Ele-

AQUÆ Elementum, licet multò minus sit, quàm Elementum
 terræ: siquidem terræ profunditas ad centrum usq; extenditur, comple-

plectiturq; juxta Clavium, & alios, milliaria Italica 300, & amplius: maris autem profunditas, vix ad duo aut tria milliaria perveniat: imò ut plurimum, semimilliarium non excedit: ut nautæ experti sunt, qui in medio etiam Oceano, holide profunditatem maris inquirentes, ubiq; profundum reperiunt, & non nimis longè à superficie maris. Tamen ingens aquæ est copia; ut patet ex latitudine & profunditate Oceani, marium, fluminum & paludum; ex multitudine fontium; plurimaq; per viscera terræ diffusionem aquarum. Quàm stupenda origo fontium, fluviorum! & non redundantia maris, licet omnia flumina intrent in illud. Tot genera continet piscium! Intus per occultos & innumeros canales, ac tubos terreos, aquæ alluunt terram, ne arefcat, & in minutissimos pulvisculos dissolvatur; simul tali ratione ipsæ aquæ marinæ percolantur, dulcescunt, reddunturq; idoneæ variis usibus. Extranea etiam aquarum & terrarum intermixtio, inter alia, plurimum confert, facilius per navigia devehendis oneribus. *Quid enumerem insulas, quas (ut loquitur S. Ambrosius lib: 3. Hexæmeron cap: 5.) velut monilia plerumq; prætexit DEus, in quibus ii, qui abdicant se intemperantiæ secularis illecebris, fido continentia proposito eligunt Mundum latere, & vitæ hujus declinare dubios anfractus.* Non solum astrorum situs, sunt indices, sed & Insulæ, sunt velut quædam vestigia marinarum itinerum: sunt item peropportuna ad facilem tractionem, & ut terra tandem alicubi, aut terræ jungeretur, aut exigua interpositione aquarum distaret à terra, sicq; homines & animalia, per immensa maria facilius transvehi possint.

Quanta Aquæ necessitas & utilitas! sine aqua nec corpus, animalium, nec ulla cibi virtus potest nasci, nec parari: ideoq; provisum est, ut passim, faciliq; haberi possit. Quandoq; tamen (ut notat Theodoretus serm: 2: de Providentia) DEus voluit deesse aquam, aut nonnisi cum multo labore haberi ex puteis effossis, ut disceremus, quantum sit bonum aqua, quam divina Bonitas, ubiq; ferè absq; nostra magna cura suppeditat. Maris item quanta sit necessitas, & utilitas, & cur falsum: Vide supra in Tractatu 1. Capite 3. sub Propositione 12a.

AERIS Elementum usq; ad concavum Lunæ sumptum, magnitudine suâ totum terraqueum globum, id est totum utrumq; Elementum

mentum,
idem demonstrat.

Nec non
aëris Elementum.

tum terræ & aquæ ſimul ſumptum excedit circiter vicibus 865803. ut deducit ex Ptolomæo, aliisq; Aſtronomis, Pater Clavius: tanta eſt & ubiq; obvia indeficiens (ut cum Divo Nazianzeno Oratione 34. loquar) huius theſauri copia, quia & ſummè neceſſaria. Tenuis eſt ſubſtantia, àër, ut ita poſſit vacuum excludere: interiora animalium facile ſubire: colorum imagines recipere: corpora etiam omnia occulta & incluſa, veſtire; frequenter agitari: ſicq; ab infectione præſervari: ad formandos diverſos ſonos uſui eſſe; ac ut per illum, ſonus, odor, ſpecies rerum viſibilem, lumen, & res lumine perfuſa, atq; ipſe aſpectus fluere: in illo moveri corpora: volatilia volare, poſſint; nos loqui, & reſpirare animantia: ſine quo reſpirio animalia vivere nequeunt; ne tamen per acceſſum caloris extrinſeci, nimium tenuis redderetur àër, ſicq; non idoneus reſpirio animalium, admixtione variorum corpusculorum repletus eſt. Ex natura ſua, omnium colorum, ſaporum, odorum, ſonorum, expers factus eſt àër; ut hæc omnia debite à ſenſibus percipi poſſent: ſi enim ex ſe eſſet àër v. gr. viridis, vel ruber: tunc omnia objecta, coloris viridis vel rubri eſſe, oculis noſtris apparerent; ſicut per viridia perſpicilia aut rubra, videntur omnia viridia aut rubra. Si eſſet odoris ingrati, ſaporis acris, vel dulcis, omnia eodem odore infecta, dulciaq; aut acria ſentirentur. Si eſſet ſonorus, difficulter ſaltem ſoni & ſtrepitus aliorum objectorum, vocesq; humanæ perciperentur.

Præterea Àër, eſt Armamentarium, & quædam Naturæ officina, in qua, ex duobus nonniſi materialibus principiis, & quidem minutiffimis, exitibusq; , nempe vaporibus, ac exhalationibus terreis: ò quanta mirabiliū meteororū producitur abundantia! In àëris enim media Regione, ex vaporibus, per variam frigoris temperationem, fiunt nubes, pluvia, nives, ac ordinariè etiam grando. In àëre infimo, nebula, ros, pruina, gelu. In ſuprema àëris Regione, & in media ac infima, ex copia exhalationum terrenarum, fiunt venti, totq; ſtupenda meteora ignea; ut fulgura, ſumina, ſtellæ cadentes, cometa etiam aliqui. Porro, quanta in nubibus varietas formarum, colorum, motuum! quanta in illis copia gravium aquarum; & tamen in ſublimi àëre pendent, vibrantur, volant! Quàm mira diſpoſitio, ut licet vapor in ſecunda Regione àëris poſitus ſit, non tamen totus ſubito concreſcit, ſive in plu-
viam,

viam, sive in nubem, & grandinem: sed sensum, ut ita veluti per cribrum, guttatim transmittatur; ne terra subito, nimio humore obruatur. Quantum robur & vehementia ventorum, ac fluminum! licet eorum substantia sint nonnisi exhalationes terreæ tenues, exiles; quanta eorum celeritas, & quam admirandi effectus fulminum! Quanta verò necessitas & utilitas meteororum, innuo. Pluvix terram frugiferam (quod, & ros, nebulaq; præstat) efficiunt: aërem refrigerant: ventia reficiunt; potum animantibus, fluminibus multis ac fontibus perpetuitatem, conferunt: Idem præstant & nives, quæ insuper, dum instar velleris, vel pulvinaris molliter contegunt terram, fit, ut ejus intus calor conservetur, ac nimium gelu, seminibus nocere nequeat. Pruina, gelu, & frigus, reptilium corpora, quæ plantis ac seminibus nocent, perdunt; vim vegetativam in radices distribuunt; eamq; in altum eluctantē, gelu & pruina frigore suo, seu flagellō quodam, ad inferiora compellunt: calorem terræ ac omnium viventium introrsum agunt, ne evanescat. Hinc, animantia & homines, in Regionibus frigidis, robore & magnitudine (cæteris paribus) præstant iis, qui in calidis Regionibus degunt. Venti, exhausta & labore confecta, recreant ac reficiunt: æstum refrigerant; aërem ventilant, ne corrumpatur: imbres terris subministrant, eosdemq; nimios compescunt, modò adducendo, modò diducendo nubes, ut per totum orbem, pluvix dividi possint; segetem excitant, & latentem frugem ruptis velamentis suis, adaperiunt: arbores, plantas, & sara, fovēt, ac vegetant: navigia propellunt &c.

*Quenam
necessitas
& utilitas
Meteororum?*

IGNIS, nobilissimi Elementi quam stupenda activitas! quam inexplicabilis ac celerrima ejus multiplicabilitas! ex una scintilla, quantum incendium derepente exoriri potest! quanta verò ejus necessitas, illustriaq; commoda sint, audi Divum Basilium Homiliā; Hexæm: [Essentia ignis necessaria Universo, non solum ad terrestrium rerum administrationem, sed ad ipsius etiam Universi totius integritatem; mutilum enim esset, si unum hoc ipsi maximè Elementorum omnium, opportunissimuq; deesset. Necessaria Mundo Natura ignis, non solum, quia facultates omnes ac artes, quibus vita nostra subministratur, ac continetur, ad operationes exercendas suas, ignis egeant naturā; texendi inquam, suendi, ædificandi, mulcendiq; ferri facultas,

*Elementi
ignis pro-
prietates
aliquæ &
utilitates
recensentur.*

atq; agricultura: verum etiam neq; stirpium pullulationes, neq; fructuum concoctiones, neq; animalium, aut terrestrium, aut aquatilium ortus, neq; alimenta etiam istorum ulla, aut initio fuissent, aut tempore aliquo permanissent, si calor in ratione rerum non esset.] Hucusq; Divus Basilus. Accedit. Quod beneficium ignis, arcemus frigora, de nocte habemus lucem ad agendum, ad propulsanda adversa, ad dirigendos gressus, necessariam; habemus item in antris, speluncis, salis, & mineralium fodinis, diem: Imò terra, igne destituta periret, ideoq; subministrat Natura tam varios facilesq; modos, necessarium adeo Elementum excitandi, multa; fomenta ad illud conservandum. Prætermitto. Quod Magni nominis Philosophi & Patres aliqui, tradunt de Igne, sub concavo Lunæ existente, qui sine ullo pabulo conservatur. Prætermitto inquam: Magis enim probabilior videtur mihi illorum esse Opinio, qui censent, nullum ibi existere propriè ignem; sed in vastissimo illo spatio esse tantummodò ætherem, qui in substantia nihil est aliud, quàm ipsius partes aëris subtilissimæ; flamma autem ignis nostri, quod semper sursum tendat, provenit id ab aëre graviore, qui halitum ejusdem sursum extrudit: Aër enim noster est vapidus & crassus, ignis autem est levior.

*Ignis verus estne
sub concavo
Lunæ?*

C A P U T IX.

De Causa productiva Plantarum.

Prima Propositio.

Planta non sunt Entia à se, seu sufficientia sibi Entia se solis ad esse. Nec sunt Entia producta à casu fortuito.

*Planta
sunt quid
productū
non à casu*

Prima pars Propositionis constat: Tum ex plantarum intrinsicis imperfectionibus: Tum earum indigentia plurium ad suum esse & conservari: Tum ex earum pluralitate. 2da pars etiam Propositionis patet: Tum ex Propositione 2da: Tum, si casu fortuito sunt plantæ productæ: cur casu etiam non intereunt ita, ut nunquam ullæ renascantur? Tum quia impie Athee, non audes asserere, casu productam vestem, quâ operiris, vel calceamenta tua, & quâ fronte asseris plantas casu esse productas? Vide etiam dicta supra Cap: 7. sub Propositione 3tia. 4ta, 2da

2da Propositio.

Causa, quæ produxit Plantas, est Ens Summæ Potentiæ, Sapientiæ, ac Bonitatis.

Potentia Summa & Sapientia elucet, quòd innumeræ species her- *Plantasua*
barum, fruticum, suffruticum, & arborum, productæ sint: innume- *inexplica-*
ræq; sit fructuum multiplicitas, inexplicabilisq; in iis, figurarum, co- *bili varie-*
lorum, saporum, aliarumq; qualitatum, proprietates. *Quæ species (lo-*
quor verbis Sancti Ambrosii lib. 3. Hexæmeron) *pleni agri, quæ odor,*
quæ suavitas, quæ voluptas agricolarum? quæ alius Artifex, præter De- *structione*
um possit tantam rerum singularum exprimere venustatem- Quanta vari- *suarum*
etas arborum, quàm diversus in singulis & pulcher ornatus! Omittis in- *partium,*
numeris; quàm multicolor Rosa Sinica, quæ (ut scribit P. Kircherus *tractio-*
in China illustrata folio 177.) arboribus innata, singulis diebus colo- *ne alimen-*
rem bis mutat, purpureaq; modò tota, modò omninò candida evadit. *ti, suò in-*
Item Viola nocturna illa, quæ diversos pro solis ascensu aut descensu, *crementò,*
colores ad sensum mutat: & quæ interdum nullo odore pollet, expirat *aliisq; pro-*
autem noctu nobilissimum, gratissimumq; odorem. Quàm stupenda *prietati-*
arboris illius, Sinicæ folia, quæ, si decerpta tangantur, moventur, & *bis, testan-*
abeunt! ut refert Pater Schottus in Physica curiosa: propè finem. *tur Deum*
esse.

Quàm admiranda & aptissima ac pernecessaria ad suos fines
(nempe attractionem alimenti, ejusq; deductionem & fructificatio-
nem) in quacunq; planta, est constructio partium! Tolle radicem
infixam terræ, tolle fibras, & poros, per omnes partes plantæ diffu-
sos: jam nec attrahi alimentum (quod radice velut in terras ore de-
merso trahitur) nec attractum undiq; diffundi poterit. Tolle corti-
cem, sustulisti munimentum arboris adversus cæli intemperiem. Me-
dulla utpote mollissimum quid, ne facillè corrumpatur, interiore semper
sede reconditur, & ad extra, ligni firmitate tegitur; sine ramis, non
esset (saltem ut plurimum) fructuum multiplicitas, nec eorum sine
foliis tutamen, decorq; arboris; nec sine fructibus forent plantarum
plurimarum, perennitatis quædam seminaria. Dixi: *ut plurimum.* In
China enim (teste Patre Kirchero & aliis) arbor est, dicta à Sinis:
Po lo nie, quæ quamvis amplissimis foliis oneretur, nec fructum ta-
men, nec florem in iis fert ullum; sed in trunco producit cum tem-

pore fructum tuberoſum tantæ vaſtitatis, ut ſingulis portandis, ſinguli homines ſint neceſſarii, & vel unicus fructus, decem aut viginti hominibus ad comedendum ſufficiat: eum Sinæ nominant: Saccum melleis fructibus confectum: cūmq; rami tantæ moli ferendo non eſſent, providit Auctor Naturæ DEus, ut illi tam graves fructus, ex ſolidioris trunci ſubſtantia, educerentur. Similis huic arbor, quam, Papaya, Indi vocant: ex cujus trunci cortice, ſuperne, inferneq; erumpit unā cum floribus tuberoſus fructus. Porro inexplicabile, quantā ſolertiā proviſum eſt, ut cuncta vegetabilia, ſemine multiplicato, vel particulis à ſe ſuppeditatis, ex terra & aqua propagentur, ac reparentur. Quidni quæram rectè cum Sancto Clemente lib: 8. Recognit: *Quæ ratio, cui vel brevem ſenſum habenti, per irrationabilem Naturam, & non per divinam Sapientiam conſtare videbitur?*

Magnæ Potentiæ & Sapientiæ documentum. Quod (ut ſapienter annotavit Divus Baſilius Homil. 5. Hexæm.) una aqua luſoſa, ſeu terreus humor, per radices attraeta, alio modo radices, alio caudicis corticem, alio lignum, alio medullam alit; eadem & folium fit, & in ramos, ſurculosq; dividitur, & incrementa frugibus præſtat; lacrymæ deniq; ſucciq; ſtirpis, eadem ex cauſa manant; quorum quantum ſit inter ſe diſcrimen, ac differentia, quis ratione conſequi poterit? Ab eodem ruſum humore in vite quidem, vinum: in olea, oleum emergit; atq; non ſolū id mirabile eſſe videtur, quod pactō, idem penitus humor, hic quidem dulcis evaſit, ibi autem pinguis eſt factus; verū etiam illud in dulcibus ipſis, inquam, fructibus, qualitatis varietatem ejusdem inenarrabilem eſſe. Quot præterea differentia ſunt colorum! eandem in pratis aquam conſpexeris, hoc in flore, rubeſcentem; in alio, purpuream; in hoc, cœruleam; in alio, pallidam. Quin & longè plures odorum differentias offerentem inveneris, quā ſint ipſæ varietates differentiaq; colorum.

Quanta miracula ſunt! (exclamat Sanctus Ambroſius lib: 3. Hexæmeron) ſi ſpectes, quemadmodum jacta in terram ſemina, reſolvantur, ac niſi mortua fuerint, nullum fructum afferant; ſi verò fuerint quadam ſui morte reſoluta, in uberiores fructus reſurgant, & quidem tam multiplices; ut ex uno grano frumenti, enaſcantur centum quandoq; grana; imò in quibusdam partibus etiam quingenta.

Quis

Quis explicare valet, in tanta unius grani parvitate, & nulla sui dissimilitudine, ubi latet ligni duritia, & ligno tenerior medulla, asperitas corticis, viriditas radicis, sapor fructuum, suavitas odorum, diversitas colorum, mollities foliorum?

Quis item explicare sufficienter queat, quàm mirabiliter ex crassiori (ut docetur à P. Kircherò in Itinerarii 2di, Dialogo 2. cap: 4. & aliis) alimenti parte, corpus exterius ac visibile plantæ fiat; nempe scapus, cortex, ramus, ex subtilioribus verò effluviis, in crassiori sedimento existentibus, fiant flores & folia: ac ex foliorum, florumq; subtilioribus partibus, fiat fructus: ex hujus tenuioribus partibus tandem semen fiat: in cujus medio, veluti in corpusculi centro, latitat vis illa spermatica verè admiranda, & ipsa anima vegetabilis; arbor scilicet virtualis, cum radicibus, trunco, ramis, foliis, floribus, fructibus, quibus tota vegetabilium substantia componitur.

Quis Divinæ Potentiæ & Sapientiæ magnitudinem non agnoscat? quòd tam exiguæ portioni, quæ vix octo millesimam ducentesimam, seminis partem æquat, tanta ad simile sibi producendum facultas indita sit; & quæ vix atomi quantitatem ad spermaticum suum corpus comparata, exæquat, in præamplas tamen enascatur plantas, & arbores. Tilia Neostadiana ad Cocharum fluvium (ut refert Schottus) tam ampla est, ut circumferentia ipsius trunci sit pedum 27: digitorum 4: ambitus ramorum, pedum ferè 43. Ficus Indica tam ampla est, ut terna hominum millia, sub illa arbore latere possint. In Brasilia arbores sunt tantæ crassitie, ut sexdecim viri, protensis manibus unam arborem complecti nequeant: item tantæ magnitudinis, ut in earum cavitatibus, domus ædificentur: intus quoq; convivia celebrantur, magno barbarorum numero. Visi etiam Pepones, plus quàm centum librarum:

*Tilia Neo-
stadiana,
& Ficus
Indica, i-
tem arbo-
res in Bra-
silia quan-
tæ ampli-
tudinis !*

Sapientia summa elucet, quòd (ut cum pluribus advertit Sanctus Hidorus Pelusiota lib: 3. Epist: 170) non uno eodemq; tempore, frumentum & vinum, & oleum, & poma, variiq; flores existant: Verùm prata quidem antecedant, sequantur autem segetes, quas deinde vinea excipiat, ac deniq; agricolam ad oleam racemus transmittat. Anni videlicet partibus, tanquam optimum quendam chorum agitantibus, ac per temporis longinquitatem, agricolam recreantibus. Nam

ſi cuncta conſeſtim ad vigorem ſuum pervenirent, perfectò agricolæ induſtria, ob temporis brevitatem in anguſtias adduceretur, atq; omnia corrumpereſcentur, & interirent, quòd ille, uno eodemq; tempore colligendis & comportandis omnibus rebus, minimè par eſſet. Benè Regius Pſalter cecinit Pſal: 144. de DEO: *Dat eſcam in tempore opportuno.*

Sapientia item elucet, quòd (verba ſunt Sancti Baſilii Homilià 5. Hexàém:) genibus præcingantur culmi frumenti, ut illis veluti quibusdam vinculis corroborati, ſpicarum facile pondus ferant, atq; ſuſtineant, cùm plenæ jam fructuum, gravidæq; , ad humum ſuo pondere inclinant; propterea avena quidem inanis atq; vacua tota eſt, quòd nullo prorsus culminis pondere premitur: frumentum autem, natura, ſeu clariùs Naturæ Auctor, geniculatò culmò confirmàſſe videtur; in theca verò granum recondidit, ne ſit expoſita frugilegis præda; inſuper & ariſtarum vallò, veluti telis objectis, contra animalculorum morſum munivit. Quarum plantarum rami prolixiores ſunt porrecti latè per àerem, earum & radices poſfundiores ſunt, & circumquaq; latè etiam diſfunduntur; perinde, quaſi natura, fundamenta quædam, reſpondentia ſuperiorum ponderibus, ſubjeciſſet. Quarum ſtirpium molliusculi ſunt fructus, earum folia veluti tutiora quædam opercula craſſiuſcula ſunt; quarum duriuſculi ſunt, eæ, tenuiores, levioresq; obtinent frondes; illud in ficis; hoc in nucibus, intueri licet. Nihil ſit prorsus præter certam rationem, nihil temerè agitur. Omnia in ſe ſe latentem, admirabilemq; Sapientiam habent. Hæc S. Baſilius. Similia habet Divus Ambroſius lib: 3tio Hexàéméron, cap: 14.

*Bonitas
Divina
in plantis
relucet.*

Bonitatis ſummarum documenta aliqua, innuo ex Sancto Ambroſio lib: 3. Hexàéméron. Nihil inane germinat terra, alia eſui, alia potui, alia, alii naſcuntur uſui. Nihil vacat. Quod tibi putas inutile, aliis utile eſt; imò ipſi tibi frequenter, alio eſt uſu utile; quod eſcam non adjuvat, medicinam ſuggerit; & ſæpè eadem, quæ tibi noxia ſunt, a-vibus aut feris innoxium miniſtrant pabulum. Quid enumerem ſuccos herbarum ſalubres? Quid virgultorum, ac foliorum remedia? Cervus æger, ramuſculos oleæ mandit, & ſanus fit; locuſtas quoq; , folia oleæ arroſa, liberant ab ægitudine; rubi folia, ſuperjecta ſerpen-

penti, interimunt eum; culices non tangent te, si absinthii herbam cum oleo coquas, & illo te perunxeris. Herba Cha, vel Cia, vel Te, caput ab omni vaporum fuligine liberat, adeo, ut (teste Kirchero in China illustrata) Viris literatis, nec non magnâ negotiorum mole distentis ad vigilias continuandas, nobilius, aptiusq; remedium à Natura non concessum videatur. Herba Quei comesta, risum & lætitiā parit, tristitiā expulsā. Indi beneficio herbæ Coca, ore gestatæ, famem repellunt. &c.

Patris Kircheri judicium de herba Te.

CAPUT X.

De Causa productiva Animalium.

Prima Propositio.

Animalia non sunt Entia à se, nec à casu fortuito producta.

Patet ex iis, quæ dicta sunt Capite 7mo sub Propositione 4ta. & Capite 9. sub Propositione 1ma: item ex Probatione Propositionis sequentis.

2da Propositio.

Causa productiva animantium, Ens est summa Potentia, Sapientia, & Bonitatis.

Præter structuram corporis cujusvis animalis, quò ad organa sensuum, viscera, nervos, aliasq; partes, planè admirandam (ut constabit aliquomodo ex dicendis infra Cap: 11. de Structura hominis: præter inquam hæc, aliaq; innumera) summam Potentiam ac Sapientiam declarant hæc. * Quòd multiplex genus Animalium sit productum, nempe Quadrupedum, Volucrum, Aquatiliū & Insectorum; ac in singulis generibus, tot, quò ad magnitudinem, formam, mores, colores, motus, vocem, ciborum sumptionem, locorum inhabitatorem, & quò ad alias actiones, accidentia, & circumstantias, tot inquam, Species diversæ. Piscium quidem species, vult Oppianus Cilix, Pœta doctissimus (ut refert Sanctus Hieronymus in Ezechielis Caput 47.) esse 153, ejusq; opinionem videtur approbare. Plinius libro 9. Nat. Hist. cap: 14. & lib: 32 cap: 11. dicit: Aquatiliū esse 176 genera: Piscium verò 74 species; præter crustis intecta, quæ sunt 30 genera.

Recensentur summa Potentia & Sapientia plurima documenta necnon Bonitatis, quæ relescent in Animantibus.

San.

* Quot Sanctus Ifidorus lib: 12. Ethim. cap: 6. aſſerit, diſtinctas Aquatiliū genera & ſpecies, reperiri 144. Arias Montanus, perfectorum Animantium ſpecies, cenſet eſſe 150; Serpentium verò & reptiliū ſpecies, ſentit Pererius eſſe 25. Geſnerus & Aldrovandus opinatur, avium ſpecies eſſe ferè 150. Verū rectius Divus Ambroſius lib: 5. Haxæmeron ait: *Quàm multa ſint ſpecies, & nomina Piſcium, non poſſumus enarrare; -- Genera Avium quīs poteſt memoriā aut cogitatione comprehendere?* Idem pari ratione dicendum de terreſtribus Animalibus; præſertim cū in Indiis, aliisq; terris antea ignotis, reperiantur nova ſemper, antea incognita animantia. Certè, Veteribus, unum tantū genus Piſſitacorum fuit cognitum; nunc verò, poſt novum Orbem, in quo eſt magna eorum copia, detectum, ſuprà centenas, colore ac magnitudine inter ſe differentes ſpecies Piſſitacorum, ſunt repertæ; Ut reſert Schottus in ſua Phyſica lib: 9. In tanta tamen varietate Animantium, Illud commentum DEI mirabile, quòd (ut obſervat Lactantius lib: de Opificio DEI, cap: 7.) una diſpoſitio & unus habitus, innumerabiles animantium præferat varietates. Nam in omnibus ferè, quæ ſpirant, eadem ſeries & ordo membrorum eſt; imum enim caput, & huic annexa cervix: item collo, pectus adjunctum, & ex eo prominentes armi, adhærens pectori venter; item ventri ſubnexa genitalia, ultimo loco femora, pedesq;. Nec ſolū membra, ſuum tenorem ac ſitum in omnibus ſervant, ſed etiam partes membrorum; nam in uno capite ipſo, certam ſedem poſſident aures: certam oculi, nares item, os quoq;, & in ore dentes & in lingua: Quæ omnia, cū ſint eadem in omnibus Animantibus, tamen infinita & multiplex diverſitas figurarum eſt, quòd ea, quæ dixi, aut productiora, aut contractiora lineamenti variè differentibus comprehenſa ſunt. Illud etiam commentum DEI mirabile, quòd eadem ſemper in animantibus ejuſdem ſpeciei, ſit corporum & partium proportio; iidē ferè etiam colores; licet ſæpè variè intermiſſi. Mirabile item, quòd ex parvo Animantis ſemine, nullam ferè diſſimilitudinem partium præferente, fiat tanta diverſitas partium; ut caro, oſſa, nervi, viſcera, &c. ſiant & ingentis quoq; etiam vaſtatis belluæ. Plinius enim lib: 32. Natur: Hiſt. cap: 1. ſcribit: Cetos, ſexcentorum pedum longitudinis, & trecentorum pedum, latitudinis eſſe. Sanctus Baſilius Homiliæ

Cetorum
& Avium

miliâ 7, Hexâem: dicit, quòd Cete, cùm ad summam aquæ superfici- *quarundâ*
em enatârint, instar Insularum sæpe numero apparent. Albertus Ma- *magnitu-*
gnus lib: 24. Cap: de Ceto refert, cavitatem oculorum ceti, tantam *do stupen-*
essê, ut quindecim, ac etiam viginti homines capiat; & os tam am- *da.*
plum, ut, dum spirat, & aquam ex fistulis evomit, integras aliquan-
do naviculas impleat, ac submergat. Elephante item, plus carnis
habet, quàm quinq; nostrates boves. Paulus Venetus scribit, se ul-
tra Madagascar, de bipede ave, Ruc dicta, sæpè ab incolis illis au-
disse, quòd alas tantas habeat, ut pennæ, duodecim passus longæ sint;
ipsa autem tam fortis, ut Elephantum elevet in altum, & asportet,
deinde cadere sinat, ut mortui carne vescatur. Aldrovandus quoq;
narrat, in Æthiopia aquilas, tantas esse, ut bovem, vel equum inte-
grum, pedibus abripiant. Vide Cornelium à Lapide in Cap: 11. Levi-
tici, versu 13. Porro hæc omnia ortum habent de semine exiguo, in
quo tota illa symmetria, tantorum corporum latet. Nec minus Com-
mentum mirabile Potentiæ & Sapientiæ relucet in parvis Animalcu-
lis: imò videtur quodammodo majus relucere. [In magnis siquidem
(ut ait Plinius lib: 11, cap: 2.) corporibus, aut certè majoribus, faci-
cilis officina sequaci materia fuit. In his tam parvis, atq; tam nul-
lis, quæ ratio, quanta vis, quàm inextricabilis perfectio! Ubi tot
sensus collocavit in culice? (& in aliis longè adhuc minoribus Ani-
mantibus) ubi visum in eo prætendit? ubi gustatum applicavit?
ubi odoratum inseruit? ubi verò truculentam illam & portione ma-
ximam vocem ingeneravit? quâ subtilitate pennas adnexuit? præ-
longavit pedum crura, disposuit jejunam caveam, uti alvum? avidam
sanguinis & potissimi humani sitim accendit? telum verò perfodi-
endo tergori, quo spiculavit ingenio? - Quos teredini ad perforanda
robora cum sono teste dentes affixit?] Hæc Plinius.

Eximia item Potentiæ ac Sapientiæ documenta hæc: Quòd tot
specie diversis, & in individuo innumeris animantibus, provisum sit
de proportionato tantæ multitudini, & tam diversæ eorundem incli-
nationi, pabulo. Quòd nulla, per tot millia annorum, species inter-
ierit, licet aliquibus illarum, valentiores plurimi, bellum perpetuò in-
ferant; sic Aquilæ, corvi, mustelæ, vulpes, canes, & homines, necem
leporibus inferunt; Ovibus lupi, &c. Quòd singulæ species terre-
strium

ſtrium & volatiliū, diverſâ voce inſtructæ ſint. Quòd Animantibus illis (ut obſervavit Plato in Protagora: & lib: de Officiis cap. 2. ac alii) quæ ſolent eſſe præda majoribus, & frequentiori interitûs periculo ſubjacent, data ſit copioſa generandi facunditas ad conſervationem ſpeciei; è contrâ rapaci Animantium generi, exigua quædam ſeminis propagandi conceſſa facultas. Imum patet in facunditate ovium, leporum, &c: lepores enim concipiunt ac pariunt quovis fere anni tempore, & intra exiguum tempus, mirum in modum multiplicantur; idum patet ex paucitate leonum, trigridum, aquilarum, vulturum. Quòd minimis animalculis, ut api, formicæ, araneæ, bombyci, &c: plus prudentiæ, ſolertiæ, ac indiſtriæ largitus eſt Naturæ Auctor, ad virium corporearum ſarciendum defectum, quàm multis grandioribus animantibus.

Sapientia inſignis relucet, quòd unaquæq; Animantium ſpecies, habeat corpus Naturæ ſuæ peridoneum, ad ſuasq; naturales functiones exercendas, accommodatum; ut multa Inductione probat Divus Baſilius Homiliâ 8. & 9. Hexæmeron. Ex illo aliqua innuo. Quæ carnibus veſcuntur volatilia, iis alia eſt compoſitio, atq; forma, modo victûs ipſarum accommodata; ungues his inſunt adunci, acuti, & roſtrum ſimili modo, celeritasq; volatûs atq; pernecitas, ut facile præda capiatur, diſtractaq; atq; dilaniata, prædatori pabulum fiat. Si volucres eas, quæ gaudent aquis, conſpexeris, diverſam ab aliis, in iis compoſitionem inveneris: namq; pedes non fiſſos, ut cornicis; non uncos, velut earum avium, quæ carnibus veſci ſolent, ſed latos, atq; membraneos obtinent; ideò ſanè, ut commodiùs fluitare ſuper aquas, natareq; poſſent; pedum membranis, perinde, atq; remis diſpellentes humorem. Sin item animadverteris, ut olor (anſer, anas) in profundum immiſſo collò, ex imo ſibi cibum exhauriat; aperte tunc Creatoris inſpexeris Sapientiam, comperiesq; porrectius collum, quàm ſint pedes, ideò Opificem adjunxiſſe, ut illud perinde, atq; lineam piſcatoriam, ipſe deducens in altum, occultum inde pabulum conſequatur. Vehemens eſt panthera, & ad impetus faciendos propenſa, pernixq;; atq; idoneum ipſi eſt corpus, humilitate ac levitate ad animi motiones, agitationesq; ſubminiſtrandas. Pigerrima eſt Urſæ Natura, ſolitaria, ingenii occulti, ac profundi; ſimile ſanè corpus & ipſam

ipsam ambit, grave compactum, indistrictum, accommodatum se se occultandi feræ pergelidæ. Carnivoris animalibus acutos præstitit dentes; est enim talibus opus ad alimentum talis formam, atq; naturam; quæ verò non utrinq; dentibus armata sunt, iis numerosa conceptacula, compluresq; meritò, variasq; pabuli cellulas extruxisse videtur. Collum prolixum Camelus obtinet, quò par sit pedibus, & eam, quâ vescitur, herbam attingere valeat. Quid sibi vult proboscis Elephant? quoniam molis hoc animal maximum, huic si grande, pro rata membrorum inferiorum, pedumq; ratione, collum adjunctum fuisset, inattractabile penitus esset, exsuperante pondere semper ad humum vergens; nunc autem caput quidem per colli admodum paucas vertebrae cum spinâ conjungitur, proboscidem autem habet, officium subeuntem, munusq; colli, quâ, planè tam pabulum sumere, quàm potum etiam exhaurire solet. Non solum autem in tam magnis animantibus, verum & in parvis, minimisq;, immensam inspicere DEI Sapientiam nobis, admirariq; licet. Non Elephantem admirari potius consuevi, propter tantum magnitudinis factum, quàm scorpionem, qui formidolosus est Elephant; aut scorpionis tenuissimam partem, aculeum inquam, quem cavum perinde, atque fistulam, Artifex Universi, quò virus per ipsum ictis infundatur, atque imprimatur, extruxit.

Sapientia elucet, quòd nascituro pecori (ut ait Sanctus Clemenſ lib: 8. Recognit.) lac præparatur in uberibus, ac statim ut natum fuerit, nullo docente, scit ubi alimonie suæ horrea requirat. Gignuntur autem non solum mares, sed & foeminae, ut ex utroq; possit rursus constare posteritas, inditaq; iis cupido gignendi, ne species intereant. Quòd (ut dicit Sanctus Ambrosius lib: 6. Hexæmeron) & si pastor erraret in discretionem ovium, agniculus in discretionem matris, nesciat errare: agniculus balatu frequenti, absentem matrem citat, ut responsura vocem excitet, multis licet versetur in millibus ovium, recognoscit vocem parentis, festinat ad matrem; illa quoque inter multa agniculorum millia, solum filium tacito pietatis testimonio recognoscit. Quòd ea animalia, quæ sunt nobis perutilia, ut, oves, boves, fecerit mansuetas; animantibusq; que admodum vita eorum tutior esset, ante provisum est. Omnes enim (ut notavit prius etiam Lactantius libro de

Opificio DEI, cap: 2.) suis ex se pellibus teſta ſunt, quò faciliùs poſſent vim pruinarum & frigora ſuſtinere: Singulis autem generibus, ad propulſandos impetus externos, ſua propria munimenta conſtituta ſunt; ut aut naturalibus telis repugnent fortioribus; aut, quæ ſunt imbecilliora, ſubtrahant ſe periculis, pernecitate fugiendi; aut quæ ſimul & viribus & celeritate indigent, aſtu ſe protegant, aut latibulis ſepiant. Itaq; alia eorum, velut plumis levibus in ſublime ſuſpenſa ſunt, vel ſuffulta ungulis: vel inſtructa cornibus: quibuſdam in ore arma ſunt dentes, aut in pedibus adunci ungues; nulliq; munimentum ad tutelam ſui deſt. Aliis ad tutelam ſui datum eſt robur in calcibus: aliis ſpiculum in cauda, vel ore; aliis data ad præſidium ſui durties teſtæ, vel ſpinoſa cutis, aut pernicioſus aſſatus.

*In Avium
efformati-
one inſi-
gnis Sapi-
entia re-
lucet.*

In Avium efformatione elucet Sapiencia; præter dicta ſuprà. Illæ enim, (ut notavit cum multis, Pater Leſſius lib: 1. de Providentia) Minuto ſunt capite; & in roſtrum acuminato, quò faciliùs ærem findant; pedibus aduncis, ad ramuſculos arborum, quibus inſident, complectendos; plumis averſis, ne obſint volatui; quæ inter volandum, ita corpori applicantur, ut ær minimè ſubintret: alæ leviffimæ, & ita conformatæ, ut facillimè explicari ad volatum, & ruruſ contrahi poſſint, molli cavitare idoneæ ad ærem in motu colligendū, & in quiete ad corpus decore, arctèq; tegendum; non habent plumas & alas ſuſum erectas, aliàs enim contra ventum ſibi contrarium, volare, ſaltem commodè non poſſent; caudâ, quaſi clavò nauticò, volatum ſuum adæquant & regunt. Quàm dulcifonus & artificioſus multarum Avium cantus! quàm ingenioſa modulatio, quàm ſonoræ earum in pectore lyræ! Quàm floridus in multis plumarum & pennarum ornatus! Pavonis pluma veſtis multicolor (ut loquitur Tertullianus lib: de Pallio) & diſcolor, & verſicolor, nunquam ipſa, ſemper alia, etſi ſemper ipſa, quando alia: toties deniq; mutanda, quoties movenda: quoddam ver florum exhibet: inò Pavonis pennis, & plumis, nulla, poteſtis (alloquitur S. Auguſtinus Manichæos lib: 2. de Manich: cap: 16.) veſtita floribus præta conferre. Avicula etiam Americana (ut refert Biſſelius, Argon: Amer. lib: 14. num: 6.) magnitudinem gryllorum habens, quidquid oculus trahit colorum, id omne ſuprà

*Nesnon in
Piscium.*

Piscium.

gent, ut dirigantur; quare & formationes piſcium incipiunt ab oculis. Ceto, cum ſit viſus hebetior, ideo ipſi (ut multi tradunt) Natura Prima, tribuit piſciculum oblongum, cui nomen, muſculus, tanquam ducem præeuntem, ejuſq; eſt quaſi oculus, ac monitor, cibum monſtrans, vada, & pericula cavenda indicans.

*Bonitatis
Divina
documen-
ta in pro-
ductione
animan-
tium.*

Bonitatem demum Primò Principalis Cauſæ productivæ animantium, patenter demonſtrant pleraq; ex ſuprà dictis: nempe, Conſervatio ſpecierum; Proviſio alimenti, & mediorum ad ſui tutelam; Efformatio peridonea corporis &c. Inſuper demonſtratur eadem Bonitas ex eo; quòd animantia, non ſolùm Moſchitera, Bezôárdica, ſed omnia, noſtris uſibus deſtinata ſint; alia enim nos paſcunt (imò & quarundam avium ipſimet nidi, in menſarum deliciis ſunt apud Sinas) alia veſtiunt, alia recreant, alia ſanant, vel ſanitatis præſidia afferunt; alia ad imitationem & exemplum conducunt. Unde dicitur Proverb: cap: 6. Vade ad formicam ò piger. Documenta item Bonitatis eximiæ, inter innumera, accipe hæc: Longè pauciora ſunt venenata, & noxia animalia, quàm innoxia: hominiq; adverſus noxia, tot præſidia collata ſunt. Non ad multos menſes durant pulices, cúlices, muſcæ, vixq; ulla infecta excedunt annum; apes autem, utpote multum proficuæ hominibus, ad ſeptimum uſq; vivunt annum. Locuſtæ pariunt in exitu veris, & mox à partu moriuntur: vermiculis circa collum innascentibus tempore partûs, qui eas ſtrangulant: ut refert Cornelius à Lapide in Iſaiæ Caput 40. v. 22. Omnes lupæ, intra duodecim dies pariunt; nimirum, quòd toto anno, non ampliùs, quàm decem dies còeunt; & ſues agreſtes, ſemel tantum quot annis còeunt; domeſtica tamen ſapè. Teſte Ariſtotele lib: 9. Hiſtor: Animal. cap: 34. providit natura avem, cui Fulica, nomen eſt; dicitur, & Oſiſtraga, ac græcè *Φωνί*: hæc, poſtquam aquila nidò pullos ſuos eiecit, illa, eiectos non ſinit perire, ſed excipit, ac unà cum ſuis educat pullis. Sepe ſerpens parvus tabificus, cæcus eſt, aliàs noceret plurimum. Adverſus Baſiliſcum, producta Muſtela, quæ tantâ vi contra Baſiliſcum pollet, quantâ ille contra homines: ut ſcribit Nierembèrgius lib: 6. Nat: Hiſtor. cap: 20. Idem refert lib: 1. Theopolitici cap: 11, quòd Bojuningo ſerpenti virulentiffimo, crepitaculum appenſum eſt, ut proximi admoneretur periculi. Tigrides Bengalæ, incredibilis

dibilis odii ac noxæ, habent comitem Peram animalculum, quod latratu instantem feram indicat, ut caveant. Tigridibus item indidit Bonitas Auctoris Naturæ instinctum validum, & efficacem, ut, dum se conferunt ad bibendum in Gange, vel aliquo alio fluvio, id faciant ore admoto ad secundum fluminis cursum, nunquam ex adverso; nec unquam bibant ex lacu, aut fossis, aquis immotis, ne aqua pilorum venenò infecta, sibi ipsis interitum causet: Tigrides enim circa labra, prælongos emittunt pilos, quos adeo venenosos experientia docuit, ut, si quispiam sive homo, sive ipsamet bellua, illorum vel unicum, incautiùs susceperit, irremediabili sui ipsius toxicò intereat. ut refert Pater Kircherus in China illustrata fol. 82.

Audio jam (verbis utor Divi Ambrosii lib. 6. Hexæm: cap: 2.) aliquos insusurrare dicentes: Quamdiu aliena discimus, & nostra nescimus? quamdiu de reliquis animantibus (Plantis, Elementis, Corporibus cælestibus) docemur scientiam, & nosmet ipsos ignoramus? illud dicatur, quod mihi prosit, unde me ipsum noverim. Ex hominis etiam structura faciliùs adhuc haberi potest noticia DEI. Sit ergo.

C A P U T X I.

De Causa productiva Hominis, & ejus Anima.

Prima Propositio.

Homo non est à casu fortuito.

PRæter dicta superiùs, ubi demonstratum est, Corpora cælestia, plantas, animalia, non esse à casu fortuito, nec esse à se; ad demonstrandam veritatem Propositionis hujus, adjicio ista. Lactantius (quem Divus Hieronymus appellat, Christianum Tullium) lib. de Ira, DEI, cap: 10. ait: [Simulacrum hominis & statuam, Ratio & ars fingit: ipsum hominem de frustis temerè concurrentibus fieri putabimus? & quid simile veritatis in ficto? cum summum & excellens, artificium nihil aliud, nisi umbram & extrema corporis lineamenta, possit imitari- quisquamne igitur sanus existimat, quod homo ratione & consiliò facere non potest, id concursu atomorum passim cohaeren-

Demonstratur, Hominem non à casu productum.

, hærentium perfici potuiſſe? Vides in quæ deliramenta inciderunt, dum nolunt effectiõnem, curamq; rerum, DEO dare.] Fertur, Albertum Magnum, ſtatuum, hominis formã exſtruxiſſe, quæ libramentiſ ac rotis intus latentibus, articulata quædam verba pronuntiabat; hanc ſtatuum, Divus Thomas Aquinas, ab Alberto miſſus ad conclave, ubi illa latebat; cùm audiſſet loquentem, perterrefactus, machinam fuſſe contrivit: at poſt interrogatus, cùm dixiſſet, ſe ſtatuum confregiſſe, exclamavit Albertus: Opus triginta annorum deſtruxiſti. Statua illa, tam diuturno labore, à tanto Viro, non caſu aliquo confecta fuit; & ipſum hominem, vivum, intellectivum, caſu confectum credemus? hominem inquam, qui teſte Ariſtotele lib: 6: Ethic: cap: 6. *Eſt rerum omnium, quæ in mundo ſunt; una omnium præſtantiſſima.* teſte verò Pythagora, *eſt omnium Meſſura*; ex hominis enim fabrica, tanquam perfectiſſimo naturæ ædificio, ſumpta eſt omnis Architectonica ſymmetria; ut docet veterum Architectorum præſtantiſſimus, Vitruvius lib: 3. ſuæ Architect: cap: 1. & alii. Unde ad commenſurationem humani corporis facta eſt & Arca Nòe: ut oſtendit Divus Auguſtinus lib: 15. de Civit: cap: 26to: Salomonis quoq; templum exſtructum: ut demonſtrat Pater Vilalpandus; pluraq; quàm centum millia proportionum, in ſolius hominis fabrica conſideranda veniunt; ut cum pluribus notavit Pater Leſſius lib: 1. de Providentia num: 36. Hominemne caſu factum cenſebimus, qui eſt *μικροκοσμος*, Mundi majoris Breviarium; totius enim Univerſitatis ſummam in ſe aliquo modo continet, eſtq; quoddam velut conclave naturæ; eſt enim in illo mixtum ex Elementis corpus: vita ſtirpium: brutorum animantium ſenſus: Angelicæ mentis, propter intelligendi vim, participatio. Quem, ob Naturæ Majeſtatem, Sapientiſſimi quiq; Egyptiorum, meritò appellârunt, Miraculum Miraculorum: quibus conſonat S. Auguſtinus Homiliâ 37, ex 50. inquiens: *Miratur alia homo, cùm ſit ipſe mirator, magnum miraculum.* Porro quàm magnum ſit miraculum homo, Probatio ſequentis Propositionis manifeſtat.

2da Propositio.

Causa pròductiva hominis est Ens summæ Potentiæ, Sapientiæ, ac Bonitatis.

Documenta Omnipotentia ac Sapientia, inter alia innumera, sunt hæc: Ex parva gutta ferè homogenea humani seminis, conjecta in Naturæ officinam, consurgit tam excellens fabrica hominis, cum tanta diversitate partium, & numerositate! illarum nutrimentum & augmentum, ex introsumptione & concoctione multiplici, quàm mirabile! Concurrent quidem Parentes ad generationem prolis, semen ortus jacentes: verùm quis edocuit matrem, ex injecto semine, per commutandi vim infantilia membra formare? quis tot ossa, tot miris conjuncturis inter se arctè conjunxit? tot nervos, omnis motus fortes ministros, toto corpusculo infantis, tam opportunè ac sapientissimè distendit? quis tot venas sanguinis, ad omnes partes diduxit? tam stupenda ad sensationes toto corpusculò effodiendas posuit organa? quis ossa, nervos, venas, viscera, carnem, sanguinem, aliasq; partes & membra ita colligavit, ut cum diversa corpori videantur præbere officia, in tantam tamen complexionis gratiam conveniant, ut omnia sibi necessaria, omnia probentur accommoda. Nihil enim in homine membrorum est, quod non & necessitatis causâ sit, & decoris. Quis inquam hæc efficere potuit, nisi Ens summæ Potentiæ & Sapientiæ? Rectè illa Mulier, repleta sapientiâ & foemineæ cogitationi masculinum animum inferens, dixit ad filios suos, 2. Machab: 7. , Nescio, qualiter in utero meo apparuistis: neq; enim ego spiritum, & animam donavi vobis, & vitam, & singulorum membra non ego, ipsa compegi: Sed enim Mundi Creator, qui formavit hominis naturam, quiq; omnium invenit originem & spiritum, vobis iterum, reddet cum misericordia & vitam.

*Fabrica
humani
corporis
quàm ex-
cellens!*

Caput, reliquis membris eminent, tanquam Cælum elementis; Arx, urbis mœnibus: ex octo frustis seu ossibus constat: tum ut tutius esset (parte enim fractâ, non est necesse totum vitari) tum ut fuliginosa excrementa commodius evaporare possint, & venæ ingredi; ossa illa octo, futuris tenuissimis conjuncta sunt, ut firmitus contineantur, ne evanescat calor cerebri, frigoriq; aditus minus pateat, ac

*Capitis
structura
admiranda.*

*Item
Cerebri.*

major sit, tali ratione, securitas cerebri. Capilli capitis, nos defendunt à sole, & à pluviis tegunt, frigusq; arcant. Mollius est cæteris cerebrum, quia omnes suscipit sensus: eò enim nervi referunt universa, quæ vel oculus viderit; vel auris audierit: vel odor inhalaverit: vel lingua increpuerit: vel os, saporis acceperit: ut dicit Sanctus Ambrosius, ac Philosophia docet. Membrana cerebri tenuissima, ne cerebrum gravitate lædat: durissima item; ut dilabi substantiam, in concussionibus illius, non patiatur.

*Nec non
oculorum.*

In Oculis, ut in purissima Naturæ speculo, quivis facile, summam Potentiam & Sapientiam cernere potest illius Opificis, qui tantam in fronte extruxit speculam. In antrum quoddam ac veluti sinusam vallem retrusi cernuntur oculi, quò & eorum securitati provideatur, & minori Naturæ dispendio, spiritus ac species visibiles, dissipentur, sicq; collecta virtus sit fortior: unde & homines habentes profundos oculos, acutiùs ac longinquius vident, quàm qui habent oculos prominentes. Quin ut extrinsecus, irruentibus injuriis, minus sint obnoxii, offibus undequaq; & palpebris quasi propriis sepimentis sunt obvallati; palpebræ enim sunt positæ contra improvisos luminis, fumi, ac pulveris incurfus, juvantq; ad rectam directionem radiorum visualium, & ut ad libitum videret oculus, quæ & quando vellet. Pilis, tanquam telis & hastilibus, muniuntur, quibus cilia nomen impositum, quo pulvisculorum, festucarumq; damna arceantur, ac excludantur in volatu culices, aliaq; insecta; supercilia verò sunt, ut rectum quoddam, quæ defluentem à fronte sudorem excipiant, & ad tempora transmittant. Duo collati sunt oculi: cum enim visus sit maximè necessarius homini, provisum est, ut, si unus lædatur vel destruat, alter eidem sufficienter inserviat. Rotunda est eorum figura: hæc enim maximè est ad motum idonea, & minus læsioni obnoxia. Magnitudo eorum tanta est, quanta ad rerum imagines sufficit: natura tota est humida, mollis, lubrica, splendens, perlucida, ut celerius rerum omnium colores ac imagines, excipiat. Tota oculi fabrica constat ex nervo optico, septem tunicis, tribus humoribus, septem musculis; quorum unus movet oculum sursum; alter deorsum; tertius ad dextram; quartus ad sinistram; quintus & sextus oculum circumagit; septimus eundem sustentat, ut obtutum figat: constat

venis

venis & arteriis quàm plurimis, copiosôq; adipe, quò tanquam lanâ obvolutus oculus, mollius intra suam orbitam recumbat, ac facilius moveri possit. Portento simile est, quòd uno corpusculo, aptissimè, tam varii generis particulæ conclusæ sint. Quòd tam distantia objecta, tam celeriter, sine ullo labore; & propinqua objecta, tam exquisitè attingat: quodve in illo, sine ulla confusione, concentrentur species tot objectorum. Quòd sit index internorum animi affectuum, ac morum. Quòd illi provisæ sint omnia necessària ad videndum: nempe lumen, objectum coloratum, & specierum diffusio.

Auris tympanum, nonne clarè personat sapientissimum suum Architectum? Auditûs infimam sedem ambiunt tria ossa tenuia (ut ex communi Physicorum sensu & experientia, docet Comptonus) unum instar incudis, alterum instar malleoli, tertium ad formam stapedis. His vicina est membrana, per quamdam cavitatis illius partem transversa, quam tympanum vocitant: Et ut ad oculos, ita ad aures, nervi à cerebro derivantur; ut spiritus animales, ad eas deferant, & ut cerebrum vicissim, per eas, species rerum ab auribus recipiat: Auditus ipse consistit in materia quadam fluida, & subtilissima, instar æris purissimi, quæ sita est in imo tortuosi cujusdam tractûs instar labyrinthi, qui per varios flexus, eò tandem ducit. Extra autem eminent aures, & tegendi causâ factæ, tutandiq; sensûs, ac ne adjectæ voces laberentur, atq; errarent prius, quàm sensus ab his pulsus esset. Duros & quasi corneolos habent introitus, multisq; cum flexibus, quòd his naturis relatus ampliatur sonus; ut cum aliis notavit Cicero lib: 2 de Nat: Deor. Ipsæ quoq; sordes aurium, non inutiles: nam & ligant vocem, ut tenacior ejus in nobis memoria sit, & gratia: &, si quæ bestiola irrumpat, in visco inhæreat.

Aurium.

Nares, quàm sapienter positæ sunt! ut odores percipiantur, purgamenta capitis defluant, spiritus trahatur: humidæ perpetuò, ad pulverem, multa; alia repelienda. In summitate interioris partis narium, olfactus situs est, ac in duabus particulis carnis spongiosis, instar mamillarum, quæ cerebro sunt proximæ.

Narium, &c

Gustus in lingua; quàm admirandè locatus est, præsertim in ipsa cuspide linguæ! Sensus verò Tactus, diffusus est per totum ferè corpus, residetq; in carne, sed præcipuè in nervis: objectum cujus

sunt

sunt primæ qualitates; durities item ac mollities, impulsus; item qualitas dolorifera, & causans voluptatem. Licet verò in aliquo sensu superetur homo à quibusdam animantibus; ut Visu, ab aquila: olfactu, à cane &c. tamen in collectione omnium sensuum, superat homo reliqua animalia. Prætermitto admiranda sensus interni communis, & Appetitus.

*Lingua
humana
officia.*

Lingua humanæ quot sunt munera, tot Potentiæ & Sapientiæ insignia documenta. Lingua, Typus verborum: Mentis & arcanorum explicatrix: Manus Rationis: Memoria Clavis: Tribunal Judiciale poculentorum ac esculentorum. Illa cibum colligit extenuatum mansumq; dentibus, agitatione, impulsu, motibusq; suis, depellit ac tanquam edentis manus detrudit in stomachum. Illa est efformatrix vocis, quæ omnium animantium voces vincit magnitudine, spectatâ humani corpusculi portione: vincit varietate: nam cætera animalia parvis ætatis, ferè similem semper habent vocem; vincit & suavitate: si excipiat paucas canoræ vocis aviculas: vincit demum teneritudine ac mollitudine; hinc tot, tantæq; cantuum inflexiones: tot argutiæ soni in cantu, ad imitationem usq; absolutam cantus avium, & quorumvis animalium. Palati concavò, tanquam testudine (ut notat cum aliis Lactantius lib: de Opificio DEI, cap: 10.) tegitur linguâ, circumvallata dentibus, quasi murò; dentes autem ipsi, ne nudi, essent horrore, gingivis mollibus, quæ à gignendis dentibus nominantur, ac deinde labiorum tegminibus honestantur. Plures sunt porro dentes, scilicet triginta duo: ne uno exesò, aut afflicto, omnes paterentur. Structura eorum æqualis: quia talis ad benè loquendum necessaria; durities eorum, sicut in molari lapide major est, & asperior, quàm in cæteris ossibus; ut ad conterendos cibos, pabulumq; sufficerent.

*Dentium
structura*

Faciei,

Faciei humanæ quanta miracula! In Facie, vultuq; nostro, cum sint decem aut paulò plura membra, nullas duas in tot millibus hominum indiscretas effigies existere. In tam parva parte hominis, quàm excellens quandoq; pulchritudo! quàm clarè Facies, sui mutatione indicat affectiones corporis, affectusq; animi innumeros! Sed de hoc vide plura infra in Tractatu 3tio, sub Argumento 28.

*Manuum
& Digito.*

Digitis manuum loquuntur muti; sed ipsa constructio manuum & digitorum, non tacitè loquitur Bonitatem ac Sapien-
am

am sui Artificis. Bonitatem quidem, quod contulerit manus, quæ sunt Instrumentum instrumentorum: ut eas sapienter Aristoteles appellavit. Sunt Instrumentum ad omnes artes necessarium, paci; non minus, quam bello idoneum: Rationis ac Sapientiae ministri. Manuum beneficiò, Sapientum conscripta vel impressa monumenta habemus: habemus & memoriam eorum, quæ alias si non fuissent connotata à nobis, excidissent memoriâ; nec non absentes, literariè alloquimur. Imò Manus, etiam ad vocis humanæ usum collatae sunt: si enim (ut notavit cum aliis Sanctus Gregorius Nyssenus lib: de Opificio hominis, cap: 8.) homo sine manibus fuisset, carpendus ei per labra cibus fuisset: illa proinde crassa, & dura esse debuissent, & lingua, vel carne ampla, solida, aspera, quâ simul cum dentibus comminueret cibum: vel contra mollis versus latera fluida; ; cujusmodi est canum lingua: sicque homo ineptus redderetur ad loquendum. Sapientiam verò sui Opificis loquitur manuum talis dispositio, uti defacto est: hòc enim pacto ad rectam corporum multiformium comprehensionem optimè constituta est. Corpora sphaerica, ut benè teneantur, digitos quin; requirunt: quæ minima sunt, digitis duobus, eis; summis, indice & magnò comprehenduntur: quæ autem iis paulò sunt majora, iisdem quidem digitis, sed non extremis: quæ verò iis adhuc aliquanto majora, tribus digitis, nempe magnò, indice, ac mediò: & si qua adhuc his sunt majora, quatuor deinceps & quin; post hæc jam totâ manu apprehenduntur; ad corpora deniq; his ipsis majora, manus altera adducitur; quorum nihil sanè fieri posset, nisi manus in digitos multiformiter divisa fuisset. Si ex uno latere formatus non esset pollex, sed omnes quin; in una recta linea essent facti, multitudo eorum foret inutilis; siquidem quod tutò apprehenditur, aut undiq; circulò, aut omnino ex locis duobus contrariis comprehendatur, oportet; id quod periisset, si omnes in una recta linea, uno ordine facti fuissent digiti: nunc verò hoc ipsum digitò uno aliis oppositò, diligenter servatum est: qui digitus est brevior, ne alios impediat: & crassior, ut ipsa suâ crassitie fiat robustior; ideoq; & pollex dictus: quod vi ac potestate inter ceteros polleat, siquidem aliis æquivalere debet in labore. Si carnosa non esset digitorum extremitas, sed ossæa, non possemus corpora parva: ut, festucam, pilos

*constru-
ctio indi-
cat Boni-
tatem &
Sapienti-
am DEI.*

comprehendere; rotundi ſunt, ut ſint fortiores ad ſuſtentandum, quod apprehenderunt. Unguis, extrinſecus, ut firmamentum eis appoſitus eſt: juvant item ungues ad radendum, ſcalpendum, excoriandum ac divellendum: creſcunt ungues in longum ſolummodo, aliis ſemper ſubnaſcentibus unguibus novis, & antiquos propellentibus: ut in locum ejus, quod affiduè exteritur, in ipſorum extremitate ſit aliquid, quod ſufficiatur. *Sic igitur* (inquit Galenus lib. 1. de Uſu partium, capite II. ex quo ſuperiora etiam de Manibus ac Digitis deſumpta ſunt, magna ex parte) *ad ſummam naturæ Providentiam pervenit Unguium conſtructio.* Quidni multò magis conſtructio Nervorum, articularum, cordis, hepatis, viſcerum, aliarumq; hominis partium nobiliorum? Quidni & Circulatio ſanguinis tam in homine, quàm in animalibus? de qua Circulatione, Medici Claſſici ac Philoſophi, hæc tradunt; quòd nempe ſanguis, motu veluti circulari, à Corde, tanquam à centro, ad circumferentiam, in univerſum Corpus, beneficiò arteriarum profuſus per venas undequaq; , tanquam à circumferentia ad ipſum tandem venæ cavæ truncum refluit; indeq; rurfum per dextrum Cordis ventriculum & pulmones, ad eundem ſiniſtrum Cordis ſinum redit, pari modo in arterias iterum remittendus. Quod ipſum, præter experientiam, comprobatur etiam ratione hæc. Quia talis circulatio debet fieri; tum ad calorem vitalem corporis conſervandum: tum ad variorum, qui in eo ſunt productionem. Nam quantumvis ingens ignis cordi ineſſe concipiatur, caleſcere tam remota membrum non poſſet, niſi ad ea novus ſanguis deſlueret, qui calorem deperditum reſarciret. Imò fieri non poſſet, quin ſanguis ipſe, qui naturâ ſuâ frigidus eſt, non congelaretur, niſi ad cor ſucceſſivè deveheretur, in quo novum calorem acciperet, novosq; ſpiritus mutuaretur! nec nutrireretur, niſi ſanguis in omnes corporis partes afflueret, & aliquæ ejus in extremitatibus arteriarum, per quas tranſeunt, membris adhærerent, ac in earum loco ſuccederent, quas inde amoverent; nec cibi concoquerentur, ac in ſtomachum ingeſti, converterentur in chylum, niſi in eo adeſſet vis è Corde per arterias dimanans, quæ cibos minueret, ac eorum ſolutionem juvaret.

*Circulatio
ſanguinis,
cur?*

*Obſectio
contra*

Quod ſi quis dicere audeat: plurima quidem Sapientiæ documenta relucere in ſtructurâ hominis, ſed non Bonitatis: probaretq; id

imò

1mo ex eo. Quia homini est corpus, à natura nudum, & inerme; Ani-
ma item, tanquam tabula rasa, omnibus artibus destituta. *2do*. Quia
probi sunt sæpè infelices, improbi felices. Huic Respondetur. *structurā*
hominis,
dissolvi-
tur.
Ad 1mum. Homo pro corporis nuditate, Manus: pro Animæ inertia,
Rationem ac locutionem accepit: hisq; tribus, tanquam Ministris re-
rum infinitarum, corpus vestit, armat, modisq; omnibus custodit; Ani-
mam verò, artium & scientiarum cognitione ornat; Bruta autem, quia
sibi vestes & arma parare non poterant, neq; pro libitu, ea assumere,
& deponere, collata sunt illis vestes & arma semper adhærentia, quæ
etiam cum crescentibus crescerent, nec indigerent refici. Ad 2dam
Objectionem Responsum est abundè suprà in Tractatu 1. Capite 2do
sub Propositione 3tia & 4ta.

3tia Propositio.

Anima humana est substantia spiritualis.

Quòd Anima sit Substantia, & non Accidens, patet. Est enim Ens
per se. Non ordinatur à natura primariò ad aliquid creatum ad-
æquatè à se distinctum: est Principium nobilissimarum tot operatio-
num: Domina suorum actuum, constituitq; per se Compositum sub-
stantiale, nempe hominem. Et certè si Anima rationalis, non est sub-
stantia, multò minis aliqua Forma vel Materia, vel Compositum ali-
quod esset substantiale. Quòd verò sit Spiritualis, probatur hæc Ve-
ritas, multiplici Ratione. *1mo*. Quia Objectum Animæ rationalis in
cognoscendo, est Universalissimum: cognoscit enim non solum Obje-
cta præsentia, præterita, & futura: sed etiam purè possibilia, & im-
possibilia: Item res indivisibiles: ut, puncta, lineas, & Entia spiritu-
alia saltem possibilia: item Objecta Universalia, à sensibus remota, ab-
strahendo à circumstantiis materialibus individualibus, loci, temp-
oris, magnitudine, colore, figura, & similibus. Elicit Conclusiones u-
niversales scientificas, ex Principiis universalibus; discurret de rebus
abditissimis, altissimis, deq; rebus longè post futuris: cognoscit æ-
ternitatem, relationes, proportionem unius ad aliud &c. Ejusmo-
di autem Objecta, & tali modò, nulla potentia materialis attingit:
hæc enim, nonnisi objecta attingit determinata aliqua certi gene-
ris:

Rationib;

varijs e-
vincitur,
quòd Ani-
ma huma-
na sit sub-
stantia.

Et quidem
spiritualis

ris: ut pater in potentia viſiva, auditiva. Imaginativa etiam potentia, tantum ſe ad ſenſibilia extendit, & quidem conjuncta certis circumſtantiis. Nec eſt ullum fundamentum poſitivum elevandi naturaliter Potentiam materialem ad ea omnia cognoscenda objecta, & tali modo, ut cognoscit Anima humana.

2dò. Quia Anima reflectit ſe ſuprà ſe (hiq; actus reflexivi ſunt independentes à phantaſmatibus) & ſuas actiones cognoscit ſe cognoscere: diſcernitq; an cognoscat certò, & quali certitudine: an ſolum probabiliter, & quali probabilitate. Nulla autem virtus corporalis, aut organica agit ſimpliciter in ſe ipſam, aut reflectit ſe ſuprà ſe: ſic Oculus non videt ſe, nec ſuam viſionem: nec Auris audit ſe, nec ſuam auditionem. Ergo &c.

3tò. Quia Anima humana delectatur cognitione rerum æternarum, Veritate, Famâ: reſiſtit cupiditatibus corporis; deſiderat naturaliter Religionem, Juſtitiam, aliasq; Virtutes; quæ non conveniunt naturæ corporeæ; habet dominium in ſuis actus, eſt liberrima in agendo, poſitis etiam omnibus ad agendum requiſitis &c. Hæc omnia ſatis manifeſtè homini non pervicaci declarant, Animam eſſe ſubſtantiam ſpiritualem.

4tò. Quia Intellectus hominis eſt ſpirituſ. Quod ipſum probatur. Tum quia facultas materialis percellitur, ac inepta redditur per vehementiam ſui Objecti: ſic Auditus læditur per ſonum nimis acutum: Viſus, per objectum nimis lucidum &c. Intellectus verò noſter non læditur per Objectum ſuum ſummè verum, ſed in illud maximè fertur. Tum quia Intellectus noſter expeditior eſt in cognoscendo, ſi ſe homo retrahat à ſenſibilibus, & oculos claudat: ſi verò eſſet materialis, multum juvaretur in ſuis operationibus per Objecta materialia & ſenſibilia. Tum quia Intellectus, quantum ex ſe fortior redditur cum tempore; nemo enim melius ratiocinatur, quam is, qui per multos annos ratiocinatus eſt: niſi forte per aliquod accidens, corrumpantur organa corporea; jam verò Facultas corporea, per ſuas actiones debilitatur cum tempore. Ergo intellectus non eſt corporeus, ſed ſpirituſ. Ergo & Anima eſt ſpirituſ: Intellectus enim vel identificatur Animæ: vel eſt ipſius proprietas & paſſio; proinde quò ad ſuam Eſſentiam non perfectior, quam Anima. Propter
has

has Rationes adductas, dico cum Sancto Augustino, Proposit: 28. *Incorpoream esse Animam, etsi difficile tardioribus persuaderi potest, mihi fa-*
teor facile esse persuasum. Et quidem apud Christianos certissimum id
 est. Scriptura enim sacra hanc veritatem docet: dicitur siquidem Ec-
 clesiaste ultimò. *Revertatur pulvis ad terram suam, & spiritus redeat ad*
DEUM. Joannis 19. de Christo Domino: *Inclinato capite tradidit spiri-*
tum. Ipseq; Christus Matth: 26. *Spiritus quidem promptus est, caro au-*
tem infirma. Item: *In manus tuas commendo spiritum meum.* Et Bea-
 tissima Virgo in Canticò suo, Lucæ 1. *Exultavit spiritus meus in DEO.*
 Sanctus Paulus ad Roman: 8. *Spiritus Sanctus reddit testimonium spiri-*
tui nostro: id est, Animæ rationali.

4ta Propositio.

Anima humana est immortalis.

Possè absolutè dari Animam, quæ sit Substantia spiritualis, immor- *Immortali*
 talis, certum est. Quæ enim in hoc implicantia? Defectò autem *tas anima*
 Animam humanam nostram esse immortalem, probatur multipliciter *humana,*
 imò. Quod docet Scriptura sacra: item quod docuit Christus Domi- *Argumen-*
 nus, Vir summæ Innocentiæ, Patrator miraculorum, illud est conso- *tis multi-*
 tum Veritati: ut constet ex iis, quæ fusè dicta sunt suprâ in Tracta- *fariis sta-*
 tu hoc 2do, cap: 3. & cap: 12. infrâ dicentur. Sed Scriptura sacra, & *bilitur.*
 Christus Dominus docent, Animam humanam esse immortalem: ut e-
 videns est. Nam toties promittitur vita æterna, & ignis æternus in-
 tentatur. Danielis 12. *Qui dormiunt in terræ pulvere, evigilabunt alii in*
vitam æternam: alij in opprobrium. Ecclesiastæ 12. *Ibit homo in Domum*
æternitatis suæ. Sapientiæ 3. *Iustorum Anima in manu DEI sunt, & non*
tanget illos tormentum mortis: visi sunt oculis insipientium mori, illi autè
sunt in pace. Elias dum vellet Filium Viduæ in Sarephtha resuscitare,
 3. Reg: 17. dixit: *Domine DEUS meus, revertatur, obsecro, Anima pueri*
hujus in viscera ejus: & exaudivit Dominus vocem Eliæ, & reversa est
(scilicet è limbo) Anima pueri intra eum, & revixit. Christus etiam
 Dominus dixit Matth: 25. *Ibunt hi in supplicium æternum: Iusti autem*
in vitam æternam. Et Matth: 10. *Nolite timere eos, qui occidunt cor-*
pus: Animam autem non possunt occidere. Ergo Anima humana est im-
 mortalis,

2dò. Quod omnes Gentium Nationes, omnibus ætatibus, & in iis quique Sapienſiſſimi tenuerunt, & tenent eſſe Veritati conforme, illud tale eſt. Ut conſtat ex dictis ſuprà in hoc Tractatu 2do, cap: 2. ſub Propoſitione 3. Sed Animam humanam eſſe immortalẽ, tenuerunt & tenent omnes Gentium Nationes, etiam Barbaræ, ut Indi Orientales & Occidentales, Japones, Turcæ, Mauri, Gentiles veteres, & in iis doctiſſimi quique. Sanguis item ex tot millionibus Martyrum effuſus, clamat Animam immortalẽ eſſe. Ergo eſt.

3tò. Animæ humanæ eſt à Natura inſitus appetitus æternitatis: item innatus eſt appetitus vitæ beatæ (quod ſit appetitus innatus, non elicitus, conſtat ex eo: quia ſingulis naturis benè conſtitutis ſentitur ineſſe quovis etiam vitæ tempore & uſu rationis, quique nec opinantes ſtimulat.) Sola autem vita æterna eſt verè beata; nam non æterna conjungitur anxietati ac timori eam amittendi. Ergo Anima eſt immortalis. Aliàs ille appetitus eſſet otioſus, fruſtraneus, fallax, continuoque afflictivus Animæ. Hoc autem dici nequit. Natura enim nihil facit fruſtra: nec fallitur natura circa finem ſuum, maximè naturalem, nec fallax eſſe poteſt inclinatio univerſalis omnium rectè ſentientium. Accedit. Quia debet dari ſtatus aliquis, in quo capacitas humanæ potentiæ intellectivæ & volitivæ expleri poſſit, & quieſcere tanquam in centro ſuo: expleri item poſſit appetitus ſciendi. Sed hic ſtatus non eſt præſens vita, ut patet, conſtatque etiam ex dictis. Ergo datur vita altera, proinde & Anima in vita illa durare debet.

4tò. Omnis Subſtantia ſpiritualis, eſt incorruptibilis. Sed Anima humana eſt Subſtantia ſpiritualis. Ergo eſt incorruptibilis, proinde & immortalis. Omnis enim Subſtantia vivens (qualis utique eſt etiam Anima?) ſi eſt incorruptibilis, eſt immortalis: hoc enim nomine Immortalis, denotatur. Minor hujus Syllogiſmi conſtat ex Probationibus ſuperioris Propoſitionis 3tæ, quæ cum hac Minore planè coincidit, Major probatur. Quidquid eſt naturaliter corruptibile, corrumpitur, vel ex defectu ſubjecti: vel, quod ſubjectum illius, ſit receptivum contrariorum accidentium, exigentium deſtructionem ipſius: & ſic pereunt formæ ſubſtantiales materiales: Vel ex introductione contrarii; ut plurima accidentia: Vel ex defectu Cauſæ conſervantis; ut lux, aliæque certæ qualitates: Vel quia finis ipſius eſt defectibilis:

bilis: unde hoc præeunte, nulla est necessitas, ut maneat. Sed Anima humana non potest corrumpi ex defectu Subjecti: cum nullum habeat. Nullum etiam habet sibi contrarium, quod ipsam destruat: Assensus enim & dissensus pugnant solum secum, non contra Animam: ut patet. Nec causa illius conservativa est defectibilis, nempe DEUS. Neq; connectitur cum fine defectibili; est enim ratione sui, cum sit Substantia. Ergo est incorruptibilis: proinde immortalis.

Confirmatur. Quia sicut Creatio, ita & annihilatio, non potest fieri naturaliter. Sed si Anima destrueretur, tunc annihilaretur: Non destrueretur enim manente illius Subjecto: nam illo caret. Ergo Anima destrui non potest.

Eandem de immortalitate Animæ veritatem, quæ est fundamentum totius honestatis, comprobant insuper plurima. 1^{mo}. Tot apparitiones Animarum, comprobatae tot & tantis testimoniis. 2^{do}. Tot resuscitationes mortuorum. 3^{io}. Tot miracula ad Ossa Sanctorum Martyrum patrata. Unde Sanctus Gregorius Magnus lib: 4. Dialogi, cap: 6. dicit: *Si vitam Anima manentis in corpore deprehendis ex motu membrorum. Cur non perpendis vitam Anima post corpus etiam per Ossa mortua, in virtute miraculorum?* 4^{to}. Dæmones ipsi, qui inserviunt Magis: Quid enim per sua servitia lucraretur dæmon, si Anima cum corpore perit? 5^{to}. Melius est mori, quam peccare saltem graviter: id enim ratione naturali innotuit ipsis Ethnicis. Unde Juvenalis Satyra 8. ait: *Summum crede nefas, vitam præferre pudori.* Sed si Anima periret unâ cum corpore, tunc non esset melius mori, quam peccare; quia mors hominis esset summum ipsius malum: toleret enim summum bonum intrinsecum, quia vitam præsentem. Recta autem Ratio dicat: quodvis malum pro summo malo avertendo, subeundum esse, & quodvis bonum pro summo bono retinendo, deferendum. 6^{to}. Quia homines, dum sunt morti viciniore, dum jam Anima incipit separari à corpore, tunc supra communem vitæ ordinem prudentius ratiocinari, majora dicere, cogitare, & ordinare solent, quam in omni vita antea. Item: quia Anima dum corpus in somno, tanquam cadaver jacet, illa videt absq; oculis: sine auribus, audit; sine ore, colloquitur; sine pedibus, ambulat, per totum orbem vagatur &c. Quæ omnia videntur indicare Animæ immortalitatem.

7^{mo}. Quia Anima Rationalis eſt forma per ſe ſubſiſtens. Poteſt enim operari abſolutè independenter ab omni ſenſu corporeo: nam multi etiam naturaliter paſſi ſunt ecſtaſim: ut videre eſt apud Sanctum Auguſtinum, lib: 14. de Civit: cap: 24. apud Conimbricenſes & alios. Auctores quidam ex eo etiam probant immortalitatem Animæ, quia horror naturaliter incutitur, dum conſpicitur cadaver hominis, vel ſepulchra mortuorum: item ex conſcientiæ clamore & anxietate, præſertim dum morti ſunt proximi illi ipſi, negantes immortalitatem; item ex honore, qui mortuis deſertur.

Rationibus allatis ſaltem ſimul ſumptis bene perpenſis, verè cum Divo Auguſtino lib: de Immortalitate Animæ, cap: 4. dici poteſt: *Maniſeſtum eſt, immortalem eſſe Animam humanam.* Severius loquitur Divus Chryſoſtomus Orat: 4. de Providentia: appellans eos, inſanos, qui Animam negant eſſe immortalem: & perinde facere, ac ſi in die, diem eſſe negent.

*Ad ſoluti-
onem Ob-
jectionum
deſervien-
tia.*

Nota hic 1^{mo}. Si concedatur Animam humanam poſſe naturali-ter poſt mortem manere, unâ vel alterâ die; concedi debet, poſſe illam & ſemper. Nihil enim eſt tertio die, vel anno, & ſic deinceps, quòd ejus deſtructionem naturaliter exigat magis, quàm primo die. Non dependet Anima eſſentialiter ab organis materialibus, aut phan-taſmatibus, ſed tantùm dependet ſecundùm ſtatum vitæ præſentis. Horrere ſolet Anima ſeparationem ſui à corpore; aſt ob incertitu- dinem venturorum ſuper ſe, poſt ſeparationem (unde horror iſte con- firmat potius Animæ immortalitatem) vel ob avulſionem à bonis temporalibus ſenſibilibus, quæ nimium quis diligebat. Hinc ordi- nariè, qui bona illa non nimis amârunt, habueruntq; teſtimonium conſcientiæ rectæ, mori optârunt: Unde legitur Job 14. *Cunctis diebus, quibus nunc milito, expeſto, donec veniat immutatio mea.* Et S. Paulus deſideravit diſſolvi, & eſſe cum Chriſto. ad Philip: 1.

Nota 2^{do}. Lux & ſonus, ſunt qualitates, eſtq; experientia pro illis, quòd deſinant: Sonus item & ſimilia, ſunt accidentia, per ſe de- ſectiva: ſtatimq; dum ſunt, deſinere incipiunt per partes: cauſam in- ſuper ſui conſervativam habent deſectibilem: nihil autem his ſimile, poteſt oſtendi in Anima humana, quæ eſt Subſtantia, & quidem in- diviſibilis. Si quæras; quidnam ſenſerit etiam Ariſtoteles de Ani-

ma?

ma? Respondeo. Longè saltem probabilius est, quòd secundum Aristotelem, Anima rationalis sit immortalis, idq; ipsum fusè probavi in libro, cui titulus: *Defensio Aristotelis & Philosophia Peripatetica*, in Tractatu I. sub 3^{ta} Propositione.

C A P U T XII.

De Miraculis.

Prima Propositio.

Miracula conscripta in Evangelijs, sunt verè facta à CHRISTO Domino.

PROBATUR Imò. Quia ab Evangelistis, & Apostolis, oculatis testibus, Viris Sanctis, conscripta sunt, qui pro Veritate Fidei, miraculis illis comprobata, vitam & sanguinem profuderunt, noveruntq; mendacium, grave esse peccatum, morte aternâ pleetendum: crediturq; iis, dum ignominias Christi referunt, cur non credatur iisdem, dum referunt miracula Christi? Pulchrè sanè Divus Isidorus Pelusiota, (ut ipsemet lib: 4. Epist: 31. refert) Gentilem quendam Sophistam, qui de DEO crucifixo, in effusum risum solvebatur, in multorum corona sic convicit. Quæsit Isidorus: Sed unde potes demonstrare, Christum crucifixum? Respondit Gentilis jactabundè: In vestris Evangelijs id scriptum est. Tunc Isidorus: Atqui in iisdem scriptum est, quòd resurrexerit, & in cælos redierit: si ergo unum credis Evangelio, crede & alterum. Hinc tantus est adstantium consecutus risus, & applausus, ut uterq; erubesceret: Isidorus de gloria; Gentilis de ignominia. Quadratus, Apostolorum Discipulus, Hadriano Imperatori porrexit librum pro Religione nostra compositum, in quo ait plurimos à se vivos, qui sub Domino Christo, variis in Judæa oppressi calamitatibus, sanati fuerant, & qui à mortuis resurrexerant: ut scribit S. Hieronymus in libro de Scriptoribus Ecclesiasticis. Acutè item ac solidè Divus Augustinus lib: 1. de Conf. Evang: cap. 7. ait: *Quid cause, cur de istis (Pythagorâ & Socrate) hoc credant (homines infideles) quod de illo, Discipuli eorum literis commendarunt, & de Christo nolunt credere, quod de illo ejus Discipuli conscripserunt, præsertim cum ab eo, ceteros homines sapientiâ superatos esse fateantur, quamvis eum fateri DEum nolunt. An verò illi, quos, isto, multò inferiores fuisse non dubitant,*

Veritas miraculorum à Christo patratorum, demonstratur ex multis Capitibus imò. Ex Auctoritate eorum, qui ea conscripserunt.

*tant, veraces de ſe diſcipulos facere potuerunt, & iſte non potuit? Et infra cap: 8. Si Scripturam eligunt, cur non Evangelicam, quæ tantâ auctoritate præpollet? Certè ſi ad gratiam & gloriam ſui Magiſtri hæc ſcripſiſſent, omiſiſſent, vel breviffimè ſolùm attigiſſent probra Chriſti: in miraculis verò recensendis, in reditu ab interis & aſcenſione explicanda, longam orationem texuiſſent; nunc autem videmus, eos moratos in exponendis ignominiis, cruciatibus, paſſione Chriſti: Reſurrectionem autem & Aſcenſionem, vix commemoraviſſe: plurima admiranda Opera Chriſti concisè, aridâq; oratione perſtrinxiſſe; ut Matthæus, dum ait cap: 4. v. 23. *Circuibat JESUS Galilaam- ſanans omnem languorem & omnem infirmitatem.* Et cap: 14. v. 36. *Quicunq; tetigerunt ſimbriam veſtimenti ejus, ſalvi facti ſunt.* Sanctus quoq; Joannes cap: 21. verſu ultimo, dicit: *Sunt autem & alia multa, quæ fecit JESUS, quæ ſi ſcribantur omnia, nec ipſum arbitror Mundum capere poſſe eos, qui ſcribendi ſunt, libros.* Ergo evidens eſt, eos ſincerè, non adulando, quidquam ſcripſiſſe. Non mediocre etiam Fidei (loquor verbis Sancti Ambroſii lib: 2. in Cap. 2. Lucæ) tibi hoc videatur exemplum, quòd vilis ſit perſona Paſtorum (addo ego: Evangelistarum & Apoſtolorum) certè quòd vilior ad prudentiam: eò pretioſior ad fidem: Non Gymnaſia choris reſerta Sapientum, ſed plebem Dominus ſimplicem requiſivit, quæ phalerare audita, & viſa, fucareq; nesciret.*

2dò.

Ex Oraculis Prophetarum & Sybillarum.

2dò Probatur. Quia patranda eſſe miracula à Chriſto, prædixerunt longè antè Prophetæ & Sybillæ. Iſaias enim inter alia dicit cap: 35.) *DEUS ipſe veniet & ſalvabit nos, tunc aperiuntur oculi cæcorum, & aures ſurdorum patebunt: tunc ſaliet ſicut cervus, claudus: & aperta erit lingua mutorum.* Ad hanc Prophetiam alludens Chriſtus Dominus, Matthæi 11. interrogatus à Diſcipulis Joannis: Tu es, qui venturus es, an alium expectamus? Reſpondit: Euntes renuntiate Joanni, quæ audiſtis & vidiftis: Cæci vident, claudi ambulant, leproſi mundantur, ſurdi audiunt, mortui reſurgunt. Sanctus item Matthæus, quaſi explicans illam prophetiam, cap: 15. ait: [Et acceſſerunt ad eum turbæ multæ, habentes ſecum mutos, cæcos, claudos, debiles, & alios multos, & projecerunt eos ad pedes ejus, & curavit eos, ita, ut turbæ mirarentur, videntes mutos loquentes; claudos

dos ambulantes; cœcos videntes: & magnificabant DEum Israel. Sybillæ etiam Libicæ de Christi miraculis Vaticinium habetur ejusmodi:

*Ille quidem pressos morbis, sanabit & omnes
Læsos quotquot ei fident, cœciq; videbunt.
Incedent claudi, surdis audire licebit:
Insolitas mutis dabitur formare loquelas.
Expellet furias, oppressi morte resurgent.*

Rursus alia Sybilla, ut refert Lactantius lib: 4. Institut: cap: 15. vaticinata est sic: *Fluvios perambulabit, morbos hominum resolvet, vivificabit mortuos, arcebit dolores à multis.*

3tiò Probatur. Quia nullus ex Pharisæis, vel aliis Hebræis, infensissimis hostibus Christi, scripto aliquo, falsitatis unquam convicit Evangelistas & Apostolos, narrantes miracula in medio Jerosolymæ, & aliarum Urbium facta. Imò, quinquagesimo circiter die post necem Christi, Sanctus Petrus, primâ concione in Urbe ipsa Jerosolymæ habitâ, convertit circiter tria millia Judæorum: & secundâ concione ibidem quinq; millia virorum: Multa etiam turba sacerdotum obedi-
ebat Fidei: ut legitur Actorum cap: 2. 4. & 6. Rabbi Haccanas, eum Redemptoris gesta ac miracula oculatus eorum testis descripsisset, ita demum conclusit: *Sum ipse unus ex illis, qui credunt in eum, & ablui me aquis Sanctis, in ejusq; viis rectis incedo:* ut refert Galatinus lib: 1. de Arcanis Scripturæ, cap: 4.

3tiò.
*Quia nun-
quam falsi-
tatis con-
victa, quin
approbata
à plurimis
Judæorū,
miracula
Christi.*

Nec omnino contemnenda miraculorum Christi comprobatio desumitur ex Epistola, quam Edessæ Syriæ Civitatis Rex Abagarus, in totam Syriam Christi famâ & ejus miraculis pervulgatis: ut habetur Matthæi 4. scripsisse fertur ad Christum, in qua inter cætera leguntur hæc: [Insignes illas virtutes, & curationes, quæ abs te sine medicamentis, & sine herbis factæ sunt, auditlone accepi: cæcos enim, ut fama est, videre efficis: claudos ambulare, & leprosos mundas: spiritus iracundos & demones ejicis: eos etiam, qui diutius morbis pressi sunt, sanas; mortuos deniq; ad vitam revocas, &c.] Epistolam hanc, Eusebius, Histor: lib: 1. cap: 3. testatur se in publicis Archivis & Annalibus Edessæ Ecclesiæ Urbis reperisse, unâ cum Re-

*Necnon à
Rege Aba-
garo.*

sponsorio.

& utramq; è Syriaca lingua in græcam tranſtulit. Meminit & harum
 Epiftolarum Sanctus Ephrem, ejuſdem Civitatis Edeſſæ Diaconus in
 ſuo teſtamento: cujus Viri Sancti Opera legi conſueverant publicè
 in Eccleſiis poſt Divinæ Scripturæ lectionem, teſte Sancto Hierony-
 mo in libro de Script: Eccleſ. Meminit item Darius Comes in ſua
 Epiftola ad Sanctum Auguſtinum ſcripta, quæ exſtat tomo 2do Ope-
 rum Divi Auguſtini, Epift: 263 Theodorus item Studita, in Episto-
 la ad Paſchalem Papam, & alii. Comprobat miracula Chriſti, etiam
Item ipſe Pilatus, qui, ut ait Sanctus Gregorius Thuronenſis lib: 1. Hiſto-
à Pilato. riæ, cap: 24. geſta ad Tiberium Cæſarem mittit, & ei tam de Virtu-
 tibus Chriſti, tam de Paſſione, quàm Reſurrectione ejus inſinuat, quæ
 geſta apud nos hodie retinentur ſcripta: Tiberius autem hoc ad Se-
 natum recensuit, quod Senatus cum ira reſpuit pro eo, quòd non ad
 eum primitus adveniſſet. Et longè ante illum Tertullianus in Apo-
 log: cap: 5. ait: *Tiberius ergo, cujus tempore nomen Chriſtianorum, in*
Et à Ti- *ſæculum introivit, nuntiatum ſibi ex Syria Palaſtina, quòd illic Veritatem*
berio. *illius Divinitatis revelaverat, detulit ad Senatum cum prærogativa ſuffra-*
gij ſui (referendo nempe Chriſtum in numerum Deorum ſuorum)
Senatus (& præcipuè Sejanus, Præfectus Prætorii) *quia non in ſe* (id
 eſt, quia id inconſulto Senatu fecerat: decretum enim erat vetus, ne
 quis abſq; Senatûs Auctoritate inter Deos referretur) *probaverat, re-*
ſpuit: Cæſar autem in ſua Sententia manſit, comminatus periculum accuſa-
toribus Chriſtianorum. Et capite 21. enumeratis miraculis, Reſurrecti-
 one, Aſcenſioneq; Chriſti dicit: *Ea omnia ſuper Chriſto Pilatus, & ipſe*
jam pro ſua conſcientia Chriſtianus, Cæſari tum Tiberio nuntiavit (quibus
 ut dictum eſt, credidit Tiberius, verùm Senatûs approbativâ Senten-
 tiâ deſtitutus eſt) *ſed & Cæſares* (alii, Apoſtolorum monitis) *credi-*
diſſent, ſuper Chriſto, ſi aut Cæſares non eſſent ſæculo neceſſarii, aut ſi &
Chriſtiani potuiſſent eſſe Cæſares. Ita enim ſe tunc ſæculum, id eſt humanæ
 res habebant, ut Cæſarum imperiò egerent, & ſæculo, ac Chriſtiano
 malè conſultum videbatur, ſi Cæſar idem & Chriſtianus fuiſſet. Si-
 milia de Pilato habet Eusebius lib: 2. Hiſtor. cap: 2do. & in Chronico
 ad Annum Chriſti 38. Oroſius lib: 7. cap: 4. Cedrenus ac paſſim alii.
à Joſepho Joſephus item Judæus, Regio ſanguine editus, qui proximè poſt Chri-
ſcriptore. ſtum vixit (in excidio enim Jeruſolymæ captus, Romam ductus ab
 Impe-

Imperatore Tito, ei ac Vespasiano percharus, utpote cui prædixit Imperium, ob suiq; ingenii excellentiam, à Senatu & populo Romano promeritus, ut eo vivente, libri ejus Bibliothecæ publicæ traderentur, eiq; post mortem, statua ænea poneretur: à Sancto Hieronymo, Epist. 22. Livius Græcus appellatus) Is inquam, Josephus, divinâ virtute adaectus: vel publicâ notitiâ & Veritate: vel quia jam fide (ut opinatur Galatinus locò suprà citatò) Christo adhæserat, in Judaismo licet perseverans, generaliter confirmat miracula Christi, dum libro 18. Antiq. , cap. 4. ita scribit: [Eodem tempore (nempe, quò Pilatus administravit Judæam) fuit JESUS, Vir sapiens: si tamen Virum eum fas est dicere: erat enim mirabilium operum Patrator, & Doctor eorum, qui libenter vera suscipiunt: plurimosq; tam de Judæis, quàm de Gentibus sectatores habuit. Christus hic erat, quem accusatum à nostræ Gentis Principibus, Pilatus cum addixisset cruci, nihilominus non destiterunt eum diligere, qui ab initio exeperant: apparuit enim illis, tertia die vivus, ita, ut divinitus de eo Vates, hoc, ut alia multa miranda prædixerunt, & usq; in hodiernum diem, Christianorum genus, ab hoc denominatum, non deficit.] Hæc ille. Addo & testimonium Mahometis, qui in Alcorano, capite Elbachera, introducit DEum loquentem sic: [Dedimus JESUM Filium MARIE, ut faceret miracula, & prodigia manifesta: & fecimus eum, per Spiritum Sanctum, & insufflavimus in MARIAM de Spiritu nostro, & conceptus est Christus ex Virtute DEI, de Matre Sanctissima & purissima, super omnes mulieres.]

à Mahomete.

Certè hæc Probatio 3tia, magni roboris est; nam ut sapienter advertit Divus Chrysostomus Homiliâ 28. in Joannem: Maximum Argumentum Veritatis est, cum quis, inimicos in testimonium adducit. Et Lactantius lib. 4. de Divina Sapiencia, cap. 12. Satis firmum testimonium est ad probandam Veritatem, quod ab ipsis perhibetur inimicis.

4tò Probatur. Quia miracula Christi fuisse vera, probat miraculorum multitudo innumera, non tantum ab Apostolis, verum & ab innumeris aliis, ferè continuò per mille, suprà sexcentos annos, in nomine Christi patrata, vel ad Reliquias Sanctorum facta; conscripta à Viris doctissimis, sanctissimis, Athanasio, Hieronymo, Augustino, &c.

4tò.
Veritas
miraculorum Christi, com-

probatur
innume-
ris San-
ctorum
miraculis.

Basilio, Gregorio, Sulpitio, Beda, Bernardo, Bonaventura, Antonino, & aliis: rigide examinata à Sapientibus, etiam juramentis multoties testium oculatorum, omni exceptione majorum, comprobata, nec refutata à Coartaneis, sed consensu tot populorum & Gentium acceptata. Sanctus Augustinus lib. 22. de Civit. cap. 8. recenset fusc multa miracula grandia, quorum ipse testis de visu fuit. Æneas Gazeus, qui vixit circa Annum Christi 490, Vir doctissimus, in fine libri sui de Animæ immortalitate ac Resurrectione corporum, asserit, se, propriis oculis vidisse Sanctos illos, qui in persecutione Vandalica, abscissis linguâs, optime loquebantur. Tribunal itidem Romanum, in miraculis investigandis rigidissimum (ut demonstravi in libro, cui titulus: *Gradus ad Atheismum*, in Tractatu 1.) ex Viris doctissimis congregatum. Item alia Tribunalia Ecclesiæ Orthodoxæ, per tot centena annorum, omnino semper errasse, vel semper mentita fuisse, in approbandis miraculis, quis prudenter sibi persuadere potest? Si autem, vel semel non errarunt, nec mentita sunt in approbando aliquo miraculo, jam convictus est evidenter Atheus. Richardus Hachultus, licet Calvinista Minister Anglus, in secundo Volumine de primis Navigationibus, parte 2. pag. 8. scribit sic: [Pius ille Confessor Indorum, in iis, quæ ad Religionem pertinent Institutor, Franciscus Xavier: post multos exantlatos labores, post injurias & calamitates magnò animò superatas, omnibus benedictionibus plenus, obiit Anno 1552, postquam multa hominum millia ad fidem Christi perduxisset. De hoc Viro sancto, Virtutibus ejus, & mirabilibus, omnes recentes Historiæ testantur.] Verificatur etiam modò de nostris temporibus, quod olim Divus Augustinus lib. 22. de Civit. cap. 8. scripsit de suis: [Etiam nunc fiunt miracula in Christi nomine, sive per Sacramenta ejus, sive per orationes, vel memorias Sanctorum ejus: sed non eadem claritate illustrantur, ut tantâ, quantâ, illa (nempe conscripta miracula in Evangelio, vel Actibus Apostolorum) gloriâ diffamantur. Canon quippe sacrarum literarum, quem diffamatum esse oportebat, illa facit ubiq; recitari, & memoriæ cunctorum inharere populorum. Hæc autem ubicunq; fiunt, ibi sciuntur vix à tota ipsa Civitate, vel quocunq; commanentium loco: nam plerunq; etiam ibi paucissimi sciunt, ignorantibus cæteris, maxime si magna sit Civitas:]

&

, & quando alibi aliisq; narrantur, non tanta, ea commendat auctoritas, ut sine difficultate, vel dubitatione credantur, quamvis Christianis fidelibus, à fidelibus indicentur. J

1^{to} Probat. Quia, ut sapienter dicit Divus Thomas lib: 1. contra Gentes, cap. 6. Hæc tam mirabilis Mundi conversio ad Fidem Christianam, indicium certissimum est præteritorum signorum: ut ea ulterius iterari necesse non sit, cum in suo effectu appareant evidenter. Sed de hoc ipso vide plura infra in Tractatu 3^{to}, sub Argumento 34.

1^{to}.

*Compro-
batur i-
psa con-
versio
Mundi.*

2da Propositio.

Opera mirabilia Christi Domini, non fuerunt facta vi Agentium naturalium: nec ope Demonis, verèq; erant talia, ut apparebant.

Veritas hujus Propositionis, licet sufficienter constare possit ex dictis. Insuper tamen per partes probatur. Prima pars Propositionis patet. Tum quia si non superant vires causarum naturalium, cur ejusmodi opera mirabilia non sunt ab aliis frequenter? Aut ediffere, quænam sunt causæ naturales talium mirabilium? Tum ex ipsis effectibus. Nam à sæculo non est auditum, quod naturaliter aperti sunt oculi cæci nati. Vel mortui perfectè, planè revixerint. Tum ex modo. Quia Christus, mirabiles illos effectus subito, sine ulla resistantia, & sæpius ad quancumq; distantiam, sine impedimento interpositorum corporum, solo verbo, atq; imperiò patrabat: Vel certè oratione utebatur, & non alicujus rei adminiculò, quod ad illos effectus ex natura sua conducirer. Linivit quidem lutò oculos cæci: sed lutum potius ad obæcandos oculos valet, quàm ad illuminandos.

*Opera
mirabilia
Christi,
superant
vires cau-
sarum na-
turalium.*

2da etiam pars Propositionis evidens est, spectatâ tum summa innocentia & perfectione Vitæ Christi Domini: ut meritò ex hostibus suis quaesierit Joannis 8. *Quis ex vobis arguet me de peccato?* Tum spectato fine. Christus enim per illa mirabilia opera, nihil nocivum alteri, nihil contrarium honestati, nullum temporale lucrum intendebat; verum solius veri DEI cognitionem, rectitudinem morum, everisionem idololatriæ, ac potestatis dæmoniacæ, ipsosq; etiam

*Nec sunt
facta ope
Demonis.*

invitos nefarios ſpiritus è corporibus humanis ejiciebat. Si verò ſatanas ſatanam ejicit, quomodo ergo ſtabit regnum ejus? ut benè argumentatur Chriſtus Dominus Matthæi 12. refellendo calumniam Phariſæorum blaſphemantium: Hic non ejicit Dæmoniâ, niſi in Beelzebub, Principe Dæmoniorum. Accedit. Quia vera reſuſcitatio mortui, ſecundum ſe ſpectata; alia autem mirabilia, ſpectata ſaltem eò modò, quò illa patravit Chriſtus Dominus, longè ſuperant vires Dæmonis.

Nec fuerunt illuſoria.

3tia demum pars (quæ eſt contra quosdam Paganos, qui, ut teſtatur Origenes lib: 1. contra Celſum; miracula Chriſti, præſtigias & ſenſuum ludificationes fuiſſe, calumniabantur) conſtat. Tum ex dictis ſuprà, & hic immediatè. Tum quia cæcus verè experiebatur ſe videre, ac ſine ullo ductore, minimè erroneè, quò volebat, incedebat. Lazarus experiebatur ſe vivere, vixitq; poſt ſui reſuſcitationem annis 30: ut ſcribit Sanctus Epiphanius. Mulier etiam illa nobilis & opulenta, à fluxu ſanguinis tactu ſimbriæ veſtimenti Chriſti, verè ſe ſanatham experta, teſtataq; id eſt non ſolum voce, verum etiam æneis ſtatuis tam Chriſti, quàm ſui effigiem repræſentantibus, in memoriâ beneficii accepti erectis ante fores domûs ſux, Cæſareæ Philippi, quas ſe oculis ſuis conſpexiſſe teſtatur Euſebius lib. 7. Hiſtor: cap. 14. additq; , quòd ex baſi illius ſtatux Chriſti Domini, naſcens herba, cum Chriſti ſimbriam tetigit, morbis quibuslibet medebatur: Julianus verò Apoſtata, ſtatuum hanc dejecit, ac locò ejus, poſuit ſuam effigiem, ſed hæc fulmine icta diſſiliit, teſte Sozomeno lib. 5. cap. 21. Præſtigix verò, ſenſuumq; ludibria facilè evaneſcunt, & ille, quem alii deluſoriè cenſerent vivere, videre, vel ſanatum eſſe, minimè ſe experitur eſſe talem. Tum quia, ut notat benè Euthymius in Caput 5. Joan: & ex^o Cornelio à Lapide. Chriſtus, poſt facta miracula, ſolitus erat aliquid addere, ex quo miraculi veritas, ac magnitudo cerneretur. Sic paralyticum juffit tollere grabatum ſuum, Joan. 5. quod nonniſi ſanatus, imò fortis ac validus facere potuiſſet; ſic poſt multiplicatos à ſe panes, juffit fragmenta, panibus majora, colligi. Matthæi 14. Sic leproſo ſanato à ſe, dixit: Vade oſtende te Sacerdoti. Matth. 8. Ut cognoscat ſe gratiæ operatione mundatum. inquit Origenes. Sic ſuſcitata à ſe puellæ, juffit dare manducare, Matth. 9. Sic aquam

aquam in vinum versam, præcepit ferri architrchino, qui optimum esse vinum, pronuntiavit &c. Tum quia innumera fuerunt opera mirabilia Christi, quorum effectus erant diuturni, & in nullo eorum inventa est fallacia etiam ab infensissimis Christo Scribis, ac Phariseis. Unde non negabant, mortuum Lazarum, verè resuscitatum esse, sed potius malitiâ obcæcati, cogitaverunt Principes Sacerdotum, ut & Lazarum interficerent, quia multi propter illum abibant ex Judæis, & credebant in JESUM. Joannis 12. Accedit. Quia, ut scribit Sanctus, Augustinus lib. 19. de Civit. cap: 22. [Doctissimus Philosophorum, quamvis Christianorum acerrimus inimicus, etiam per eorum Oracula, quos Deos putat, DEUM Christianorum, DEUM magnum, Porphyrius confitetur.] Quâ ergo ratione, opera mirabilia Christi, præstigiæ meræ esse poterant? Addo. Faciant Athei similia opera mirabilia, vel saltem unum, ut ostendant præstigiâ fuisse, vel esse potuisse miracula Christi.

3tia Propositio.

Ante adventum Christi Domini in terras, plurima miracula vera sunt facta: & post ejus adventum.

INter alia enim innumera, facta sunt hæc. Diluviô Nôeticô totus Orbis involutus. Urbes quinque; sulphureo igne cælitus delapso, consumptæ. Moyses, viginti duo, clarissima edidit miracula. Elias duodecim: inter quæ, insigne illud fuit, quod Sarephtanæ viduæ filium mortuum suscitaverit (& hic est primus ab origine Mundi, qui legitur suscitatus.) Eliseus viginti quatuor patravit miracula: inter quæ, Sunamitidis filium è morte suscitavit, suoque cadavere, cadaver aliud reviviscere fecit. Josue, solem in cursu suo, immotum, fixumque stare fecit circiter horis quatuordecim; vel ut sentit Divus Justinus in Dialogo contra Triphonem, horis viginti quatuor: imò tunc etiam constiterunt & alia astra. Isaias verò ad preces Ezechiae, retraxit solem, decem gradibus. Sidrach, Misach, & Abdenago, tres hi Viri (erant enim tunc singuli, ferè quinquaginta septem annorum, licet vulgò vccentur pueri in Scriptura: eò, quod pueri abducti erant è Judæa in Babylonem) Regii sanguinis, & probabiliter,

*Miracula
varia re-
censentur
facta an-
te adven-
tum Chri-
sti.*

*Eclipsis
miraculo-
ſa Solis in
Paſſione
Chriſti.*

Ezechiæ Regis nepotes, in medio camino ignis ardentis ambulabant innocuè: tuncq; multa miracula contigiffè circa illos tres pueros, certum eſt: nam præter alia: ignis parcens pueris, concremavit Chaldaeos longè conſiſtentes: vincula diſſolvit puerorum, corpora autem ac veſtes eorum non attigit; in igne conſtituti, liberè loquebantur, uno ore dicentes: Benedicite omnia opera &c. Quod canticum miraculoſè eſſe compoſitum ab iis in fornace illa, probabilius eſt: afflavitq; ventus roridus, qui ignis vim reſtinxit, ac pueros refrigeravit. Daniel in lacum Leonum, bis miſſus, ſemper ab illis illæſus &c. Sol item miraculoſè defectionem & Eclipſim maximam paſſus eſt, poſitus in plenilunio, cùm eſſet ex oppoſito lunæ, paſſus inquam, dum Servator Mundi, crucis tormentum ſubiit. [Eramus (inquit etiam Sanctus Dionyſius, Philoſophorum Athenienſium præſtantiſſimus, oculatus, teſtis: in Epiſtola ſua ad Polycarpum) unà ambo nempe cum Apollophane, & ſtabamus ad Heliopolim, ac cernebamus, nec opinatò, cùm luna ſe ſoli objiciebat: neq; enim compoſitionis tempus erat; ruruſq; cùm eadem, ab hora nona ad veſperum, ſe mediæ Solis linæ, præter naturæ ordinem opponebat: hæc ſunt mirabilia illius temporis, quæ Chriſtus Auctor omnium efficere ſolus poteſt.] De hac miraculoſa Eclipſi, teſtantur etiam Gentiles Scriptores, ut Thallus Chronographus & Phlegon Libertus Hadriani Cæſaris, Olympiadum egregius Supputator, qui lib. 14. hæc habet: *Quarto anno ducentefima ſecunda Olympiadis* (quem eſſe Annum Æræ vulgariſ 33, apud omnes in conſeſſo eſt) *magna & excellens inter omnes, quæ ante eam acciderant defectio Solis facta eſt: dies, horâ ſextâ, ita in tenebroſam noctem verſus, ut ſtellæ cæli viſe ſint.* Citat hunc textum & Philoponus: Archiva etiam teſtantur Romana: Unde Tertullianus in Apolog. capite 21. dicit. [Eodem quidem momento, dies medium orbem ſignante ſole, ſubducta eſt: deliquium utiq; putaverunt, qui id quoq; ſuper Chriſtum prædicatum nescierunt, & tamen eum Mundi caſum relatum, in Archivis veſtris habetis.] Lucianus quoq; in Actis ſui Martyrii, alloquens Gentiles, dicit: [Perquirite in Annalibus veſtris, & invenietis temporibus Pilati, fugato Sole, interruptum tenebris diem.] Idem habet Origenes Tractatu 35. in Matthæum. Oroſius etiam lib. 7. cap. 4. refert Multos Græcorum in ſuis libris id teſtari.

Cer.

Certum item est, post adventum Christi Domini, nullum fuisse sæculum, in quo magna & plurima miracula non fuerint patrata; ut demonstrat Bellarminus & alii.

CAPUT XIII.

De Prophetiis.

Prima Propositio.

Futura contingentia nullus homo, viribus proprijs, certò ac infallibiliter scire potest, licet foret perfectus Astrologus.

PROBATUR. Dicat tibi perfectus licet Astrologus quædam præterita, imò & præsentia v. g. quid heri cogitasti? vel nunc cogitas? quid scripsisti, legisti, & quantum? De cibo & potu quantum sumpsisti? Prænuntiet certò futura quædam contingentia v. g. quotnam poma arbor illa pomus latura sit? quantus ex illa tritici semente, spicarum, & in singulis spicis, quantus granorum numerus sit proventus? Et certè fatebitur se nescire: cum tamen hæc posterioris generis, facilius prædici possent. Arbores enim, stirpes, spicæ, multo magis, quàm homo à syderum influxu pendent, minùsq; varia & incerta solent illis evenire, quàm homini. Item si quærat solidè doctus Philosophus ex Astrologo judiciario. Quotnam sint cæli, an compositi ex forma, & materia, & an hæc sit ejusdem speciei cum materia sublunari? quot stellæ, qualisq; earum magnitudo? lumen unde desumant, qualis illarum vis, motusq;? & reperiet Astrologum in respondendo hallucinari: Vel si temerariè audax, determinatè responderit intrepidus, inquirenda sunt responsionis ejus fundamenta; clarèq; deprehendentur, esse vel omnino falsa, vel levissima, vel ad summum, probabilia. Si enim evidentia forent, non laterent summos Philosophos, ac proinde cessaret hoc in passu opinionum tanta varietas & concertatio, qualem cernimus. Cum ergo Astrologus ignoret naturam astrorum, quidve respondendum sit ad illa quæsitæ: magis obvia, minùsve difficilia; quâ fronte jactare poterit, se certò ex astris corporeis scire, Regnorum, Urbium, bellorum, hominum eventus merè fortuitos, libertati spiritualis humanæ

Contingentia futura non posse certò prædici ab Astrologis, demonstratur multipliciter.

Animæ planè ſubjectos? Vel certò ſcire meos actus tales futuros, vel aliorum circa me, qui vel immediatè, vel mediatè ſaltem, pendent à libertate, proinde à cauſa indifferenti & ſpirituali. Ex aſtris non poteſt certò colligere Aſtrophologus, quo anno, menſe, die, horâ, locò natus ſum, & quæ mihi hucusq; obvenerunt bona vel mala. Quæ ergo ratione ſcire præſumit, quantum adhuc victurus ſum, annum, diem, locum, genus mortis meæ, aut quæ mihi bona vel mala obventura ſunt?

Confirmatur Propoſitio, imò verbis Divi Ambroſii lib: 4. He-
xæmeron cap: 4. [Aſtrophologi, quæ ſua ſunt, neſciunt: quomodo alia
noverunt? Quid ſibi imminet, ignorant. Quomodo poſſunt ali-
is, quæ ſibi futura ſunt, denuntiare? ridiculum eſt, credere, quia
ſi poſſent, ſibi potius providerent] 2dò, Futura contingentia non
poſſunt ſciri à Creatura, in ſe, cum necdum ſint in ſe. Nec poſ-
ſunt cognosci in cauſis creatis. Nam cauſa futurorum liberorum
non eſt connexa ex ſe cum futuritione; eùm ſit ex ſe indifferens,
quia libera. Nec poſſunt cognosci in effectu aliquo: eùm nullum
adhuc cauſaverint. Ergo ab homine naturaliter cognosci nequeunt.
Sicut nequeunt à cæco colores videri. Nihil enim eſt in intelle-
ctu, quod non fuerit in ſenſu. Unde ſapienter dicit Pindarus: Ad
futura (intellige contingentia) exæcutiunt mentes humanæ. 3tiò
Confirmatur. Tum ex eo, quia Aſtrophologia, levibus & planè ridicu-
lis innititur fundamentis: ſcilicet, quòd ſigna Zodiaci, alia ſint ma-
ſculina, alia foeminina: alia humana: alia beſtialia: quòd ſinguli pla-
netæ habeant triangula quædam, ex ſignis tribus triangulariter op-
poſita. Tum ex eo, quia Aſtrophologia judicaria falſitatis convincitur
in Geminis; eſtq; non tantum ab univerſo Orbe Chriſtiano, verum
etiam ab omnibus ſapientioribus Ethnicis, ſemper damnata. Cice-
ro lib: 2. de Divinat. dicit: [Permirum mihi videtur, quenquam
exſtare, qui etiam nunc credat Aſtrophologiſ, quorum prædicta quo-
tidie videt, re, & eventis refelli.] Porro, ut prudenter notavit
doctiſſimus Pererius in Genefin lib: 2. exercent hanc Aſtrophologiæ ar-
tem, gaudentq; hiſce commentis leviffima quædam ingenia, lucri
magis, quàm veritatis cupida: in Republica turbulenta, ac ſeditio-
ſa,

sa, & sapientiæ optimatibus semper infensa: rerumq; utilium & aliis notarum, fastidiosa: & quibus non tam cordi est, & curæ, vera esse, quam videri vulgo, ea ipsos scire, quæ summi Philosophi nescire se confitentur: Vulgus nonnisi stolidum, ad intelligendum hebes, infirmum ad judicandum, facile ad credendum, ejusmodi Astrologis, aures & fidem libenter adhibet. Et ut ait Sanctus Basilius: Quemadmodum aranearum tela, culices & muscas; ita Astrologi, indoctos nonnisi aucupantur.

Neq; dicas. Sed utiq; aliquando vera prædicunt Astrologi de futuris contingentibus? Respondetur enim id fieri. Tum quia, cum multa prænuntient, casu ex iis aliquid evenit: ista tamen omnia, quæ aut temerè, aut astutè, vera dicunt, præ cæteris, quæ mentiuntur, pars non est millesima: ut benè ait Phavorinus apud Gellium lib. 14. cap. 1. Tum quia, si Astrologi semper falsum dicerent, semperq; contrarium eveniret illorum prædictionibus, eo ipso, certò semper sciremus, quid nobis eventurum esset; & ita, si Astrologus assereret, me ad sexagesimum ætatis annum, non perventurum: jam certus essem, me perventurum, & sic de cæteris; cum tamen DEUS, futura velit nobis esse occulta. Tum quia non rarò Astrologorum prædictio vera est, ob stultam consulentium credulitatem: inde enim exsurgit ingens spes boni appromissi ab Astrologo: vel ingens metus mali prænuntiati: hi autem affectus, plurimùm juvant, quatenus industriâ prædictos fines consequantur; ut videre est exempla hujus ipsius apud Pererium in Genesi ad finem libri 2di. Insuper quidam Astrologi, habentes ingenium sagax, considerando temperamentum, affectionesq; hominum, & circumstantias, se consulentium, multa inde conjecturaliter inferunt eventura. Demum, quia ut libro 2do de Genesi ad literam, cap. 17. scribit Divus Augustinus, *spirituum seductorum operatio est, quibus quadam vera de temporalibus rebus nosse permittitur - partim quia vigent experientia callidiore - partim à Sanctis Angelis, quod ipsi ab Omnipotente DEO discunt, etiam jussu ejus sibi revelantibus.* Aliquando autem iidem nefandi spiritus etiam, *que*

quæ ipsi facturi sunt, velut divinando predicant. - Quapropter bono Christiano, sive Mathematici, sive quilibet impiè divinantium, & maxime dicentes vera, cavendi sunt; ne consortio Damoniorum, Animam deceptam, pacto quodam societatis, irretiant.

2da Propositio.

Futura contingentia sunt infallibiliter longè antè prænuntiata.

Demonſtra **P**ROBATUR. Quia mirabilis Nativitas Christi Domini, & Vita, præsertim verò ejus Passio, Mors, ac Resurrectio: (utpotè magis difficilia ad credendum) sunt à Prophetis sanctis prænuntiata, pluribus antè sæculis. Unde Sanctus Petrus, Actorum 3tio, dicit: *DEUS, qui prænuntiavit per os omnium Prophetarum, pari Christum suum, sic implevit, omnes Propheta à Samuel & deinceps, qui locuti sunt, annuntiaverunt dies istos.* Et Sanctus Paulus coram Festo Præsede, Agrippaq; Rege, testatus est, quòd de Christo Domino nihil dicat, præter ea, quæ Prophetæ & Moyses locuti sunt, esse futura. Sanctus Philippus, Nathanaéli dixit, Joannis 1. v. 45. *Quem scripsit Moyses, & Propheta in lege, invenimus JESUM.* Ipsemet quoq; Christus Dominus, Lucæ 24. *Incipiens à Moysè, & omnibus Prophetis, interpretabatur illis (Discipulis duobus euntibus in Emmaus) in omnibus Scripturis, quæ de ipso erant. & dixit: Necessè est impleri omnia, quæ scripta sunt in lege Moysi, & Prophetis, & Psalmis, de me.* Ideoq; ut consummaretur Scriptura (nempe: In siti mea potaverunt me aceto. Psalmò 68.) dixit: Sitio. Adimplevisq; se omnia, moriens in cruce comprobavit, dicendo: Consummatum est. Certè Isaïas, qui prophetavit ferè octingentis annis Christi adventum; Non tam Propheta dicendus (loquor verbis Sancti Hieronymi) quàm Evangelista; & non videtur prophetiam texere, sed Evangelium. Ex ipso Isaïa, sexaginta sex Textus de Christo, explicat Novum Testamentum: Et Leo Castrius collegit har-

harmoniam singulorum Capitum Evangeliorum, quæ Isaia respondent; ut omnia Evangelia ex Isaia derivatata esse videantur. Lege interim Caput 52. à versu 13: & totum Caput 53 Isaia, de Passione, Morte Christi, ejusq; fructibus, quæ ibi ita sunt aperta, ut (inquit Sanctus Augustinus libro 18. de Civitate, cap: 29.) etiam inimici intelligere cogantur inviti. Lege Psalmum 21. quem Christus cruci affixus, cum lachrimis cecinit: totam continet is Christi Passionem, adeo clarè, ut non tam prophetia, quàm Historia esse censeatur Passionis Christi. Lege Libri Sapientiæ Caput 2. à versu 12. ad versum 22. Jeremiæ Capitis 4ti versum 20. Baruch caput 3. à versu 36. Danielis caput 9. à versu 25. ad finem: Zachariæ caput 13. à versu 6. Et experieris veram esse Propositionem nostram 2dam. Evolve insuper Moyſis libros. Omnia enim Mosaica Sacrificia cruenta, præcipuè occisio Agni Paschalis, & sanguis Testamenti; item Aqua expiationis: Aquæ amaræ, versæ in dulces per ligni injectionem: transitus maris rubri: Venditio Josephi in Ægyptum, & ejus post, glorificatio: Manna: Exaltatio serpentis in ligno. Hostia animalium, quibus peccata imponebantur, ac liberè dimittebantur. Mors Summi Sacerdotis, post quam exules in Patriam redibant: Civitates quinq; refugii; Victoria ex Amalecitis, reportata, dum teneret extensas manus suas Moyſes; Item Arca Nòe: Scala Jacob: Sacrificium panis & vini Melchisedech: Abraham offerens filium supra montem. *Omnia hæc & similia in figura contingebant illis*, ut loquitur Sanctus Paulus 1. Corinth. 10: præfigurabantq; Vitam, Passionem, & Christi Mortem, ejusq; fructus, & Sacramenta, ab eo instituta. Quid singuli Prophetæ de Christo, ejusq; Ecclesia prædixerint, tractat inter alios fuse Divus Augustinus, Sanctus Justinus & alii passim. Porro notatum est à Viris sapientibus, ex Veteris Testamenti libris, contineri in Novo Testamento, Textus plures, quàm trecentos, ab Evangelistis, Apostolis, & Christo Domino citatos, ad nostræ Fidei Myſteria confirmanda, præcipuè de Vita, Morte, & dignitate Christi.

Neq; dicas imò. Prophetias illas, à Christianis esse confir-

*Obſectio
in contra
ſolvitur
duplex.*

etas: Vel ex Hebræo Textu non eſſe antiquitus benè verſas in linguam Græcam. Contra enim ſolidè urget Divus Auguſtinus libro 1. de Conſen: Evang. inſiciens: [*Quemadmodum ad confirmandam Religionem Chriſtianam, voluit DEUS præmittere Prophetas, qui longè ea vaticinarentur, quæ completa poſtea fuere in Gentibus, & quidem eas Scripturas voluit haberi præ manibus Judæorum inimicorum, ne dicerent Gentiles, hujusmodi prophetias à nobis conſictas; ita ne objicerent iisdem detractores, in gratiam Chriſtianorum, Judæos: vel ad confirmandam noſtra, aliquos ex Chriſtianis, poſt Chriſtum, ita in Græcam linguam vertiſſe Scripturas; voluit quadam ſingulari Providentiâ, trecentis annis ante Chriſtum, eas per Judæos Interpretes ex Hebraica transferri in linguam Græcam. Non abſimilia habet idem Sanctus in Pſalmum 68. Libro 18, de Civit: cap. 46. Epiſtola 3. ad Voluſianum, & alibi.*

Nèq; dicas 2dò. Prædictiones illas fuiſſe caſuales. Niſi velis imprudenter & impiè etiam dicere: Evangelium ab Evangeliftis, Hiſtorias item omnes ab Hiſtoricis, caſualiter eſſe conſcriptas. Accedit, quòd omnia Chriſtum concernentia ſint prænuntiata cum omnibus circumſtantiis loci, temporis, qualitate &c.

*De Sybil-
larum O-
raculis.*

Confirmatur Propoſitio. Quia Gentilium prophetiſſæ, Sybillæ, quarum Oraculis nihil habent Ethnici, aut verius aut fidelius. Unde Pòeta fidem ſuis dictis aucupans dixit: *Credite me vobis folium recitare Sybilla.* plurima clarè prædixerunt longè antequam fierent, præſertim de Chriſti Nativitate, Vita & Paſſione: ut videre eſt apud Sanctum Auguſtinum lib: 18. de Civit: cap. 23. & Oratione contra Judæos, Paganos, & Arianos, cap. 16. item apud Lactantium libro 4. Inſtitut: & alios plurimos.

Nota. Quòd plurima Sybillina carmina de Chriſto, ante ejus adventum, cenſebantur monſtroſa quædam Oracula, nec illorum Veritas penetrabatur à legentibus illa; ſicut, licèt Chriſtus Dominus ſat clarè & diſtinctè, futuram ſuam Paſſionem prænuntiaret, tamen, ut ait Sanctus Lucas cap. 18. *Ipsi nihil horum intellexerunt, & erat*

ver-

verbum istud absconditum ab eis, & non intelligebant, quæ dicebantur.
 Verissima tamen fuisse illa Oracula, eventus probavit.

2dò Probatur eadem secunda Propositio Inductione. Gene-
 sis 40. Joseph prædixit Pincernæ Regis Ægypti, & Pistorum Magi-
 stro incarceratis, quod prior, post triduum sit restituendus pristi-
 no officio, posterior verò in cruce suspendendus. Idem, Gene-
 sis 41. prædixit Pharaoni, septem annos sterilitatis, post se-
 ptem annos fertilitatis magnæ. imo. Regum 3. 10. & 28. Samuel
 prædixit summo Sacerdoti Heli, pœnas graves subeundas: Sauli
 Regiam dignitatem & victorias: dein & mortem violentam. Na-
 than (2. Reg: 12.) Davidi, ob adulterium & homicidium adjun-
 ctum, pœnas atroces, & mortem infantis: Eidem 2. Reg: 24. ob
 numeratum populum, Gad Propheta pestilentiam. Propheta (di-
 ctus Jaddo, juxta Sanctum Hieronymum) prædixit 3. Reg: 13, Josiam
 nasciturum, & ab illo immolandos sacerdotes idololatrias super al-
 tare, illudq; scindendum, ac effundendum cinerem. Ahias Cœcus
 dignoscit uxorem Jeroboam Regis. 3. Reg: 14. prænuntiatq; domui
 Regis multa mala, mortemq; filii ipsius. Juxta verba oris Eliæ (3.
 Reg: 17.) clausum est cælum tribus annis, & Viduæ non defecit hy-
 dria farinæ, & lecythus olei, non est imminutus, usq; in diem, in
 quo data est pluvia, juxta verbum Eliæ. Dixit Elias (3. Reg: 21.)
 Canes comedent Jezabel in agro Jezrahel, &c. Item (4. Reg: 1.) De
 lectulo super quem ascendisti (Ochozias Rex) non descendes, sed
 morte morieris. Elizæus (4. Reg: 3.) prædixit Regibus Juda, I-
 srahel, & Edom, in deserto pluvias, & victoriam ex Môabitis: Mu-
 lieri verò (4. Reg: 4.) dixit. In tempore isto, & in hac eadem ho-
 ra, habebis in utero filium. & cap. 5. Nâamo Principi Syriæ mun-
 dationem à lepra: Giezi verò lepram prædixit. Idem Elîsaus (4.
 Reg: cap. 7.) dixit: Hæc dicit Dominus in tempore hoc, cras, mo-
 dius similæ, uno statere erit, & duo modii hordei, statere uno in
 porta Samariæ. Respondens unus de Ducibus, super cujus manum
 Rex incumbibat, homini DEI ait: Si Dominus fecerit etiam cata-
 ractas in cælo, nunquid poterit esse, quod loqueris: qui ait: Videbis
 oculis tuis, & inde non comedes. Prædixit item, ut legitur (4. Reg.
 cap. 8. 9, & 13.) famem septennem; & Hazæli, futurum Regem Sy-
 riæ,

*De Oracu-
 lis vario-
 rum San-
 ctorum
 Veteris Tes-
 tamenti.*

riæ, multaꝫ; mala illaturum Iſrâeli: Jehu regnaturum in Iſrâel, ac per illum, delendam domum Achabi: A Rege Joas ter percutiendam Syriam &c. Iſaias cap. 19. & 20. prædicit Ezechiæ liberationem Urbis ab Aſſyriis. Eidem ſanctitatem, & quindecim annos vitæ: Solis reſeſſum quindecim lineis. Daniel cap. 2. & 11. multa prædicit de quatuor Monarchiis, de expeditione Xerxis contra Græcos; de Alexandri Magni Imperio, quod poſtea dividendum erat in quatuor Regna. Quæ omnia & ſingula, ſicut prædicta ſunt, ſic certò evenerunt.

De Oraculis Chriſti Domini. Confirmatur eadem Propoſitio. Chriſtus Dominus, ut patet ex Evangelio, inter alia veriffimè prædixit converſionem Gentium; Prædicationem Evangelii ubiq; terrarum; Trinam negationem Petri; Judæ prodicionem; Jeruſolymitanæ Urbis excidium, & modum. Prædixit multoties diſtinctè & ordine totam ſuam Paſſionem ac Reſurrectionem; Inventionem ſtateris in ore piſcis; occurſum hominis, amphoram aquæ portantis; inventionem pulli aſinæ; Diſcipulorum perſecutionem & miracula; Petri crucifixionem, & ſimilia. Alias innumeras certiffimas & evidentes prædictiones Sanctitate præcellentium, qui poſt Chriſtum ſingulis ſæculis, imò ſerè ſingulis Annorum decadibus floruerunt (ne fuſior ſim) prætermitto.





LIBRI PRIMI

PRO DEO CONTRA ATHEOS

TRACTATUS TERTIUS.

ARGUMENTA SUPRA QUADRAGINTA PROPONUNTUR EVERSIVA ATHEISMI.

STabilitis jam in superiori immediatè Tractatu multifariis Propositionibus, veluti Principiis, jam nunc descenditur ad ipsa Argumenta, quorum plurima, in illis Propositionibus fundantur. Porro Argumenta duo Negativa (hoc nomine intelligo ea, quæ vel principaliter devolvunt onus probandi ac respondendi, in Adversarium: vel illius fundamenta evertunt) libuit statim ab initio proponere, quatenus Athei, vel non graviter ab Atheismo abhorrentes, aliàs ad opinandum quodlibet audaces, nimiumque garruli ratiocinatores: elatiores, quàm capaciores (ut Divus Augustinus lib: 1. de Trinitate, cap: 2. appellat Ethnicos & Hæreticos) quive in oppugnanda Veritate arguti, & disertì videri volunt, videntes, probandi onus ac respondendi, in se devolvi, solidâ destituti responsione, discant de se non altum sapere, cernantque facilius ac evidentius, quàm ruinosis innitantur fundamentis: hac enim ratione, celerius acquiescere poterunt Veritati. Ex quadraginta & ultra, in hoc Tractatu contentis Argumentis, etsi quædam, non videantur excedere gradum summæ Probabilitatis, tamen longè plura sunt, quæ merentur nominari Demonstrationes, & verè sunt, utpote continentia certitudinem ac evidentiam. Dixi in Titulo Voluminis, & desuper: *Supra 40. Argumenta*; quia licèt numerus non excedat

Argumentum quid Negativum?

Ab initio hujus Tractatus, cur aliqua Negativa posita sunt Argumenta?

In titulo Tractatus

quare ap-
positum:
fupra 40.
Argumenta.

dat quadragesimum, appofitus everfivis Argumentis, tamen ex iis principalia, vel abundant multoties Confirmationibus: vel etiam conflant pluribus Propositionibus: vel earum Partibus, quarum fingula Confirmationes, Propositiones, vel Partes, quandoq; fufficiunt ad formandum fpeciale Argumentum pro Exiftentia DEI; ut legenti patebit. Videri quidem cuipiam poffent Argumenta quædam, præfertim illa, quibus demonftratur Exiftentia Entis summæ Potentiæ, Sapientiæ, & Bonitatis, non differre inter fe, nifi materialiter: ea tamen penitiùs penetrans, fatebitur, plus, quàm materialiter differre; fiquidem notabiliter alia documenta & effectus Potentiæ, Sapientiæ, & Bonitatis, inefle Elementis; diverfa, Corporibus Cæleftibus: alia, plantis: diverfa, animalibus: alia, homini; inefle inquam, monftrantur. Nec me quifpiam arguat, quòd vim Argumentorum Syllogifticè proponam: fic enim illorum vim, majori cum facilitate percipiendam; validius memoriæ imprimendam, in eaq; diutiùs confervandam, è fenfu communi Doctiffimorum, maxime Recentiorum, cenfeo: Sit igitur.

Syllogifticè
cur proce-
ditur?

Primum Argumentum.

Pro Exi-
fientia Dei
Argumentum
imū.
defumptū
ex fubver-
fione Fun-
damento-
rū, in qui-
bus Athei
fuam im-
pietatem
fundant.

PRæcipua Fundamenta, quæ Athei pro fua nefanda impietate afferre folent, funt hæc: 1^{mo}. DEus non eft: quia non videtur, nec ullo fenfu percipitur. 2^{do}. Quia improbi plerumq; in hac vita, felices; probi infelices. 3^{io}. Quia in Mundo funt tot mala. 4^{to}. Quia natura rerum vifibilium fcatet pluribus defectibus phylicis. 5^{to}. Quia Legislatorum eft merum commentum, Exiftentia DEI, quatenus populi fub imperio contineantur: vel etiam primum in Orbe timor, Deum fecit. 6^{to}. Abfq; Deo poffunt omnia refundi in ipfam Naturam. 7^{mo}. Quia Dei Natura perfectè cognofci nequit. 8^{vo}. Quia demonftrari non poteft Exiftentia Dei. 9^{no}. Quia efle Dei, quod à Christianis affertur, involvit implicantiam. 10^{mo} tandem. Quia pofito, quòd Deus eflet, non poffet responderi ad multa quæfita. Sed hæc Fundamenta non fubfiftunt, funtq; everfa evidenter in Tractatu n^{ro} Libri hujus imi. Ergo nec debet fubfiftere illa Propofitio: DEus non eft: proinde infipienter faciunt Athei, negando DEum.

2dum Argumentum.

ENS in omni genere perfectissimum, omni carens imperfectione, non est impossibile; verum est possibile: imò defacto existit. Sed DEus est Ens in omni genere perfectissimum. Ergo non tantum non est impossibilis; non tantum possibilis: sed defacto existit DEus. Majoris & Minoris Propositionis Veritas constat ex Capite imò Tractatus 2di superioris. Consequentia legitima.

Illustratur & confirmatur hoc ipsum propositum Argumentum multipliciter. imò. Tum quia, si Ens in omni genere perfectissimum esset impossibile, sequeretur chymeram esse causam & fundamentum præcipuum omnis virtutis & honestatis: quod tamen prudenter admitti non potest: sicut prudenter concedi nequit: tenebras, esse causam lucis. Vide dicta supra in Tractatu 2. cap: 2. sub Propositione 2da. Tum quia (ut in simili doctissime arguit Subtilis Scotus in lib: 1. Sent. Dist. 2. qu. 2.) Cur ratio Entis, vel ejus passio cum illo convertibilis essentialiter ac indispensabiliter debet esse quid imperfectum? Cur nulli Intellectui benè disposito, hæc ratio Entis, vel passio innotuit? cum tamen primæ passionis Entis & convertibiles, satis videntur sibi notæ inesse? Cur nullus Intellectus rectè dispositus, cujus objectum est Ens, ullam invenit veram repugnantiam in Ente perfectissimo? mirum est autem, imò incredibile, si nulli Intellectui, talis contradictio patens fiat circa ejus imum Objectum? Cur nullus Intellectus ab Ente summè perfectò, summèq; intelligibili, naturaliter refugit, sicut à non conveniente, imò Objectum suum Primum destruente? Ergo apparet, quòd tale Ens non sit quid impossibile. Ergo est possibile. Si possibile. Ergo existens. Nam eo ipso non esset Ens perfectissimum: siquidem non esset Ens necessarium essentialiter in existendo.

2dò Confirmatur. Non est impossibile Ens tale, quod sit Primum Principium, & Causa omnium effectuum, & aliorum Entium existentium, imò & possibile; ac Fons omnis Esse distincti à se quò ad Naturam. Quæ enim est implicantia Entis talis, præcisè sub tali ratione & conceptu sumpti? Ergo est possibile. Ergo existit. Aliàs non esset Principium tale & Fons; vel nihil omnino esset productum.

2dum.

Ex possibili-
tate En-
tis in omni
genere per-
fectissimi.

Item: Ex
possibilita-
te talis En-
tis, quod
sit Primum
Principi-
um effecti-
vum omni-
um.

*Quodq; fit
Ens a se.*

ductum. Ut evidenter inferitur.

3^{io}. Possibile est Ens à se. Cur enim non? Ergo datur. Consequentia patet. Si enim Ens à se, supposito, quod sit possibile, non daretur tamen à parte rei: tunc proveniret hæc Entis à se non existentia, vel ab alio Ente contra distincto: vel ab ipso Ente à se. Sed primum implicat: Quia Ens à se, vi ipsorum terminorum, est prorsus independens ab alio Ente. 2^{dum}. etiam est impossibile. Tum quia aliàs illud Ens esset sibi inimicum, & summè invidum. Tum quia aliàs non esset Ens perfectissimum; cum tamen ex Ente à se profluat omnis perfectio essentialis simpliciter simplex. Ut probatum est in eodem Capite imo, Tractatûs 2^{di}. Ergo si est possibile, datur. Ergo existit DEUS.

*Item ex
possibilita-
te predi-
catorum,
soli perfe-
ctissimo
Enti con-
venienti-
um.*

4^{to} Confirmatur. Non est impossibile Ens talis perfectionis, ut à nobis comprehendi nequeat: ut sit Unicum, & Infinitum per essentialitatem; sit sine ulla vera contradictione simplicissimum in Natura, & simul liberrimum ad extra: sit Intellectivum & Intelligens, simulq; sit ipsa Intellectio sui, & omnium extra se. Ergo est possibile tale Ens. Ergo existit. Ergo Deus existit. Bonitas Illationum cum suo Antecedente constant ex eodem Capite 1. Tract. 2^{di}.

Adverte 1^{mo}. Ejusmodi argumentandi modò, posse facile probari Existentiam Dei, sub quocunq; etiam alio Conceptu convertibili cum Deo: puta, sub conceptu Summi Boni: vel sub conceptu Entis essentialiter necessarij in existendo semper: vel Supremi Domini rerum omnium: vel sub conceptu Intellectivi Entis, semper comprehensivi & intuitivi omnis Veritatis &c. v. g. sic: Summum Bonum existere à parte rei, est possibile. Cur non? Ergo existit à parte rei: proinde existit Deus.

Adverte 2^{do}. Implicantiam si afferret Atheus aliquam, contra possibilitatem Entis in omni genere perfectissimi, tunc erit vel aliqua desumpta ex fundamentis Atheorum in Tractatu imo suprâ: vel coincidet cum iis; proinde etiam ex eodem Tractatu petenda responsio, ad illius implicantiz nullitatem demonstrandam.

Adverte 3^{io}. Consultò posui statim ad initium hujus Tractatûs, Argumenta duo negativa, propter Rationem sat validam, superius in principio hujus Tractatûs propositam: talibusq; Argumentis sentio, ab initio statim imperendos esse eos, qui dubitare incipiunt de
Exi-

Existencia Dei, & sibi ipsis videntur esse multum scioli.

Neq; dicas. Possibilitas Dei, est impossibilis: quia in Deo non est potentia ad suum esse. Unde dicit sanctus Thomas. Quod potest esse, potest non esse: Deus autem certe non potest non esse: cum sit sempiternus essentialiter: in Deo igitur non est potentia ad esse. Respondetur enim facile. Nec Antecedens. Ad ejus Probationem dico. In Deo non est potentia physica ad esse suum, in hoc sensu, quod existerit sua vera causa, vel sic existere potuerit, vel possit (& hoc solum vult lib. 1. contra Gentes, cap: 16. Divus Thomas citatus, ut patet legenti illud totum Caput 16.) Est tamen Potentia logica ad esse, seu non repugnantia, non tantum ad esse, sed ad esse necessario à se: ex qua Potentia, rectè inferitur Existencia Dei. Merito proinde, anno 1688. prohibita est doceri in Scholis nostris, Propositio hæc: *Ex Possibilitate Dei, non rectè inferitur ipsius Existencia: quia implicat Possibilitas Dei.*

*Qualis nã
in Deo est
potentia
ad esse?*

3tium Argumentum.

Illa Propositio est graviter erronea, ex qua sequitur magnum inconveniens, & absurdum aliquod. Ut patet. Eo enim ipso, talis Propositio est difformis graviter rectæ Rationi: proinde Veritati. Vide dicta in Tractatu 2do, cap: 2. Sed ex Propositione hac: Deus non est. Sequitur aliquod, imò multa grandia inconvenientia & absurda. Nempe: Quod sine dementia, non possit consistere rectus ordo vitæ humanæ, morumq; honestas. Quod Veritas prima & summa deberet occultari: falsitas verò prima & summa, publicari. Quod Bonum per se Intellectus, esset causa per se mali; malum verò, causa boni: omnesq; Sapientissimi: essent stultissimi: aliaq; plura inconvenientia: ut probatum est in eodem Capite 2. Tractatus 2di, sub Propositione 2da. Ergo Propositio illa est erronea; proinde Propositio contradictoria illi, nempe hæc: Deus est: seu, existit: non est erronea, sed est vera.

*3tium.
Ex sequen-
la vario-
rum gra-
vissimorum
inconve-
nientium*

Docent Jurisconsulti & Theologi apud Barbosam in Opusculi de Locis Probationum. Verbo. ab Absurdo num: 1. Nullum Argumentum esse validius, quàm ab absurdo vitando. Cum ergo ex Atheismo, sequantur ingentia absurda: ut clarè deductum est illo Capite 2do:

*Quàm va-
lidū ejus-
modi Ar-
gumentū?
ideo*

ideo Argumentum hoc validissimum censi debet ad evertendum Atheismum, comprobandamq; Existentiam Dei.

4tum Argumentum.

*4tum.
Ex consensu
semper
omnium
Gentium
& Sapi-
entum.*

Quod omnes Gentium Nationes, nunc, & retrōactis cunctis temporibus, ac in his, universi innumeri summō ingenio & Auctoritate eximiā, multipliciq; doctrinā & virtute instructi, palam, constanterque sine ulla hāsitatione, ut verum ac indubitatum affirmant: Neque est fundamentum iudicandi, illos, vel per malitiam decipere velle, vel per ignorantiam deceptos; illud defacto est verum. Ut demonstratum est in Tractatu 2. Cap: 2. sub Propositione 3. Sed circa Existentiam Dei, ita est: ut clarē deductum ibidem sub Propositione 4ta. Ergo existit Deus.

Certē tanta est hac in parte, & tam firma, & veluti jurata in hoc, omnium ætatum & Gentium, rudium & Sapientum ac Philosophorum Veterum, licet in cæteris dissentientium, tanta inquam, consensus, ut ei similis in nulla alia re, quæ pendet ab humana fide, reperiatur. Unde potitia de Deo, vel ab ipsomet Deo est indita mentibus humanis: vel à primo Parente tradita posteritati: vel veriùs, utrumq; influxit: potissimum autem ipsa Evidentia hujus Veritatis, videtur causasse tantum consensum.

*Atheus est
insipiens,
nec fidem
meretur.*

Confirmatur *imò*. Insipienter agit, qui in quæstione gravissimi momenti, adhæret potius illi parti, quæ nullam certam, imò nec verè probabilem habet pro se rationem, estq; valdè exigua pars, tam quò ad numerum sibi adhærentium, quàm quò ad doctrinam & eruditionem, respectu partis oppositæ, Rationibus validis & auctoritate summā firmatæ. Sed sic est in præsentī quæstione de Existentia Dei: ut satis etiam patenter in hoc Volumine demonstratur. Ergo Atheus est verè insipiens.

Confirmatur *add*. Tum quia Athei, utpote negantes scelerum vindicem, existere Deum, non verentur mentiri, etiam in re gravissima. E contra Viri solidè docti & Sancti, averſantur mendacium, utpote credentes, displicere Deo grave mendacium, morteq; æternā plectendum. Ergo potius his danda est fides. Tum quia (ut sapienter
notat

notat P. Recupitus lib: 1. de Existentia Dei, quæstione 20.) tam stabilis & universalis consensus de Existentia Dei, non potest oriri ex inclinatione & pravo affectu voluntatis ad malum (ut accidit tam in Turcis, propensis ad Mahometanismum, ob licentiam Veneris: quàm in Atheis, ob securitatem malè agendi) quia voluntas pravè inclinans ad propriam excellentiam & ad liberè agendum, potiùs inclinat ad credendum, non esse ullum Ens, infinities excellentius homine, nec ullū esse Judicem operum & cogitationum omnium. Ergo restat, ut oriatur ille Consensus ex inclinatione Intellectûs ad Verum, sitq; causa tanti consensûs ipsa Veritas. Ejusdem Argumenti 4ti Veritas illustratur. Divus Augustinus, ut Julianum Capuæ, aut veriùs Celenensis Ecclesiæ in Campania Episcopum, in hæresim Pelagii lapsum, qui eidem Augustino, tanquam Manichæorum dogma objecit: quia ex Adam trahi dixit peccatū in parvulos: ut inquam, erroris convinceret, adductis libro 1. contra Julianum cap: 3. pro veritate hujus Dogmatis, Doctõribus, Irenæo, Cypriano, Reticio, Olimpico, Hilario, Ambrosio, sic alloquitur Julianum cap: 4. *Introduxi te sedandum atq; sanandum, non in alicujus Philosophi Auditorium, sed in Sanctorum Patrum pacificum, honorandumq; conventum: sit operæ pretium, obsecro te. Aspice illos, quodammodo aspicientes te, ac manifestè, ac leniter dicentes tibi. Itane Nos, Fili Juliane, Manichæi sumus? Rogo quid respondebis, quibus eos oculis intueberis? quæ tibi Argumenta succurrent? Quæ tuorum Argumentorum, vel acies vitrea, vel plumbei pugiones, in illorum conspectu exeri audebunt? Quæ abs te arma non fugient, nudumq; destituent? Potiori jure, paucis immutatis, alloqui mihi sic liceat Atheum. Introduxi te Athee sedandum atq; sanandum, non solum in omnium Sanctorum Patrum, verum omnium ex toto Orbe, retròactis cunctis temporibus, & nunc collectorum Sapientum; addo, & tuorum Majorum, seu Parentum, Avorum, Proavorum, Atavorum, pacificum, honorandumq; conventum. Obsecro te, aspice illos, quodammodo aspicientes te, & manifestè, ac leniter dicentes tibi: Itane nos omnes, degener filii, per ignorantiam decepti sumus, vel per malitiam decipimus? cum DEum existere omnes indubitanter asserimus? Rogo, quid respondebis, quibus eos oculis intueberis, quæ tibi Argumenta succurrent? &c. Cernis, quàm tibi perniciosum sit (utor verbis Divi Augustini eodem*

*Consensus
omnium
de Existen
tia DEI
undenam
oritur?*

*Ex Sancto
Augustino
desumpta
allocutio
Athei,
notatudio
gnissima.*

Cap: 4. & 5to.) tam horribile crimen objicere talibus, & quàm mihi gloriosum sit, quodlibet crimen audire cum talibus. Si cernis, cerne, & tandem tace: nefariam linguam, tot linguis orthodoxis deprime, tot venerandis Oribus, proterva ora submitte. Si in scholam Xenocratis, sicut Polemo ex antelucano convivio temulentus intrasses, non tanta, quanta in isto cœtu tot Sanctorum, (tot Sapientum, tot Majorum tuorum) deberes verrecundiâ cœdèreri; hic enim certe tantò major debet esse verrecundia, quantò verior addiscitur Sapientia.-- Miror si hoc aliquando ex tuo ore poterit procedere, quod te tamen pravitas clamare tui compellit erroris: Sed mirum, si in facie hominis, tantum intervallum est inter frontem & linguam, ut in hac causa, frons non comprimat linguam. Unde quæso Athee, (utar iterum verbis S. Augustini in Psalm: 147. paucis immutatis contra Donatistam Hæreticum) Judicâsti de Orbe terrarum? damnando illum erroris, quòd semper asseruerit & asserat, Deum esse. In quo foro Mundus ante te stetit? de quo Tribunali dicis tu sententiam hanc in Orbem terrarum? Prasumptione videlicet cordis tui; altum Tribunal, sed ruinosum.

*Objectio
duplex
dissolvitur.*

*An multi
Athei?*

Si dicatur, Ex Consensu Gentium non posse desumi efficax Argumentum pro Existentia Dei. 1^{mo}. Quia plurimi semper fuerunt inter Gentiles, & nunc sunt inter Christianos, Athei. 2^{do}. Quia omnes in Regno amplissimo Sinensi & populosissimo (numerantur enim in illo, 250. milliones hominum: ut refert ex Patre Nicolao Trigault, Cornelius à Lapide in Cap: 10. Apoc: v. 16. pag: 176.) Omnes inquam Literati, tam antiqui, quàm moderni, sunt veri Athei, negantes Deum existere: ut legitur in Historia cultûs Sinensium, à Procuratore Reverendissimi Domini Maigrot, conscripta. Respondetur *Ad idem*. Etsi certum sit plurimos semper fuisse & esse Atheos Morales, qui nempe, licet credant & sciant Deum esse, factis tamen eum negant, vivendo & agendo ita, ac si non crederent existere Supremum Judicem. Atheos tamen formales, & propriè dictos, qui absolute negent esse Supremum Numen, nego semper fuisse plurimos: siquidem nullum congruum antiquitatis, vel Auctoritatis testimonium hac de re profertur; quinimo tam Scriptores Gentiles, ut Maximus Tyrius, Cicero, Simplicius; quàm Patres, ut Augustinus, Chrysostomus, &c. Atheos fuisse paucos testantur. Vide textus eorum in Tractatu

Etatu 2do suprâ, Cap: 2. sub Propositione 4ta. Tres tantum Atheos,
 libro 1. de Natura Deorum, memorat Tullius, nempe Protagoram
 Abderitem, qui primus dicitur dubitasse de Existentia DEI: Diago-
 ram Milesium, Theodorum Cyrenaicum Sophistam, quibus merito ex
 veteribus adjici solet Critias, Selius & alii pauci. Non diffiteor ta-
 men nunc longè plures esse Atheos. Nam insignis Theologus P. Ga-
 briel Vasquez in unam D. Thomæ quæst: 2da art: 3. Disput: 20. ait:
 , Magna turba Atheistarum, hâc nostrâ ætate in Ecclesiam irruit. Et
 P. Carolus de Grobendoncq; Sacræ Theologiæ Doctor, in suo eru-
 ditissimo vasto Volumine de Ortu & progressu Spiritûs Politici, edito
 Pragæ 1666, ibi in proœmiali libro, folio 170, scribit hæc: [Athei-
 , smum vehementer invalescere, testes mihi sunt, nec pauci, nec vul-
 , gares. Certè Boverius ex l. 2. c. 10. libelli cujusdam Parisiensis, &
 , Pet. Greg: Tom. 3. Synt. mir. cap: 1. Numerum Atheorum in Gallia
 , ad 60000 excrevisse asserit. Marinus Mersennius (Quæst: & Com-
 , ment: in Genesim c. 1. v. 1. q. 1.) Patriæ suæ calamitatem deplorans,
 , 50000 Parisiis reperta esse fatetur; Germaniam, Angliam, Poloniam
 , Atheis infectam, Sturmius, Durerus, & alii referunt; Italiam quoq;
 , iis refertam esse, Vaninus ante supplicium, quod Atheus, Tolossæ
 , sublit, confessus est; ipsam deniq; Romam, ab hac peste immunem
 , non esse, non ita pridem Romæ degens Cornelius noster scripsit, qui
 , etiam Apocalypsim explicans, sibi persuadet, interitum Mundi, adedq;
 , adventum Eliæ & Antichristi, non procul abesse, idq; ex eo, quod
 , Politicismus & Atheismus nunc vehementer invalescat, etiam in iis
 , locis, in quibus Religio jam maximè viget; & tamen ante adventum
 , Antichristi, penitus ibidem est extinguenda. J Hucusq; ex P. Carolo.
 Julius Cæsar Scaliger, Pœtices libro 3tio, qui & Idea vocatur, cap: 16
 dicit: Atheos plerosq; militum esse. Joannes Casus, Medicinæ Do-
 , ctor, in Prologomenis, in Physicæ Aristotelis libros. Horrendum
 , (inquit) est dictu quidem, & tamen dicendum, multi sunt hodie in-
 , credibiliter stulti, qui audeant dicere: non esse Deum. Si non vidis-
 , sem, si non audissem hæc monstra (Hæc etiam blasphemum illum A-
 , theum, aliosq;) certè tam multus, vehemens, & copiosus in hac causa
 , non fuisset. Morinus in Præfatione suæ Astrologiæ Gallicæ ait: In
 , aulis Regum, præcipuè nunc insolescit effrenata Atheorum secta. His
 tamen non obstantibus, certum est, quod Athei, comparative ad sibi
 oppo-

*Sinenſum
ſenſus de
Deo.*

oppositos, pauciſſimi ſint, & ſcioli magis, quàm ingenioſi & docti: vel ut vocat Gentiles & hæreticos S. Auguſtinus: *Garruli ratiocinatores, elatiores, quàm capaciores.* Et hi, ſi comparentur cum doctiſſimis, affirmantibus Exiſtentiam Dei, haud dubiè clare reperietur, ab iſtis, Atheos incomparabiliter ſuperari, etiam quò ad ingenii & Eruditionis præſtantiam, longè magis, quàm Pigmæum à Gîgantibus: faculam ab aſtris; collem à montibus altiſſimis. Certè, unus ſi Plato pro omnibus; uno Alexandro, ſi tota impleta Alexandria; & David, ſi pro 10 millibus computatur; quidni tot Sapientiſſimi, imò ſolus Auguſtinus, omnibus Atheis longè præferendus? *Ad 2dum* Reſpondetur. Id, quod ſcribitur, omnes Literatos Sinenſes, Atheos fuiſſe, & eſſe; veritati diſſonat; ſiquidem ab iſtis Monarchiæ hujus incunabulis (quæ originem derivat à Nôemi filio Sem) viguit ſemper notitia Summi & veri Numinis; Fohinus enim Monarchiæ Sinicæ Conditor, ducentis ferè poſt diluvium Nôeticum annis, certas pecudes (ut teſtatur Sinenſia monumenta) domi alebat, quas Cæli terræq; Domino immolabat; eidem cæli Domino, templum poſuit Hoamtius Imperator tertius Sinarum. Chuenchius Imperator V, Divini Numinis cultum propagavit in omnes Provincias, & certos eidem procurando, Mandarinos præfecit. Ejus Succeſſores, non minorem pietatis veræ ac Religionis curam geſſerunt; Nec dubitabant Imperatores ipſimet, verſare humum, cujus felicibus ſuleis mandandæ fruges erant ſacrificio deſtinatæ. Certa pariter jejunia & publicæ preces indicebantur, maximè ſi quæ calamitas urgeret, ſi ſterilitas vexaret agros, ſi hoſtis fines incurſaret, ſi terra, motibus inteſtinis concuſſa, jactaretur. Corruptis paulatim moribus elanguit pietas, & veſania ſuperſtitionum miſeris incubuit, Veneficia, Magicæ artes, Præſtigiatorum ludibria graſſari per populum cæperunt. Principem in idolis Sinenſibus locum obtinet Fo, Magus olim, aut Circulator Indus, ejus diſcipuli & cultores, magnam partem Orientis impleverunt, appellanturq; à Siamenſibus, Talapoini; à Tartariſ, Lamæ; à Sinis, Hoſhangî. Ille Fo, cum jam ageret animam, traditur vocâſſe diſcipulos, iſq; tanquam rem omnium, quas unquam docuiſſet veriſſimam dixiſſe: Ex nihilo orta ſunt omnia, & in nihilum omnia revolvuntur. Impia vox, Atheos quosdam in India procreavit: quorum tamen ſecta infelix, perinde

inde atq; ipse idolorum cultus, non tam Religionis Sinicæ pars, quàm labes dici debet, publicè infamis & condemnata. Neq; tamen ita sunt Athei, si qui sunt, Deum ut planè ac præfractè negent: Sed, quòd Deum aliquò modo cognitum, verbis agnoscere, ac profiteri factis nollint. In priscorum certè Literatorum scriptis, evidentia Divinæ notitiæ vestigia constat inveniri, ac recentioribus vulgò Literatis, idem ratio ac doctrina persuadent. Remansit semper in Imperii Sinici corpore, corruptis aliquot ejus membris, notitia veri Numinis, & vim hodieq; suam obtinet, adeò, ut idolorum cultus, Atheorum dementia, Veneficorum & Magorum præstigiæ, certis temporibus, palàm, edictòq; publicò proscribantur, tanquam falsæ & perniciosæ Imperio sectæ; Neq; aliter, quàm hæreses apud Europæos, & flagitia quædam publica, tolerentur. Pekini, in urbe primaria Regni Sinici, est duplex Templum antiquissimum, in prioris templi utroque latere, legitur hæc inscriptio Sinicis literis exarata: *Altus & Supremus celi Dominus.* in una fronte templi illius inscriptio hæc: *Celi Supremi Domini templum:* In altera fronte: *Celi Supremi Domini Aula;* fueruntq; illæ inscriptiones à Supremis Imperii Tribunalibus, & Imperatore ipso, verissimæ judicatæ. Sacrificia, quæ iis in locis peraguntur, maximam habent cum Sacrificiis Naturalis, & scriptæ legis, affinitatem; Cum iis omnino concinunt preces & vota, quæ Imperator inter sacrificandum concinit, quorum clausula hæc, & coronis est. *Supremus Dominus jussit, & factæ sunt tres Mundi partes præcipuæ, Cælum, terra, & homo. Ego subditus supplico, ut quorum nomina hic adstant, progenitorum Imperatorum defunctorum, iis detur æternum frui beatâ tuâ præsentia, in regia & cælesti aula.* Templi verò secundi, Terræ Domino dedicati, inscriptio Sinica est hæc: *Supremus Terra Dominus.* Frons templi, sententiam hanc præfert: *Supremi terra Domini domus.* Eundem Supremum Dominum, Sinici Annales, appellant Conditorem & Conservatorem rerum, hominum cogitationes introspicientem, proborum Remuneratorem, Ultorem improborum, & sanctè intelligentem. Maxima etiam populi pars, in eandem de Numine Divino sententiam concurrat. Prostat in plurimis ædibus etiam Literatorum, lignea tabella, Venerationi totius Familiæ proposita, certis exarata characteribus, quorum hæc sententia est; *Celi, terra, omnium rerum verus Do-*

minus. Ex his apparet, quòd summi Numinis notitia, Sinarum Imperio ab ipsius incunabulis inuenta, in hunc usq; diem vigeat. Hæc a-
liquantum fusiis, & tum ad refellendam Objectionem 2dam, & confir-
mandum Nostrium Argumentum 4tum propositum; tum Eruditionis
gratiâ adduxi, desumpta ex Historiæ Societatis Nostre parte 3ta, à
Josepho Juvencio conscripta, impressa Romæ 1710. cum approbatione
Dominici de Zaulis, Episcopi Verulani, item Magistri Sacri Palatii,
& aliorum insignium Virorum.

stum.
Ex Anti-
podarum
existentia

stum Argumentum.

Indubitatum est, & omninò certum, Antipodas dari: ut asserit etiam
& fatetur Atheus. Ergo etiam multò magis certum & indubita-
tum est, dari Deum. Consequentia veritas & evidentia patet ex dis-
cursu tali. Quæro ex te Athee: Unde tibi tanta certitudo de Anti-
podis? Respondebis: quia testantur fide dignissimi, & plurimi Hi-
spani, Lusitani, Angli, Hollandi, se Antipodas vidisse, & in illorum
terris fuisse. Quid si dicam, quòd illi testes per malitiam voluerint
te, & alios decipere; vel quod per ignorantiam decepti fuerint; non
fuisse veros Antipodas, quos viderunt, sed nostri Orbis homines, qui
circiter 60. annis, ante illorum adventum, illuc casu delati fuerunt.
Vel dato, quòd fuerint antè Antipodas. Quid si dicerem, modò pri-
mum ante mille annos, post tempora Augustini, capisse illas terras
incoli hominibus, casu, vel è terra, vi astrorum productis, nunc au-
tem jam interiisse omnes Antipodas diluvionibus (sicut blaterant A-
thei, asserentes, Mundum cum omnibus hominibus multoties interi-
isse) Nonne me talia dicentem rideres, mentis impotem proclamares?
Riderem haud dubiè inquires; insipientem proclamarem. Rectè age-
res, non diffitor. Sed audi ò insipientissime, à te ipso desce, à to-
to Orbe irridende Athee. Nec millesima pars hominum ex enumera-
tis à te populis, ab annis necdum ducentis, testatur, Antipodas dari:
& ex testimonio illorum, licet fortè non sint parati pro hac veritate,
vitam profundere, concludis, existentiam Antipodarum esse omninò
certam ac indubitam; & quare Impie, negas Existentiam Dei, in
qua asserenda tam firmus est consensus, non solum prædictorum, sed
omni-

omnium populorum, omnium Ordinum, omnium proborum, & Sapientum, omnis sexus & ætatis, omnium hominum (qui tamen in aliis rebus non concordant) & quidem omnium sæculorum (cum tamen opinionum commenta, delere consueverit temporis diuturnitas, utpote Mater Veritatis ; judicia autem Naturæ rectæ confirmare) tam firmus inquam, consensus, tam solidè radicans in mentibus omnium, ut non solum pauci, contrarium sentientes, omnino stulti ac impii, habiti semper fuerint, & habeantur, ac gravissimè puniantur ; sed etiam omnes propè homines, veritatem hanc, fuerint, & sint paratissimi, effusione sanguinis ac vitæ, contestari. Imò veritatem fidei Catholicæ de Existencia Dei unius, aliisq; Mysteriis, defacto sic comprobârunt innumeri Martyres. *Totum Mundum Fratres aspiciite, Quanta* (loquor verbis S. Gregorii Magni Homilia 27. in Evang.) *Martyribus multitudo* plenius est, jam penè tot, quot videmus, non sumus, quot veritatis testes *Martyrū.* habemus: DEO ergo numerabiles, nobis super arenam multiplicati sunt, quia quanti sint, à nobis comprehendendi non possunt. Plures Martyres in Nova lege, quàm victimæ cæsar in Veteri. Certè P. Franciscus Arias, 1. par. de Imit. Christi, tract. 3. Cap. 35. Genebrardus in Psalmum 78. asserunt, tantum esse numerum Martyrum, ut singulis diebus totius anni, possint celebrari Ritu Ecclesiæ Universalis, saltem triginta millia Martyrum ; post Genebrardi verò tempora, sat multi de novo accessere Martyres ; pro veritate autem, aut potius falsitate Atheismi, nec canis quidem jugulatus est. Quinimo ipsimet Athei erubescunt manifestare hac de re suam impiam opinionem, unde in Psalmum 23. ait S. Augustinus: *Dixit inspiens in corde suo: Non est DEUS; quia nemo hoc audeat dicere, etiamsi ausus sit cogitare.* Credis Athee multorum Historicorum libris de Existencia Antipodarum ; & cur discredis eorundem Historicorum, & aliorum innumerosum Sapientum scriptis de Existencia Dei ? Decem Viri magnæ Auctoritatis & Prudentiæ, si referrent tibi, se oculis suis vidisse Antipodas, crederes vel ex hoc solo motivo, eos defacto dari ; & Deum, quem incomparabiliter plures, & maiore Auctoritate, sapientiâ, & probitate conspicui, ut Prophetæ, plurimi Sancti, tam Veteris, quàm Novi Testamenti, testantur se vidisse, cum eo collocutos (eò modò, quò fas est homini) & negas existere ? Duo testes, omni exceptione majores, si sunt de visu, efficiunt

*Multi
viderunt
DEUM.*

ciunt certitudinem; ut docent Jurisconsulti ac Theologi. En, plures longè testes de visu, omni exceptione majores, testantur se Deum vidisse; & incertum erit Deum existere? Si dicis. Illusos fuisse. Pari temeritate dici posset, illusos etiam omnes illos, qui testantur se vidisse Antipodas. Deinde quæro, à quonam illusi, siquidem non admittis Angelos, Dæmones, Animasq; separatas? non illi, sed vos haud dubiò propriâ obcecata malitiâ illusi ab eo, qui illusi primis nostris Parentibus in paradiso. Quintilianus scripsit: Facillimè homines ad consentiendum ducuntur exemplò; Et magnus Augustinus lib: de Unitate credendi Cap: 16. inquit: *Sola (intellige præcipuè) est auctoritas, qua commovet stultos, ut ad Sapientiam festinent.* Utinam Athei, ad assentiendum Existentiæ Divinæ, adducantur exemplò Orbis totius, auctoritasque tanta, efficaciter hos insipientes commoveat, ut ad sapientiam veram festinent, agnoscendo & timendo Deum. Initium enim Sapientiæ, est Agnitio & Timor Domini: sine cujus agnitione & timore, quivis ex adultis, comparatur jumentis insipientibus.

6tum.

6tum Argumentum.

Ex sensu
& exem-
plo magni
Augustini

Aurelius Augustinus, Flos & Phoenix ingeniorum, omnigenæ eruditionis Antesignanus, incredibili prudentia ad judicandum præditus, hic inquam Augustinus, Consensum Populorum atq; Gentium, in quibus erant Viri doctissimi & sanctissimi, censuit sufficiens esse sibi motivum, ut Manichæismò rejectò, Fidem Catholicam amplecteretur, in eaq; ad finem vitæ perseveraret, continentem licet multa summe ardua ad credendum. Ergo Consensus totius Orbis incomparabiliter majus & sufficientissimum motivum esse debet homini prudenti, ut Deum esse credat. Consequentia patet. Quia hanc veritatem, quod Deus sit, comprobant omnes Gentes etiam barbaræ, ac comprobant, omnesque Sapientes, ipseque Augustinus, & innumerabiles, qui post Augustinum sapientiâ & virtute floruerunt: Neque hæc Veritas est ita ardua ad credendum, ut pleræque; aliæ Veritates Fidei Catholicæ. Antecedens etiam manifestum. Dicit enim libro contra Epistolam Manichæi, quam vocant, Fundamenti, capite 4to. *Multa sunt alia, quæ in Ecclesiæ Catholicæ gremio, me iustissime teneant; tener Consensus popu-*

populorum atq; Gentium. Et licet ibi apponat etiam alia motiva, tamen inde non inferitur, illum omnibus indiguiffe, ad sentiendum, Catholicam fidem esse veram; aliàs nec miracula facta (quæ ibi etiam inter motiva recenset) in Confirmationem Nostræ Fidei, essent motivum sufficiens ad amplectendam Fidem Nostram: quod tamen falsum est. Item libro de Utilitate credendi, cap: 14. ait: *Ego nullis me video credidisse, nisi populorum atq; Gentium confirmatæ Opinioni, ac fama admodum celeberrime.*

Confirmatur. Idem S. Doctor Epistola 118. ad Januarium, cap: 5. dicit: *Contra id, quod tota per Orbem frequentat Ecclesia, disputare, insolentissima insania est.* Et quidni summa insania, disputare contra Existentiam Dei, illam negando, quam dari, universus indubitatè semper tenuit, tenetq; Orbis? Planè communi sensu videtur destitutus esse Atheus, utpote qui communi omnium Gentium Consensui, audet hic contradicere non tam mente & ore rationali, quàm irrationali voluntate. Imò videtur Atheus esse grande Naturæ monstrum; nam è Divi Augustini sensu, libro 22. de Civitate Dei, cap: 8. à Viris sapientissimis approbato. *Quisquis adhuc prodigia, ut credat, requirit, magnum est ipse prodigium, qui Mundo credente, non credit.* Et Atheus nonne magis censendus est, magnum esse portentum ac prodigiosum, horridum monstrum, qui Mundo à cunabulis suis, semper firmiter agnoscente & colente Deum, etiam illum existere diffitetur? Dicebat quondam idem Sanctus, super illa verba Psalmi 63. *Timuit omnis homo. Qui (inquit) non timuerunt, nec homines fuerunt: timuit omnis homo, id est, omnis utens ratione, ad intelligenda, quæ facta erant.* Unde qui non timuerunt, pecora potiùs nominandi sunt, bestia potiùs immanes. Quidni potiùs taliter nominandi sunt Athei?

Neq; dicas. Augustinum in suis suprà citatis sententiis errasse, sicut erravit, negando Antipodas dari, dum lib: 16. de Civit: cap: 9. ait: *Quod verò & Antipodas esse fabulantur, id est homines à contraria parte terra, ubi sol oritur, quando occidit nobis, adversa pedibus nostris calcare vestigia, nullâ ratione credendum est.* Nihilominus eos dari jam nunc omnino certum est. Respondeo enim imò. Demus, errasse Augustinum, negando Antipodas; siquidem ex navigationibus Lusitanorum, Hispanorum, ante annos minùs ducentos, contrarium deprehensum

*Atheus
communi
sensu vi-
detur esse
destitutus,
esseque
monstrum
naturæ.*

*An erravit
S. Augusti-
nus circa
existenti-
am Anti-
podarum.*

est. Ast unde rogo, Athee, deprehendisti, Augustinum in præfenti Nostra materia errâsse? Respondeo 2dò. Rectè Augustinus Antipodas dari negavit, eò scilicet dari modò, quò Cicero lib. 6. de Republica, Macrobius, & alii Veteres communiter asserēbant; apud illos enim ferè conclamatum fuerat, inter nostrum orbem, & illorum terras, interfusum esse Oceanum immensum, ita, ut nullus hominum hinc ad illos ullo modo unquam devenerit. Hoc autem si admittatur, ut verum: certè & Augustinus, & nullus verè Christianus, etiam nunc admittere possēt, dari Antipodas: aliàs illi Antipodæ non essēt progeniti à Filiis Nòe post diluvium: proinde nec de genere Adæ; quod repugnat rectæ Fidei, ac S. Paulo, qui dicit Actorum 17. *Fecitq; ex uno (videlicet Adamo) omne genus hominum inhabitare super universam faciem terræ*: forentq; illi omnes Antipodæ, siue Originali peccato geniti; hoc enim, mediâ generatione à semine virili activè concurrente, traducitur ad posteros Adæ, in quo Omnes peccaverunt, exceptò Christo Dominò, & ejus Pretiosissima Parente. Respondeo 3iò. Etsi modò jam sit certa & evidens hæc propositio: Dantur Antipodæ. (licet non eò modò dentur, quò volebant pleriq; Veteres) tempore tamen Augustini, non tantùm non erat certa & evidens hæc propositio, respectivè ad homines in hoc Orbe tunc existentes, sed nec erat probabilis, utpote destituta fundamentò probabili, seu gravi: Siquidem Assertores, nullâ historicâ cogitatione didicissē se id affirmabant, sed solùm ex eo opinabantur alteram terræ partem, quæ infrà nos est, habitatione hominum carere non possē, quòd intra convexa cæli, sit terra suspensa, sitq; rotunda. Porro hoc fundamentum nullius esse roboris S. Doctor, ibidem inde sapienter probat. *Nam etiamsi (inquit) figurâ conglobatâ & rotundâ Mundus esse credatur, siue aliqua ratione monstretur, non tamen est consequens, ut etiam ab illa parte ex aquarum congerie nuda sit terra: Deinde etiamsi nuda sit, neq; hoc statim necesse est, ut homines habeat.* Prudenter proinde negavit Augustinus Antipodas, quos pridem antea negaverat Lucretius, Lactantius, aliq; ac post S. Augustinum Beda, & Divus Thomas 2. Meteor. Lect: 9. de iisdem dubitabant.

*Propositio
qualis*

Nec mireris, quòd dixerim: Propositionem (intellige saltem vocalem) de incerta & non probabili, transiissē in certam & evidentem:

tem: hoc enim sæpè contingere potest. Nam si Petrus, nullo habitò fundamentò dicat: Paulus interfecit Andream. Propositio est temeraria & non probabilis: si adferantur indicia non levia hujus homicidii. Propositio illa jam non est temeraria, sed fit probabilis; si plures dein testes oculati digni fide accedant, comprobantes illud facinus Pauli, imò si Paulus insuper spontè id fateatur; propositio de probabili transit in evidentem ac certam: sic & in præsentì. Dixi: Saltem vocalem. Quia incertum, imò probabilius est: Propositionem mentalem non posse de probabili transire in certam & evidentem: de falsa in veram.

*transire
potest de
incerta in
certam?*

7mum Argumentum.

Judiciò doctissimorum, Tertullianus eruditissimus, Religionem Christianam esse bonam & veram rectè probat etiam ex eo, quòd Nero, judiciò omnium pessimus, adversus illam insurrexerit, insurgantque soli homines impii, scelesti: sic enim in Apologetico contra Gentes, ait: *Consulite Commentarios Vestros, illic reperietis, primùm, Neronem in hanc Sectam, tunc maximè orientem, Romæ Casarianò gladiò ferocisse: sed tali dedicatore damnationis Nostræ, etiam gloriamur: qui enim scit illum, intelligere potest, nonnisi grande aliquod bonum, à Nerone damnatum - quales leges istæ, quas adversus nos, soli exercent impii, injusti, turpes, cruces, varii, dementes? Hucusq; ille.* Ergo est recta etiam Argumentatio Nostra hæc: Soli hominum scelestissimi, impurissimi, & quòd ad vivendi modum, bestiis similiores, quàm hominibus: vel intolerabili mentis arrogantia plurimùm depravati; vel etiam immuni feritate; vel demum incredibili stoliditate obcæcati, non confitentur Deum esse, vel eum ignorant; ut constat ex dictis superiùs in Tractatu 2do, Capite 2do, ad finem Propositionis 4tæ. Ergo DEUS ter Optimus existit. Grande enim hoc ipsum est Divinitatis Testimonium, quòd ejus notitia, nonnisi cum humanitate & virtute, ab hominibus exuatur; & à corruptissima nonnisi morum stultitia, vel summâ mentis elatione obcæcatis, negetur Existentia Dei, malitia & pravitae mutante intellectum: ut probat Inductio eorum, de quibus constat in Atheismum fuisse prolapsos; notâruntque Viri sapientes, nullum præcipuè ex Christianis, adhæsisse postea Atheismo, nisi dum in profundum peccatorum, venit.

*7mum.
Ex quali-
tate vitæ
& Perso-
narum ne-
gantium
Deum.*

8vum.

ExMundi
coordinati-
one mi-
rabili.

Mundus
hic, velut
quoddam
magnum
carmen,
& mirabi-
le canti-
cum.

9num.

ExMundi
gubernio

8vum Argumentum.

Mundi machina, licet ex innumeris corporibus disparatis; ex Elementis inter se pugnantis, ex qualitatibus contrariis, sit constituta: tamen in illa, cernitur harmonia, & concordia stupenda, tot millibus annorum indissolubilis, ac veluti juramentum obstricta in obsequium humanum. Ergo debet dari aliquis præstantissimus Dominus, qui tales Universi partes conjunxerit, & quasi manu tenuerit, & teneat. Sed hic Dominus non est alius, nisi Deus. Ergo datur. Vide etiam discursum S. Athanasii in Tractatu 3tio lib: 2di, cap: 1.

Confirmatur & illustratur *impò*. Carmen aliquod, ut ex dictionibus diversis, earumq; syllabis, brevibus ac longis, concinnè fiat, requiritur gnarus carminis artifex: ut certum est. Et Mundus hic, qui est (ut scribit S. Augustinus Epistolâ 5.) *veluti magnum carmen, cujusdam ineffabilis Moderatoris*: vel ut dicit in libro: quod deterius potiori insidietur, Philo; *quoddam Pœma*; quidni multò magis requirat aliquod Ens Supremum Intellectivum, à quo conjunctæ & dispositæ, tam concinnè, tamq; apto humanis usibus situ collocatæ sunt, tam diversæ Universi Partes?

Confirmatur & illustratur *2dò*. In Musicorum choro, ut fiat concinnus cantus, utq; diversis Antecedentibus & Succedentibus sonis, pulcherrimè currat ac transeat illud, quod canitur, moræq; debitæ vocibus tribuantur, requiritur Præcentor vel Compositor. Ergo multò magis Mundus iste, constans Naturis nascentibus & occidentibus, ac temporum spatiis, *que tanquam syllaba ac verba* (ut loquitur Epistolâ 28. S. Augustinus) *ad particulas hujus sæculi pertinent in hoc tabentium rerum tanquam mirabili cantico*, vel brevius, vel productius, prout modulatio præcognita, & præfinita deposcit: multò inquam magis, Mundus requirit Compositorem & Præcentorem; hic autem quis alius est, nisi DEus ter Optimus? *Quod enim in Choro, Præcentor; hoc DEus, in Mundo est*, ut ait Aristoteles in libro ad Alexandrum de Mundo, cap: 6to.

9num Argumentum.

Nullum Regnum, aut Civitas, diu consistere potest, si destituatur Rege, aut aliquo Præsede. Imò Monarchiæ etiam ordinatæ, licet

cet habuerint Præsides, variantur tandem & concidunt. Sic (ut notat quoad plu-
Cornelius à Lapide in Caput idum Danielis) Babylonis Imperium, à rima, in-
Nabuchodonosore inchoatum, finitum est in Balthasare, eversum à variabili.
Cyro, stetit annis tantum 70. Persarum Monarchia, capta à Cyro,
desiit in Dario Codomanno, everfa est ab Alexandro Magno, stetit Principa-
annis ducentis. Græcorum, capta ab Alexandro, mox divisa in Re- les Orbis
gna Ægypti, Asiæ, Syriæ, &c. everfa ab Augusto Cæsare, stetit annis Monarchia
ducentis octoginta octo. Romanorum Monarchia, incepta à Julio a quando
Cæsare & Augusto, adhuc durat; sed in Occidente ipso, quàm di- capta &
visa & debilitata! In Oriente autem penitus everfa est, à Potentia everfa.
Turcica. Ergo cum totius Universi Gubernium, præsertim Cælesti-
um Corporum, à tot millibus annorum consistat invariabile, quò ad
astrorum motus, ordinatissimamq; ac constantem temporum, æqui-
noctiorum, solstitorum, novi & pleniluniorum, dierum & noctium
peropportunam animalibus, seminibus, frugibus, vicissitudinem; quò ad
item conservationem specierum: individuorum generationem & cor-
ruptionem in Mundo inferiori, clarum est, aliquem esse Supremum
Præsidem Universi, & Gubernatorem potentissimum, sapientissimum,
vicissitudinis omnis expertem. Quod ipsum, scintillantia sidera, mu-
tationibus suis, velut quibusdam nutibus (ut ingeniosè notavit Theo-
doretus Sermon. 4. de Providentia) nobis indicare videntur. Hinc &
Cicero in Persona Lucilii Balbi, Stoici Philosophi, ait: *Quid potest* Ciceronis
esse tam apertum, tamq; conspicuum, cum cælum suspeximus, cælestiaq; con- & Lactan-
templati sumus, quàm aliquod esse Numen præstantissimæ Mentis, quò hæc tij sensus
regantur. Multò magis, quò facta sunt. Item libi de Ira Dei, cap: 10 de Mundi
Lactantius, (quem S. Hieronymus vocat, Christianum Tullium) *Tanta* Guberna-
(inquit) qui videat, & talia (id est cælum, astra, terram, &c.) potest tore.
existimare, nullo facta esse consilio, nullâ Providentiâ, nullâ ratione Di-
vinâ; sed ex atomis subtilibus exiguis concreta esse tantâ miracula? non-
ne prodigio simile est, aut natum esse hominem, qui hoc diceret; aut ex-
istisse, qui hoc crederet?

Confirmatur & illustratur imò. Carolus V, dum Urbes iustra-
ret, solebat aspicere ad horologium, num illud bene regeretur, ac ex
bona ejus directione colligebat, bonum esse Urbis Præsidem. Et ex o-
ptimo, constantiq; motu horologii totius Universi, videlicet, solis, a-

hiorumq; caelestium Corporum, nonne colligetur totius Mundi Optimus Præses, Gubernator & Auctor? Utq; quò diutius sine ullo errore, horologia suos motus peragunt, eò præstantiorem sui Auctorem arguunt?

Confirmatur 2dò. Vel Mundus benè gubernatur, vel malè? Si benè? Infertur primò. Ergo fundamentum præcipuum Atheistarum corruit, qui ideo negant Deum; quòd judicio illorum, reprehensibilis sit ordo rerum. Infertur 2dò. Ergo est Mundi Gubernator, & quidem unus, juxta illam rectam Aristotelis Argumentationem: *Entia volunt bene gubernari. Mala est multitudo Principum. Ergo unus est Princeps Universi.* Si autem malè gubernatur Mundus. Infertur. Ergo debuit aliter gubernari: si debuit; quæro, estne possibilis potentia bene gubernandi Mundum? Si dicis impossibilem; da hujus impli- cantiam? si verò possibilis; Ergo actu existit hæc Potentia, Si enim solùm esset possibilis, & actu non existeret, nunquam posset reduci (unde eo ipso non esset possibilis) ad statum actualis existentia. Non enim à se. Nihil enim potest esse causa sui efficiens. Non etiam ab Entibus, quæ defacto videmus: siquidem hæc Entia sunt longè imperfectiora Ente, habente Potentiam, Bonitatem, & Sapientiam tantæ amplitudinis, ut sit sufficiens rectæ gubernationis totius Mundi, id est Cælestium Corporum, Elementorum, omniumq; intra hæc contentorum. Si ergo existit talis Potentia, in aliquo Ente, ut existere, deductum est, habetur evidenter, existere DEum. Nomine enim Dei, intelligitur Ens habens talem Potentiam. Vide etiam dicta suprà in Tractatu 1mo, Capite 2do & 3tio, sub Propositione 3tia, 4ta, 5ta, 6ta.

10mum.

10mum Argumentum.

Ex auctu-
ali aut sal-
tem possi-
bili novi-
tate Mun-
di.

Mundus potuit non esse ab æterno: imò defacto habuit initium suæ durationis. Sed ex hoc sequitur dari Deum Ergo datur. Majoris veritas deducta est suprà Cap: 4to, in Tract: 2do, libri 1mi. Minor probatur. Si enim Mundus potuit non esse ab æterno, multò magis si non fuit. Ergo fuit ex se indifferens, ut fuerit ab æterno, vel in tempore. Ergo non est essentialiter semper existens, sed contingens in existendo. Ergo debet dari extra totum Mundum indifferen-
rentem

rentem & contingentem in existendo, aliquod Principium, quod auferre potuit, & defaëto sustulit hanc contingentiam, feceritq; illum existere. *Quod enim (ut ait Aristoteles 12. Metaph. tex. 30.) Potentia est, contingit non esse. Oportet igitur esse tale Principium, cujus substantia, Actus sit. Hoc verò Principium, vocamus, Deum. Omnes hæ Illationes sunt evidentes; ut constat etiam ex illo cap: 4. Tractatu 2. Unde meritò in Præfatione in Genesim, doctissimus scripsit Pererius. Cui persuasum fuerit, Mundum, qui ex omni æternitate nullus fuerat, & nulla ex materia, novoq; certi temporis ortu esse generatum, huic profectò nihil negotii erit, persuadere, esse Deum, & Unum esse, & omnium rerum Efficientem, Conservantem, Regentem, Intelligentem, atq; Providentem esse Causam. Et Doctor Angelicus lib: 1mo. contra Gentes, cap: 13. *Via (inquit) efficacissima ad probandum, Deum esse, est ex suppositione Novitatis Mundi. Nam si Mundus de novo incepit, planum est, quòd oportet poni aliquam causam, quæ de novo producat Mundum: Quia omne, quod de novo fit, ab aliquo Innovatore oportet sumere originem, cum nihil ducat se de Potentia in Actum, vel de non esse in esse. Similia habet libro 2do contra Gentes, cap: 38. Item 1mâ parte, q. 46 art. 1. ad 6tum. Richardus quoq; à S. Victore, lib: 1. de Trinitate, cap: 7. ait: *Quidquid ab æterno non fuit, à semetipso esse non potest, aliqui apertè convincitur, quia aliquid sibi initium existendi dedit sub illo instanti, quando nihil habuit, quando omnino nihil potuit: Quod, quàm sit omnino impossibile, sanæ mentis hominem nullatenus potest latere. Ergo Mundus siquidem ab æterno non fuit, vel saltem non esse potuit, non est à semetipso. Ergo ab alio aliquo Principio: hoc verò non est aliud, nisi DEUS ter Optimus Maximus.***

Illum Argumentum.

POTUIT, absolutè loquendo, terraqueus globus, longè major fuisse, vel longè minor, quàm defaëto nunc est: idem dic de globis Astrorum. Absolutè item potuit, & potest dari alius terræ globus ejusdem speciei vel diversæ, cum Nostrate; demum plura sidera, v. g. Soles, Lunæ, nec non cæli plures, quàm defaëto sint. Sed ex hoc sequitur, dari Deum. Ergo datur. Majoris veritas deducta est Cap: 4to in

Illum.

*Ex possibili-
tate ma-
joritatis
vel mino-
ritatis hu-
jus terra-*

quei glo- Tractatu 2do, Libri I. Minor probatur. Si enim hic noster terra-
 bi, & A- queus globus, & sidera poterant absolute fuisse majora, vel longè mi-
 norum: si item alius globus terræ, pluraq; sidera & cæli, poterant ab-
 solutè esse & possunt. Ergo enumerata Entia, sunt contingentia in
 Item ex existendo: moderni; globi, terraqueus, & siderales, sunt contingen-
 te aliorum tes & indifferentes ad existendum sic vel sic. Ergo debet aliquod
 Principium dari, auferens hanc indifferentiam, ac contingentiam, &
 siderum, faciens hæc potius, ac taliter existere Entia in rerum natura, quàm a-
 liæ & aliter. Sicut quia annuli sunt indifferentes, ut constituent ca-
 & alterius tenam, vel non: item ut constituent talis vel talis longitudinis cate-
 terraquei nam: ideo extra illos, debet dari Ens, à quo desumant colligationem
 globi. in catena, constituentq; talis vel talis longitudinis catenam. Ita quoq;
 in præsentia, discurre de illis Entibus contingentibus. Hinc verissimè
 S. Thomas lib: 2do contra Gentes, cap: 15. dicit: *Omne, quod est possi-
 bile esse & non esse, habet aliquam causam, quia in se consideratum, ad u-
 trumlibet se habet: & sic oportet esse aliquod aliud, quod ipsum ad unum
 determinet.* Hoc autem Principium, certè nullum est, quàm Deus
 ipse. Non enim Sol & Astra, terraq; præsens. Unde enim illis hæc
 virtus? quodve fundamentum, eis illam tribuendi? maxime cum na-
 turalis virtus, non soleat saltem diutissime ita latere, quin præbeat
 indicium sui manifestativum: & illa ipsa Entia sunt contingentia ad
 existendum taliter, qualiter defacto existunt: ut probatum. Cur item,
 cum sint Agentia necessaria, non prodixerunt hucusq; quidpiam tale
 simile sibi, vel se notabiliter non majorârunt? Non etiam homo, est
 illud Principium; ut per se patet; multò minùs Entia imperfectiora
 homine; multòq; adhuc minùs, Non Ens, seu Nihil. Nam *nullo modo
 intelligi potest;* (verbis loquor S. Anselmi, in Monologio, cap: 5to.)
ut quod aliquid est, sit per nihil utpote contradictoriè oppositum vero
 Enti. Ergo restat, Principium illud, esse Deum.

12mum.

12mum Argumentum.

Ex possibili-
 litate per-
 fectionum

POssunt dari novæ species Entium, perfectiores existentibus specie-
 bus, & imperfectiores. Item possunt dari Entia Spiritualia com-
 pleta intellectiva, simplicia in natura; quales defacto censentur esse
 Ange-

Angeli. Sed admissâ possibilitate prædictorum Entium, sequitur dari Deum. Ergo datur. Major probata est, suprà Cap: 4to. sub Propositione 5ta & 6ta, in Tractatu 2do, Libri 1. Minor probatur. Illæ species novæ ponendæ extra causam, cum supponantur futuræ perfectiores, defactò existentibus speciebus, non possunt ab his efficienter adæquatè produci: Omnis enim causa efficiens adæquata, debet esse, aut perfectior effectu suo, aut saltem æquè perfecta; ut nullus Philosophorum dissentit. Et ratio est. Tum quia aliàs, causa daret, quod nullo modo haberet. Nemo autem dat, quod non habet. Tum quia ipsum naturale lumen rationis dicat, ut ab effectu perfectiori, causam ejus perfectiorem judicemus. Ergo debent produci ab aliquo Ente non contento intra Species rerum defactò productarum, quod Ens, vocamus Deum. Item, si possunt dari Entia completa intellectiva simplicia. Quæro, existuntne talia Entia, vel non? Si non? Ergo sunt contingentia in existendo; proinde debet assignari Principium, sublativum hujus contingentia, potensq; illa facere existere, ac ex nihilo extrahere; hoc verò Principium, non est Mundus Corporeus; cum hic sit etiam contingens in existendo, sitq; insuper longè imperfectior illis speciebus; utpote Corporeus & compositus. Ergo aliquod aliud Principium debet dari: nempe Deus. Si autem sunt actu tales substantiæ (quod tamen Athei non concedent) multò magis exinde infertur Existentia Dei, ut videre est infra sub Argumento 32.

*specierum
& substantiarum
spiritualium
intellecti-
varum com-
pletarum.*

13tium Argumentum.

13tium.

SI potest interire species, seu collectio leporum, canum, luporum, boum, leonum, aquilarum, hominum, rectè infertur dari Deum; ut probatum Cap: 4. in Tractatu 2. Libri 1. Sed possunt interire prædictæ species. Ergo datur Deus. Minor probatur. Tum quia pleriq; Athei, cum quibusdā antiquis Philosophis, asserunt, non solum interire posse prædictas species, verum defactò revolutionibus sæculorum multifariis, ac circulationibus temporum, variis eluvionibus, incendiis, terræ motibus, funditus interiisse (quod tamen omnino veritati dissonat) multoties genus humanum, & animantia; idedq; à nobis non

*Ex possibili-
tate interitus
specierum qua-
rundam.*

Dd3

haberi

haberi hiftorias Mundi ab æterno existentis. Tum quia (præterquam, quòd nulla vera afferri poffit implicantia) prædicata specifica naturæ humanæ, videlicet, animal, rationale, rifibile, admirativum &c: ex fe non important neceffitatem eflendi & durandi femper, ut clarum; idem dic de prædicatis specificis naturæ caninæ, leoninæ, &c. Tum quia, cur homines abfolutè loquendo, conspirare non poffent, ut omnia animalia domestica interimerent, antequam femen fuum procrearent? vel cur convenire non poffent efficaciter ad delendam speciem totam v. g. luporum, leonum? Aër item cur non poffet ita abfolutè infici humoribus nocivis, ut species aliquæ intereant?

Accedit. Quia terra tota obruta maniffet aquis, utpote illis gravior, & infimum locum petens; ficut defaëto obruta fuit initio Creationis Mundi: proinde homo, & terreftria animalia perfectæ, ac volatilia, non fuiffent per fe loquendo, fi DEus non congregaffet aquas in unum locum, (faciendo fub ipsa terra cavitates maximas, & in terra alveos receptivos maris, fluminumque) ut appareret arida, propter hominis & animalium habitationem.

Nòëticum diluvium. Confirmatur Propofitio, Nòëtico diluviò. Tempore enim Nòë, per 40 dies ac noctes, per univerfum Orbem pluit, crevitq; diluvium: diebus verò 150 ftegit; & 175 diebus diminutum, abfumptumq; eft. In hoc Nòëtico diluvio, faëto ab exordio Mundi, juxta Cornelium, Anno 1656; ex innumeris ferè hominibus; longè enim plures erant, quàm hoc noftro fæculo exftant; (ut multum probabiliter deducit P. Leffius lib: de Perfect: Divin:) folummodo octo homines falvati; & in Arca Nòë pro confervandis speciebus animalium, bina & bina ex omni carne, Mafculus & Fœmina affervata funt mirabiliter. Cujus diluvii & Arcæ, non folum clarè meminit pluribus in locis Scriptura facra, fed etiam, ut inquit Iofephus lib: imo Antiquit. cap: 4to: *Meminerunt omnes Barbaricæ Hiftoriæ Scriptores, & in his Berofus Mnaffæas, aliq; plures.* A S. item Cyrillo lib. 1. contra Julianum, producantur Alexander Polihiftor, & Abydenus *Nam de hisce rebus (inquit Divus Cyrillus) & in illorum libris fic mentio, tametsi non proprius irreprehensibilem veritatem fcripsere, utpote alieni, & dogmatum Fidei noftre non participes. Et Alexander quidem dicit: Artò defunctò, fub Filio ejus Chysutbro, fuiffe magnum diluvium, ipfumq; fervatum, quum præ-*
dixiffet

dixisset ei Saturnus, futurum: & quòd fabricanda sit Arca, in qua ipse simul cum avibus, reptilibus, & jumentis navigare debeat. Abydenus manifestius narrat, sic dicens: Post quem & alij fuere, & Chrysuthrus, cui Saturnus prædixit futuram multitudinem imbrum, jussit autem omnes scripturas servari in Heliopoli in Sculpturis; ita Chrysuthrus fecit, & statim ad Armenios navigavit, subitoque evenerunt Divinitus fieri jussa. Tertiâ autem die diluvii, tediô affectus emisit volucres, periculum facturus, scubi terram videret aquis exutam: illæ autem invenientes mare non apertum, devolant, quòd ferebantur, Chrysuthrum à tergo relinquunt, & post illas, aliæ; Ut autem tertio hoc accidit, abiit à luto & venit in Tarfos, & Dii quidem ex hominibus apparent: in Armenta autem reliquia lignorum sunt; ad multa utiles, & ab incolis ejus Regionis servantur. Itaq; Chrysuthrum, vocant Nôé; fortassis Assyriorum voce: & in hoc iterum à vero aberrârunt, quòd pro Univerforum Deo, Saturnum, illi ajunt, futura dixisse. Hucusq; ex S. Cyrillo. Josephus etiam lib: 20 Antiquit. cap: 2do scribit: Arcæ reliquias ætate sua, in Regione Cæron conservatas & ostensas. Nicephorus item lib: 7mo. cap: 49. refert de Dolabra, quâ Nôé Arcam construxerat, in honore habuisse Constantinum, atque condidisse sub Columnæ basi, in qua statuam suam collocaverat. Ad Templum quoq; Lateranense S. Joannis, Romæ, pars ligni ex Arca illa asservatur. Demum, ut scribit P. Massæus lib: 2. Historiarum Indicarum; Brasili, nonnulla de Nôé atq; diluvio, à Patribus accepisse dicuntur. Vide & dicta suprâ in Tractatu 2do, Cap: 3tio. de Auctoritate Scripturæ sacræ.

Neq; dicas. Species rerum sunt æternæ, ingenerabiles, & incorruptibiles; ut fert axioma ex Aristotele desumptum. Ergo non est possibile, ut species leonina, humana, &c: intereant. Respondet enim P. Thomas Munieslâ, Doctör & Rector olim Barcinonensis: Axioma allatum, esse omnino rejiciendum, utpote infundatum errori de Mundi æternitate, juxta quem errorem (ut citatus Auctor loquitur) dicebat Aristoteles, rerum species, quas ipse alio nomine appellabat, Essentias, esse æternas: Alii, Essentias seu Species rerum, dicunt esse incorruptibiles, ingenerabiles, æternas, quòd ad esse hypotheticum, in quantum, quocunq; instanti æternitatis, ante quamcunq; productionem physicam, & post quamcunq; productionem rei, verum est

Species rerum in quo sensu æternæ, ingenerabiles?

est dicere. Si, & quandocunq; res hæc existet. v. g. Antichristus, existet animal rationale, risivum, admirativum: hanc & non aliam habebit prædicatorum suorum essentiali connexionem, sine ulla contradictione. Item: Quia species semper retinent esse potentialiter virtualiter in Omnipotentia DEI, tanquam in causa sui: retinent item & esse objectivum, seu Intellectivum in Esse Divino. Denique alii dicunt, esse species ingenerabiles, incorruptibiles, negativæ; non positivæ; quia scilicet, generari, vel corrumpi non possunt seorsim extra individua: licet generari, vel corrumpi possint, imò necessarii debeant, productis vel corruptis omnibus earum individuis, actu existentibus.

14^{um}.

*Ex insufficientia
Entium cau-
satorum
ad existen-
dum.*

14^{um} Argumentum.

SI datur collectio Entium insufficientium sibi ad esse, videlicet, hominum, brutorum, plantarum, &c: tunc debet dari tale etiam Ens, quod & sibi ipsi sufficiat ad esse actu; & aliis, scilicet, hominibus, brutis, plantis, &c: sive immediatè, singula producendo, siue producendo aliqua immediatè, à quibus reliqua immediatè producantur. Aliàs enim nullus homo, nullum brutum, & planta existeret: siquidem hæc omnia sunt insufficientia sibi ad existere, licet supponantur esse infinita. Implicat autem aliquid existere, sine sufficientia ad existendum, quantumvis supponantur multiplicari talia Entia in infinitum. Sed datur collectio insufficientium sibi ad esse; videlicet, hominum, brutorum, &c. Ergo datur tale Ens, quod & ipsi sibi sufficiat ad esse actu, aliisque omnibus distinctis à se: proinde datur Deus; nomine enim Dei, intelligimus tale Ens; insuper quia tale Ens, est in omni genere perfectissimum, cum sit Ens à se.

Veritas Majoris & Minoris Propositionis cum suis partibus, demonstrata est Capite 5^{to}. in Tractatu 2^{do}, Libri I.

Nota. Patres Nostræ Societatis in Sinis degentes, linguâ Sinicâ inter alia plurima, ediderunt Opusculum, quod ipsi, Divinæ Legis Compendium vocant; complectitur enim præcipuos de DEO Uno & Vero articulos: illud P. Athanasius Kircherus in sua China illustrata, folio 121. cum versione latina, juris publici fecit, inter alia occur-

occurrunt ea, quæ ad hoc Argumentum 14, meritò revocantur, suntq; *Sinenfibus* hæc: *DEUS non est aliud, nisi Gubernator omnium rerum, simul etiam omni- quali Ar-*
um rerum magnus Dominus, qui fecit Calum, Terram, spiritus, ho-
mines. Calum, Terra, homines, omnesq; res antea nihil erant, & postea gumento
fuere. Ergo ante Calum, Terram, homines, resq; omnes, antea necessariò fuit probata est
aliquis Dominus, ut crearet illa. Quia omnes res non possunt ex se fieri, Existencia
omnes habent id, ex quo ipsæ factæ sint, vel sui Factorem; sicut turres & DEI?
domus, non possunt erigi à se ipsis, necessariò perficiuntur artificis manu.
Ergo Calum, Terra, homines, & creatura quomodo possunt à se ipsis crea-
ri? Auctor rerum illarum est, quem nos nominamus, DEum.

Neq; ad eludendam vim Argumenti hujus, valet recursus ad mutuam causalitatem duorum Entium: vel ad productionem sui ipsius. Evidens enim est, quòd nihil seipsum possit producere quòd ad primò esse; nec possit dari mutua sufficientia principalis; ut constat ex Capite 7mo. Tractatùs 2di.

Argumento longè antè videtur usus isto etiam Regius Vates, *S. David*, dicens Psalm. 99. *Scitote, quoniam Dominus ipse est DEus, ipse fecit nos, & aliquis*
& non ipsi nos. Ac si diceret: Collectio hominum, seu Genus huma- *dam San-*
num, non seipsum fecit, nec ullus hominum se ipsum; proinde alius
est investigandus Generis humani Dominus, à quo sit productum
Genus humanum, & qui ideo sit DEus noster, ac dignus, ut adoremus
& procidamus ante eum, qui fecit nos, quia ipse est Dominus DEus no- tò usi.
ster.

Peto Nate (verbis te, *Athee*, illis alloqui libet, quibus olim confautissima Mater. suum Filium Martyrem, 2do Machab: 7mo) *ut aspicias ad calum, & terram, & ad omnia, quæ in eis sunt, & intelligas, quia ex nihilo fecit illa DEus, & hominum genus. Genus item brutorum, plantarumq; & intelligas, quòd Omnis sufficientia ex DEO est, ex quo omnia, per quem omnia, in quo omnia.* Unde etiam apud Hebræos, inter decem Nomina DEI, nonò locò ponitur Nomen: *Saddai*, id est: Cui est omnis sufficientia; dicasq; cum *Isaia* cap: 64. *Et nunc Domine Pater noster es Tu, nos verò lutum; & fictor noster Tu, & opera manuum tuarum omnes nos.* Dicas cum *Divo Augustino* Soliloq. 31. *An aliunde, quàm à Te trahitur omne esse & vivere? nonne Tu es Sum-*
um Esse, à quo est omne esse, quidquid enim est, à Te est, quia sine Te nihil est.

Aliàs contra gregem pertinacium Atheistarum, usurpanda illa verba Moyſis, Deuter: 31. *Generatio prava atq; perversa, hæcine reddis Domino, popule stulte, & insipiens? numquid non ipse est Pater tuus, qui posſedit te, & fecit, & creavit te?*

Iſtum Argumentum.

Iſtum.

DEus exiſtit, quia falſum eſt, quòd omne Ens ſit ab alio.

Falſa eſt Universalis Propoſitio affirmativa hæc: *Omne Ens eſt ab alio.* Nam hæc Propoſitio deſtruit ſeipſam; illud enim Ens aliud, non eſt extra omne Ens. Ergo vera eſt, univerſali illi affirmativæ contradicторiè oppoſita particularis negativa hæc: *Aliquod Ens non eſt ab alio.* Duæ enim Contradicторiæ Propoſitiones, non poſſunt ſimul ambæ eſſe veræ, aut falſæ. Ergo datur DEus. Illud enim Ens verum reale, quod non eſt ab alio, eſt à ſe, ac proinde eſt DEus. Ad hoc Argumentum ſi fortè reſponderent Athei: Omne Ens eſſe ab alio, ſolum in hoc ſenſu, quòd ſingula Entia ſint ab alio; non autem Collectio omnium Entium ſit ab alio. Tunc contra illos urgendum eſſet ex dictis in Tractatu 2do, cap: 5to, ſub Propoſitione 3tia, 4, 5, & 9.

Confirmatur ex Patris Raynaudi Theologia Naturali diſtinctione 5ta. quæſt: 1. art: 3. Tota collectio cauſarum, unius alicujus effectûs, vel importat unam aliquam cauſam ultimam, quæ ſit à ſe, & non ab alia cauſa; vel nullam cauſam talem importat, ſed omnes illæ cauſæ ſunt ab aliis cauſis anterioribus. Si detur primum: habemus Principium improductum, ſive DEum. Si ſecundum. Ergo activitas, à qua manare debuiffet effectus ille, fundata fuiſſet in non eſſe, Quod eſt impoſſibile.

16tum.

Quia debet dari Ens neceſſariò eſſentialiter exiſtens.

16tum Argumentum.

EGo exiſto, Ergo & DEus exiſtit. Probatur Conſequentia. Dum mihi evidens eſt, quòd ego exiſtam, evidens mihi eſt, quòd ego contingenter exiſtam. Ergo mihi evidens eſt, quòd ſum ab alio. Ergo mihi evidens eſt, DEum exiſtere. Probatur 2da Conſequentia. Dum ego ſum ab alio, ſum ab alio, vel neceſſariò exiſtente, vel contingenter exiſtente. Sed ſive hoc dicatur, ſive illud, evidens mihi eſt, DEum exiſtere. Ergo &c. Minoris ima pars patet. Si enim ego ſum ab alio,

alio, necessariò essentialiter existente; illud est D^eus. Si autem sum ab alio contingenter existente; de illo iterum alio, redit quaestio. Utrum sit ab alio, necessariò existente, vel ab alio contingenter existente; si contingenter: tunc ipsum quoq; indigebit causâ distinctâ; vel ergo devenietur ad duas Causas, se primò mutuò causantes: quod implicat. Vel debebit sisti in Ente incausato, necessariò essentialiter immutabiliter existente; proinde debebit sisti in Deo; vel ibitur in infinitum. Hoc autem ultimum, est impossibile. Tum quia processus infinitus in causis per se subordinatis, hoc est per se necessariis ad effectus cujusque productionem, repugnat juxta omnes Philosophos. Tum quia alias pro uno Ente necessario, ab Atheis excluso, tenerentur illi admittere infinita Entia necessaria subordinata; si enim illæ causæ, non sint necessariae, sed contingentes, jam possunt omnes non fuisse: posito autem, quòd non fuerint, jam impossibile est, quòd aliquando fuerint, vel sint: quia nec potuerunt esse sine causa, & ultra omnes contingentes, non est per Atheum, causa. Tum quia videtur incredibile, imò non videtur possibile) ut sapienter argumentatur P. Vasquez 1. par Disp. 20. num. 11.) Unamquamq; rem indigere ad sui esse, infinitò numero causarum; habet enim unaquæq; determinatam naturam, ac proinde determinatam etiam postulat causam, quæ hujus vel illius naturæ sit: quare à confusa & infinita multitudine causarum, pendere non potest. Nec essentialis ordo causarum efficientium videtur posse per infinitam seriem, virtutem Superiorum ad inferiores deferre. Tum demum præcipue. Quia admissò etiam fictitiò hoc progressu in infinitum, in producentibus & productis, utpote contingentibus, & sibi omnino insufficientibus ad essendum, non tolletur, sed augebitur insufficientia. Ergo admitti debet causa sibi omnino sufficiens, & alterius non indiga ad existendum seu Ens incausatum essentialiter necessariò existens.

Confirmatur à Patre Honorato Fabri, Argumentò, quod ille vocat Demonstrationem Geometricam, estq; ejusmodi: Mihi evidens est mea existentia; si enim dum cognosco, evidens est me cognoscere. Ergo & existere: cum nihil non existens, possit actu habere Cognitionem. Item est evidens, me existere contingenter; quia dum existo nunc, nondum existo cras, nec amplius existo heri. Ergo non essen-

tialiter existo. Alioquin semper existerem indivisibili duratione, nec possem cras, non existere heri, sed existerem semper. Demum non ubiq; existo, sed hic, non illic; quod autem essentialiter necessario existit, ubiq; existit: quia de illo negari non potest existentia in ulla loci aut temporis differentia. Vide dicta supra in Tractatu 2do. cap. 1. sub Propositione 3ta. Ergo evidens est me non existere essentialiter, Ergo contingenter; Ergo ab alio determinatum ad existendum hic & nunc. Ergo evidens est mihi, dari illud Aliud, à quo essentialiter dependeo. Sed tale ratiocinium, potest facere de se quacunq; Creatura alia, in tota Collectione Entium non essentialiter existentium (si enim aliquid essentialiter necessario existit, hoc est Deus) Ergo evidens mihi est, extra totam Collectionem Entium, non essentialiter existentium, dari Ens unum, à quo homines, aliaq; omnia.

17mum Argumentum.

17mum.

Quia debet dari extra totam collectionem Ens causativum incausatum.

TOta Collectio Entium insufficientium sibi ad existere, seu Entium causatorum, non est causata secundum partem sui tantum. Aliàs altera pars, non esset causata: quod est contra suppositionem; supponuntur enim singulae partes esse causatae. Nec est etiam causata illa Collectio, secundum se totam. Quæro enim, à quo est sic causata? Non à se. Tum quia nihil potest esse causa sui, saltem quò ad primò esse. Tum quia tota collectio simul nunquam existit. Non etiam est causata à parte sui. Quia illa Pars, vel causaret seipsam; & hoc implicat; vel causaret tantum partes à se adæquatè distinctas; & sic eo ipso non esset pars collectionis causatorum ab alio; siquidem illam sejungis à tota collectione causatorum ab alio.

Accedit. Quia illa pars, quæ causaret partes, à se adæquatè distinctas, non causaretur ab alio; aliàs causaretur ab aliqua comparte sua, quam causat primò; sicque daretur mutua causalitas, quò ad primò esse. Ergo extra totam Collectionem causatorum, debet admitti aliud Ens causativum, incausatum, quod est DEUS.

18vum Argumentum.

Creatura est indifferens ad esse, vel non esse. Ergo ut aliquando incipiat esse, debet pro priori Naturæ, aliquid intelligi, quod eam determinet ad esse. Sed hoc nequit esse una, neq; altera, neq; infinita Creatura. Ergo aliquid suprâ Creaturam. Minor probatur. Quia quod ex se est indeterminatum ad esse, non potest se solo alterum determinare ad esse. Sed quævis Creatura, est ex se indeterminata ad esse: est enim quælibet contingens, ut suppono; aliâs si esset Ens essentialiter necessarium in existendo, ab ullo independens, esset in re, ipse Deus. Ergo nulla Creatura potest se solâ alteram determinare ad esse. Sicut si famelico superveniat famelicus, non satiat famelicum, etiamsi in processu eatur in infinitum; quia quod ad satiandum requiritur, tam uni deest, quàm alteri. Ergo etiam, si Enti ex se indifferenti, superveniat Ens ex se indifferens, licet procedatur in infinitum, non tollet se solo indifferentiam ab illo Ente; quia quod ad tollendam indifferentiam requiritur, tam uni deest, quàm alteri: sicut enim unum famelicum, non satiant infiniti famelici (Addo: nec unum hominem nil omnino scientem, ac nil omnino habentem, non faciunt doctum & divitem; infiniti homines, nil scientes, nil habentes; nec infinita Entia, quorum singula sunt insufficientia sibi ad esse, faciunt collectionem Entium sufficientem sibi ad esse) ita unum Ens indifferens ad esse, vel non esse, non determinabunt infinita Entia ex se indifferentia ad esse, vel non esse.

18vum.
Infertur
Existen-
tia DEI
ex indis-
ferentia
creatura
ad existen-
dum.

19num Argumentum.

Nihil potest seipsum primò producere vel conservare. Inquiro ergo. Petrus à quo jam, seu hòc instanti conservatur? Si dicas à cælo. Inquiro ulterius, Cælum à quo conservatur? abire hîc non possumus in infinitum; cùm sit determinatus numerus rerum jam existentium. Ergo ad aliquid tandem deveniendum, quod reliqua omnia conservet, nec ab iis conservetur, hoc autem necessariò debet esse Ens à se, & superioris Ordinis ad res omnes creatas, & consequenter Deus. Ita argumentatur P. Comptonus cum quibusdam Theologis. Adverto tamen

19num.
Item ex
impoten-
tia crea-
tura se
producen-
di, vel con-
servandi.
hic

hic *ind.* quòd licèt causæ aliquæ possint indirectè per influxum physicum in aliquid aliud à se distinctum, se ipsas aliquamdiu conservare, resistendo suis contrariis, illaque à se removendo; & ita dici potest, quòd gutta aquæ, se indirectè conserve, colligendo se in globulos, ne statim effluat, ac intendendo suum frigus, ut sic validius resistat calori ipsius destructivo; ferrum etiam conserve se indirectè, sua duritie resistendo, ne facillè incalescat; & diffuat, Animalia item fovendo calorem nativum, contra inimicam ipsis intemperiem; tamen nulla creatura se conservat per immediatum influxum in se physicum, nec conservare sic potest; sicut enim se nihil potest producere, ita nec se tali ratione conservare; siquidem conservatio, est continuata rei productio.

Adverto 2dò. Mihi longè efficacius videtur esse Argumentum pro Existentia Dei, deductum ex insufficientia Entium ad existere, quàm deductum ex impotentia se conservandi; difficulter enim, saltem certò & evidenter probari potest, quòd aliquid existens in rerum natura, non possit se conservare per influxum in se physicum; & quòd Conservatio, sit continuata rei productio; Vel quòd ad hoc, ut aliquid perseveret in suo esse, requiratur indispensabiliter Conservatio directæ sui ab alio Ente realiter distincto, nec sufficiat unquam indirecta conservatio. Jam verò certum est ac evidens ex dictis in Tractatu 2do, Cap: 5to. quòd Entia insufficientia ad existendum, ut existant, requirant necessariò aliquod Ens sibi sufficiens ad existendum.

2omum.

2omum Argumentum.

*Desumi-
tur ex im-
potentia
creatura,
aliquid
creative
producen-
di.*

EX una parte constat, quòd Agentia creata non habeant vim creandi, seu ex nihilo subjecti, aliquid producendi. Hinc illud est Axioma ab omnibus receptum. Ex nihilo nil fit. Et Aristoteles ino Physic. tex. 34. dicit: *Id, quod est, ex iis, quæ non sunt, fieri impossibile est, de hac enim conveniunt opinione omnes, qui de natura.* Omnes, inquam, conveniunt tam antiqui, quàm recentes Philosophi, & Doctorum scholæ omnes, licèt disconveniant: in ratione assignanda, quare Creatura, nequeat aliquid creare. Ex altera etiam parte sat validè probatur, Materiam primam esse creatam; cum enim sit primum sub-
jectum,

jectum, non potuit produci ex præexistente subjecto; esse autem productam, constat ex dictis in Tractatu 2do, Cap: 1. sub Propositione 5ta. Non enim est Ens à se tam positivè, quàm negativè. Ergo dari debet Agens increatum, à quo creativè producta sit materia prima.

Confirmatur. Tum quia anima rationalis creativè producit & Angeli, ut probari solet in Philosophia & Theologia. Tum quia saltem est possibilis substantia, quæ creativè produci possit, proinde debet admitti Agens increatum, à quo procedat vel procedere possit actio creativa.

Appono hic & aliud non contemnendum (saltem multum probabile) Argumentum tale. Causæ creatæ necessariæ debent determinari (intellige causaliter, radicaliter, & quasi electivè) ad producendum hoc potius individuum, quàm aliud ejusdem speciei. Omnis enim actio est circa singularia. Sed non possunt ad hoc determinari ex seipsis vel dispositionibus, aut circumstantiis. Ergo debent determinari ab aliqua causa Universali; Hæc autem non est alia, nisi Agens, habens Intellectum infinitum, quò simul præcognoscat totam Collectionem causarum omnium necessariarum, in rerum natura, pro quacunque temporis differentia existentium, imò & possibilium: Collectionem item individuum producibilium; proinde habens & Essentiam infinitam, proportionatam Intellectui; tale autem Ens est solus DEUS. Dixi. Causæ secundæ necessariæ. Quia non improbabile est, quòd non solum possint, sed & defacto determinent seipsas causæ secundæ liberæ, ad individuationem actuum suorum liberorum; ad hoc enim videtur sufficere, ut præviâ cognitione, discernat Causa libera hoc individuum esse distinctum ab alio; quod utiq; Causa libera præstare potest? Admissâ item hac sententiâ facilius responderi potest, ac solidius, cur Deus non sit causa peccati, licet ut Causa prima, cum Voluntate concurrat ad omnes actiones etiam peccaminosas.

Nota hic imò saltem multum probabile esse, quòd causæ secundæ necessariæ, non determinent seipsas, quòd ad individuationem effectus. Nulla enim videtur posse sufficiens assignari ratio, cur non sint plures numero effectus possibiles, omnino sibi similes ab hac causa, hic & nunc in his circumstantiis? cur ignis v. g. hoc tempore,

*Causæ itē
saltem ne-
cessariæ
videntur
ad indivi-
duationē
effectus,
debere de-
terminari
ab Agen-
te, essen-
tiam ha-
bente in-
finitam.*

re, in hoc paffo, producat calorem A, & non potiùs calorem B, vel C, quos fortè alio tempore producet? Neq; dicas. Inter effectus ipfos ex natura rei, certum effe ordinem prioris & posterioris. Contra enim eff. Tum quia id gratis omnino & arbitrariè dicitur. Tum quia aliàs, (ut urget P. Comptonus) homines effent Naturâ fuâ primogeniti, & Majores vel minores natu aliis, cum petant produci, eò determinatò tempore, quò defacto funt producti, ficq; deberet admitti, quòd Cain naturâ fuâ petiit produci ante Abelem; Joſeph ante Beniaminum, quod videtur durum.

Nota 2dò. Multum probabile effe, determinationem ad individuum, non fieri ab aëione, vel à diſpoſitionibus, vel à circumſtantiis loci & temporis. Ratio eff. Tum quia recurrit eadem difficultas de ipſa Aëione, & circumſtantiis. Quæro enim: illæ ipſæ aëiones, diſpoſitiones, circumſtantiæ, unde habent, ut hæ potiùs producantur, quàm aliæ, ejusdem ſpeciei? Neq; recurras ad tempus vel ſpatium imaginarium. Imaginaria enim ſatis eff ſolutio & reſponſio, quæ ab imaginariis deſumitur. Tum quia aliàs Chriſtus Dominus non potuiſſet produci idem numerò, ſi vel uno inſtante, ſeriùs aut citiùs fuiſſet productus. Item, ſi DEus vel uno citiùs inſtante produxiſſet Mundum hunc, non potuiſſet hunc numero connaturaliter producere, ſed alium. Quod tamen utrumq; concedere, videtur, eſtq; defacto nimis arduum.

21um.

21um Argumentum.

Deſumitur ex operationibus Agentium naturalium, intellectu carentium, convenienter ad finem.

Agentia naturalia, intellectu carentia operantur ad finem ſuum convenienter; quia ſemper eodem modo, eoq; optimo: Natura enim non ſolum non agit fruſtra, ſed etiam ſemper facit eorum, quæ fieri poſſunt, quod optimum eff: ut dicit Ariſtoteles 2. de celo lib. textu 14. patetq; id ipſum Inductione. Cum autem ordinatio ad finem, debeat effe à præcognoſcente finem: Finis enim non movet, niſi cognitus: ea verò, quæ cognitione & ratione carent, non poſſunt ex ſe ipsis ad Finem præcognitum dirigi; Imò etiam Intelliektiva Entia, non habent ſufficientem notitiam, quâ dirigant ſe ipſa, ad omnia ea efficienda, quæ naturaliter, eoq; modo operari ſolent. Nulla enim mulier novit, quomodo in utero debeant effingi membra infantis; &

à for-

à fortiori, nullum brutum novit artem formandi foetus suos; Unde sequitur necessario, quod debeat dari Mens superior, dirigens & ordinans res naturales non intellectivas, imò & intellectivas ad finem suum, Hæc autem Mens directiva omnium, est DEUS.

22dum Argumentum.

Videmus Brutorum animalium opera admiranda, toti speciei, ac omnibus individuis communia. Innuo ex innumeris, aliqua. Formicæ, æstate pro hyeme cibum providendo, meliora grana inter frumentandum feligunt, deferuntq; in sua antra; grana incidunt & arrodunt oculos seminis exedentes, ne germinet & putrescant. Tempore sereno, grana exponunt, & exsiccant: imminente pluviâ recondunt in antra; majora pondera dividunt, vel se juvant in illis ferendis. Apis in obscuris alvearibus, quàm sapienter mira arte, apothecas mellis sex angularium fistularum construit! Audi Divum Basilium Homiliâ 8. Hexæmeron. Apis in tenuem extensa cera membranam, frequenter cellulas densas, sibiq; continuas, alias super alias extruit, ut ipsarum adeò minutarum inter se se vinculi densitas, universo sit operi firmitudo: quæque enim adhæret alteri cellula, pertenui sejuncta simul, copulataq; septo; deinde aliæ super alias, accumulantur hæ fistulæ, in altumq; editur opus, perinde ut ædes præcellæ, secundâ, tertiâq; præditæ contignatione. Namq; cavetur, ipsi continuum unum efficere finem, ne foras humor, suo præpondere dilabatur. Non prius ad præta proficisci sustinent Apes, quàm Regem foras prodire videant, anteireq; volatu. Hucusq; S. Basilius. Porro, ut docet Aristoteles lib: 5. Histor. Animal: 22. Apes construunt favos è floribus: ceram ex arborum lacryma effingunt: mella ex rore æris colligunt: est enim mel, roris medulla, ejusq; succus prædulcis, & subtilis, qui herbis, flosculis, & terræ solo excipitur, atq; ab apibus colligitur. Vide Cornelium à Lapide, in Caput 45. Isaïæ. Aranæ per subtilia (utor verbis Sancti Nazianzeni Oratione 34.) stamina multipliciter intensa, quàm sinuosas telas texunt! quæ ipsis & pro eximio quodam domicilio sint, & venandis alimonix causâ imbecillioribus animantibus inserviunt. Nodi telæ non

22dum.

Ex operac
tionibus
admiran-
dis bruto-
rum.Ut formi-
carum.

Apum.

Aranearū

*aliorumq;
Animan-
tium.*

disparati, nec flaminofi, fed inftar membranæ levis, continui, & aded glutinofi, ut & favientibus non facilè rumpantur ventis; ipfa tela coloris caliginofi, ut magis fallat: cùm incidit captura, ftatim in medium currit aranea & periti aucupis inftar trahit rete, fciffumque, protinus reficit. Hirundo, quàm artificiofè nidum fuum exftruit, & ab illo vermiculos quofdam arcet, foliis apii! Gruum volatus, quàm induftriofus! &c. Teres byffi textor Bombyx, quàm admirandè fericis fuis è vifceribus ftamina ducit! quàm idem ftupendè, ac multifariè transformatur! Quanta item in Brutis, peritia remediorum! Divus Ambrofius lib: 6. Hexæmeron, cap: 4. fcribit: Caprea vulnerata, dictamnum petit, & de vulnere excludit fagittas. Leæger, fimiam quarit, ut devoret, quo poffit fanari. Leopardus, capræ agreftis fanguinem bibit, & vim languoris evitat. Omnis fera ægra, canis haufto curatur fanguine. Urfus æger, formicas devorat; Cervus, oleæ ramufculos mandit. Urfæ (ut refert Divus Bafilius Homiliâ gnâ. Hexæmeron) vulneribus faucia, verbaſco ſibi medetur. Vulpes laricis arboris lacrymâ, ſeipſam curat. Anguis, feniculi paſtu, lippitudinem oculorum curare videtur. Chelidoniæ herbâ, hirundines pullorum fuorum oculos illiniunt, & roborant. Canes cernimus gramine deglutito, ftomachum ſibi vomitu movere. Palumbes, Merulæ & Perdices, lauri foliis ſe purgant. Columbi & omne gallinaceum genus, parietariâ, humorum ſibi ſarcinam levant. Ibes, ciconiæ ſimilis, dum humorum noxiorum copiâ gravatur, roſtrô, aquâ marinâ impleto, ea ſe parte proluit, quâ ventris onera reddi maxime ſalubre eſt. Hinc Clyſterum demonſtrator eſt Ibes. Hypotamus fluminis Nili equus incola, cùm opprimitur ſanguinis copiâ, ad acutiores ripæ cannas, affricto femore ſibi venam pertundit, quâ ſuperfluum ſanguinem à ſe exigit, ſiſtitq; , cùm par eſt: volutatio per craſſum limum corpore. Hinc Phlebotomia inventa eſt. Ex his ſat clarè evincitur, neceſſariò dari Ens aliquod ſummò Intellectu præditum, à quo brutorum actiones gubernentur, ac in fines proprios, aded convenienter ordinentur; Animantibusq; ad tam ſtupendas actiones inferantur inſtinctus: ſiquidem bruta, utpote intellectu deſtituta, non præcognofcunt fines illos; Hoc porro Ens, vocamus, Dæum.

Neg;

Neq; dicas, ab Animantibus exerceri admirandas illas actiones ex eo, quia illas, exemplò ac imitatione didicerunt à suis Parentibus. *Obiectio solvitur.* Contra enim est. Tum quia etiam illæ apes & formicæ, aliæq; mista Animantia, quæ nasci solent quandoq; ex putri, admirandas actiones exercent; cum tamen eas, ut certum est, didicisse non potuerint à Parentibus. Tum quia etiam Animantia, si statim post sui ortum, eximantur ex nidis vel cubilibus suis atq; in loco aliquo separato, sine ulla Parentum suorum cura foveantur, postea tamen sine ullo exemplo & imitatione, ab iis exerceri solent opera admiranda. Tum quia semper constanter & eodem modo actiones illas peragunt animantia. Ergo evidens est id fieri ex instinctu, animantibus illis indito ab Auctore Naturæ.

23tium Argumentum.

23tium.

SOL, Luna, Astra, Cæli, non sunt Entia à se; neq; sunt Entia, quæ se ipsa singula primò produxerunt; vel quæ mutuo se produxerunt, quò ad primò esse; Ut demonstratum est suprà in Tractatu 2. sub Propositione ima. 2. 3. Nec sunt à casu fortuito; ut patet ibidem ex Probationibus Propositionis 4tæ. Verum sunt producta ab Ente summæ Potentiæ & Sapientiæ; ut clarè deductum est ibidem, sub Propositione 4. & 5. Sed DEUS, est Ens summæ Potentiæ ac Sapientiæ. Hoc enim nomine DEI intelligitur. Ergo DEUS est, qui produxit Solem, Lunam, Astra, Cælos: proinde existit. Accedit, quòd Astra habeant adversos vel diversos inter se cursus, atq; eos omnes certos, & ad legem: dic mihi (quæro & urgeo cum eruditissimo Lipsio Cent. 2. Epistolarum ad Belgas, Epist. 26.) à quo præscriptam? Sibi certè nemo normam hanc assiduæ servitutis indicet. Alius igitur? quis? ascende & gradibus pervenies ad immotum illum, & omnia moventem. Ut in horologio, cum gnomonem serpere sensim vides, non illic sistis, sed ad rotas, rotulasq; abis, & miraris: & deniq; manum & ingenium Auctoris primi: idem hîc fac, & DEUM reperisti.

Ex productione Corporum Cælestium.

Rectè Lombardus, Episcopus Parisiensis, qui Universæ Theologiæ summam, ex Sacrorum Theologorum Sententiis, compendiosè,

libris quatuor, complexus, ob idq; antonomasticè, Magister Sententiarum, & Theologorum Scholasticorum, dici meruit, floruit circa annum 1140. Hic inquam Petrus Lombardus, in prim: Sentent. Dist 3. rectè dicit: *Accedat, quæcunq; vis, creatura, & faciat tale Cælum*, (addo, talem Solem, Lunam, Astra, tantæ magnitudinis ac elevationis à terra faciatq; ea tam admirandè moveri: ut ostendi Cap: 7. Tractatûs 2di sub Propositione sta) *& dicam, quia DEus est.*

Certè si quis debitè perpendat, quæ dixi toto illo Capite 7. Tractatûs 2di, non dubito impellendum, ut admirabundus exclamet cum Psalte Regio, Psalmo 103. *Quàm magnificata sunt Opera tua Domine? omnia in sapientia fecisti:* Et cum Ecclesiastico, cap: 43. *Sol, vas admirabile, Opus Excelsi, magnus Dominus*, (imò maximus Bonitate, Potentiâ, Sapientiâ) *qui fecit illum.* Dicatq; cum Jeremia cap: 10. *Qui facit terram in fortitudine sua, præparat Orbem in Sapientia & Prudentiâ suâ extendit calos.* Dominus exercituum nomen illi. Demum approbet illud Sapientiæ 13. *Vani* (seu ut est in Græco textu: Stulti) *sunt omnes homines, in quibus non subest Scientia DEI, & de his, quæ videntur bona, non potuerunt* (quia noluerunt: excæcavit enim eos malitia eorum: ut legitur Sapientiæ 2. & noluerunt intelligere, ut bene agerent, ut habetur Psal: 35. (*intelligere eam, qui est* (id est DEum, qui de se ipso dicit Exodi 3. cap: Ego sum, qui sum) *neq; operibus attendentes, agnoverunt, quis esset Artifex; sed aut ignem* (ut Persæ, & ideo templa sua, vocant Pyrea, quia in illis πυρ: id est, ignis, eorum DEus colitur) *aut Spiritum* (id est aërem puriorem ac superiorem) *aut ventum* (ventos enim pro Diis cultos, perhibet Seneca) *aut citatum aërem* (id est mediæ ac inferioris Regionis, quæ vocatur Juno) *aut gyrum stellarum*) id est, cælum stelliferum & stellas) *aut nimiam aquam* (id est mare, seu Thetyn vel Neptunum) *aut Solem & Lunam, Rectores Orbis terrarum putaverunt, quorum si Specie delectati, Deos putaverunt; sciant, quanto huius Dominator eorum speciosior est; Speciei enim Generator hæc omnia conficit: aut si virtutem, & opera eorum mirati sunt, intelligant ab illis, quoniam qui hæc fecit, fortior est illis: à magnitudine enim Speciei & Creatura, (Cæli, Astrorum, imò singularum creaturarum quarumcunq;: quot enim Creaturæ, tot testes Deitatis, tot linguæ, quæ verbis omnium idiomatum enarrant, Deum esse) cognoscibiliter poterit*

Crea-

Creator eorum videri. Unde & Sanctus Patriarcha Abraham, ex terræ passione ac maris, & ex iis, quæ contingunt circa Solem & Lunam, & ex omnibus, quæ circa cælum semper eveniunt, docebat Chaldaeos, Deum Creatorem unum esse cunctorum: ut refert Iosephus lib: 1. Anti-quit. cap: 15. Ptolomæus quoq; in principio Almagesti, secundum traditionem Arabum, asserit, Astronomiam esse viam ac semitam ad sciendum DEum altissimum. Eodem medio ad DEi Existentiam evincendam usi sunt Orthodoxi Patres, ex eorum numero libeat audire hic aliquos. Sanctus Clemens Romanus, Discipulus Divi Petri, ac ejus in Apostolica Sede Successor lib: 8. Recognitionum, taliter con- vellit Atheismum. [Quis est exigui saltem sensûs, qui cum cernat, Domum, omnia, quæ ad usus necessaria sunt, habentem, cujus ca- meram, in Sphæræ gyrum videat collectam, eamq; vario splendore, & diversis imaginibus depictam, luminaribus præcipuis & maximis, adornatam: Quis inquam est, qui hujusmodi fabricam videns, non statim pronuntiet, à Sapientissimo & Potentissimo Artifice esse con- structam? & ita quis invenietur insipiens, cum Cæli Opus inspiciat, splendorem solis cernat, ac lunæ, astrorum cursus, & species & vias, certis rationibus, & temporibus videat definitas, non tam à Sapien- te hæc Artifice, & rationabili, quam ab ipsa sapientia & Ratione, clamat effecta?]

M. Minucius Felix floruit Romæ, circa annum Christi ducente- simum, scripsitq; Dialogum inter Christianum Octavium, & Echnicum Cæcilium, qui Dialogus, Octavius inscribitur: in illo Dialogo, Octa- vium introducit ita loquentem: [Qui hunc Mundi totius ornatum, non Divinâ ratione perfectum volunt, sed frustis quibusdam cohæ- rentibus conglobatum: mentem, sensum, oculos deniq; ipsos non ha- bere mihi videntur: Quid enim potest esse tam apertum, tam con- fessum, tamq; perspicuum, cum oculos in cælum sustuleris, & quæ sunt infra citraq; lustraveris, quam esse aliquod Numen præ- stantissimæ mentis, quod, omnis natura inspiretur, moveatur, ala- tur, gubernetur? Cælum ipsum vide, quam latè tenditur, quàm rapidè volvitur, vel quod in noctem astris distinguitur, vel quod in diem Sole lustratur: jam scies, quam sit in eo Summi Moderatoris, mira & divina libratio. Vide & annum, ut Solis ambitus faciat &

*Sanctus
Abraham,
Item Pto-
lomaus ex
quonam
mediopro-
bavunt
DEi Exi-
stentiam.*

*Notabilis
textus S.
Clementis.*

*Argumen-
tum M. Mi-
nucij Feli-
cis pro
Existencia
DEi.*

, mensē: vide ut luna auctu, senio, labore circumagat. Quid tenē-
 , brarum & luminis dicam recurſantes vices, ut sit nobis Operis &
 , quietis alterna reparatio. Relinquenda verò Astrologis prolixior de
 , sideribus oratio, vel quæ regant curſum navigandi, vel quæ arandi,
 , metendiq; tempus inducant: quæ ſingula non modò ut crearentur,
 , fierent, diſponerentur, Summi Opificis & perfectæ rationis egue-
 , runt: verum etiam ſentiri, perſpici, intelligi, ſine ſumma ſolertia &
 , ratione non poſſunt. Quid cum ordo temporum, hac ſrugum ſtabili
 , varietate diſtinguitur? nonne Auctorem ſuum, Parentemq; teſtatur?
 , ver æquè cum ſuis floribus, & æſtas cum ſuis meſſibus, & autumnī
 , maturitas grata, & hiberna Olivitas, neceſſaria: qui ordo facilè tur-
 , baretur, niſi maximâ ratione conſiſteret. Jam Providentiæ quantæ,
 , ne hyems ſola glaciē ureret, aut ſola æſtas ardore torreret, autumnī
 , & veris inferere medium temperamētum, ut per veſtigia ſua anni
 , revertentis, occulti & innoxii tranſitus laberentur.]

*Adverſio
 Sancti
 Chryſoſto-
 mi, nota-
 tu digniſ-
 ſima.*

Divus Joannes, cognomento Chryſoſtomus, Homiliâ 9. ad po-
 pulum Antiochenum, hæc habet: [Propheta dicebat Pſalmo 18. Cæ-
 , enarrant gloriam DEI. Quomodo igitur narrant, dic mihi? vocem
 , non habent: os non poſſident, iſtis non eſt lingua, quomodo igitur
 , narrant? Per ipſum aſpectum. Cum enim videris pulchritudinem,
 , magnitudinem, celſitudinem, ſitum, formam, per tantum temporis
 , permanere, tanquam vocem audiens, & ad aſpectum diſcens, adoras
 , eum, qui tam pulchrum & admirabile corpus creavit. Tacet cæ-
 , lum, ſed ipſius aſpectus, vocem tubæ clariorem emittit, per oculos,
 , non per aures nos docens, hic enim ſenſus à natura eſt illo certi-
 , or, & manifeſtior. Si enim per libros docuiſſet & literas; litera-
 , rum quidem peritus, ſcripta didiciſſet, neſciens verò, nihil inde ad-
 , jutus abiſſet, ſi quis alius non induxiſſet: & dives quidem librum
 , emiſſet, pauper autem emere non potuiſſet. Rurſum, vocem illam
 , per literas ſignificatam ſciens, intus poſitam poſſet: Scythia verò &
 , barbarus & Indus, & Ægyptius, & omnes, linguâ carentes illâ, ni-
 , hil docti abiſſent: hoc autem de cælo dicere non licet; Sed & Sey-
 , tha, & barbarus, & Indus, & Ægyptius, & omnis homo ſuper ter-
 , ram incedens, hanc vocem audit; non enim per aures, ſed per o-
 , culos in mentem incidit noſtram. Viſibilem autem participatio ea-
 dem,

,dem, neq; differens, sicut linguarum. In hunc pariter librum, & Idiota, & sapiens, intueri poterunt: & pauper, & dives, & quocunq; quis venerit, in cælum respiciens, sufficientem capiet doctrinam ex aspectu; quod quidem & ipse Propheta innuens & demonstrans, quia vocem creatura barbaris emittit, & Græcis, & omnibus universaliter hominibus, sic intelligi facilem, dicebat Psalmo 18. Non sunt loquelæ, neq; sermones, quorum non audiantur voces eorum. Quod autem dicit, tale est: Non est Gens, neq; lingua, quæ hanc vocem intelligere non possit, sed talis est ipsorum vox, ut ab omnibus audiri possit. J Hucusq; S. Chrysostomus. Lege hac de re etiam verba ejus aurea infra in Libro 2do in fine Tractatûs 3tii, cap: 9no. Non multum absimilia habent, non tantum Sancti Patres, verum etiam Veteres Gentiles Philosophi: ut Sextus Empyricus in Examine suo Physicæ Scientiæ, capite 1mo. Seneca, libro de Divina Providentia. Aristoteles 2do Physicorum, cap: sexto: quorum verba habes infra in Libri 2di, Tractatu 2do, Capite 3tio, 4to, & septimo. Claudio hoc Argumentum, Sapientissimi Theodoretî, Episcopi Cyriæ (floruit is circa annum 430.) egregiâ Sententiâ, quam in Expositione Patrum Græcorum refert Corderius, his verbis: [Si autem quis maximum & pulcherrimum ædificium inspiciens, architectum miratur; & navigium videns, benè, pulchreq; constructum, naupegum considerat; & cum contemplatione imaginis, memoria pictoris simul occurrit; multò magis Mundi fabrica, quæ videtur, ad Opificem, videntes adducit.]

24tum Argumentum.

NON casus aliquis, verum Ens summæ Potentiæ, Sapientiæ, & Bonitatis, est Causa productiva Elementorum: ut probatum est in Tractatu 2do, toto Capite 2vo. Sed hoc Ens est DEUS. Nil enim aliud nomine Dei intelligimus, quàm tale Ens. Ergo ille est productivus Elementorum: seu strictius loquendo, ipse produxit Elementa, proinde datur.

24tum.
Ex productione Elementorum.

25^{tu}m Argumentum.

2stum.
Ex produ-
ctione
planta-
rum.

Non casus aliquis, verum Ens summæ Potentiæ, Sapientiæ & Bonitatis, est Causa primò principalis productiva Plantarum: ut deductum est in Tractatu 2^{do}, Capite 9^{no}. Sed tale Ens est DEUS: Ergo Ipse est hæc Causa: proinde existit.

Acaxilotic herba, si desipientium capitibus imponatur, desipere desinunt: ut refert Nierembergii libro 15. Histor. Natur. cap: 15. Considerent attentè insipientes Athei, quæ illo capite 9. de Plantis, Herbis, annotata sunt: spero, & illos reducendos esse ad sanio- rem mentem. Tu verò ô homo Christiane (verba sunt Sancti Basilii, Homi- lia 6. Hexæmeron, in fine) cum urbanas, sylvestres, aquatiles, terre- stres, sive floribus haud præditas stirpes, conspexeris, ex hisce rebus exiguis, DEO Maximo cognito, admirationem semper accumulato, ac tuum er- ga rerum illum Opificem, amorem, charitatemq; augeto. Appono hîc,

Notabilis Maximi & Sanctissimi Præsulis Hipponensis considerationem sapien-
considera- tissimam, tractatu 8^{vo} in Joannem. [Ipse fecit vinum in illo die
tio S. Au- in nuptiis (in Cana Galilææ) in sex illis hydriis, quas impleri aquâ
gustini. præcepit, qui omni anno hoc facit in vitibus. Sicut enim, quod
, miserunt Ministri in hydrias, in vinum conversum est opere Domi-
, ni, sic & quod nubes fundunt, in vinum convertitur ejusdem opere
, Domini; illud autem non miramur, quia omni anno fit, assiduitate ami-
, sit admirationem. Nam & considerationem majorem invenit, quàm
, id, quod factum est in hydriis aquæ. Quis est enim, qui considerat
, Opera DEI, quibus regitur & administratur totus hic Mundus, &
, non obstupescit, obruiturque miraculis? Si consideret vim unius
, grani, cujuslibet seminis, magna quædam res est, horror est con-
, sideranti; sed quia homines, in aliud intenti, perdiderunt considera-
, tionem operum DEI, in qua darent laudem quotidie Creatori; tan-
, quam servavit sibi DEUS inusitata quædam, quæ faceret, ut tanquam
, dormientes homines ad se colendum mirabilius excitaret. Nec
ab similia habet Sanctus Gregorius, Magnus nomine; Doctrinâ &
Sanctitate Maximus, lib: 6. Moralium, in 5. Caput Job, cap: 7. ex-
pendens illud: Qui facit magna, & inscrutabilia absque numero.
, Quia (inquit ille) arida Aaron virga floruit, cuncti mirati sunt. &

quo-

, quotidie ex arente terra, Arbor producit, virtusque pulveris in lignum vertitur, & nemo miratur. Aquam, in vinum semel permutatam videntes (in Cana Galilææ) cuncti mirati sunt: quotidie humor terræ in radicem attractus per botrum in vinum mutatur, & nemo miratur.]

26tum Argumentum.

26tum.

ENs, summæ Potentiæ, Sapientiæ, & Bonitatis, est Causa primò principalis productiva Animalium. Ergo DEus est. Consequentia patet. Antecedens fusè probatum est toto Cap: 10. in Tractatu 2do.

Ex productione Animalium

[Attendat (*inclamat Sanctus Augustinus Tomo 8vo. in Psal. 148.*) Charitas vestra (*attende & tu Athee, vel qui quomodocumq; dubitas de Existentiâ DEI*) Quis disposuit membra pulicis & culicis, ut habeant ordinem suum, habeant vitam suam, habeant motum suum? utnam bestiolam brevem, minutissimam, considera, quam volueris: si consideres ordinem membrorum ipsius, & animationem vitæ, quâ movetur, pro se fugit mortem, amat vitam, appetit voluptates, devitat molestias, exerit sensus diversos, viget in motu congruo sibi. Quis dedit aculeum culici, quo sanguinem fugat? quàm tenuis fistula est, quâ sorbet? quis disposuit ista? quis fecit ista? expavescis in minimis, lauda Magnum. Hoc itaq; tenete, Fratres mei, nemo vos de fide excutiat, & de sana doctrina (*nihil etiam te Athee, in Atheismo detineat*) Qui fecit in cælo Angelum, ipse fecit in terra vermiculum.] Et tomo 1. lib: 1. de Genesi contra Manichæos, capite 16. dicit: [Non Animalis alicujus corpus & membra considero, ubi non mensuram, & numeros, & ordinem inveniam ad unitatem concordia pertinerere: quæ omnia unde veniant, non intelligo, nisi à summa Mensura, Numero, & Ordine, quæ in ipsa DEI sublimitate incommutabili, atq; æterna consistunt. Quod si cogitarent isti loquacissimi & ineptissimi (*Manichæos alloquitur ille, ego Atheos*) non nobis tædium facerent, sed ipsi considerando omnes pulchritudines & summas & infimas, DEum artificem cognoscerent, & ubiq; laudarent.]

Notabilis consideratio Sancti Augustini

*Nec non
Sancti
Jobi.*

Interroga (ò Athee, verbis te alloquor Sancti Jobi cap: 12.) jumenta, & docebunt te; & volatilia cali, & indicabunt tibi: loquere terra, & respondebit tibi, & narrabunt pisces maris. Quis ignorat, quòd omnia hæc, manus Domini fecerit? Itane tu impie, multò insipientior jumentis, audebis respondere: hæc omnia facta merò casu, ex fortuita atomorum conglomeratione, nullumque esse Dominum, cujus manus, hæc fecerit?

27mum.

*Ex producti-
one Homo-
minis.*

*Conveni-
entia Ho-
minis cum
Mundo
magno.*

*Item ani-
ma cum
DEO.*

27mum Argumentum.

Homo non est à casu fortuito, verum est productus ab Ente, summæ Potentiæ, Sapientiæ, & Bonitatis: ut toto Capite II. in Tractatu 2do probatum est. Ergo existit DEus.

Illustratur 1mo. In homine, seu parvo Mundo, tot nervi (sunt enim 74; juxta autem alios, supra centum) ab uno cerebro oriuntur; tot arteriæ (sunt enim tot, quot nervi ab uno corde: tot millia venarum, ab uno hepate; tot item sunt Potentiæ, actiones verò innumeræ earundem; & hæc omnia & singula, ad unam simplicem, indivisibilem, spiritualem, intellectivam Animam, quæ est imago Dei, reducuntur. Sic multò magis convenit, ut & in hoc magno Mundo, omnia & singula reducantur ad Unam puram universalem Unitatem, & Causam omnium rerum. Hæc autem non est alia, nec esse potest, nisi DEus: qui etiam à Platoniceis dicitur: Anima Mundi; non quòd sit forma ipsius intrinseca (aliàs DEus esset Ens incompletum: & percussâ unâ arbore, ictum illum sentire deberet totus Mundus) sed quia cunctis rebus creatis, ut perfectissima Causa, dat esse & operari.

Illustratur 2do. Anima humana, quæ est Spiritus indivisibilis, totus in toto corpore, & totus in qualibet parte corporis, sine divisione essentia, tam corpori, quàm omnibus in eo partibus, potentiis, actionibus, & passionibus, naturâ, numerò, ordine, distinctis, innumeris, & mirabiliter dispositis, præest. Sic multò magis convenit, ut sit unus simplex, indivisibilis, Spiritus, immensus, immutabilis, totus in toto, & in qualibet parte Mundi, sine ulla divisione Essentia manens, qui præsit omnibus naturæ effectis. Hinc Lactantius libro de Ira Dei, cap: 10. dicit: *Sicut corpus omne, Mens & Animus gu-*

ber-

bernat; ita & Mundum DEUS: nec enim verisimile est, ut minora & humilia, regimen habeant, majora & summa, non habeant.

Adverte, quod illo cap: II. in Tractatu 2do, etsi aliquot paginis, tamen paucissima, de aliquibus partibus corporis humani tantum libavimus; nam ut omnem hominis formationem cum diligentia percurramus (loquor verbis Divi Chrysostomi Homiliâ 12. ad populum) & in unoquoq; membro, Sapientiam inveniamus, & nervorum, venarum, arteriarum distributionem, situm, aliorumq; omnium formationem consideremus, nec annus integer nobis ad hanc expositionem sufficiet. Scripsit Galenus libros septemdecim de Usu partium: Scripserunt & alii plurimi, grandia Volumina de fabrica corporis humani; audeo tamen dicere, nullus hucusq; omnimodè perfectè attigit totam structuram hominis. Dicta tamen à nobis illo cap: II. sufficient tibi Lector benevole, ut per illa investigabilem Conditoris tui Sapientiam mediteris (verba sunt Sancti Basilii, desumpta ex Homiliâ 9. Hexæmeron & ex ejus sermone super illud: Attende tibi ipsi) ut simul cum Propheta Psal: 138. dicas: Mirabilis facta est scientia tua ex me: id est, Ubi me ipsum novi, immensam, exsuperantemq; tuam, DEUS, Sapientiam, ipse didici. Attende itaq; tibi ipsi, ut Deo simul attendas. Hinc & illud in Apollinis templo scriptum: *Nosce te ipsum.* Multi interpretantur ita: Si vis me DEUM cognoscere, nosce te ipsum. Conveniat enim omnis Sapientia cunctorum, quin & Angelorum, nihil unquam simile, nihil adeò ordinatum & aptum ad suum finem, & naturæ rei ita congruum, excogitare poterunt, sicut relucet in structura hominis. Ut sapienter cum pluribus dicit, Primæ Magnitudinis Theologus, P. Lessius lib: I. de Provid: cap: 2. num: 74. Ideoq; notârunt plurimi, nullum fuisse insignem Anatomistam, & simul Atheum; sed omnes in Anatomia insigniores, de sua Arte differentes, ex mirabili structura hominis, in admirationem & laudes DEI prorumpunt; ut patet legenti Galenum, Pareum, Spiegelium, aliosq; plures. Rectissimè libro I. adversus Marcionem, cap: 10. scripsit Tertullianus: *Habet DEUS testimonium* (& quidem evidens) *id quod sumus, & in quo sumus.* Explodenda igitur Opinio quorundam Veterum Frivophilorum potius, quàm Philosophorum, doctentium, hominem esse nonnisi Opus & fabricam siderum; eum enim

*Structura
corporis
humani
perfectè
compre-
hendi ne-
quit.*

*Nullus A-
natomista
insignis,
fuit Athe-
us.*

dum nascitur, à sole sortiri spiritum: à Luna, corpus: à Marte, sanguinem: à Mercurio, ingenium: à Jove, desiderium: à Venere, cupiditatem: à Saturno, humorem. Explodenda, inquam, hæc opinio, utpote quæ est palpabiliter erronea; ut patet ex dictis. Accedit, quod corpora caelestia sint Entia purè materialia, non viventia, multoq; minus intellectiva.

28vum Argumentum.

28vum.

Ex Vultu-
um, vo-
cum, &
characte-
ris diver-
sitate.

Diversitas tanta Vultuum humanorum, item varietas in vocum humanarum sonis, dissimilitudoq; in Scriptura, seu characteribus formandis, luculentè testantur, Ens aliquod esse summè potens, & summè sapiens, quod curam nostri habet, taliq; varietate obviat gravissimis incommodis & damnis, quæ aliàs sequerentur, sublata tali varietate, plurimum conducente ad notitiam & distinctionem Personarum, cognitionemq; veri. Ergo datur DEus. Hòc Argumentò usus est, ad Dei Providentiam demonstrandam, Nemescius Philosophus Christianus, qui vixit circa annum Christi 380. ita enim libro de Homine, cap: 42. scribit: [Quis, cum videat formas hominum, in infinita penè multitudine, differentes, neq; usquam penitus easdem esse, non admiretur: & si cum animo suo reputet, non assequatur, à Providentia, formas rerum singularum esse distinctas? Quod hòc modò licet intelligas; si eandem retinerent sine ulla variatione figuram, quanta rerum confusio sequeretur? quanta incertitia, quantæ tenebræ hominem occuparent? qui neq; familiarè, neq; alienum cognosceret, neq; hostem, aut improbum ab amico, aut probo viro discerneret; Neq; etiam lex aut Respublica ulla constituta esset, neq; Patres & Filii inter se cognoscerent, neque aliud quippiam, quod sit ad hominis naturam, cohereret. Tantorum scilicet commodorum causâ nobis Providentia est, quæ perpetuò & ubiq; gentium, hominum formas distinguere non intermittit. Quod maximum est Argumentum, etiam rebus singulis DEI Providentiâ consuli: siquidem vel figurâ, & lineamentis, & voce, quisq; cognoscitur.] Hucusq; Doctissimus Nemescius. Minucius etiam Felix (Causidicus Romanus insignis, ut Sanctus Hieronymus testatur in lib: de Scrip-
Ec-

Eccles. floruit circa annum Christi ducentefimum) in libro suo, cui titulus: Octavius. exinde etiam probat, hominem esse Opus DEI, quod sit eadem figura omnibus, sed quædam unicuiq; lineamenta deflexa; sic & similes universi videmur, & inter se singuli dissimiles invenimur. Character itidem proprius cuiq; inest, & qui difficulter exactè ab alio simulari potest, ut veritas à falsitate in scribendo secerneretur; & publicorum monumentorū custodes, (tametsi non rarò pauperes & abjecti, miseri; ut ait Cardinalis Pallavicinus in Historia Conc. Trid. lib: 6. cap: 17.) rarò ad fraudem agendam inducantur.

Neq; dicas fieri casu tantam varietatem. Contra enim est. Tum quia varietas hæc in vultu, voce, caractere, est ferè semper, & quid perpetuum; id verò *quod semper, aut frequenter, non secundum accidens, neq; à fortuna:* ut dicit Aristoteles Phisic. 2do. text. 85. Tum quia impium est dicere, illud fieri casu, quod adeò est necessarium generi humano.

*Satisfic
Objectio-
ni.*

29num Argumentum.

EVidens est, Virtutem esse præmiabilem; flagitium, punibile. Ergo datur Supremus Iudex, qui sit Remunerator bonorum, & Vindex malorum post hanc vitam. Nefandis enim sceleribus dediti, in flagitiis enutriti, sæpè ad terminum usque vitæ, ducunt in bonis dies suos; è contra, probi, innocenter affliguntur, & premuntur adversitatibus; quare impii longè fortunatiores essent, si post mortem nulla esset retributio; proinde ulterius, congruum esset, per quæcumq; media, etiam nefanda, clanculariè saltem, quærere felicitatem ex voluptatibus, divitiis, &c. Quod quia recta ratio faciendum prohibet, hinc habetur, post vitam hanc esse retributionem, consequenter esse Iudicem, quem vocamus, DEum.

*29num.
Ex præmi-
abilitate
Virtutis,
& puni-
bilitate
flagitij.*

Neq; dicas. Ipsa sibi Virtus, est præmium & merces; sicut è contra, pœna peccati est, peccasse; vel ipsa amaritudo & anxietas, quam crimen omne relinquit in conscientia. Contra enim est. Quia experientia docet, quod hæc amaritudo animi, crescente malitiâ, sensim languescat; non debet verò supplicium minui, dum crescit culpa & malitia. Virtutis item præmium, si non esset quid distin-

*Objectio
non sub-
sistit.*

etum ab ipsa Virtute, esset ineptum ad virtutis actus, præsertim plurimum arduos, in animis excitandos: ut constat Experimentiâ. Nec Gloria humana sufficit ad studium veræ Virtutis; quia Virtutis præmium debet esse solidum quiddam, vel intrinsecum, quod animum ipsum afficiat, perficiatq; ; Gloria verò humana est quid evanidum, & animæ extrinsecum; imò Gloriæ appetitio, bonum Virtutis corrumpit. Accedit imò, quòd legislator ille haud dubiè insipientiæ argueretur, & quidem rectè, qui severissimè v. g. prohiberet furtum, & nonnisi pro poena furti, statueret ipsum furtum. 2dò. Quòd auferri deberent cunctæ leges, quæ sunt de poena aut mercede, libertasq; viventi pro libitu unicuiq; permittenda foret: si virtus esset sibi sufficienter merces, sceleris verò poena adæquata ipsum scelus,

30um Argumentum.

30um.

Ex homi-
nis scelesti
tacito pa-
vore.

Qui scelus grave committit, sive is sit Ethnicus, vel Atheus, etiam summæ Vir potentia; item, sive scelus committat publicè, sive in occulto, absq; omni teste; tamen scelere patratò, sentit magnum conscientia; remorsum, & gravi, tacitò exagitur pavore; unde exclamat Statius, Thebaidos lib: 2. *O semper timidum scelus.* Adeò quandoq; , ut sibi ipsi tales scelesti, necem etiam aliquando inferant; qui remorsus & pavor, adhuc magis augetur, si sceleris patratò, in proximo vitæ periculo, per naturalem mortem subeundæ, sit constitutus; ut constat plurimis exemplis. Quæro ergo. Undenam ille conscientia; remorsus? quem metuit ille scelestus, ac moribundus? certè non alium, nisi Vindicem DEum, cujus, ut legitur, Ecclesiastici 13. Oculi plùs lucidiores sunt super solem, circumspicientes omnes vias hominum, & profundum abyssi, & hominum corda intuentes in absconditas partes: In cujus conspectu (ut dicit Sanctus Paulus ad Hebræos 4.) nulla est creatura invisibilis, qui reddet unicuiq; juxta opera sua. Proinde ipsa cujusq; conscientia, hòc suò remorsu, suò timore tacitò, satis sonore inclamat: DEus est. Hinc, sapienter Justus Lipsius Centuriâ 2. Epist: 26. ait: [Consule te ille, ipse, qui dissentis in rectè factis, ecquid laxari aut diffundi te sentis contrahi in sceleribus & angi? ne dissimula, sentis, atq; id eti-

am

am in occultis. Unde autem ille alteruter sensus? nisi quia animus iudicat Iudicem alium esse, & aliquid homini, præter hominem, timendum, quod profectò est Numen.]

3^{um} Argumentum.

SI Animæ humanæ sunt spirituales & immortales, tunc debet dari Ens aliquod tale, quod juxta merita, post vitam hanc temporalem, illis retribuat, easq; regat. Ut, tum per se; tum ex dictis patet: nullusq; unquam repertus Atheus, qui sensit Animam humanam esse immortalem. Sed Animæ sunt spirituales & immortales; ut probatum suprâ in Tractatu 2do, Cap: II. sub Propositione 3^{ta}, & 4^{ta}. Ergo datur tale Ens, quod juxta merita, post vitam hanc temporalem, illis retribuat, easq; regat. Subsumo. Sed tale Ens est Deus: id enim etiam nomine Dei intelligimus. Ergo datur.

3^{um}
Exeo, quòd
anima hu-
mana sit
spiritualis
& immor-
tali.

Accedit 1^{mo}. Quia debet dari bonum tale, quod sit satiativum, & expletivum totius appetitûs humani; seu quod sit se solo sufficiens, in quo appetitus Hominis, tanquam in suo centro quiescat; cum appetitus iste sit naturalis, & non superfluous, neq; vanus. Sed tale Bonum, nullum est in rebus finitis ac creatis, & in vita hac temporali; potius enim hæc bona creata, aut fastidium sui afferunt, aut tanquam carnes falsæ, sitim irritant; ut patet in Alexandro Magno, qui ferè totum Orbem possidendo, alium sollicitè inquirebat, obtinereq; ardentè exoptabat. Patet & in Salomone, qui ex suamet experientia, Ecclesiastæ 2do, dicit: *Còdàcervavi mibi argentum & aurum, & substantias Regum, ac Provinciarum: feci mibi cantores, & cantatrices, & delicias filiorum hominum- & omnia, quæ desideraverunt oculi mei, non negavi eis; nec prohibui cor meum, quin omni voluptate frueretur.* Et paulò post, addit: *Vidi in omnibus vanitatem & afflictionem animi, & nihil permanere sub sole.* Ergo debet dari & vita altera, & Bonum aliquod increatum, ac illimitatum: de quo dicit Rex David Psalmo 16: *Satiabor, cum apparuerit gloria tua.* Item Divus Augustinus lib: I. Conf: cap: 1. *Fecisti nos Domine ad te, & inquietum est cor nostrum, donec requiescat in te.*

Itē: Quia
debet dari
tale quid,
quod sit
expletivũ
appetitûs
humani.

Accedit 2^{do}. Infitus est nobis à Natura appetitus sciendi;
hinc

hinc illud axioma: Omnis homo naturaliter scire desiderat: iste vero appetitus est insatiabilis, nec satiatur rebus quibuscunq; creatis: ut patet experientia; convenit autem illum quandoq; satiari, ne sit vanus: porro non satiatur in hac vita. Ergo debet dari vita altera, & in illa, tale aliquid, quod illum satiare possit: hoc autem quid est aliud, nisi DEus?

Confirmatur. Intellectus & Voluntas, cum sint Potentia, capacitatis quodammodo infinita in intelligendo, & volendo, ordinanturq; ex se ad omne Verum & omne Bonum, ideo non potest quiescere Intellectus, nisi perveniat ad aliquod Verum, quod eminenter contineat omne Verum: & Voluntas ad aliquod Bonum, quod eminenter contineat omne Bonum: porro tale Verum, & tale Bonum, non est, nisi DEus. *Quaquaversum* (exclamat recte S. Augustinus lib. 4. Confess. cap: 10.) *se vertit Anima, ad dolores figitur, praterquam in Te, DEus.*

Nota. Cardinalis Toletus in lib: 3tio de Anima, cap: 5to, quaestione 16ta, nec non quidam alii graves Theologi, non multum abssimili Argumento utuntur ad comprobendam immortalitatem Animae humanae.

*Obiectio
in contra,
solvitur.*

Neq; obstat huic, si dicas. In communi Sententia Philosophorum, Materia una appetit omnes formas substantiales, & tamen licet appetitus iste nunquam expleri possit; nunquam enim Materia una habet vel habitura est etiam successive omnes omnino formas; tamen exinde non sequitur, appetitum illum esse frustraneum. Vel si frustraneus est: cur idem non dicatur de appetitu humano? Ergo Rationes desumptae ex appetitu Voluntatis, volendi omne Bonum: & appetitu Intellectus, sciendi omne Verum, non subsistunt, ut inde inferatur existentia talis Entis, quod eminenter in se contineat omne Bonum, & omne Verum. Non obstat, inquam, Quia Materia una habens actu unam qualemcumq; formam substantialem, sufficienter per illam satiatur ejus appetitus, nec tunc absolute appetit aliam, sed tantum quasi sub conditione, in defectu nempe unius formae, exigit & appetit habere aliam. Econtra constat per experientiam, quod Voluntas possidens actu qualemcumq; Bonum creatum, appetit absolute habere aliud, & aliud bonum. Homo item habens scientiam

tiam de aliquo objecto, non contentatur per illam Scientiam, sed actu absolute appetit scientiam de alio & alio objecto. Ergo de materia una, instantia adducta, non subsistit. Imò sic urgeo. Materia una non fertur appetitu suo, nisi in id, quod est possibile. Ergo Intellectus & Voluntas appetendo Ens, in quo omne Bonum, & omne Verum continetur, non fertur appetitu suo, nisi in id, quod est possibile. Ergo tale Ens, est possibile. Si possibile. Ergo existit: ut clarum. Aliàs enim eo ipso non containeret omne Bonum: careret enim actuali necessariâ existentia, quæ utiq; insigne bonum est?

32dum Argumentum.

SI dantur Substantiæ completæ intellectivæ, invisibiles, distinctæ ab hominibus, & iis superiores: seu brevius. Si dantur Angeli, & si illi, non sunt Entia à se, tunc datur Deus. Sed dantur Substantiæ tales, seu Angeli; & non sunt Entia à se. Ergo datur Deus. Major patet. Illud enim Ens, à quo Angeli producti sunt, nominamus Deum. Minoris prima Pars; nempe, dari Angelos, deducta est suprà fusè in Tractatu 2do, capite 6to; Tum ex communi sensu omnium ferè Gentium: Tum ex effectibus plurimis extraordinariis, ac operationibus magorum, Sagarum, energumenorum, Cadaverum quorundam agilitate, motu: impotentia submersionis hominum quorundam ligatorum; incantatione serpentum. Tum ex motu Cælestium Corporum. Secunda Pars ejusdem Minoris: nempe, quòd Angeli non sint Entia à se. Probatur, Tum quia Ens à se est in omni genere perfectissimum, proinde Summum Bonum; Angeli verò non sunt Summum Bonum: multi enim ex illis, sunt Spiritus mali: ut constat ex dictis illo capite 6to, Tractatùs 2di: idq; agnoverunt & ipsi Gentiles Philosophi, ideoq; à Platoniciis vocantur: Cacodæmones. Insuper, Summum Bonum, non potest esse nisi unicum: Angeli autem sunt plurimi: ut etiam sufficienter colligitur ex effectibus illorum mirabilibus productis simul in locis à se distinctissimis. Tum quia nullum est fundamentum tribuendi Angelis hanc perfectionem: imò radicem omnis perfectionis simpliciter simplicis. Tum quia Angeli, ita movent Cælestia Corpora, sicut ad bonum

32dum.
Ex intellectu-
varum
completa-
rum sub-
stantiarum,
seu Ange-
lorum exis-
tentia.

Universi expedit, & propter hunc finem in ea motione perpetuò, ac sine variatione, perseverant. Proinde signum est (ut sapienter arguit P. Suarez) ab eodem Conditoris esse ad hunc finem procreatos, & ad hoc munus destinatos. Si autem Angeli motores Cælestium Corporum, non sunt Entia à se, neq; erunt alii Angeli. Accedit, quòd Scriptura sacra, pluribus in locis asserat, Angelos esse plurimos, & à DEO productos.

Confirmatur Veritas hæc, quòd detur supremus Spiritus bonus. Quia cum constet ex dictis in Tractatu 2do, Cap: 6. dari non tantum Spiritus bonos, sed etiam malos seu Dæmones, generi humano exitiosè infensos, necesse est admittere aliquem supremum Spiritum bonum Summæ potentiæ, qui & Dæmonum rabiem còerceat, ne prohibitu suo noceant; aliàs Dæmonum furor gravissimè vexaret humanum genus, imò illud ferè everterent: & qui Spiritus bonos regat; aliàs ingens foret confusio, si tot Spiritus, nulli Spiritui supremo fuerint subiecti: Porro Spiritum absolutè supremum Bonum dicimus esse DEum.

Annotatio
P. Vasquez
notatu di-
gna.

Ad calcem hujus Argumenti, libet apponere dignissimam scitu adversionem Eximii Theologi P. Gabrielis Vasquez, is in 1. p. Sancti Thomæ, Disp: 20, ait: [A Viris magnæ auctoritatis accepi, nempe in aliquibus locis, ubi nunc maximè Atheismus viget, perditissimos homines ab Atheismo faciliè revocari, dum magicis artibus in aliis, aut in se ipsis, mirabiles effectus experiuntur, qui omnem humanam & visibilem potentiam superant, quibus còacti, credunt, præter ea, quæ sub aspectum cadunt, aliquid spirituale, & potentioris virtutis esse; quòd admisso, facilius in eam Sententiam adducuntur, ut Numen aliquod fateantur; hoc enim ideo negant, quòd nihil aliud, præter ista Corporea & visibilia esse putent. Quare testantur Viri gravissimi, eò magis in illis ipsis locis, homines ab Atheismo deterreri, quòd avidius magicis artibus student. Quod, nisi inter hæreticos Deus permisisset, panè omnes in Atheismo verarentur. J Hucusq; ille. Hinc, & ex supra dictis, habetur, quòd ipsimet Dæmones, qui in Atheismum impellunt impios, suâ ipsamet essentia & existentia, operibusq; magicis, comprobant Existentiam DEL.

33tium Argumentum.

33tium.

Quod omnes Historici Veteres Classici testantur, & homines fide dignissimi, illud etiam Infidelis & Atheus, tenet esse veritati consonum, aut saltem non discredet, si aliunde ipsi non constat de falsitate. Ergo multò magis, quod testatur Liber Scripturæ sacræ, tenere debet, esse veritati consonum. Subsumo. Sed Liber Scripturæ sacræ testatur, Deum dari. Ergo hoc Atheus, ut veritati consonum tenere debet. Ut evidenter ac rectè infertur. Antecedens patet: quia etiam Infidelis & Atheus credit, Alexandrum fuisse Regem, filium Philippi, Victorem Persarum, &c: Julium Cæsarem interemptum à suis: Neronem fuisse tyrannum, aliq; innumera, quorum notitia, non aliunde habetur, nisi ex Historicis; & alias nihil omnino sciremus de dictis & gestis antiquorum. Credit etiam Atheus tam multa de Urbibus, Nationibus, locis, quæ non vidit; tam multa credit Medicis, Amicis, aliisq;. Credit hos fuisse suos Parentes, quod scire non potuisset, nisi audiendo credidisset. [Audacter dico (inquit S. Gregorius Magnus lib: 4to Dialogi, cap: 2do) quia, sine fide, neq; Infidelis vivit: nam si ab Infideli percontari voluerò, quem Patrem vel Matrem habuerit, protinus respondebit, illum, atq; illam. Quem si statim requiram utrumne noverit, quando conceptus sit, vel viderit, quando natus? nihil horum se vel nosse, vel vidisse fatebitur: & tamen, quod non vidit, credit; nam illum, Patrem, illamq; se habuisse Matrem, absque dubitatione testabitur.] Consequentia imæ Argumenti dicti Veritas constat ex eo. Quia Liber Scripturæ sacræ habet insimul decem Titulos fundativos pretii sui & auctoritatis pro sua veritate, quot insimul Titulos, nullus liber cujuscunq; Historici profani habet: ut sat evidenter constat ex Capite 3tio, Tractatus 2di superioris, ubi decem illi tituli recensiti etiam habentur. Subsumpti Antecedens, est evidens. Siquidem in Scriptura sacra passim introducit Deus jubens, loquens, & creans. Genes: 1. Creavit Deus Cælum & Terram. Exodi 3. Ego sum, qui sum. Levit: 2. Ego sum Dominus Deus Vester. Imò evidens est ex Scriptura, quòd Scriptores librorum sacrorum, fuerint secundarii

*Desumitur
ex Libro
Scripturæ
sacræ.*

*Auctori-
tas Scri-
pturæ sa-
cræ, quan-
ta?*

Auctores Scripturæ, & quasi amanuenses ipsius Dei, qui est Principalis Auctor Scripturæ. Dicitur enim Osee 12. Et locutus sum per Prophetas, & ego Visionem multiplicavi & in manu Prophetarum, assimulatus sum: id est omnium Prophetarum non solum locutiones, sed & Visiones, ac similitudines à me Originem desumunt. Prophetæ item passim præfigunt suis Oraculis: Hæc dicit Dominus. Verbum Domini. Os Domini locutum est. Communiter etiam à Sanctis Patribus, Scriptura sacra, appellatur, Epistola DEi ad nos. Hinc S. Gregorius Magnus Epist. 84. ad Theodorum scribit: [Quid est Scriptura sacra, nisi quædam Epistola Omnipotentis DEi ad creaturam suam?] Et S. Augustinus in Psal. 90. Conc. 1. ait: [De illa Civitate, unde peregrinamur, literæ nobis venerunt, quæ nos hortantur, ut bene vivamus.] Similia habet Divus Chrysostomus Homiliâ 2. in Genesim, & alii. Hinc Scriptura sacra nominatur; passim; Verbum DEI scriptum. Ex his ulterius inferitur, Quod non tantum ex omnibus & singulis Libris Scripturæ sacre, utpote continentibus in se implicite, vel explicite revelationem DEI, ut loquentis, instruētis, operantis, demonstretur Existētia DEI, verum etiam ex singulis paginis, imò & singulis dictionibus, in Libris Scripturæ sacre contentis.

*Confirmatur
Argumentum
33tium.*

Confirmatur. Probabilissimè illud censetur esse conforme Veritati, ad quod asserendum vel negandum, conveniunt omnes Historici Classici; nisi aliunde convincantur falsitatis. Ergo multò magis censi debet id esse Veritati conforme, ad quod asserendum conveniunt omnes pagine Scripturæ sacre & singulæ. Hæc enim meretur majus sui pretium & auctoritatem, quam omnes Historici profani: ut constat ex dictis cap: 6to. Ergo cum hæ pagine asserant Deum dari, censendum id, esse Veritati conforme.

*Notabilis
Textus S.
Augustini*

Argumentum hoc concludo Verbis Divi Augustini, qui lib: 1. de moribus Ecclesiæ, cap: 29. cum Manichæos, ex quodam Evangelii Textu convicisset, subjungit: [Quid hoc loco potest dicere impudentissima pertinacia? Non hoc Christum dixisse. At in Evangelio, verba ejus ista conscripta sunt. Falsum esse scriptum. Quid hoc sacri, legio magis impium reperiri potest? Quid ista voce impudentius? quid audacius? quid sceleratius? simulacrorum Cultores, qui Christi

sti

si etiam nomen oderunt, nunquam hoc adversus Scripturas illas, ausi sunt dicere. Consequetur namq; omnium literarum summa per-versio, & omnium, qui memoria mandati sunt, librorum abolitio: si quod tantâ populorum religione roboratum est, tantâ hominum & temporum consensione firmatum (*tot titulis fundativis sui summi pretii, in Tractatu 2. cap: 6. enumeratis*) in hanc dubitationem ducitur, ut ne Historiæ quidem vulgaris fidem possit gravitatemq; obtinere.]

34tum Argumentum.

34tum.

Ex miraculis.

SI Miracula vera sunt patrata, saltem vel unicum, infertur evidenter, Deum existere. Ut patet. Nam verum miraculum superat vires omnis Naturæ creatæ: ut constet etiam ex dictis, nec dissentur ipsimet Athei. Sed miracula vera sunt patrata; ut probatum est in Tractatu 2. cap: 12. Ergo existit Deus.

Miraculorum veritas comprobatur.

Perpende Athee. An Historia aliqua, præsertim ex antiquioribus, tot testes, ac documenta habeat pro Veritate sui sicut Historia Evangelica de miraculis Christi. Haud dubiè perpenſis rationibus adductis illo cap: 12mo, reperiēs nullam eſſe. Cur ergo aliis, saltem pluribus Historiis Veteribus, fidem adſtruis, huic denegas? Et cùm proculdubiò antea credideris Evangelio (te enim alloquor, qui antea fuisti Christianus) quæ rogo Argumenta, fidem illam sanctam eliminârunt ex corde? Penetra rationes illas tuas, vel expone eas Viro solidè docto, & prudenti, futesq; eſſe, haud dubiè reperiēs. Proindubitato habes, te eſſe legitimè natum: hunc vel illum eſſe legitimum ſucceſſorem hujus vel illius Principis, aut illuſtriſſimi: eum eſſe Nobilem ejusq; Majores: & dubitas imò pernegas eſſe facta à Christo Domino miracula? cùm tamen incomparabiliter plura, & graviora, pro miraculis Christi (ut evidens est) quàm pro tua legitimitate ortûs, vel Nobilitate horum aut illorum, ſint documenta. Addo. Quid ſi te, Athee, vellet quis exturbare de antiqua poſſeſſione bonorum tuorum, aſſerens hæc & illa bona, à te iniquè poſſideri. Nonne probares ea, jure à te poſſideri, exhibitis inſcriptionibus civilibus, vel Caſtrenſibus Juribus, privilegiis, à Parentibus tibi traditis,

roboratisq; in Castro, vel Aetis publicis? Quid si diceret Adversarius, Ea omnia cum sigillis esse falsa, conficta; nonne insanire illum crederes? Et cur falsitatis damnas Evangelia, historias omnes de miraculis Christi, & Sanctorum, quæ longè gravioribus documentis firmata sunt, esse veræ, quàm tuæ castrenses Antiquiores inscriptiones? Si Parentes tui indubitanter assererent tibi, se spectantibus hoc & illud miraculum esse patratum, non credo, discredere. Et Viris innumeris gravissimis, pietate conspicuis, attestantibus, grandia miracula, se cernentibus esse facta, discredis? Certè convinceris, id facere solo DEI odio ac Religionis. Dixit Christus Dominus Joan: 15. *Si non fecissem in eis opera, qua nemo alius, fecit, peccatum non haberent; nunc autem excusationem non habent de peccato suo.* Et Joan: 10. *Si mihi non vultis credere, Operibus credite.* Quam, quæso, Athee, habiturus es excusationem de peccato tuo gravissimo Atheismi, tot documentis lectis & auditis de Veritate miraculorum Christi, aliorumq; Sanctorum? si mihi non vis credere, ac toti Mundo, Operibus tantis crede.

*Obiectio
in contra,
solvitur.*

Neq; obstat Veritati miraculorum Christi, aliorumq; Sanctorum, quòd confingantur quandoq; aliqua miracula. Quia nec obstat Veritati Historiarum plurimarum: nec veris gemmis, moneta, adamantibus obeat, quòd multæ relationes Historicæ, gemmæq; adamantes ac moneta quandoq; fictitia & falsa sint.

*Ipsa con-
versio Mū-
di, gran-
di, mira-
culum.*

Quod si Atheus omnino adhuc obstinatè dissentiat Veritati Miraculorum, à Christo Domino, ejusq; Apostolis patratorum: tunc contra eum insurgo verbis, & Argumentò S. Thomæ Doctoris Angelici, Opusculo 6. in Expositione Symboli. [Constat, quòd totus Mundus colebat idola, & fidem Christi persequebatur: sicut Pagani, etiam etiam Historiæ tradunt. Sed modò omnes conversi sunt ad Christum, & Sapientes, & Nobiles, & Divites, & Potentes, & Magni, ad prædicationem simplicium & pauperum & paucorū prædicantium Christum. Aut ergo hoc miraculosè factum: aut non? Si miraculosè. Habes propositum. Si non. Dico, quòd non potuit esse majus miraculum, quàm quòd Mundus totus sine miraculis converteretur.] Et lib: I. contra Gentes, cap: 6. [Hæc tam mirabilis Mundi conversio ad fidem Christianam, indicium certissimum est præ

præteritorum Signorum, ut ea ulterius iterari, non sit necesse, cum in suo effectu appareant evidenter. Effet autem omnibus signis mirabilibus, si ad credendum tam ardua (ut est *Mysterium Sanctissimæ Trinitatis, Incarnationis, Passionis, Resurrectionis, Ascensionis, &c.*) & operandum tam difficilia (ut est: *Diligite inimicos vestros. Constatimini alterutrum peccata vestra: fugite fornicationem: nolite diligere Mundum &c.*) & ad sperandum tam alta (ut *Resurrectionem Corporum: Visionem Beatificam æternam, &c.*) Mundus absq; mirabilibus signis inductus fuisset à simplicibus & ignobilibus hominibus. J Hinc & illud Divi Augustini lib: 22do. de Civit. cap: 5. acutè dictum est. *Si per Apostolos Christi, ut eis crederetur, Resurrectionem atq; Ascensionem prædicantibus Christi, etiam ista miracula (quæ nempe leguntur in Actis Apostolorum patrata ab Apostolis) facta esse, non credunt: hoc nobis unum grande Miraculum sufficit, quòd ea terrarum Orbis, sine ullis Miraculis credidit.* Et Sanctus Bernardus Sermone 3. in Vigilia Nativitatis Domini, asserit: *Omni Miraculò mirabilius esse, quòd tam facile, tam potenter persuasum sit generi humano, terrarum Orbi universo, DEum Hominem, & Virginem mansisse, quæ peperit. Idem longè antè inculcaverat S. Paulus 1. ad Corinth. 1. inquit: Videte Fratres Vocationem vestram, quia non multi sapientes, secundum carnem: non multi potentes, non multi Nobiles, sed quæ stulta sunt Mundi, elegit DEus, ut confundat fortia: & ignobilia Mundi & contemptibilia (scilicet Apostolos) elegit DEus, & ea, quæ non sunt (id est abjecta, quæ pro nihilo habentur) ut ea, quæ sunt (id est ea, quæ habentur in pretio, puta: Sapientes & potentes Mundi) destrueret. Similia habet 1. ad Corinth. 2. & 2. ad Corinth. 10.*

Censeretur grande Miraculum, si ab inermibus paucis pueris, debellaretur Turcarum ingens Imperium: vel Arx munitissima, Milite veterano abundans, ab iisdem inermibus per vim caperetur: vel si à duodecim vel centum mansuetis ovibus, innumeri ferocissimi lupi superarentur. Nonne majus miraculum reputandum? quòd Orbis, ferocissimè antea, Christo ac Apostolis resistens, ut ipsimet hostes testantur, (*de Secta hac inquit, Actorum 28. v. 22. notum est nobis, quia ei ubiq; contradicitur*) captivatus sit in obsequium Christi ab inermibus, ignobilibus, paucis Discipulis Piscatoribus, absq; ullis huma-

humanis præſidiis, non peritis Grammaticæ, non ornatis Dialecticâ, prorfus nulla Eruditione & Eloquentiâ humana inſtructis, illisq; quibus Chriſtus dixerat: *Ite, ecce ego mitto vos, ſicut oves in medio luporum.* Eleganter S. Hypponenſis Præſul, Conc: in Pſal: 32. ait: ¶ O Domine, quos mittis, vide quò mittis: Oves in medio luporum; unus lupus, ſi mittatur in medium innumerabilium Ovium, quis ei reſiſtit? Mittis infirmos inter ſævos. Facta ſunt hæc, miſſi ſunt Apoſtoli, pertulerunt præſûras, ex illis Ovibus miſſis in medio luporum, & memorias Martyrum celebramus. Locus iſte, quando Beati Martyris Corpus percuſſum eſt, lupis plenus erat, videtur tot lupos una ovis capta, & implevit locum Ovibus, ovis occiſa. ¶ Hinc meritò exclamat S. Chryſoſtomus: ¶ O miraculum! Servi vineti ſunt, Dominus crucifixus, & prædicatio quotidie creſcit, & per quæ videbatur opera prohiberi, per hæc, accenſa eſt. ¶ Omnis Sapientia Philoſophorum antiquorum, non potuit Mundo perſuadere Unitatem & Omnipotentiam DEI, quæ ſunt facillima: & eniſipientia piſcatorum, perſuaſit difficillima.

35tum Argumentum.

35tum.
Ex prædictionibus
contingentium
futurorum.

SI futura contingentia ſunt certò prædicta longè antè, datur Deus. Sed futura contingentia, ſunt longè antè certò prædicta. Ergo datur Deus. Conſequentia eſt evidens. Minoris certitudo conſtat ex dictis ſuprà in Tractatu 2do, cap: 13tio. ſub Propositione 2da. Major eſt clara: quia contingentia nullus homo naturaliter prædicere poteſt: ut demonſtratum eſt locò citatò, ſub Propositione ima. Multò minùs Prædictio ejuſmodi convenit creaturis homine inferioribus; ut per ſe patet.

Neq; dicas, poſſe futura contingentia naturaliter prædici ab Angelis. Contra enim eſt. Tum quia Atheus, ſic reſpondere nequit, utpote negans dari Angelos. Tum quia ſine ullo fundamento tribuitur iis tanta perfectio naturalis. Tum quia illi ipſi Sancti Prophetæ, qui prænuntiabant, futura, ſoli DEO attribuebant hanc vim: Unde paſſim præmittere ſolebant ſuis Prophetiis: *Hæc dicit Dominus.* Dicitur item Danielis 13tio. *DEUS æterne, qui abſconditorum es cognitor,*
qui

qui nōsti omnia, antequam fiant. Psal: 138. Intellexisti cogitationes meas de longe. Tu cognovisti omnia novissima & antiqua. Isaia 41. Annuntiate, quae ventura sunt in futurum, & sciemus, quia Dii estis vos.

Consonant Patres. Tertullianus lib: 2do. contra Marcionem, cap: 5. *Præscientia DEI, tot habet testes, quot fecit Prophetas.* S. Augustinus lib: 5. de Civit: cap: 9. *Confiteri DEum, & negare præscium futurorum, apertissima insania est.* Comprobant id ipsum etiam Gentiles sapientiores. Ex pluribus audiat Jamblicus, inter Academicos, cognomento, Divinus, & sacerdos Magnus (teste Cælio Rhodigino in Exordio librorum) is lib: de Mysteriis, §. 25to ait: *Quod autem ex nulla virtute corporea, vel animali propria, vel locorum, instrumentorumq;, Vaticinium fiat, sed ex præsentia DEI venientis extrinsecus, patet.* Proinde definiri Prophetia solet, ita: Est Divina inspiratio, vel revelatio futurorum contingentium eventus, certâ & immobili veritate prævidens, & prænuntians. Non diffiteor tamen, Apparitiones ac Revelationes exhibitas Prophetis Veteris Testamenti, factas esse à DEO per Angelos, tanquam Spiritus Administratorios, qui in Corporibus assumptis, Personam DEI gerebant, ideoq; ampliativè vocantur quandoq;, Deus. Sic ille, qui Principi Prophetarum, Moyfi, in Rubo apparuit, fuit Angelus, teste S. Stephano, Actorum 7. v. 30. Item Legem in Sina accepit Moyses per Angelum: ut testatur Apostolus ad Galat: 3. v. 9.

Quid Prophetia?

36tum Argumentum.

Visiones, Revelationes, Apparitiones fuerunt, quarum Causa Principalis erat DEUS Ter Optimus, immediatè vel mediatè per Angelos. Ergo datur.

Antecedens probatur 1mo Ex Scriptura sacra, cui, ut probatum est suprâ in Tractatu 2do, Cap: 3. major fides in omnibus adhibenda est ab infideli etiam quocunq; prudenti, quàm adhibeatur ab illo Historicis veteribus, vel alicui homini fide dignissimo in iis rebus, de quarum falsitate ei aliunde non constat.

Præter Visiones Patribus Veteris Testamenti factas (quas consultò prætereo, ne fusior sim) innuo solum aliquas, in Novo Testa-

36tum.

Ex Visionibus, Revelationibus, Apparitionibus.

mento descriptas. Dum baptizatus est Christus, Matth: 16. *Aperti sunt Celi & vidit* (scilicet Christus: non dubium, quin & ipse Joannes id ipsum viderit, ac ceteri qui aderant) *Spiritum DEI descendentem, sicut Columbam, & venientem super se.* Petrus, Joannes, & Jacobus, Matth: 17. in Monte Thabor, viderunt stupendam transfigurationem Christi, apparueruntq; Moyses & Elias. Actorum 7. Sanctus Stephanus intendens in Cælum, vidit gloriam DEI (id est, vel DEI Essentiam: ut vult S. Augustinus, S. Gregorius Nyssenus, & alii. Vel vidit Deitatem & Trinitatem per schema quoddam Corporeum, ut etiam antea Isaias cap: 6to. Vel Claritatem quandam Corporalem eximiam, præferentem DEI Præsentiam) & Filium hominis stantem à dextris DEI. Actorum 17. S. Petrus ter in ecstasi vidit vas quoddam, velut linteum magnum, quatuor initiis submitti de Cælo in terram, in quo erant omnia quadrupedia terræ, & volatilia Cæli. Ter audivit: *Occide & manduca:* ter respondit: *Nunquam manducavi omne commune & immundum.* Ter iterum audivit: *quod DEus purificavit, tu commune ne dixeris.* Actorum 12. eidem S. Petro incarcerato ab Herode, adstitit Angelus (probabiliter Sanctus Michæel) eduxitq; eum de carcere.

S. Paulus multas & eximias habuit Revelationes ac Visiones. Earum quinq; , Divus Lucas in Actibus Apostolorum, cap: 9. 16. 18. 22. & 27. recenset. 1am, quâ conversus est. 2dam, quâ vocatus est in Macedoniam: nam *Visio Paulo per noctem ostensa est: Vir Macedo quidam stans & deprecans eum, & dicens: transiens in Macedoniam, adjuva nos.* Tertia fuit, quando dixit Dominus nocte per visionem Paulo: *Noli timere, sed loquere, & ne taceas: propter quod, Ego sum tecum, & nemo apponetur tibi, ut noceat te: quoniam populus est mihi multus in hac Civitate, videlicet Corinthi.* 4ta, quâ ad Gentes missus est. Factus enim in stupore mentis, dixit ad eum Dominus: *Vade, quoniam Ego in Nationes longè mittam te.* 5ta, quâ didicit, se naufragium cum suis evasurum: *Adstitit enim mihi* (inquit Paulus) *hac nocte Angelus DEI,-- dicens: ne timeas Paule, Casari te oportet assistere: & ecce donavit tibi DEus omnes, qui navigant tecum.* Eximia item Visio Sancti Pauli, dum raptus usq; ad 3tium Cælum, vidit Divinam Essentiam: ut docet Clemens, S. Augustinus, S. Thomas, S. Anselmus, aliiq;. Vidit

& gloriam Christi, Paradisi pulchritudinem, Angelorum ordines, gloriam: audivit arcana de modo, ordine reprobationis ac prædeterminationis, vocationisq; hominum: maximè Gentium & Provinciarum per se convertendarum: arcana de regimine & successione Ecclesiæ præsentis & futuræ: item de Christi Redemptoris ac Evangelii Mysteriis. S. Joannis Apocalypsis, est Liber plenus Revelationibus, Visionibus. Porro certum est, harum Visionum, Principalem fuisse, Causam, Deum: ut constat: Tum ex dictis suprâ, ubi de Prophetiis. Tum quia prædicti effectus excedunt vires non tantum Entium non Intellectivorum, verum etiam hominis: ut clarum. Tum quia illi ipsi, qui eas visiones habuerunt, tribuebant illas Deo principaliter.

Probatur 2do illud Antecedens Inductione innumerarum Historiarum, à fide dignissimis descriptarum. Ex innumeris has accipe: S. Antonius (ut refert Divus Athanasius in ejus vita) vidit totum Mundum ad Cælum usq; , plenum laqueis Dæmonum: & cum anxius rogaret: *quis hos laqueos evadet?* audivit: *Humilitas.* S. Petro Episcopo Alexandriæ, noctu apparuit Christus veste discipulâ, causamq; rei sciscitanti, dixit: *Arius, vestem meam, quæ est Ecclesia, dilaceravit.* Constantinus Magnus contra Maxentium, præliò dimicaturus, vidit signum Crucis in Cælo, illiq; adscriptum: *In hoc vince.* ut refert Eusebius lib: 1. cap: 20. & 22. in vita Constantini, & alii. Idem Constantinus contra Bizantinos dimicans, vidit iterum Crucem, stellis sicut antè effigiatam, eiq; inscriptum: *In hoc ipso Signo, omnes hostes vinces.* Ut præter alios scribit Nicephorus lib: 7. Histor. cap: 47mo. S. Monîca orans pro Filio suo Augustino, pro tunc Manichæo, vidit Angelum sibi dicentem: *Ubi tu es, ibi & ille.* Significans eum fore Catholicum: cumq; Augustinus hoc audiens, eluderet, diceretq;: *Hoc viso portendi, illam fore, quandoq; talem, qualis ipse erat, scilicet, Manichæam:* subjecit illa: *Non,* (inquit) *non enim mihi dictum est: ubi ille, ibi & tu: sed ubi tu, ibi & ille.* ut refert ipsemet Divus Augustinus lib: 3. Conf: cap: 11. Anno 1611. in amplissimi Imperii Sinensis Provincia, quæ dicitur, Chekiamentis, Mandarinus ex iis, qui militiam sequuntur, ita vixerat media inter arma, ut vitia militum vel ignoraret, vel fugeret; is ad nominis Christiani mentionem cohorrescebat, novitatis metu. Non semel is de Religione à Man-

darino Christiano interpellatus, nunquam adduci potuerat, illi ut asfentiretur. Saltem, inquit Christianus, hoc amico roganti non negabis, ut à vero DEo supplex petas, ne te diutius errare patiat, hoc si facis, molestus esse desinam: verbum à me de religione nulum post hac audies. Fecit: & Aræ domesticæ duas imposuit schedas: in altera, veri DEI nomen, quem Sinæ, Dominum cæli, vocant; in altera, nomen idoli sui scripserat. Tum suppliciter genu positò procumbens, & pronò vertice humum sæpè feriens: Uter vestrùm, inquit, Verus DEus sit, me latet: ille se mihi, oro, atq; obtestor, indicet, atq; errore me solvat. Vix ea prolocutus, videt schedam, veri DEI nomine notatam, ab ara, suum in sinum devolare. Attonitus, illam reponit: iterum ac 3tiò revolat, alterâ penitus immotâ. Surgit, & hinc lætitiâ, inde sancto furore incensus, idoli simulacrum dejicit, & in frustra comminuit: mox veri Numinis ac religionis Characterè insignitus, Felicis nomen auspicatum, sortitus est. Ita refert insignis Historicus P. Josephus Juvencius lib: 19. Partis 5tæ Historiæ Societatis Jesu, num: 30.

Omitto admirandas Scrutationes cordis alieni, multoties factas, quarum certè principalis Causa non potuit esse aliud præter DEum. Omitto confugientium ad DEum preces, & vota sæpissimè exaudita, mirabiliterq; ad effectum deducta.

37mum Argumentum.

*37mum.
Ex admirandis
sonnis &
Inspirationibus*

Fuerunt Somnia & Inspirationes ejusmodi, ut eorum causa principalis nequeat assignari alia, nisi DEus Ter Optimus. Ergo existit. Antecedens probatur ex Scriptura, enumeratione talium somniorum, quæ diversi habuerunt. Genesis 37mo. Joseph de suo manipulo consurgente, & à manipulis fratrum, adorato: item de sole, luna & stellis undecim, adorantibus se. Genesis 40. Pincerna Regis Ægypti & Pistor, positi in eodem carcere cum Joseph. Genesis 41. Phrao de septem bobus crassis, devoratis ab aliis 7. bobus macilentis: nec non de septem spicis plenis & formosis, devoratis à totidem spicis tenuibus. Judicum 7. Miles in Castris Madian, de subcinericio pane, subvertente tabernaculum. Danielis 4to. Nabuchodonono-

donosor de Statua aurea & arbore forti ac magna, succidenda. 2do Machab: 15. Judas Machabæus de Oratione Oniæ & Jeremiæ. ac de victoria ex Nicanore

Horum & similibus somniorum, quod Causa principalis, fuerit DEUS: constat ex dictis suprà de Causa principali Visionum; item constat ex ipsa Scriptura; dicitur enim Job 33tio. Per somnium in Visione nocturna-- aperit DEUS aures Virorum, & erudiens eos, instruit disciplinâ. Et Numer: 12mo. Si quis fuerit inter vos Propheta Domini, in Visione apparebo ei, vel per somnium loquar ad illum.

Confirmatur. Constanti Imperatori Theodosius Frater ab eo interemptus, sæpè per quietem visus est habitu Diaconi, Calicem Sangvine plenum porrigens, & dicens: Bibe Frater: ac si diceret inebriare Fraterno sanguine, quem sisti. Sanctus Xaverius Indiarum Apostolus, longè, antequam destinaretur in Indias, videre sibi visus est, Indum flebili prece, palmisq; supplicibus à se auxilium postulantem. Aliàs verò Æthiopem, humeris suis gravi mole incumbentem, quem toto conatu ex loco periculoso ad tutiora, velut naufragiò ereptum, ad portum transportaret.

Alia exempla non absimilia passim reperies apud graves Auctores. Imò & ego novi virum quendam Religiosum, annis plurimis Scientiarum altiorum, publicum olim Professorem, adhuc dum hæc scribo, superstitem, qui Veritatem Argumenti hujus 37mi, quin & immediatè superioris 36ti, per suamet experientiam, ab omni etiam umbra mendacii, vel falsitatis longè alienam comprobare li- quidò posset.

38vum Argumentum.

SÆpè occultorum Scelerum, nec non & Innocentiæ, stupenda manifestatio facta est, non sine Providentia alicujus Entis summe potentis, sapientis, & boni, seu DEI Optimi. Ergo datur.

Antecedens Probatur imò ex Scriptura sacra. In Veteri Lege, potu sumptò aquæ maledictæ, intumescibat venter, femur putrescebat, uterusq; rumpebatur foeminæ, si fuit adulterii rea: secus fa-

38vum.

Ex occultorum scelerum & innocentium admittum,

randama-
nifestati-
one.

etum, si innocens: ut constat ex libro Numer: cap: 5. Unde olim apud Judæos, miraculò continuò explorabatur scelus adulterii occulti. Per Nathan Prophetam, manifestum est crimen adulterii & homicidii à Davide clam patratum: & per eundem Nathan, gravissimæ poenæ infligendæ Davidi, ex vero prædictæ sunt: ut legitur 2do Regum 11. & 12. &c. Josephi, Moyfis, Susannæ, Danielis, Ananiæ, Misæ-
lis, & Azariæ, aliorumq; plurimorum Innocentia, quàm admirandè manifestata!

Probatur 2dò Historiis aliunde desumptis: aliquas innuo. Anno 1585. in agro Viennensi, Nobilis Austriacus, dum venatur, canes ipsius, ossa candida eruunt, dumq; illa defert ad Cultrarium, manant sanguine: fatetur is ante viginti annos ibi à se peremptum suæ peregrinationis comitem, judicio se ultrò sistit, & poenam scelerum petit. Ut scribit Laurentius Beyerlinck ad annum 1585. Lucernæ, in Helvetia, Seniculo ante ades sedenti defert molossus cranium calvum, & in sinum ejus reponit: fatetur miser, ante triginta annos, Studiosum à se interfectum ob pecuniam: & solum tres crucigeros reperisse, sicq; reus, capite truncatus est. Ut refert Pater Stengelius lib: 4to. de Judic: Divin: cap: 52. Idem Auctor ibidem habet hæc: Viator quidam in itinere interfectus, cum de interfectore non constaret, manus resecta ejus, & in carcere Senatûs Licen-
honenfis è tigno in fumo suspensa, ibi exaruit: post decennium venit in illam domum auctor necis, manus arefacta stillat sanguinem, comprehensus, crimen factus, debitam sceleri poenam tulit.

Infantes contestati sunt innocentiam S. Brixii, Episcopi Turo-
nensis; item Brôonis Episcopi: imò quandoq; & ipsi mortui eam propalârunt: ut Piotrovinus, Sancti Stanislai Episcopi Cracoviensis: Irene, Spiridionis: puer occisus, innocentiam falsò accusati Parentis S. Antonii Paduani: nec non Danielis Abbatis. S. Elisabetha Regi-
na Lusitanæ, cum falsò esset delata ad Regem Dionysium, quoddam pedissequum quendam adamaret, Rex credulus pedissequum destinaverat incendio, ut in fornacem, calce ardentem, projiceretur: verum DEO ordinante factum, ut solus accusator iniquus, in illam injiceretur: adhuc fornax illa calcaria, hucusq; in rei memoriam conservatur. Vide Cornelium à Lapide in Danielis Caput 13tium. S. Cunegundis Hen-

Henrici Imperatoris Consors, adulterii falsò insimulata, nudis plantis per candens ferrum illaesa, incessit. Alia itidem Mulier sic accusata, sed & damnata, non potuit à carnifice interfici, licèt septies gladiò icta: Ut testatur S. Hieronymus in Epistola ad Innocentium. Nec Civis quidam Montis Politiani, mori potuit, donec palam confessus est, se habitu hominis Jesuitæ ementitò, infamiam Patribus Societatis conflàsse. Vide P. Tannerum in Vita Patris Francisci Stradæ. Innotuit item Innocentia per mortem repentinam iniquorum Judicum, præsertim, si Innocui eos citârunt ad Tribunal DEI. Experti id sunt Ferdinandus, Legionis & Castellæ; Philippus Pulcher, Franciæ Reges, Rudolphus Austriæ: Franciscus, Armoricæ, Duces. Non multum absimile contigit Judicibus Granatæ Civitatis: ut habetur in Vita P. Alphonfi de Avila apud Tannerum.

39num Argumentum.

Talionis poena sæpè inflicta est non sine Providentia Numinis. E. &c. Probatur id ipsum imò ex Scriptura. Fratres, qui Josephum insontem carcere & captivitate afflixerant, ipsi etiam insontes simili poenâ, à Josepho puniuntur. Genesis 42. Pharào, qui jussèrat, infantes Hebræorum submergi; ipsemet cum toto exercitu suo demersus. Filii Israël, Duce Judâ & Simeone, persecuti comprehenderunt Adonibezec, cæsis summitatibus manuum ejus ac pedum: dixitq; Adonibezec; *Septuaginta Reges, amputatis manuum ac pedum summitatibus, colligebant sub mensa mea ciborum reliquias: sicut feci, ita reddidit mihi DEUS.* Judicum 1. David violavit torum alterius; ipse quoq; Uxores in oculis totius populi, à Filio ejus Absalone, constupratæ sunt. 2do Regum 16to. Absalon, Fratrem suum Amnonem, ferrò trucidavit: ipse quoq; à Consobрино Joabo interemptus. 2do Regum 13tio, & 18vo. Abner in inguine percussit Asælem: ipse itidem à Joabo perfossus, interiit. 2do Regum 2do, & 3tio. Abimelech super lapidem unum, sexaginta octo fratres securi percussit, occisus & ipse lapide à muliere. Judicum 9no. Achab jussit Uvas ex Vineâ occisi Naboth sibi deferri in cophinis: filiorum etiam ipsius, Septuaginta capita in cophinis allata sunt ad Jehu. 2do Regum 12mo,

& 4to

39num.
Ex Talionis poena
mirabiliter irrogata.

& 4to Regum 10mo. Aman suspensus in eadem trabe, in qua voluit, ut appenderetur Mardochæus. Panam talionis passi sunt accusatores Danielis, &c.

2do Probatur variis aliunde Historiis. Poena talionis, mirabiliter inflicta est Herodiadis filia saltatrici. Baptistidæ: audi Nicephorum lib: 1. cap: 20mo. Eundum illi saltatrici quodam brumali tempore erat, & fluvius trajiciendus, qui cum glacie constrictus, coagmentatusq; esset, pedes eum transibat: glacie autem ruptâ, idq; non sine DEI Numine, demergitur illa statim capite tenus, & inferioribus corporis partibus lasciviens, molliusq; se movens, saltat non in terra, sed in undis; caput verò scelestum, frigore & glacie concretum, deinde etiam convulneratum, & à reliquo corpore, non ferrò, sed glaciei crustis resectum, in glacie ipsa saltationem letalem exhibet, spectaculòq; ejus omnibus præbitò, in memoriam, ea, quæ fecerat, spectantibus revocat. Hæc Nicephorus. Non absimilia scribit L. Dexter in Chron: ad Annum Christi 34, dicitq; fluvium illum, fuisse flumen Herdæ, dictum, Sicorin.

Memorabilia item exempla aliquot, quibus comprobatur non sine Providentia Numinis, infligi poenam Talionis, sceleraq; occulta manifestari, continet nota illa Historia de S. Ephrem incarceratione, & aliis in eodem carcere positis. Historiam hanc describit ipsemet S. Ephrem, partim in Confessione sua, partim in narratione suæ conversionis: refert eam etiam ex illo Cornelius à Lapide in Caput 42. Genesis.

Porro, effectus recensitos & similes, non esse factos sine Providentia Numinis, constat: Tum quia multi ex illis effectibus, excedunt vires ordinarias naturæ creatæ. Tum quia ordinariè illi ipsi, quibus contigerunt prædicti effectus, attribuerunt eos DEO vindicanti innocentiam, & punienti scelera. Tum quia, quod frequenter fit, non fit à casu: jam verò sæpè manifestata sunt occulta scelera, Innocentia patefacta, poena talionis inflicta; ut constat innumeris exemplis. Ergo id casu factum non est, sed Providentiâ alicujus Entis summè potentis, intellectivi & boni, quod Ens, est DEUS.

40mum Argumentum.

Blasphe-mis, Perjuriis, Sacrilegis, admiranda sæpè inflicta sunt supplicia, quorum inflictio non potest refundi, nisi in Ens aliquod intellectivum summæ potentix, seu in Deum.

Exemplis variis comprobatur hæc inflictio.

Rex Ægypti Pharaon, dictus Chencres: ut vult Eusebius & S. Hieronymus in suis Chronicis (Pharaonis enim Nomen, in Ægypto, omnium tunc Regum fuit: Ut ait Divus Augustinus lib: 16. de Civit cap: 43. istoq; vocabulo, à Pharo Insula, è Regione Alexandria posita, demonstratur Regia dignitas, inquit S. Hieronymus lib: 9. in Ezech: cap: 29. *Sicut apud Romanos, Cæsares appellantur à primo Cajo Cæsare. & apud Syros, Antiochi- apud Philisthim, Abimelech- & post Alexandrum, in Ægypto, Ptolomæi usq; ad Cleopatram.*) Hic inquam Chencres, ausus dicere Exodi 5. *Quis est Dominus, ut audiam vocem ejus, & dimittam Israël? Nescio Dominum, & Israël non dimittam.* Brevi postea, Regni sui Anno decimo septimo, submersus in mari rubro cum toto suo exercitu, qui juxta calculum Josephi, tunc continebat quinquaginta millia Equitum, & ducenta millia peditum, præter sexcentos currus falcatos, seu falcibus, undiq; armatos. Factum id juxta Chronologiam Saliani, Anno Mundi 2544. Ante Christum 1509.

Quarto ferè Anno exitus ab Ægypto, primarii Viri de Tribu Ruben, Dathan & Abiron fratres, & Core Fratruelis Moysis & Aarons, propter blasphemiam absorpti sunt à terra. Sic enim legitur Numer: 16. *Quòd blasphemaverint Dominum, dirupta est terra sub pedibus eorum, & aperiens os suum, devoravit illos cum tabernaculis suis & universa substantia eorum, descenderuntq; vivi in infernum, aperti humò.* Et Numer: 26. *Aperiens terra os suum, devoravit Core.*

Sennacherib Rex Assyriorum, propter blasphemiam suam in Deum viventem, 185000 suorum armatorum perdidit: hos enim unâ nocte interfecit Angelus Domini: Ut legitur 4. Reg: 19. & Isaïæ 37. ipse verò Rex, ut diutius ex clade suorum cruciaretur, illæsus quidem tunc ab Angelo, sed post quadraginta quinq; ferè dies, crudeliori fatò occubuit; reversus enim ex Judæa in suam Civitatem Ni-

40mum.
Ex admi-
randa pu-
nitione
blasphe-
mia, per-
jurij, Sa-
crilegii.
Blasphe-
morū pæ-
na mira,
bilis com-
probatur
exemplis,
desumptis
ex Scriptu-
ra sacra.

niven, cum adoraret in templo suum Idolum Nefroch, à Filiis suis, dictis Adramelech, & Salasar, interemptus est. Anno Mundi 3324. Ante Christum 729.

Holofernes, cum dixisset ad Achior, Judith 6to: *Ostendam tibi, quod non est Deus, nisi Nabuchodonosor*: dextrâ foeminae interfectus, ac hostium fannis expositus, ejusq; exercitus, magna ex parte deletus. Factum id juxta Salianum, Anno Mundi 3346. Ante Christum 707.

Nabuchodonosor Magnus Monarcha Asiae, debellator Aegypti, everforq; Jerosolymae, qui blasphemio ore ausus erat dicere pueris, igni injiciendis, Danielis 3tio. *Quis est Deus, qui eripiat vos de manu mea?* Insuper postea, sibi soli, cum DEi contemptu tribuerat (Danielis 4to) restorationem Babylonis, inquires: *Nonne haec est Babylon magna, quam ego edificavi* (eam primò Nemrod, sive Belus, Pater Nini condiderat: Semiramis, uxor Nini auxerat: postea eversam, magnificentissimè reparaverat Nabuchodonosor) *in Domum Regni, in robore* (independente ab ullo alio) *fortitudinis mea, & in gloria decoris mei?* Hic inquam Nabuchodonosor, mutatus in bovem agrestem, mentis & linguae humanae usu destitutus, mugiebat ut bos, foenum quasi bos comedit (ut disceret, ait S. Chrysostomus in Psal. 13. *bovem, suum cognovisse Creatorem, quem ipse negaverat*) & cum bestiis & feris extra consortium hominum per septennium vixit: Regnum interrim administrante Evilmerodacho, ejus filio. De Nabuchodonosore, divinitus, furore, correpto, refert etiam ex Megasthene, Alphæus Scriptor Ethnicus apud Eusebium lib: 9. de Præparat: Evang: cap: 4. Postea tamen ex speciali DEi misericordia, expletò poenitentiae septenniò, Sanitatem, Regnumq; recuperavit, ad DEUM Verum conversus, breviquè post sui conversionem, è vita discessit, Anno Mundi 3473. ante Christum 580, & salvatus: ut communior fert Sententia Patrum, scilicet, Tertulliani lib: de poenitentia. S. Augustini, Epistola 122. S. Ambrosii, S. Epiphani, Dorothei; & aliorum Scriptorum, ut Josephi, Saliani, &c.

In lib: 2. Machabæorum cap: 5. leguntur hæc: *Nicanor ut compereit Judam (Machabæum) esse in locis Samariae, cogitavit cum omni impetu, die Sabbati committere bellum; Judæis verò, qui illum per necessi-*

suatē sequēbantur, dicētib; ne ita ferociter, & barbarē feceris, sed honorem tribus diei Sanctificationis, & honora Eum, qui universa conspici: ille infelix interrogavit: si est potens in celo, qui imperavit agi diem Sabbatorum? & respondentibus illis. Est Dominus vivus ipse in celo potens, qui jussit agi septimam diem. At ille ait: Et ego potens sum super terram, qui impero sumi arma, & negotia Regis (nempe Demetrii Regis Syriæ) impleri. Ob hanc blasphemiam, licet ingentē & fortissimū haberet exercitū, à paucis Judæorum, cæsa 35000 suorum armatorum, & ipse Nicanor interfectus, cujus caput cum humero abscissum, Jerosolymam perlatum est; linguam etiā blasphemī præcisam, imperavit Judas, particulatim concisam, avibus dari, manum autem dementis, contra templum suspendi. Factum id Anno Mundi 3893. ante Christum 160.

Antiochus (à rerum magnarum molitione, potius, quā effusione, dictus Epiphanes; id est, Illustris: quem tamen meritò, historicus Polybius, Epimānem, id est Furibundum, & mente captum appellat) hic, inquam, Antiochus Rex Asiæ, Deum se terrestrem esse putans, ob blasphemiam percussus à DEo, insanabili & invisibili plagā: apprehendit enim eum (ut habetur in lib. 2. Machabæorū cap.9) dolor dirus viscerum, & amara internorum tormenta, super hoc, contigit, illum de curru cadere, & de impii corpore vermes scaturiebant, ac viventis in doloribus carnes ejus effluebant: sicq; inter summos dolores, & fatores, peregrē in montibus, miserabili obitu, vitā functus est. Anno ante Christum 162.

Herodes Agrippa Senior, Filius Aristobuli filiū Herodis Ascalonitæ Infanticidæ, dum Casareæ in theatro pro Tribunali sederet, coronam in capite, & sceptrum supra modum splendidā gestans manu, vestitus Regiā veste, totā ex argento, mirabili opere contextā, quæ radiis solis percussā, mirandum fulgorem emittebat, sicq; ornatus peroraret ad populum, qui acclamabat: *DEI voces & non hominū.* Quia in hac blasphema acclamatione, sibi complacuit ei; tacitē assensus: confestim percussit eum Angelus Domini, & consumptus à vermibus, pediculis, è corpore toto putrido ac fætido ebullientibus, obiit. Ut legitur in Actibus Apostolorum, cap. 12mo: & apud Josephum Judæum lib. 19: Antiquitatum cap. 8, is tamen parum fide-

liter hanc historiam describit, nolens offensum sibi reddere Regem Herodem Agrippam Juniorem, Senioris Agrippæ filium, cui dedicaverat Libros suos Antiquitatum.

Sanctus Paulus 1. ad Timoth: 1, blasphemos tradidit Satanæ.

Hæc Exempla desumpta sunt ex Scriptura sacra: aliunde verò innumera ferè desumi possunt, idem comprobantia. Innuo aliqua.

Item
Ex varijs
Historicis.

Alexander Magnus Dariô devictô, felicitate ebrius, dum cœpit sibi videri Deus, & eo nomine datis ad Græciæ Civitates literis, dum satis ridiculè institit petere, Decretô publicitus ipsum statuerent Deum (ut refert Cælius Rhodiginus, Lectionum antiquarum lib: 21. cap: 35to) brevî pōst miserè interiit, ætatis suæ Annô 33tiô necdum expletô: Ante Christum trecentesimô vigesimô tertio.

Julianus Apostata, Draco ille, multam iniquitatem, in Excelsum locutus, in prælio cum Persis, à manu invisibili, letale certè Orbiq; Universo salutare vulnus accepit: ut loquitur S. Nazianzenus Orat: 2. in Julianum. Ferunt porro ipsum Tyrannum, simul ac plagam acceperat, manum protinus Sanguine implevisse, illumq; projecisse sursum in ærem ac dixisse: *Vicisti Galilee*, ut scribit Theodoretus lib: 3. cap: 20mo. Vel ut tradit Nicephorus lib: 10. cap: 34to, exclamasse: *Saturare Nazarene*, sicq; rabie contra suum Conditorem furens, animam evomuit, Annô ætatis 3umô, Imperii sui Annô secundô necdum expletô.

Nestorio blasphemo, lingua viventi computruit: ut scribit Nicephorus lib: 14. cap: 26. Evagrius lib: 1. cap: 8. aliq; . Impio autem Ario effusa sunt viscera: ut testatur S. Athanasius ad Serapionem. S. Nazianzenus. S. Ambrosius, & alii. Lucianus, Numinis Contemptor, dictus blasphemus, homo fædissimus, Eloquentiæ multæ, ast sapientiæ minimæ: ut dicit Rhodiginus lib: 9. cap: 19. à canibus discerptus est. Acrotheitæ, seu Thôes, irrisores Numinis, ob impietatem illam, subito à terra, universi absorpti sunt: ut scribit Porphyrius lib: 2. de Abstinencia, & alii. imò testatur Simplicius, Scriptor Ethnicus in suo libro Enchirid: cap: 38. omnes Atheos (hi porro sunt maximè blasphemii) miserrimâ morte obiisse. Et Zeno Gentilis

lis item Philosophus, miserrimo Atheorum exitu, probat esse Deum.

Simon Tuvajus, Anglus, altiorum Scientiarum, Parisiis Professor magni nominis; postquam impudenti ore dixisset: ò Jesule, Jesule, quantum in hac quaestione (nempe de Sanctissima Trinitate & Mysterio Incarnationis) confirmavi legem tuam, & exaltavi te: profectò si malignando & adversando vellem, fortioribus Argumentis & Rationibus scirem illam infirmare. Vix hanc blasphemiam finiverat, penitus elinguis obmutuit & quamvis ei pòst, redditus linguae usus, tamen ita oblivione rerum omnium subitâ percussus fuit, ut vix intra biennium, Orationem Dominicam, Symbolumq; Apostolorum memoriter discere, ac balbutiendo recitare potuerit: ut scribit Matthæus Paris, aut veriùs, Parisiensis, Historicus celebris, qui hoc ipsum audit ab Episcopo Dunelmensi: hic verò Episcopus vidit illum Simonem, literas à filio proprio doceri. Contigere hæc, circa Annum 1221. ut habet Spondanus in Annalibus Ecclesiasticis, & alibi.

Beatus Petrus Damiani, Cardinalis & Episcopus Ostiensis, lib: 2. Epist: 15. ad Desiderium Abbatem, (in alia editione Epist: 36.) Quidam (ait) Clericus audax & bellicosus, suo fastu & armis, magnus evasit, ideoq; de prædiis quibusdam litem habuit cum alio Viro potente, quam prælio decidere statuit. Utrinq; ergo cohortes in aciem educuntur: Clericus, ante prælium adiens templum, audiensq; Missam, cùm legeretur: Qui se exaltaverit, humiliabitur: & qui se humiliat, exaltabitur, insolenter dixit, imò blasphemavit. Hæc sententia, falsa est in me: si ego enim me humiliassẽm, nunquam tam magnus evasissem; mox initò præliò, cùm equus ejus sitibundus ad aquam vicinam, ipso invitò procurreret, ipseq; scutum in equum impingeret, ut illum in aciem revocaret: ecce tibi gladius hostilis, os ejus blasphemum, fulminis more transfixit, eumq; occidit, ut superbum humiliaret, ac sterneret, veramq; Christi esse sententiam, demonstraret.

Olympius, Episcopus Arianus, adversus Sanctissimam Trinitatem blasphemus, tribus jaculis, tanquam fulminibus ictus, occubuit, Anno 510. ut refert Paulus Diaconus lib: 15. in Anastasio.

Amulius, ideo se pro Deo vendere ausus est, quòd machinis quibusdam tonitrua tonitruis, fulgura fulguribus referret, ac fulmina

jacularetur. Sed Deo puniente blasphemus ausus, inundatione paludis, ad quam inhabitabat, periit, una cum Regia demersus: teste Zonara, tomo 2do ferè in principio.

Anastasijs Imperator, factus Atheus, post horrenda præfagia, vidit quendam sibi dicentem: Ecce Imperator, ob perversitatem fidei tuæ, 14. annos vitæ tuæ deleo, brevî post, misera morte obiit. Ut refert Paulus Diaconus lib: 15to, & alii.

S. Gregorius Magnus lib: 4. Dialog: cap: 18. hæc habet: [Quidam Vir, cunctis in hac Urbe notissimus, ante triennium habuit filium, annorum, sicut arbitror, quinque, quem nimis carnaliter diligens, remissè nutriebat, atq; idem parvulus, quod dictu grave est, mox ut ejus animo aliquid obsticisset, Majestatem DEI blasphemare consueverat: qui in hac, ante triennium, mortalitate percussus venit ad mortem: cumq; eum suus Pater in sinu teneret, sicut hi testati sunt, qui præsentibus fuerunt, ad se venisse spiritus trementibus oculis puer aspiciens, cepit clamare: Obsta Pater, Obsta Pater: qui clamans declinavit faciem, ut se ab eis in sinu Patris absconderet, quem cum ille trementem requireret. Quid videret? Puer adjunxit, dicens: Mauri homines venerunt, qui me tollere volunt: qui cum hoc dixisset, Majestatis nomen protinus blasphemavit, & animam reddidit. Ut enim Omnipotens DEus, ostenderet, pro quo reatu talibus fuisset traditus executoribus, unde viventem Pater suus noluit corrigere, hoc morientem permisit iterare; ut qui diu, per Divinitatis Patientiam, blasphemus vixerat, quandoq; per Divinitatis judicium blasphemaret, & moreretur: quatenus reatum suum, Pater ejus agnosceret, qui parvuli filii animam negligens, non parvulum peccatorem gehennæ ignibus nutrifset.] Hucusq; S. Gregorius.

*Perjurorum re-
feruntur
exempla.*

*Ex Scri-
ptura sa-*

Perjuria, quàm graviter & mirabiliter punita, lege.

Propter perjurium Saulis, quò contra fidem datam à Josue, occidit Gabaonitas, fame triennali punitus est Israël: unde eis traditi sunt posteri Saulis, qui ab eis crucifixi sunt, & lues cessavit. 2. Reg: 12mo. Item ob perjurium Sedecia Regis, Jerusalem, totaq; Judæa everfa est. 4to Reg: 24. & 25to, & Ezechielis 17. à versu 13tio.

Sanctus Augustinus Epistola 137. ait: Novimus Mediolani apud memo-

memoriam Sanctorum, ubi mirabiliter & terribiliter Dæmones confitentur, furem quendam, qui ad eum locum venerat, ut falsum jurando deciperet, compulsus fuisse confiteri furtum, & quod abstulerat, reddere. Romæ item antè Corpora Sanctorum Processi & Martiniani, pejerantes, à Dæmone possideri, permisit DEus. Ut testatur S. Gregorius Magnus Homiliâ 32dâ Evang. Tres falsi testes (ut refert Eusebius Cæsariensis Episcopus, lib: 6to, Historiæ Ecclesiasticæ, cap: 8vo.) sub sacramento juramenti, insimulârunt criminis, Narcissum Jerosolymorum Episcopum, quorum unus testis: ita non igni consumeretur, vera se dicere testabatur. Alius: ita ne regiô morbô corrumpetur. Tertius, ita ne luminibus orbaretur. At non ille Magnus Divinæ Providentiæ Oculis quiescit in longum, sed in Impios ultionem per ea ipsa, quæ sibi in perjuriis statuerant maledicta, molitur. Primus namq; ille testis, parvâ ignis scintillâ, noctis tempore domo suâ succensâ, cum omni genere suo, omniq; familia, flammis ultricibus conflagravit. Alius, repente ab imis pedibus usq; ad summum capitis verticem, morbô regiô, quem fuerat sibi imprecatus, repletur, atq; consumitur. Tertius autem, priorum exitum videns, & Oculum Divinum non se latuisse perspicuens, prorumpit in medium, & audientibus cunctis, serâ pœnitentiâ universum concinnati sceleris ordinem pandit. Tantis autem lacrymis immane commissum facinus deflet & in tantum die, noctuq; perdurat in fle-
tibus, usq; luminibus orbaretur.

Plura ejusmodi exempla pejerantium, mirabiliter punitorum à DEo, refert Cornelius à Lapide in Jeremiæ Caput 39.

Sacrilegia divinitus vindicata, perpende.

Balthasar Rex Chaldæorum, cum temulentus præcepisset afferri vasa aurea, & argentea, (ut legitur Dan: 5.) quæ asportaverat Nabuchodonosor Pater ejus de templo, quod fuit in Jerusalem, biberuntq; ex eis Rex & Optimates ejus, uxores & concubinæ illius: statim in pœnam hujus Sacrilegii, in eodem convivio, contra eum, vesperi, divinitus lata sententia feralis, eâdemq; nocte, capta Babylon, Rex Balthasar interfectus cum filiis suis, ac innumeris suorum, projectusq; in fossam promiscuè cum aliis, & Monarchia Chaldæorum eversa: Dariusq; Me-
dus

duſ cum Cyro nepote ſuo ſucceſſit in regnum. Hebræi tradunt, Genebrardus Archiepiſcopus Aquenſis approbat, hunc Darium natum eſſe eodem anno, quò Nabuchodonofor vaſtavit Jeruſalem & templum; ut huius ſacrilegii eſſet ultor & vindex, ac Babylonem cum Monarchia everteret.

Seleucus Philopater Rex Aſiæ, initiò ſuppeditaverat de redditibus ſuis omnes ſumptus ad miniſterium ſacrificiorum, in templo Jeruſolymitano faciendorum, pertinentes: tamen poſtea miſit Heliodorum in Jeruſalem, ut ærarium templi expilaret: ſed Heliodorum, Angeli duo circumſteterunt, & ex utraq; parte flagellabant ſinè intermiſſione, multis plagis vulnerantes: Vix Oniæ Pontificis precibus ſervatus eſt: Utî narratur 2do Machab: cap: 3. Ipſe verò Seleucus, jam Sacrilegus, ideoq; indignùs decore Regio, in paucis diebus; ab eodem Heliodoro interemptus eſt. Vide Cornelium à Lapide in Danielis Caput II. v. 20. Exempla plura, vide apud eundem Cornelium in Joſue Caput 7mum.

Petrus Gregorius Toſolanus, natione Gallus, Jurifconſultus doctiſſimus Syntag: Jur: lib. 33, cap: 17. num: 4. inter alia notatu digniſſima, ſcribit hæc: [Experti ſunt plures Principes in Gallia, & Germania, quantum poſteris nocuit ex adipe Eccleſiæ, domus Paternas & proximorum ditâſſe: ad tempus quidem modicum durârunt hæ ſacrilegæ, ex Abbatiis & Episcopatibus compilatæ opes, & cum iſtarum ruina, propriæ quoq; evanuerunt, & qui ipſis uſi ſunt, ut eorum filii, miſerè plerumq; perierunt. Quamvis enim ſacrilegi ab hominibus, non plectantur, non poſſunt tamen DEI effugere judicium. Sunt, hodie tot illuſtrium Virorum Succellôres pauperrimi & ſerè erroneſ & mendici, dicam & audacter, prædones & latrones effecti, quòd Eccleſias ſpoliârunt, & brevi tempore cum illis, & ſua amiſerunt, quæ Majores, virtute paraverant & reliquerant, & malè parta, cum malè dilabuntur, bene parta, ſed à malè partis polluta ſecum communionem pertrahunt.] Hucusq; præfatus Auctor.

Similia ex communi etiam & longa Virorum gravium Obſervatione habet Alphoſus Vilagut Hiſpanus Doctor inſignis in ſuo doctiſſimo Volumine de Rebus Eccl: non alien. lib. 3tio. p. 2. cap: 1to. eaq; eſſe omnimodæ veritati conſona, non tantum retroacta, ſed &

nostra testantur tempora: in amplissimo etiam Regno Polonia, abundè id comprobant plurimi, celeriter gravibus calamitatibus preffi; & ad egestatem redacti, qui ex rapinis bonorum Ecclesiasticorum dirati fuerant: verificatumq; illud Jòelis 3tio. *Cirò, velociter reddam vicissitudinem super caput vestrum: argentum enim meum, & aurum tu-
listu.*

Porro prædicta blasphemorum, perjurorum & sacrilegorum supplicia, non esse inflicta sine Providentia alicujus Entis summè Potentis, & Intellectivi, seu DEi, ac non esse casu inflicta, certum est. Tum quia multa ex enumeratis supplicia, longè excesserunt. Vi- res causarum Creatarum, spectatis circumstantiis: Ut patet. Tum quia, Quod semper fit, aut frequenter, non secundum accidens, neq; à fortuna: ut ait Aristoteles 2do Physicorum, textu 8to. Sed blas- phemi, perjuri, sacrilegi, sapissimè & gravissimè puniti sunt mira- biliter: ut præter dicta, constat ex eo; quia, ut rectè P. Lessius lib: 1. de Providentia Numinis, num: 161. scripsit: *Nulla est Natio, nulla Pro-
vincia, nullum Oppidulum, ubi blasphemia, perjuria, & sacrilegia, non
fuerint à Numine sæpius vindicata.* Ergo non casu id factum est, vel fit, verum sic volente, ac ordinante aliquo Ente summè potente ac intellectivo, quod Ens, ideo præ cæteris peccatis, gravius vindicare consuevit enumeratas scelerum species, utpotè directè oppositas ejus reverentiæ, eiq; graviter injuriosas.

*Objectiones in contra-
ra refel-
luntur.*

Neq; dicas 1mo. Utq; etiam Ethnici Violatores suorum Tem- plorum puniti fuerunt mirabiliter: ut constat ex historia, quam re- fert Philo apud Eusebium lib: 8. de Præparat: Evang. cap: 6. aliisq; pluribus Historicis. Respondetur, id factum esse, non quòd revera sacrilegium fuerit illa violatio, sed quia fuit tamen sacrilegium, tum secundum peccantium conscientiam; censebant enim illa fana, vero- rum suorum Deorum esse ædes: tum quia ex contemptu generali Numinis fiebat violatio: unde non mirum, quòd vindictam etiam Nu- minis, senserint.


Neq; dicas 2do. Quarendo, cur ergo non semper omnes blas- phemi, perjuri, sacrilegi, puniuntur in hac vita? Respondetur, id inter alia etiam ideo fieri. Tum ne Occasio detur suspi- candi, non superesse aliam vitam, in qua retribuatur unicuique

juxta opera sua. Tum, ut divitiæ Bonitatis, & Patientiæ, & longanimitatis Divinæ, clariùs manifestentur.

Neq; dicas 3to. Exemplis allatis ex Scriptura sacra, nihil evinci adversùs Atheum, utpote negantem Scripturæ Auctorem, Deum. Contra enim est: quia, ut toties jam dixi, etiam ad initium hujus Voluminis, in Præmunitione totius Operis, hanc Objectionem non subsistere; demonstratum enim est in Libri hujus imi Tractatu 2do, cap: 3tio, Scripturam sacram apud quoscunq; etiam infideles, mereri majus sui pretium & Auctoritatem, quàm mereantur libri profanorum Historicorum Veterum, etiam simul sumptorum.

Nota. Præter hæc Argumenta supra 40. in Tractatu isto Tertio proposita, vide in Epilogo totius hujus Voluminis Argumentum aliud, quod licet non sit validius pluribus supra positis; tamen quandoq; felicius fuit ad convincendos & convincendos Atheos, teste etiam Cornelio à Lapide in Caput 5tum Amos. Sed antequam deveniatur ad Epilogum totius Voluminis; succedat priùs, ut in fronte Voluminis appromissam, Liber Secundus.





LIBER II.

PRO DEO CONTRA ATHEOS.

Complectitur hic liber Tractatus tres. In *Imo*, quorundam Auctorum Rationes, quæ aliquibus de validitate suspectæ sunt, (an meritò?) ad Veritatis trutinam expendantur. In *2do*, Doctissimorum novem Veterum Philosophorum. In *3tio* demum, Sapientissimorum & decem Patrum Rationes validæ referuntur Atheismi eversivæ,

TRACTATUS PRIMUS.

Ad Veritatis lancem expendantur Argumenta, quibus
 THEODORUS ABUCARAS, Divus ANSELMUS, ANTONI-
 US PEREZ, ESPARZA, MORINUS, & CARTESIUS,
subruere nituntur Atheismum.



Ullam admirationem Tibi moveat, Lector benevole, *Tractatus* quod Tractatum hunc, Atheorum principale dogma *iste cur* proscripturus, apposuerim Volumini, oculis Tuis *Volumini* (utinam & animo!) observanti. Feci id, non tam *huic ap-* studio obsequendi desiderii eorum, qui prædicto- *positus?* rum Auctorum Argumenta ad manum habere optarent, simulq; nosse, quis de iisdem sensus, nobis in-
 esset: quàm verius ea de causa, quod ex Argumentis Divi Anselmi, & Patris Perez, sat acuta, validaq; desumi possunt tela adversus Atheos. Ad hæc: ne Asseclæ Cartesii & Morini, horum Rationes, gravissimi esse ponderis: è contra leviora, minusq; vibrantia arma,

quæ communiter à Sanctis Patribus, Doctoribus, & Theologis, in Atheos stringuntur, erroneè arbitrentur.

CAPUT I.

THEODORUS ABUCARAS

Quis fuerit Abucaras?

Ima ejus Ratio deducta ex productione hominis in tempore.

S Ancti Damasceni Discipulus, Episcopus Carum, floruit sæculo nono, tempore Basilii Macedonis Imperatoris, & octava Synodi, scripsitq; diversa Opuscula contra Hæreticos, Judæos, & Saracenos, Constantinus, Basilius, & Leo, Imperatores hi tres in literis ad Hadrianum Pontificem Romanum datis, appellârunt Theodorum, Hominem Ecclesiæ valde utilem. Is ergo in Opusculo, in quo Infidelem instruit Orthodoxus de Existentia DEI, & Mysterio SS. Trinitatis, habet hæc: [A Orthodoxus. B. Infidelis. B. Demonstra esse Deum. A. Omnis numerus, qui recipit accessionem, finem quoq; recipit: numerus igitur hominum accessionem recipiens finitus est, quamvis nos, quantus sit, ignoremus. Sed ponamus brevitatis & declarationis gratiâ, omnes homines, esse centum: fieri non potest, ut hi omnes fuerint geniti; alii quidem ex aliis Ortum ducunt, sed mens rationem ortus & Originis sursum revocans, omnino ad unum, non genitum evadit; cum enim ad primum devenerit, non potest dicere, ex alio ortum esse, quia & ille alius, ex alio item generatus esset, donec in primo mens consistat fixa; necesse igitur est, ex terra natum esse hunc, instar arborum, aut æternum esse, aut ab aliquo Creatore factum esse. Sed si è terra ortus fuisset, adhuc usq; in hodiernum diem, alios terra procrearet, sicut fit in genere arborum, & herbarum: at quia hæc fieri non videmus, manifestum est, neq; primum procreâsse. Sed nec æternus erat; si enim principio caruisset, essetq; æternus, nunquam mortuus fuisset, neq; interiisset. Quod enim principium non habet, neq; finem habet: relinquitur igitur, ut factus fuerit: quod autem factum est, Auctorem habet, est igitur Creator & Auctor hominum, Deus.]

2da ejus Ratio, ex

, Accipe aliam Demonstrationem, quæ ad cognitionem DEI, deducit. [Dic mihi, si terram è gleba acciperem, & in altum tectum ascenderem, & inde hanc dimitterem, an non naturâ, perpetuò deorsum

orsum ferretur, quousq; in firmiore quopiam, & immobili firmare-
tur? B. Maximè. A. sic etiam terra; ex parte enim intelligitur to-
tum: Nisi enim haberet aliquid firmitus, quod ipsam fulciret, nun-
quam desineret ferri deorsum; nunc autem videmus hanc immotam,
est igitur vis aliqua fortior, quæ hanc sustinet, & portat, quæ est
Verbum DEI. Si enim dicas, aliud corpus subesse, quod eam susti-
neat; quid erit, quod illud ipsum corpus portat, & sustinet? Atq;
ita cogitatio scrutari pergens, non cessabit, quousq; quiescat in ali-
quo termino, & extremo, quod sustinetur; non enim est infernè
infinitum, quod est supernè terminatum; quod enim est ex una parte
terminatum, etiam ex alia, terminum habebit; nam si funis, ut ita po-
namus, ex hac parte terræ, usq; ad alteram partem pertingat, ipse
verò summam partem funis, qui videtur, apprehendam; an non ne-
cessè erit ex altera parte, quæ non apparet avelli summam partem
funis tantò spatiò sursum attractam, quantò ex altera parte attraxi.
Hinc licet perspicuè cognoscere, habere terram, finem infernè.
Quare ex his demonstratum est, esse Deum, omnium rerum Aucto-
rem. B. Pulcherrimè demonstrasti, & gratiam habeo pro utilitate
mihi allata.]

Quidnam de his duabus Theodori Rationibus directè sentiant
Doctores Scholastici, nullibi legi: fundatus tamen in Principiis re-
ceptis communiter à Philosophis.

Assero 1mò. Ex productione hominis & productione terræ, ef-
ficaciter potest evinci DEI Existentia. Asserti Veritas patet ex dictis
suprà in lib: 1. Tract: 2. Cap: 4to, & 5to, 6to, item in Tractatu 3.
sub Argum: 8vo, 9no, 10. 14. 16. 24.

Assero 2dò. Rationes à Theodoro allatæ, per se loquendo, non
omnino evincunt Existentiam DEI. Evincunt tamen, sed nonnisi in
certis suppositionibus, si admittantur.

Prima pars probatur. Quia prima ratio Theodori fundatur
in duobus principiis, non omnino per se certis. Incertum enim est,
quòd omnis numerus, qui recipit accessionem, finem quoq; recipiat,
seu sit necessariò ex omni parte finitus; hoc enim non solum negant
Athei, qui communiter: licet erroneè docent, Mundum, & homines
fuisse ab æterno, nec unquam deveniri posse ad aliquem primo primū

*Rationes
adductæ
nonnisi ex
certa sup-
positione
sunt con-
victivæ.*

hominem, à quo duceretur origo aliorum: sed etiam negant graves illi Doctores, qui asserunt, potuisse absolute ab æterno produci Mundum, astra, & homines; infinito item creato, posse aliquid addi, vel ab illo aliquid demi, manente infinitudine simpliciter. Incertum etiam est, quod illud, quod principium non habet, necessario etiam finem non habet; sicut enim non omne id, quod habet principium, finem quoque necessario habere debet; nam Anima humana habet sui principium, cum in tempore sit producta, certo tamen duratura est, & exigit durare per totam æternitatem à parte post. Ita, id, quod non haberet sui principium, sed esset ab æterno liberè productum, potuisset habere finem. Concedo tamen, quod Ens necessario essentialiter existens ab æterno, nunquam possit habere finem, cum tale Ens sit in omni genere perfectissimum, ut constat ex dictis in Libri primi Tractatu 2do, Cap: 1. 2da etiam Ratio Theodori videtur ex eo etiam non convictiva, quia Atheus dicit: terræ molem sine ullius adjutorio per seipsam naturaliter consistere in medio Mundi; cum enim Elementorum gravissima sit, ideo infimum Orbis locum, qui Mundi medium est, ex natura sua petit. Communiter item Philosophi docent, nec miraculose, nec violentè detineri terræ molem in hoc loco, sed hunc situm esse ei connaturalem; idque sensit Homiliâ i. Hexæmeron, & Divus Basiliius inquiens: *Noli mirari, si terra stabilis est, neque excidit: quippe quæ medium ipsum occupet Universi locum, ac commodatissimum sibi ex natura: omnino enim manere ipsam eo in loco oportet.* Videturque id ipsum longè ante insinuasse Regius Vates psalmo 103. *Fundasti* (inquit, alloquendo DEum) *terram super stabilitatem suam, non inclinabitur in sæculum sæculi:* id est, ut explicat Bellarminus cum multis. Non erexisti terram super aliquod fundamentum, sed voluisti, ut suo pondere niteretur. Præceptum tuum, solidius est omni fundamentò, & ideo quia sic iussisti, sic fiet, ut terra suo pondere innixa, æternâ stabilitate consistat. Quod autem gleba terrea sursum projecta, feratur deorsum, ideo est: quia cum sit gravior aëre, exigit esse infra aërem, & centro terræ, quantum fieri potest, proximè conjungi.

2da jam pars Asserti probatur. Quia prima Ratio Theodori erit sat valida, si supponatur Mundus fuisse in tempore productus,

&

& multitudo hominum finita: uti defactò utrumq; verissimum est, licet id non sit per se evidens, sed aliunde probari debeat, & probavimus suprà in Libri iiii Tractatu 2do, Cap: 4to. 2da etiam Ratio subsistit, si terra supponatur miraculosè, vel violentè in medio Mundi detineri; ut aliqui Veteres sentiebant. Et fortè Infidelis, qui petierat demonstrari, Deum esse, fuit hujus sensûs: sentiebat item, numerum hominum esse finitum. Unde quasi ad hominem bene argumentatus est Abucaras.

CAPUT II.

S. ANSELMUS

Archiepiscopus Cantuariensis, natione Sabaudus. *Ingeniò acerrimò* (ut ex communi sensu, lib. de Scriptoribus Ecclesiasticis, testatur Bellarminus) *sanctitateg; admirandâ, cum maxima prudentia & humilitate conjuncta.* Discipulus & successor Lanfranci. *Famam* (ut legitur in Breviario) *non solum miraculorum & sanctitatis assecutus, sed etiam doctrina, quam ad defensionem Christianæ Religionis, animarum profectum, & omnium Theologorum, qui sacras Literas scholasticâ methodo tradiderunt normam, celitus cum hausisse ex ejus libris omnibus, apparet.* Tantus Doctor, veritatem Existentiæ DEI, Cap: 4. Monologii, sic primò propugnat.

Divi Anselmi encomium.

[Qui dubitat, quòd in natura sua, lignò melior sit equus, & equò, præstantior homo, is profecto non est dicendus, homo. Cùm igitur naturarum aliæ, aliis negari non possunt meliores, nihilominus persuadet ratio, aliquam in eis sic supereminere, ut non habeat se superiorem. Si enim hujus graduum distinctio sic est infinita, ut nullus sit ibi gradus superior, quò superior alius non inveniatur, ad hoc ratio deducitur, ut ipsarum multitudo naturarum, nullo fine claudatur: hoc autem nemo non putat absurdum, nisi qui nimis est absurdus. Est igitur ex necessitate, aliqua Natura, quæ sic est aliquid, vel aliquibus superior, ut nulla sit, cui ordinetur inferior. Nec sit possibilis ulla, cui sit inferior. Talis autem Natura, est in re ipsemet Deus.] Hæc ratio coincidit cum illa ratione, quâ utitur S. Thomas, ex Via Eminentie probando Existentiæ DEI, & est

*Ratio ejus
ima, quia
datur Ens
summa e-
minentia.*

efficax

2dò, quia, cui titulus: Quòd verè sit DEus. Postquam dixit: [Ergo Domine, existens, qui das fidei intellectum, da mihi, ut quantum scis expedire intel- quò majus ligam, quia es, sicut credimus, & hoc es, quod credimus.] Et addit: esse & co- [Et quidem credimus Te esse aliquid, quò nihil majus cogitari pos- gitari ni- sit. An ergo non est aliqua talis Natura, quia dixit insipiens in bil potest, corde suo: Non est DEus. Sed certè idem ipse insipiens, cum au- dit hoc ipsum, quod dico: Aliquid quò majus nihil cogitari potest: intelligit, quod audit, & quod intelligit, in intellectu ejus est, etiam si non intelligat illud esse. Aliud est enim rem esse in intellectu, aliud intelligere rem esse. Nam cum Pictor præcogitat, quæ facturus est, habet quidem in intellectu, sed nondum esse intelligit, quod non- dum fecit: cum verò jam pinxit, & habet in intellectu, & intelligit esse, quod jam fecit. Convincitur ergo insipiens, esse vel in intel- lectu aliquid, quò nihil majus cogitari potest: quia hoc cum audit, intelligit, & quidquid intelligitur, in intellectu est. Et certè, id, quò majus cogitari nequit, non potest esse in intellectu solo: si enim vel in solo intellectu est, potest cogitari esse, & in re, quod majus est. Si ergo id, quò majus cogitari non potest, est in solo intelle- ctu idipsum, quò majus cogitari non potest, est, quò majus cogi- tari potest: sed certè hoc esse non potest. Existit ergo procul- dubio aliquid, quò majus cogitari non valet, & in intellectu, & in re. Ergo existit Deus.] Simile quid habet in libro contra insipi- entem.

Eadem

Ratio pro-
ponitur
a Patre
Vasquez.

P. Gabriel Vasquez (quem Diana Tractatu 5to, parte 3tia, Re- solut: 79. aliq; , vocant: sapientissimum ætatis suæ Theologum) Disput: 20. n. 13. ait: [Demonstratio satis acuta, quam Anselmus prosequitur est (intellige, in compendium redacta) hæc: Deus est id, quò melius excogitari non potest. Sed id, quò melius excogitari non potest, nequit esse in sola cogitatione: sic enim non esset melius: id enim melius est, quod in cogitatione, & in re ipsa est. Ergo De- us est in rerum natura.]

Item à Pa-

P. Antonius Perez Disput: 1. de Voluntate DEI, cap: 6. dixit: [Existentiæ Divinæ probatio, quæ Auctorem habet S. Anselmum, &

Alexan-

Alexandrum Alensem, est omnium, quas unquam viderim, acutissima: est autem ejusmodi. Existit aliquod Ens Optimum, & nullum habens bonitatis defectum. Ergo existit Deus. Consequentia patet. Antecedens probatur. Ens Optimum non est Chimera. Ergo existit actu. Alioqui esset possibile nondum existens in se, sed in suis causis melioribus ipsò Optimò, quod est absurdum: Optimum enim, non habet se melius. Probatur Antecedens. Nulla Chimera est bonum. Optimum est bonum. Ergo Optimum non est Chimera. Major probatur. Quia bonum est, quod est bonum ad existendum. At chimera non est bonum ad existendum: alioqui esset ad existendum apta: & non esset inconveniens & absurdum, ipsam existere. Ergo chimera non est bonum. Minor est ex terminis perspicua. Quia Optimum ex sua ratione, est summum bonum, & nullum habens bonitatis defectum. At summum bonum, & nullum habens bonitatis & præstantiæ defectum, est bonum. Ergo ex terminis ipsis, Optimum est bonum.]

P. Joannes Morawski, Magni Patris Esparza non minor discipulus, paulò aliter eundem S. Anselmi Discursum, Disput. I. quæst. I. de Existentiâ DEI, proponit sic: [Omnis Chimera dicit aliquam imperfectionem. Tum quia omnis Chimera est prudenter contemptibilis & odibilis; solus enim defectus meretur prudentem contemptum, ac displicentiam. Tum quia dicit esse, & non esse ejusdè: in esse autem & non esse ejusdem, necessariò involvitur imperfectio: si enim esse, est perfectio, non esse, exclusivum talis esse, erit imperfectio, utpote exclusivum perfectionis. Sed Ens carens omni defectu, nullam dicit imperfectionem: ut patet ex terminis. Ergo tale Ens, non est Chimera. Ergo ulterius existit. Cum enim, non existentia, sit aliquis defectus: Ens carens omni defectu, debet etiam hòc defectu carere, qui est, non existentia: adeoq; debet existere. Additq; prædictus Theologus: totus hic Discursus mihi videtur valde acutus, & evidens, habetq; Auctorem Divum Anselmum in Monologio.]

Ante prænominatos Theologos, P. Alphonsus Salmeron, unus ex Primis decem Patribus Societatis, Summorum Pontificum Theologus in Concilio Tridentino approbavit S. Anselmi Argumentationem; Tomo enim 3tio Commentariorum in Evangelicam Historiam, & in Acta Apostolorum, Tractatu uno, dicit: Ratio, Deum

Mm

esse

*Necnon
à Patre
Morawski.*

*Approbat
illam Ar-
gumenta-
tionem*

Sancti , esse, apertissime evincit: & probat: quia, cum DEI Nomine, sum-
Anselmi , mum quid intelligamus, quò nihil majus, vel melius cogitari possit:
Pater e- , ut omnes tradiderunt; profecto eum non esse, vehementer repu-
tiam Sal- , gnat. Si enim revera non esset, sed tantum mente illum esse, cogi-
meron. , taremus, & conciperemus, tali profecto alter major cogitari posset,
 , ille scilicet, qui non solum mente concipitur, sed revera existeret,
 , præsertim cum, Deum existere, nullam includat repugnantiam; alio-
 , qui quælibet alia res, quæ cogitari & esse posset, ut homo, & for-
 , mica, Deum excederet, qui cogitari quidem, sed non existere pos-
 , set.]

Contra illam Argumentationem acutissimam S. Anselmi, acuerunt
Quid de calamus & linguas aliqui Antiquiores, scilicet, Joannes Gerson Can-
illa sense- cellarius Parisiensis, qui, ut refert Carthusianus in primum, Distin. 3.
rit Gerson, quæst. 2. Discursum Anselmi, dicit esse Sophisticum. Item Petrus ab
Alliacen- Aliaco, Episcopus Cameracensis, aliàs solitus vocari, Alliacensis vel
sis & qui- Cameracensis in primum quæst. 3. approbat dictum Gersonis adden-
dami Inno- do, sed nimis irreverenter: *Propter Logica defectum, iste devotus homo,*
minatus? *Anselmus, in hoc loco, & sæpè deceptus fuit.* Vivente etiam Divò An-
 selmò, prodiit liber, Pro Insipiente, scriptus contra S. Anselmum,
 cujus libri Auctor non est Gerson, hic enim obiit Anno 1429. S. au-
 tem Anselmus obiit 1109. Nec est Auctor, ipsemet Anselmus, licet re-
 periat apud Anselmum, & errore typographorum, ei tribuatur
 (nam in illo libro, sæpè carpitur S. Anselmus, ejusq; argumentatio:
 unde prædictus Sanctus scripsit, & Apologiam, cui titulum dedit:
 Contra insipientem) sed Auctor, est aliquis innominatus Catholicus,
 , qui inter alia sic arguit: [Dicit mihi quispiam, Insulam esse ali-
 , quam præstantissimam, quam ex difficultate, vel potius ex impossi-
 , bilitate inveniendi, quod non est, cognominant aliqui, perditam;
 , & ego facile dictum, in quo nihil est difficultatis, intelligam, ac ad-
 , jungat, & dicat: Non potes ultra dubitare, Insulam illam omnibus
 , terris præstantiorem, verè esse alicubi in re, quam in intellectu tuo
 , non ambigis esse: quia nisi fuerit, quæcunq; alia in re, est terra, præ-
 , stantior illâ erit, ac sic ipsa jam à te præstantior & intellecta, præ-
 , stantior non erit. Si, inquam, per hoc ille velit mihi adstruere de
 , Insula illa, quod verè sit, ambigendum ultra non esse; aut joculari
 ipsum

, ipsum credam, aut nescio, quem stultiorem debeam reputare, utrum
, me, si ei concedam; an illum, si se putet aliqua certitudine, Insulæ
, illius essentiam adstruxisse, nisi prius ipsam præstantiam ejus, so-
, lummodò sicut rem, verè atq; indubiè existentem, nec ullatenus, si-
, cut falsum aut incertum aliquid in intellectu, in eo esse docuerit.
, Certissimò primitus aliquo, probandum est Argumentò, aliquam su-
, periozem, hoc est majorem, ac meliorem omnium, quæ sunt, esse
, naturam, ut ex hac, alia jam possimus omnia probare, quibus ne-
, cessè est ac quod majus melius est illud omnibus non carere. - Ca-
, tera libelli illius (nempe Profologii) tam veraciter & tam præclare
, sunt, magnificèque præstantiâ, tantâ deniq; restrictâ utilitate, & pii
, ac sancti affectûs intimo quodam odore fragrantia, ut nullo modo
, propter illa, quæ virtus rectè quidem sensa, sed minùs firmiter ar-
, gumentata sibi ista sint contemnenda; sed illa potiùs argumentanda
, robustius, ac omnia cum ingenti veneratione ac laude suscipienda.]
, Hæc Auctor ille innominatus, in libro pro Insipiente.

Adverte. Carthusianus in Elementatione Philosophica Propos. 79.
, refert, contineri etiam in illo libro hæc: [Nescio quis insipientior
, sit, an is, qui putat hoc sequi, an insipiens, qui dixit in corde suo:
, Non est Deus.] Accuratè revolvì libellum illum totum aliquoties,
, & non reperi illa verba, tam injuriosa sancto Doctori.

Recentiores itidem sat graves Theologi (præter Gregorium *Quid item*
Ariminensem, & Cajetanum antiquiores) ut Rainaudus, Quiros, Hau- *Recentio-*
noldus, Caregno, & alii, asserunt, non esse efficacem Argumentationem *res quidâ,*
S. Anselmi: quibus videtur prævisse Divus Thomas, is enim prædi- *& antea*
ctum Discursum S. Anselmi tacitò Auctoris nomine, compendiosè, *Divus*
, primâ partè, quæst. 2. art. 1. proponit sic: [Intellecto quid significet *Thomas.*
, hoc nomen, Deus, statim habetur, quod Deus est: Significatur e-
, nim hoc nomine id, quò majus significari non potest; majus autem
, est, quod est in re & intellectu, quàm quod est in intellectu tan-
, tum. Unde cum intellecto hoc nomine, Deus, statim sit in intelle-
, ctu, sequitur etiam, quòd sit in re.] Respondetq; minimè aculeatè,
, ita: [Dicendum quòd fortè ille, qui audit hoc nomen, Deus, non
, intelligit significari aliquid, quò majus cogitari non possit; cum,
, quidam crediderint, Deum, esse corpus. Dato etiam, quòd quilibet

, intelligat hoc nominē, Deus, significari hoc, quod dicitur: Scilicet, illud, quō majus cogitari non potest; non tamen propter hoc sequitur, quōd intelligat id, quod significatur per nomen, esse in rerum natura, sed in apprehensione intellectus tantum. Nec potest argui, quōd sit in re, nisi daretur (*id est concederetur*) quōd sit in re aliquid, quo majus cogitari non potest: quod non est datum aponentibus, Deum non esse.] Similia habet lib: 1. contra Gentiles, cap: 1. Ubi non dubitanter, sed absolute dicit: [Non omnibus notum, etiam concedentibus, Deum esse, quōd Deus sit id, quō majus cogitari non possit; cū multi Antiquorum, Mundum istum, dixerint, Deum esse.] Favere videtur illorum Recentiorum Assertioni etiam S. Dionysius (cujus tanti semper ab omnibus habita est Auctoritas, ut teste Patre Esparza, nemo audeat ulla in re, illi aperte contradicere) docendo: Notitiam Dei non haberi ex ipsius Natura, sed ex creaturis. Libro enim de Divinis Nominibus, cap: 7mo. dicit: [Verē fortassis hoc diceretur, Dei nos habere notitiam non ex ipsius Natura (est enim incognita, omnemq; rationem & mentem superat; sed ex rerum omnium descriptione, ut, quā ab eo prolata sit, in lucem, & imagines quasdam, similitudinesq; divinorum ejus exemplarium in se contineat ad id quod omnia superat; via & ordine pro virili parte omnium detractioe, & præstantia, omniumq; causa ascendimus.] Divus quoq; Thomas lib. 1. contra Gent: cap. 12. ait [In rationibus, in quibus demonstratur Deum esse, non oportet, assumi pro medio, Divinam Essentiam, sive quidditatem, sed loco Quidditatis, accipitur pro medio, effectus.] Insuper Ratio illorum est. Tum quia alias simili modō posset probari Mysterium SS. Trinitatis, videlicet sic. Trinitas Personarum summē perfecta in Unitate Essentiæ, est id, quō majus cogitari non potest. Seu est Ens Optimum, nullum habens defectum bonitatis: Sed id quō majus cogitari non potest; seu, Ens, quod est Optimum, non potest existere in sola cogitatione seu intellectu. Ergo existit in re Mysterium SS. Trinitatis. Tum quia similiter posset probari, existere Creaturam perfectissimam, cū hæc nullam dicat imperfectionem.

Nihilominus non pauci etiam celebres Philosophi, & Theologi sentiunt, Rationem Divi Anselmi esse efficacem, Et ita præter P. Sal-

Salmeronem, Vasquez, Perez. sentiunt Esparza, Semeri, Morawski, Franciscus Fabricius, & alii plurimi eximii in scientiis Speculativis.

Ego conformiter ad mentem subtilis Scoti, & Patris Salmeronis ac quorundam etiam Theologorum.

Afferro Divi Anselmi Argumentationem, esse sat validam, si proponatur sic: Id, quod majus cogitari non potest, si est possibile, seu si nullam involvat contradictionem, existit actu. Ut patet. Si enim non existeret actu, posset majus cogitari: majus enim est, quod cogitatur verè semper existere. Sed id, quod majus cogitari non potest, est possibile. Quæ enim vera contradictio in tali Ente? Ergo existit actu. Subsumo. Aft Deus, est id, quod majus cogitari non potest. Nomine enim Dei strictè & propriè sumpto, intelligitur Ens in omni genere perfectissimum. Ergo existit. Assertionem hanc, conformari menti subtilis Scoti, constat ex eo: quia ille, rationem Divi Anselmi illustrando, in lib. 1. Sentent. Distinct. 2. quæst. 2. ait: [Summum cogitabile, potest cogitari in re esse, & non potest cogitari esse ab alio. Ergo à se. Ergo intelligendum, quod omni eo, quod tantum est in intellectu, potest cogitari majus, quod est in re: non de eodem, sed quia tantum cogitabile, est possibile tantum, omni possibili est majus necessarium ex se. Aliter sic: Summum cogitabile, est intuitibile, non in alio. Ergo in se. Per illud potest colorari illa ratio Anselmi de Summo cogitabili, Prosol. 2. Et intelligenda est ejus descriptio sic: Deus est, quod cogitatio sine contradictione, majus cogitari non potest sine contradictione: & quod addendum; sine contradictione; patet, nam in cujus cogitatione includitur contradictio, illud dicitur, non cogitabile; quia tunc sunt duo, cogitabilia opposita, nullo modo faciendo unum cogitabile. Quia neutrum, determinat alterum. Summum Cogitabile sine contradictione esse in re; Probatur primò de esse quidditativo. Quia in tali cogitabili Summo, summè quiescit intelligens. Ergo in ipso summè est ratio primi objecti intellectus scilicet Entis, & hoc in summo: Et arguitur ultra, quod illud sit loquendo de esse existentia; Quia Summè cogitabile, non est tantum in intellectu cogitante: quia tunc posset esse, quia est cogitabile possibile, & non posset esse: quia re-

*Quid conformiter
ad mentē
Subtilis
Scoti, &
Patris
Salmeronis
videatur
sentendum?*

, pugnat rationi ejus, esse ab alia causa. Vel aliter coloratur sic: Majus cogitabile est, quod existit, id est, perfectius, cognoscibile, quia visibile, sive intelligibile intellectu intuitiva: quod autem, non existit, nec in se, nec in nobiliori, cui nihil addit, non est intellectualiter visibile. Visibile autem, est perfectius cognoscibile non visibili, sed tantum intelligibili abstractivè. Ergo perfectissimum, cognoscibile existit. J. Hucusq; Scotus. Est item Assertio nostra conformis menti Patris Salmeronis, qui in Argumentatione Divi Anselmi proposita à se, ut vidimus supra, addidit hæc: Præsertim, cum Deum existere, nullam includat repugnantiam.

Comprobatur itidem Assertio nostra, tum rationibus Scoti adductis supra in Lib: 1. Tractatu 3tio, sub Argumento 2do: tum solutione Objectionum.

Objectionibus respondetur

Ex his enim facilis est Responsio ad Objectiones in contra superioribus propositas. Respondetur enim ad Paritatem ab Insula perditam, quam vivente adhuc Divò Anselmò, ejus Argumento opposuerat quidam innominatus Catholicus: Non valere illam paritatem. Nam Insula illa, non est id, quò majus cogitari non possit: imò implicat, ut possit esse talis: multas enim imperfectiones involvit in suo essentiali conceptu; ut evidens est. Item, cum sit quid creatum, liberum erat Deo, illam producere vel non. Contrarium autem dicendum de eo, quò nihil majus in re, cogitari potest. Imò tale Ens est à se, & quid perfectissimum. Ad Rationem S. Thomæ dicitur: quòd nomine Dei, propriè & debite intelligatur, intelligiq; debeat, Ens optimum; quidquid sit, quòd aliqui etiam, erroneè intellexerint Entia imperfecta. Unde & Divus Anselmus Profolog: cap: 4. ait: Deus est id, quò majus cogitari non potest; quod, qui bene (non erroneè) intelligit, utiq; intelligit idipsum sic esse. Hocq; ipsum probatum, vide in lib: 1. Tractatu 2do, cap: 1. sub Propos: 4. Non esse autem solum in apprehensione illud, quò majus cogitari non possit, si est possibile, patet ex dictis. S. Dionysius loquitur de Notitia Dei ordinaria, communiori, & faciliiori positivè acquisibili. Conceditur, quòd non oporteat assumi ad demonstrandum Deum, ipsam Divinam Essentiam, ut dicit Divus Thomas; per hoc tamen præcisè videtur non negari, non posse etiam assumi: siquidem variis mediis potest

potest Existētia Dei demonstrari. Argumentatio illa de Myſterio SS. Trinitatis videtur (eſſi defectū non ſit) lumini naturali ex vi terminorum, involvere implicantiam: cū videatur involvere contradietorium illi Primo Principio. Quæ ſunt eadem uni tertio (nempe hic, Unitati Eſſentiæ) ſunt eadem inter ſe. Cū tamen tres Perſonæ ſint diſtinctæ realiter ſimpliciter in ratione trium Perſonarum. Jam autem id, quod majus cogitari non poteſt: vel, Ens Optimum, non involvit in ſuis terminis contradictionem. Cui enim Principio lumine naturali noto opponitur? Proinde non ſubſiſtit Objeſtio illa, in qua dicebatur, ſimili argumentandi modo, poſſe probari Myſterium SS. Trinitatis. Vide & dicta, infra ad finem Cap: 3. in Notato 3: plurimum enim inde illuſtratur hæc reſponſio noſtra. Quod dicitur de Creatura perfectiſſima. Reſpondet P. Perez Diſput: 1 de Voluntate Dei, cap: 6. Quod ideo Creatura optima, ſeu perfectiſſima non eſt abſolutè optima, quia ratio Creaturæ, minuit & evertit rationem Optimi, ac proinde eſt converſo, ratio Optimi, evertit rationem Creaturæ. Aſt ratio Summi & Optimi, addita Bono, non minuit, ſed auget rationem Boni, ut eſt manifeſtum: idem enim eſt dicere, Optimum & Summum, atq; dicere, nullum habens bonitatis & præſtantiæ defectum: At perſpicuum eſt, habere defectum bonitatis, & præſtantiæ, minuere rationem Boni, quam nullo modo minuit hoc, quod eſt, eo defectu carere. Imò hinc Argumentum Divi Anſelmi confirmatur. Bona non habent defectum bonitatis ex eo, quod non ſint non bona: ac proinde neque ex eo, quod non ſicut Chimeræ; Chimeræ enim ſunt non bonæ. At habent defectum bonitatis ex eo, quod non ſint Optima. Ergo eſſe Optimum, eſt abſolutè eſſe bonum, non Chimericum. Præſertim, cū Optimum, ſit abſolutè & ſimpliciter amabilius, quàm non Optimum. Dicere verò, Optimum eſſe amabilius, quamvis non poſſit exiſtere in ſe, ſed in ſola cogitatione, proſecto eſt ridiculum: Sequeretur enim, prudentiam, & rectam rationem judicare, amabilius eſſe, bonum fictum, quàm verum: quam abſurditatem acutè obſervavit Anſelmus. Hæc Pater Perez. Porro, quod ratio perfectiſſimi, evertat rationem Creaturæ, deducitur ex eo; quia poſitâ quacunq; creaturâ perfectâ, poteſt Deus abſolutè aliam perfectiorem creare.

Cur

Cur enim non? Videturq; id spectare ad excellentiam ejus Omnipotentia: & *Omnis* (ut ait S. Ambrosius lib. 1. de Spiritu S. cap. 7.) *creatura, certis sue nature circumscripta est limitibus.* Accedit. Quod omnia ferè Argumenta, quibus solet probari ab aliquibus possibilitas creaturæ perfectissimæ, militent pro possibilitate numeri finiti maximi: quem tamen implicare, certum est; aliàs enim additâ vel una unitate numero finito maximo, fieret infinitus; & sic finitum additum finito, faceret infinitum: quod nemo admittit.

CAPUT III.

P. ANTONIUS PEREZ

NAtione Navarrus, Primæ Magnitudinis, suæ ætatis Theologus: ab insolita argumentandi vi, & methodo, ac ob singularem cum soliditate subtilitatem, sensu communi Literatorum, Theologus Admirabilis: partim Salmanticæ, partim Romæ, sexdecim omnino annis, Theologiæ Professör laudatissimus: nullius unquam lethalis culpæ sibi conscius: vixit anno ætatis quinquagesimo, Incarnatæ verò Sapientia: anno 1649. Hic ergo tantus Theologus, variis acutis, & miris modis, Disputatione 1. de Deo, cap. 4. & 5. item Disput. de Voluntate DEI, cap. 6. & 7. probat Existentiâ DEI. Ego ipsius Probationes, quantum fieri potest, summâtim, ac ipsiusmet Auctoris ferè semper verbis, propono.

Argumentum imum.

imum. Nullum bonum est esse Chimeram. Sed carens omni defectu, *Quia existit id, quod caret omni defectu.* est bonum: Ergo carens omni defectu, non est Chimera. Ergo est possibile. Sed tale possibile, necessariò existit realiter. Alioquin posset non existere realiter, aut esse, non existens realiter. Sed non existere realiter, est defectus: quia est, non pervenisse ad Optimum; & esse ita possibile, ut possit non existere realiter, est etiam defectus: ut est per se notum; & quia omne potens non existere realiter, potest esse nihil: fiat ergo illud, quod est possibile, & sit nihil. Ergo potest duci pro nihilo. At posse duci pro nihilo, est esse contemptibile: contemptibilitas autem, est proprietas solius habentis defectum. Ergo necessariò existit id, quod caret omni defectu. Sed hoc est

est esse Deum. Ergo Deus necessàriò existit. Hujus Discursus, Major est per se nota. inquit Perez. Quia de ratione Chimerae est, esse essentialiter falsam, non volibilem ex judicio vero; & quia velle illam, non potest accidere, quin volitio frustretur: est autem stultum velle frustra. Minor etiam, ait idem P. Perez, est evidens, nempe: quod, *Carens omni defectu, est bonum*, hocque probat multipliciter.

1^{mo}. Quia ex definitione defectus sequitur hæc proprietas, quòd defectus habeat oppositum, & aliquid contentum sub opposito sit melius quolibet habente defectum. At habere aliquem defectum, est defectus, & oppositum habentis aliquem defectum, est carens defectu, seu nullum habens defectum. Ergo aliquod carens omni defectu, est melius quolibet habente defectum. Si melius, Ergo bonum: proinde carens omni defectu, est bonum.

2^{do}. Si quis bene ad terminos advertit, ad quos solus stultus fortassis poterit non advertere, non potest negare propositionem illam: *Carens omni defectu, est bonum*. Evidenter enim defectus offendit animum, & quasi repellit, & facit aliò moveri, ut inveniatur bonum perfectum: habet enim nostra Anima quandam infinitam insatiabilitatem, & quolibet defectu viso, tanquam stimulo, statim movetur ad querendum majus bonum. Ergo visa ratione defectus in communi statim animus movetur ad oppositum: id est, ad non defectum: & propter hanc rationem est ferè per se notum, Negationem omnis defectus, seu fundamentum hujus negationis, esse bonum.

3^{to}. Quod maximè opponitur, maximæ & pessimæ Chimerae, maximè est Ens, & maximè Bonum. Sed Chimera est maxima & pessima, habere omnem defectum: seu cogitari, ut habens omnem defectum, ac proinde omnem rationem chimericam: quia quælibet ratio Chimerica affert aliquem defectum veritatis. Itaq; Chimera maximè illa est, quæ maximè ab unitate recedit, & à veritate, à vera bonitate, & æstimabilitate, & à ratione principii distinctionis, motivi formalis potentia intentionalis: & in summa, hoc est recedere maximè ab Ente reali. Igitur eò erit aliquid magis unum, magis verum, magis bonum, magis principium distinctionis, & magis motivum potentia intentionalis, quò magis intelligitur distare ab hac Chimera, ex propria ratione. At, ab intelligibili, ut habente omnem defe-

ctum, id est, ab hac chimera maxima & pessima, nihil magis intelligitur distare, quam Intelligibile, quod intelligitur nullum habere defectum: Omne enim & nullum in omni genere, maximè distant. Ergo carens omni defectu, seu tale Intelligibile, erit Maximum Ens, maximè unum, maximè verum, maximè æstimabile, maximè principium, seu principalissimum, maximè motivum optimæ cognitionis, & optimi affectûs, & maximè existens. Dicere verò hoc summè distans à summa chimera, esse chimeram: est hæc ipsa chimera, quam finximus. Itaq; Deus, ideo probatur esse non chimera, quia non est chimera, maximè distare à maxima chimera; & non falsum est, distare à maxima falsitate; id est, non est falsum, esse summum verum. Sicut maximè distare à summo Ente, & à summa veritate, est falsitas maxima & chimera, seu summus veritatis defectus. Ergo maximè distare à summa Chimera, est esse summum Ens.

4to. Hæc Consequentia est evidens. Aliquod Intelligibile caret omni defectu. Ergo est summum Bonum. Antecedens esse verum probatur ex ipsa Consequentia. Nam hæc Consequentia non potest esse evidens, nisi virtute hujus Minoris subintellectæ in hoc Enthymemate factæ. Carere omni defectu, est bonum, & summum bonum, & summè à nobis amabile; de nulla ratione chimerica potest esse evidens, esse dignum summo amore. At de hoc bono, eo ipso quòd sibi aliquis persuadeat (ut multorum est persuasio) esse possibile, aut existens; est evidens amabilitas. Ergo &c. Hoc Argumentum infundatur huic Principio. Quòd solus finis verus & possibilis, potest inferre evidenter amabilitatem sui propter se.

2dum.

Quia existit id, quod est optimum.

Argumentum 2dum.

Non est defectus, non pervenisse aliquid ad hoc, ut sit chimera. Sed est defectus, non pervenisse ad hoc, ut sit Optimum: sive habens omnes perfectiones simpliciter simplices. Ergo habere illas, non est chimera. Ergo est possibile. Ergo necessario existit: proinde DEUS existit. Consequentia omnes (inquit Pater Perez) sunt evidentes: ut constat ex dictis etiam suprâ. Major est per se nota; & Minor quoq; Nam si vel una perfectio simpliciter simplex, deficiat alicui, eo ipso habet defectum. Vis tota Argumenti consistit in eo: quòd

quòd ne Momus quidem reprehendere poterit aliquem ex eo, quòd non sit chimera: & tamen reprehendimus, aut minuimus laudes ex eo, quòd non sit optimum. Prædictum Argumentum ab eodem, multipliciter confirmatur.

imò Tum quia optimum, est bonum. Ergo possibile. Antecedens adeo est perspicuum, ut amentia cujusdam videatur, probare, optimum, esse bonum. Tum quia formatâ in nobis ratione optimi absolute, naturaliter statim excitatur in nobis vis spiritualis æstimatoria, & quodammodo animus dilatatur, & afficitur inclinatione naturali, dictamenque rationis seu synderefsis judicat evidenter, illud esse amandum, & quærendum. De nulla autem chimera est evidens naturaliter, & ex nulla chimera credita, colligitur per bonam Consequentiam practicam, esse amabilem propter se. Tum quia evidenter falsa est Propositio hæc. Optimum est chimera. Optimum est non existens.

Confirmatur 2dò illo Argumentandi modo, quem vocant Mirabilem. Vel datur singulare quoddam Optimum existentium: vel non datur. Ex utroq; sequitur existere Optimum: Si datur. Illud erit possibili quolibet melius, non existente. Alioquin si sit possibile aliud Melius. Ergo existit nunc potentia productiva ipsius Melioris: nam de ratione omnis Entis realis possibilis, & non existentis actu, est, existere actu intra suam potentiam activam. Ergo si non habet potentiam activam existentem, non est possibile. At esse intra potentiam activam, est esse intra causam, quæ continet eminenter adæquatè totam perfectionem, & bonitatem effectûs, tanquam quid melius ipso effectû. Ergo non illud possibile, sed hæc potentia existens, erit melius ipso possibili. Ergo Optimum existentium actu, erit etiam Optimum possibile. Si autem respondens, dicat; hoc Optimum singulare non existere actu, & nullum dari inter existentia actu Optimum singulare inter ipsa. Ex hoc ipso infero, Existere actu tale Optimum. Nam si non existit, sequitur evidenter, singula singularia hujus Universi esse defectuosa & imperfecta, ac proinde totum Universum esse melius singularibus. Ergo Universum est Optimum existentium actu, ac proinde & possibile. Jam enim demonstratum; Optimum existentium actu, esse optimum possibile.

At non potest esse Optimum possibile, neq; in hoc Universo esse tale Optimum, quin contineat formaliter aut eminenter omnes perfectiones simpliciter simplices possibles; nam possibles non existentes, sunt intra causam existentem meliori modò. Ergo existit aliquod Optimum undequaq; perfectum, & in quo sit cumulus omnium perfectionum simpliciter simplicium. Sed hoc non potest esse totum Universum: quia hoc componitur ex partibus defectuosis: & hoc ipsum est defectus, & imperfectio: & de quolibet composito ex partibus imperfectis, idem demonstratur. Ergo vel non existit tale Optimum: vel est quoddam singulare. At existit tale Optimum. Ergo tale singulare Optimum, de quo non potest negari esse bonum, & ipsum DEUM, quem quarimus.

Confirmatur 3^{id}. Quia esse Optimum, est perfectio simpliciter simplex, & melius est existere illud, & existere cumulum perfectionum omnium simpliciter simplicium in uno Ente, quàm non existere. Ergo est bonum & possibile. Antecedentis evidentia, hinc patet. Quia qualibet perfectione simpliciter simplici, est evidens, esse meliorem ipsam, quàm non ipsam: & habere præminentiam, & magnitudinem. Ergo multò evidentius idipsum est de ipso cumulo perfectionum: sicut evidentior est magnitudo montis & acervus tritici, quàm unius arenæ, & grani.

Confirmatur 4^{id}. 5^{id}. 6^{id}. 7^{id}: Argumentis quatuor quæ succedunt.

3^{tium}.

Quia datur Ens unum simpliciter habens cumulum omnium perfectionum

Argumentum 3^{tium}.

Ab æterno existit Ens unum simplex, habens totum cumulum perfectionum simpliciter simplicium. Ergo existit DEUS. Consequentia patet. Nomine enim DEI, intelligitur tale Ens. Antecedens antequam probetur, supponuntur duæ proprietates perfectionis simpliciter simplicis. 1^{id}, quòd nulla perfectio simpliciter simplex est universaliter opposita alteri perfectioni simpliciter simplici. Ratio est. Quia ipsa conventio utriusque, est perfectio simpliciter simplex. 2^{id}, quòd nulla sit perfectio simpliciter simplex, quæ saltem in aliquo individuo non existerit ab æterno. Ratio est, quia alioqui sit quædam perfectio simpliciter simplex, verbi gratia: sapi-

Sapientia possibilis seu incipiens in tempore, & quæ in nullo individuo existerit ab æterno, fuitque possibilis ab æterno, & existens intra suam causam activam: Sapientia incipiens, aut potens incipere in tempore, non fuit Sapientia ab æterno. Ergo causa Sapientiæ non habet perfectionem Sapientiæ, & potest dare perfectionem, quam non habet: quod est absurdum. His suppositis. Probatur Antecedens. Si Ens unum simplex, habens totum cumulum perfectionum simpliciter simplicium, non exstitisset ab æterno, tunc aliqua perfectio simpliciter simplex, in nullo individuo ab æterno exstitisset: quod est absurdum, contra secundam proprietatem. Item si non exstitissent, Sapientia, verbigratia, & Immortalitas in uno Ente simplici, tunc non est possibile, eas perfectiones esse unitè in uno. Si enim id esset possibile, tunc ea unitas esset perfectio simpliciter simplex, ac proinde esset possibilis aliqua perfectio simpliciter simplex, quæ non existerit ab æterno: quod est absurdum, contra eandem secundam proprietatem. Si autem dicatur, eam unitatem esse impossibilem. Sequitur evidenter, Sapientiam & Immortalitatem, quæ manifestè sunt perfectiones simpliciter simplices, esse inter se oppositas, & universaliter ita, ut nulla Sapientia, sit immortalis, & nullus immortalis, sit Sapiens. Quod est absurdum, contra primam proprietatem. Fuit ergo ille cumulus ab æterno unitè in uno Ente, & hoc necessarium, est æternum, & non potens aliquando deficere: nam hæc potentia deficientis, est defectus, & exclusio alicujus perfectionis simpliciter simplicis.

Argumentum 4tum.

Natura tota fertur ad bonum, quia bonum, non quia malum, nec quia defectuosum: è contra retrahitur ab illo, & incipit sentire fastidium propter defectum animi & dolorem. At Natura non vult ita gubernari, nec bonum est regnare hæc bona, quæ non afferunt pacem, sed inquietudinem perpetuam. Ergo unum bonum est perfectum, in quo sit omnis perfectio. Alioquin unum ex duobus faciendum est: vel cessandum est omnino ab amore: vel indulgendum perpetuæ inquietudini. Hoc secundum, est stultum. Primum non est concedendum; quia prudentis est, bonum amare virtutis. Ergo

Nun;

4tum.
Quia existit bonum unde quaeratur perfectum.

ne

ne in hæc absurda incidamus, fatendum est, existere bonum undequaque perfectum.

stum.

Argumentum 5tum.

Quia datur necessarium intellectus potens intueri omnem veritatem.

Intellectus potens intueri omnem casum verum, seu omnem veritatem, existit necessarium; sed eo ipso, quod necessarium existat, nullum habet defectum, proindeq; habet omnem perfectionem simpliciter simplicem. Ergo &c. Major probatur: quia si ille Intellectus posset non existere, fiat ergo, quod est possibile, & non existat; hanc Veritatem non existentiam ipsius, videre non poterit talis intellectus: nemo enim potest intueri se non existere, seu casum non existentiam sui, & hoc est contra hypothesim; supponitur enim intellectus intuitivus omnis casus. Ergo &c.

6tum.

Argumentum 6tum.

Eo ipso, quod dicitur non existere Deus, existit.

Vel existit DEUS, seu Ens summè perfectum: vel non existit? Si existit: habetur intentum. Si dicatur: non existere. Ex hoc ipso probatur, existere. Nam si non existit, est impossibile. Ergo datur necessitas existentiam ipsius. Hæc ergo necessitas necessarium existit. At quod necessarium existit, nullum habet defectum, & est summè perfectum: ut constat ex suprâ dictis. Ergo eo ipso, quod dicatur, DEUM non existere, inferitur existere.

7mum.

Argumentum 7mum.

Quia aliis omnia essent imperfecta ex eo, quod non sint chimera.

Existit Ens singulare habens in se omnes perfectiones simpliciter simplices; alioqui singula entia carent aliqua perfectione simpliciter simplici. At carere aliqua tali perfectione, est imperfectio. Nam perfectio simpliciter simplex est illa, cujus carentia, subjecto affert imperfectionem. Omnia igitur & singula Entia, essent imperfecta, quia nullum illorum esset Ens habens omnes perfectiones simpliciter simplices; quod ex hypothesi est chimera. Ergo omnia sunt imperfecta, quia non sunt chimera, quod est absurdum. Item. Ens unum non imperfectum datur, alioqui si est chimera, omnia sunt imperfecta, quia non sunt chimera, id est, quia non sunt non imperfecta.

Argu-

*Argumentum 8vum.**8vum.*

Aliquod Ens Volitivum est à se, id est, ab alio non habet suum velle. Ergo est Ens à se, id est, DEUS. Probatur Antecedens. Omne Ens volitivum, vel est ab alio volitivum, vel non? Si secundum. Causam obtinui. Si primum, Ergo volitivum ab alio, non opponitur volitivo à se, tanquam veræ differentia volitivi, sed tanquam fictæ & chimericæ differentia. At id fieri non potest. Quia sicut scire ab alio, & à Magistro discere, est imperfectio in genere scientis & sapientis; ita velle, & dependere ab alio, in volendo, est manifesta imperfectio in genere volitivi voluntarii, & liberi à necessitate extrinseca. Et Ratio à priori est. Quia tam intelligere, quam velle, est motus ab intrinseco, qui in hac ratione minuitur per dependentiam ab extrinseco. Perfectio enim opposita imperfecti volitivi ab alio, est vera differentia Entis. At hæc perfectio est, esse volitivum à se. Ergo &c.

Quia datur volitivum à se.

Confirmatur. Existit Natura volitiva, quæ sit Domina suprema Universi, & in administratione rerum ab aliis independens; quia in genere Volitivi carere hoc Dominio perfectissimò, est imperfectio. Unde si habere hoc Dominium radicale, esset chimera, omnia volitiva & non volitiva, essent imperfecta; id est, omnia Entia essent imperfecta, ex oppositione ad rationem chimera: casu volitivi habentis perfectissimum Dominium; quod est absurdum.

*Argumentum 9num.**9num.*

Existit aliquod Ens à se. Nam aliqui omne Ens esset ab alio. At dependere ab alio, & ipso indigere ad existendum, est imperfectio. Ergo omne Ens est imperfectum, quia non est Ens à se: quod ex hypothesi est Ens chimericum: quæ sequela est absurda. Ergo &c.

Quia datur Ens à se.

Nota. Quòd non sit imperfectio propria generis equi, non esse à se, sed sit imperfectio in genere Entis; unde fit, equum non esse imperfectum equum, quia non est equus à se, sed quia non est Ens à se. Unde planè infertur, non quidem possibilem esse equum à se, sed possibile esse Ens à se.

Argu.

Iomum.

Argumentum Iomum.

Quia ne-
cessario e-
xistit Le-
gislator
supremus.

Omnibus hominibus ratione utentibus, est per se notum. Nunquam esse peccandum. Ergo iisdem notum est, existere Legislatorem supremum, quem offendere graviter, est summum scelus. Malitia enim peccati mortalis sumitur à DEO, ut prohibente. Item. Hæ Propositiones sunt per se notæ, & sempiternæ Veritatis. Nunquam est peccandum. Vivendum est honestè. Ergo per se notum est, existere ab æterno, & nunquam deficere posse debitum saltem remotè, vivendi honestè, ac non agendi turpiter, & contra hoc debitum, esse malitiam moralem, seu potius contra eum, in quo est jus, ne fiat contra hoc debitum. Ergo per se notum est, existere aliquid æternum, cui opponitur malitia moralis, quatenus est voluntaria, & scienter facta: & cui non opponeretur, si scienter non fieret. At hoc ipsum est, affirmare saltem indirectè, existere Naturam æternam, voluntate & ratione præditam. Ergo &c. Deinde. Per se notum est, debitum nunquam peccandi, esse summum debitum; quia homo cognoscit, contra cætera debita, posse aliquando bene aliquid fieri, sed contra hoc, nunquam. Ergo cognoscit Naturam intellectivam, in qua est jus ad hoc debitum, esse honorabilissimam omnium, & cui maximè est parendum.

Addit Pater Perez. Mihi videtur; posse Virum acutum, sinè syllogismo assentiri Existentiæ absolutæ Causæ Primæ. Sumantur enim mente omnia, quæ sunt & facta sunt: id est Universitas rerum factarum, & consequenter sumatur mente, totum fieri rerum Universalitatis factæ. Hoc supposito. Dico hanc Propositionem, esse per se notam. Totum fieri (tam immediatum scilicet, quàm mediatum fieri) rerum, quæ factæ sunt in Universo, est ab aliqua Causa Prima non facta. Hucusq; Pater Perez. Proposita à Patre Perez Argumenta, non esse ferè omnia efficacia, Quiros, Hainoldus, Caregno & alii quidam Theologi asserunt, propter easdem rationes, propter quas, idem senserunt de Argumentatione Divi Anselmi: Et ad Argumenta principalia, Respondent sub distinctione sic: Carens omni defectu, est bonum: ex suppositione quòd carens omni defectu, sit quid reale, & non purè objectivum. Concedunt. Præscindendo

Theologo-
rum judi-
cia de effi-
cacia di-
ctorum,

ab

ab hac suppositione. Negant. Item. Est defectus, non pervenire ad hoc, *Argumentum.*
ut sit Optimum: ex suppositione, quod Optimum, sive habens omnes
perfectiones simpliciter simplices, sit quid reale, & non purè ob-
jectivum: seu in mera apprehensione. Concedunt. Præcindendo ab
hac suppositione. Negant. Similiter. Intellectus potens intueri o-
mnem casum verum seu omnem veritatem, existit necessariò: ex sup-
positione, quod Intellectus talis sit quid reale, & non purè ob-
jectivum. Concedunt. Præcindendo ab hac suppositione. Negant. Ad-
dantq; , quod ferè similibus Argumentis possit demonstrari Myste-
rium SS. Trinitatis. Ulterius dicunt, quod illa ipsa existentia En-
tis Optimi, quæ cogitatur esse in re, possit esse tantum in apprehen-
sione. Sicut dum apprehenditur Hircocervus currens: eo ipso ap-
prehenditur ipsius existentia esse in re (nihil enim currit, si non
existit) quæ tamen existentia actualis, defacto solum est in apprehen-
sione, & fictitia: seu solum est signatè, & objectivè. Quod si di-
xeris: longam esse disparitatem, ex eo, quia ex apprehensione hir-
cocervi, apprehenditur in ipsis terminis contradictio: in apprehen-
sione autem Entis Optimi, nulla apparet contradictio. Si, inquam,
hoc dixeris. Respondent illi. Ex hoc, solum sequi, in hoc: Datur
Ens Optimum: non esse notam per se, falsitatem: Sicut nota est in
hoc: Datur hircocervus. Non autem sequitur quod eo ipso sit no-
ta Veritas hujus Propositionis: Datur Ens Optimum.

Ergo conformiter dictis suprâ ad Argumenta S. Anselmi, con-
formiter item menti subtilis Scoti, & Venerabilis Patris Salmeronis:
nec non obviando Objectionibus Adversariorum.

Afferò imò. Prædicta Argumenta probantia Existentiam DEI
sub Conceptu. Carentis omni defectu: vel: Entis perfectissimi: vel.
Entis volitivi à se, esse satis valida, si proponantur taliter. Ens ca-
rens omni defectu; vel. Ens, in quo existit cumulus omnium perfe-
ctionum simpliciter simplicium: vel, Ens volitivum à se, si est pos-
sibile, existit actu: Ut constat ex dictis etiam suprâ. Sed tale Ens
est possibile. Tum quia nulla in hoc implicantia, quæ enim? Tum quia
(ut rectè ait Pater Perez) defectus statim offendit animum, & quasi
repellit, facitq; aliud moveri, ut inveniat bonum perfectum; & fir-
matâ in nobis ratione Optimi absolutè, statim excitamur ad illud a-

mandum. Vide etiam dicta in libri primi Tractatu tertio, sub Argumento 2do. Ergo existit tale Ens carens omni defectu, seu perfectissimum: seu Ens volitivum à se. Subsumo. Sed nomine talis Entis, intelligitur DEUS, ut clarum est. Ergo existit.

Affero 2do. Argumenta prædicta principaliora non totaliter conveniunt cum Argumentatione Divi Anselmi: Sed solum ex parte. Ratio est: quia licet conveniant in hoc, quòd Existentia DEI probetur ex ipsomet conceptu DEI (licet non primo Essentiali: hic enim probabilius consistit in Assuetudine) qui est, esse Ens perfectissimum: carens omni defectu, quò majus cogitari non potest: adeoq; sint juxta Divum Anselmum & Patrem Perez demonstrationes Existentiæ DEI per Causam metaphysicam, seu virtuales, ideoq; à priori. Conveniunt item secum in hoc, quòd similes ferè objectiones proponi soleant contra Argumentationem Divi Anselmi, & contra Argumenta Patris Perez. Disconveniunt tamen, quòd aliis mediis probet & illustret Pater Perez, dari Ens perfectissimum: & alio medio utatur S. Anselmus ad probandum dari tale in re Ens, quò majus cogitari non potest.

*Ens omni
defectu
carens,
necessario
unicū est.*

Nota 1mo Ingeniosè & solidè à Patre Perez probari, quòd Ens carens omni defectu sit necessariò Unicum, proinde & DEUS unicus. Ratio ipsius est. Quia si caret omni defectu, non est Bonum insufficiens; esse enim bonum insufficiens, est defectus: tale ergo bonum, carens omni defectu, est sufficiens sibi & cuilibet bene esse, saltem activè. Sed Bonum omnino sufficiens, est unicum. Si enim sunt plura bona sufficientia, quodlibet illorum, est minoris æstimationis, quàm esset, si esset unicum: nam amittit rationem necessarij boni, & requisiti, quod ipsum est defectus. Deinde, caritas, & Unitas augent pretium, & æstimationem. Sic unicus filius suæ matris, est carior & pretiosior, quàm unus filius ex duodecim: sic unicus oculus monoculi, est pretiosior, quàm solus dexter, habentis duos: & unicus Medicus sufficiens, est honorabilior, quàm unus ex plurimis: & unus Rex, quàm duo: & unus Papa, quàm duo. DEUS itaq; est nobis charissimus & honorabilissimus, quia sufficiens ad omnia: & summè pretiosus; quia unicus: non enim est possibile provocare ad alium: & hoc ipsum est magna excellentia, & oppositum,

tum, defectus. Neq; his obstat Trinitas Personarum Divinarum. Nam in hac, non est multiplex abundantia & sufficientia, sed est unica Essentia, sufficiens sibi, & omnibus ad omnia bona à qua Essentia Personarum Divinarum non distinguuntur immediate realiter, sed cum illa sunt idem adæquatè intensivè: itaq; omnes tres Personarum Divinarum, sunt unum & solum Bonum sufficiens ad omnia. Hinc habetur falsum esse, quòd non absimili modò, à modo argumentandi Patris Perez, possit probari, dari decem vel plura Entia carentia omni defectu, & Entia optima.

Nota 2da. Si dicat Adversarius, esse terminos sibi essentialiter repugnantes hos: *Ens et. Carens omni defectu.* Item. *Ens et. Optimum.* Item. *Ens et. Quò majus cogitari non potest:* cum omne *Ens* ex suo conceptu dicat essentialiter imperfectionem, quia Abalietatem. Tunc urgendus est, ut hujus sui dicti det rationem, ac probet, *Ens* ex suo conceptu, esse essentialiter ab Alio: Siquidem solum *Ens* reale est id, quod est aptum existere, adeoq; præscindit ab Assèitate, & ab Alietate. Si autem tantummodò dicit, & non probat: nimium audax est, imò multum temerarius.

Ens præscindit ab imperfectione.

Nota 3ta. Etiam juxta huc Patri Perez oppositos, bona est Argumentatio ista. Datur *Ens* à se. Ergo illud est summè Sapiens, Omnipotens, & perfectissimum in omni genere. Mala autem est juxta omnes, Argumentatio hæc. Datur *Ens* à se. Ergo illud est Trinitas Personarum summè perfecta, in unitate Essentiæ. Et hoc ex eo, quia ex Assèitate, illarum solum in particulari perfectiones, nullam involventes imperfectionem inferri possunt, quæ non superant vires naturales cognoscitivas intellectus creati. Trinitas verò Personarum Divinarum, ut identificata Naturæ (sic enim tantummodo sumpta, nullam involvit imperfectionem, utpote non repugnans Unicitati Divinæ) superat vires naturales creatas cognoscitivas; cum sit supra illud principium naturale. Quæ sunt eadem uni tertio, sunt eadem inter se. Ita etiam, licet esset recta Argumentatio Patris Perez, hæc. Nullum bonum est, esse chimeram. Sed carens omni defectu, est bonum. Ergo non est chimera, sed quid possibile & existens, proinde existit DEUS. Mala tamen erit Argumentatio hæc. Nullum bonum est, esse chimeram. Sed Trinitas summè perfecta,

Quanam perfectio- nes ex Assèitate inferuntur?

in Unitate Essentia, est bonum. Ergo non est chimera, sed est quid possibile, & existens. Mala inquam Argumentatio, propter similem rationem datam superius.

Nomine

Argumenti Pereziani quid intelligitur?

Nota demum 4^{to}. Non dixi supra: *Argumenta Pereziana*: Sed. *Argumenta Patris Perez*. Nomine enim Argumenti Pereziani, intelligi solet, Argumentum Mirabile: in quo scilicet ex uno contradictorio, infertur aliud contradictorium. Talis modi argumentandi licet non fuerit Auctor Pater Perez (multò minùs Cardanus, licet id sibi, lib. 5. de proport: Proposit: 201, falsò attribuat: tali enim modò argumentandi, pridem antè usus est Euclides lib. 9. Prop: 12. & Theodosius in Sphær: Prop: 12) tamen, quia talem modum argumentandi, in suis scriptis frequenter adhibuit: ut patebit legenti: imò & hic, bis quidem usus est tali modò (vide supra, secundum Argumentum ejus, item quintum) ideo Argumentum mirabile, vocari solet, Perezianum.

CAPUT IV.

P. MARTINUS de ESPARZA.

Hispanus, duodecim Vallisoleti, ac Salmantica, totidem Annis Romæ, Theologiæ, insignis Professör: Ultra viginti verò edendorum à Societate librorum Arbiter fuit: is duobus præcipuè Argumentis, Quæst: 2. de DEO Art: 4. 5. & 9. quæ ipse censet esse Demonstrationes, probat Existentiã DEI.

Imum Argumentum.

*Patris
Esparza
Argumenti
tũ imum
pro Exi-
stentiã
Dei, quia
datur ve-*

Dantur Veritates aliqua objectivæ, simpliciter necessariæ, ac Essentialiter invariabiles, & æternæ. Quia istæ Propositiones: Quodlibet est, vel non est. Impossibile est idem simul esse & non esse. Homo est animal rationale: & similes sempiternæ veritatis dictæ: cuicunq; enim durationi aut temporis differentia applicentur mentaliter ab intellectu, necessariò ac invariabiliter evadunt veræ. Quod fieri non potest, quin dentur à parte rei veritates objectivæ necessariæ & invariabiles. Quia Veritas formalis dependet essentialiter ab objectiva, utpote consistens in conformitate cum il-

1a. Veritas autem objectiva, est passio Entis realis, indistincta re-
aliter ab eodem. Eatenus enim unumquodq; est verum objectivè ac
cognoscibile verè, quatenus à parte rei est tale, quale est repræsen-
tabile & cognoscibile per cognitionem formaliter veram: quapropter
implicat in terminis dari à parte rei Veritatem, veramq; cognosci-
bilitatem, & tamen nihil dari à parte rei, nullamq; existere Entita-
tem, cum qua identificetur, vel in qua fundetur aliquammodo talis ve-
ritas & cognoscibilitas. Ergo datur à parte rei, & verè existit Ens
simpliciter necessarium, essentialiter invariabile, ac æternum, quod
est DEUS.

*ritates ob-
jectivæ æ-
ternæ, in-
variabi-
les.*

Confirmatur. Quia quodlibet verum objectivè, seu cognoscibi-
le verè, vel est cognoscibile immediatè, ratione sui, vel mediatè ra-
tione alterius, adeoq; est motivum, & causativum cognitionis veræ,
vel immediatè per se ipsum, vel mediatè per aliud. Quod autem est
motivum, & causativum cognitionis veræ, veram habeat entitatem,
& existentiam, necesse est. Siquidem quod nihil est, nec veram ha-
bet entitatem, & existentiam, nullum omnino effectum movere & ni-
hil causare potest: ut per se patet. Cum ergo dentur Veritates ali-
quæ objectivæ simpliciter necessariae, & essentialiter invariabiles, ac
æternæ, ut constat ex dictis: necesse utiq; est, dari aliquam verita-
tem motivam, & causativam cognitionis, similiter necessariam, in-
variabilem, ac æternam: adeoq; necessariò ac invariabiliter existentem
ab æterno.

Prædictum Argumentum, & ejus Confirmatio, non excedunt ter-
minos probabilitatis: etsi enim certum sit apud Philosophos, dari
Propositiones sempiternæ veritatis, non quidem in hoc sensu, quasi
aliqua Propositio creata exstiterit extra DEUM ab æterno: sed quia
per nullam potentiam, res potest se aliter habere, quàm enuntiant:
seu ut lib. 2. contra Gentes cap: 25 Divus Thomas ait: Quibus con-
traria, ne quidem DEUS facere potest: tamen communius docetur,
Propositionum æternæ veritatis sensum esse conditionalem: verbi gra-
tia, hujus Propositionis. Homo est animal rationale. Sensus est
iste: si, & quando existit homo, non existit, nisi animal rationale.
Proinde consequenter verificativum talium Propositionum, non de-
bet esse tale quid, quod sit actu, sed quod esset: quia non affirma-

*Quid sen-
tiendum
de robore
hujus Ar-
gumenti.*

tur esse tale actu, sed quod esset tale actu; quare nulla est necessitas hic recurrendi ad æternam necessitatem absolutam.

2dum Argumentum.

2dum Argumentū.
Quia ens
carens omni defectu est necessarium
in existendo.

Ens carens omni defectu, & continens in se omnem puram bonitatem, & perfectionem, nec est impossibile, nec contingens. Ergo est necessarium, & datur semper à parte rei tale ens: seu quod idem. Datur purum & summum Bonum. Consequentia est evidens. Antecedens quò ad hanc partem: quòd tale Ens, non sit impossibile. Probatur. Quia nulla bonitas, & perfectio formaliter, & præcisè ut talis, est contradictoriè opposita ulli alii bonitati, & perfectioni formaliter & præcisè ut tali. Cùm contradictorium formale cujusvis bonitatis, sit sola malitia, seu defectus & imperfectio: sicut contradictorium formale lucis, sunt solæ tenebræ. Sed neq; potest ulla bonitas, & perfectio, quatenus talis formaliter ac præcisè: seu ex conceptu bonitatis & perfectionis secundum se, esse essentialiter connexa cum defectu & imperfectione contradictoriè opposita formaliter ulli alii bonitati ac perfectioni præcisè ut tali; quia talis connexio, est formaliter defectus, & imperfectio: repugnat verò ut bonitas aliqua & perfectio formaliter ac præcisè ut talis, sit malitia aliqua, & imperfectio formaliter ut talis; sicut repugnat, lucem aliquam, esse formaliter aliquas tenebras, ut tales. Ergo &c. Neq; etiam Ens carens omni defectu est quid contingens, aut ex contingentibus conflatum: quæ est Pars secunda Antecedentis. Ratio est. Tum quia contingentia & defectibilitas, est proculdubio defectus aliquis & imperfectio, cùm sit capacitas non existendi: id est mali, quod omnia fugiunt, quantum possunt; & capacitas mali, sit aliquod malum. Tum quia contingens in existendo, indiget alio, vi cujus determinetur ad esse: indigentia autem est manifestus defectus, & imperfectio.

Argumentum istud convenit in re cum Argumentis principalioribus suprâ positis Patris Perez. Unde de istius validitate, idem assero, quod de priorum validitate, superius asserui.

Eruditionis gratia, appono hic, alia quatuor Argumenta, non multum inter se, & à superioribus disconvenientia: quidve ad illa respon-

respondere soleant Oppositi.

Primum Argumentum. Evidens est existere Ens simpliciter necessarium in existendo, si illud est possibile. Sed implicat in ipsis terminis, quod Ens simpliciter necessarium in existendo, non sit possibile. Ergo evidens est illud existere, proinde existit DEUS.

2dum Argumentum. Aequè evidenter connectitur Ens necessarium cum actuali existentia, atq; impossibile cum non existentia. Sed ex impossibili apprehenso, ut impossibili, colligitur evidenter illius non existentia. Ergo ex Ente necessario ut tali apprehenso, colligitur evidenter illius existentia actualis.

3tium Argumentum. Evidens est, bonum, cum Ente non efficere chimeram. Ergo evidens est, Optimum cum Ente non efficere chimeram: atq; adeo esse quid reale, Ens Optimum, sive DEUM. Consequentia probatur. Quia eatenus est evidens bonum cum Ente non efficere chimeram, quatenus est evidens, bonum esse Enti, esse bonum. Sed evidens consequenter est, melius esse Enti, esse Optimum. Ergo &c.

4tum Argumentum. Evidens est, quod Ens cum carentia sui contrarii, non constituat aliquid impossibile. Sed Ens cum carentia omnis defectus & imperfectionis, est Ens cum carentia sui contrarii. Ergo evidens est, quod Ens cum carentia omnis defectus & imperfectionis, non constituat aliquid impossibile, sed potius aliquid maximè necessarium, scilicet, Ens Optimum.

Ad hæc quatuor Argumenta responderi solet sub una Distinctione. Scilicet *ad Primum.* Transita Majore. Distingvitur Minor. Implicat, quod Ens simpliciter necessarium non sit possibile, in eodem statu, in quo est simpliciter necessarium. Conceditur. In diverso statu. Negatur Minor. Ergo evidens est illud existere, in esse objectivo. Conceditur. In esse reali Negatur Consequentia.

Ad 2dum. Distingvitur Major. Si Existentia & non existentia comparentur in esse objectivo. Conceditur. Si comparentur in esse reali. Negatur. Et Minore concessa. Distingvitur Consequens. Ex Ente necessario ut tali apprehenso, colligitur evidenter illius existentia actualis, in esse objectivo. Conceditur. In esse reali. Negatur.

Ad 3tium. Concessio Antecedente, Distingvitur Consequens, &

con-

*Quatuor
alia Ar-
gumenta
quorun-
dam pro
existentia
DEI.*

conceditur Consequentia, ex suppositione, quòd Optimum sit quid reale, & non purè objectivum. Negatur autem, præscindendo ab hac suppositione.

Ad 4um. Data Majore. Distinguitur Minor. Ex suppositione, quòd tale Ens sit aliquid reale, neq; purè objectivum. Conceditur Minor. Præscindendo ab hac suppositione. Negatur.

Ne totaliter vis horum Argumentorum à data Distinctione concidat, consule dicta cap. 2. & 3.

CAPUT V.

JOANNES BAPTISTA MORINUS.

*Morinus
quis fuerit?*

Fuit is Natione Gallus, Doctor medicinæ, & Parisiis Regius Mathematicæ Professor: natus Anno 1583, obiit verò 1656. Juvenis annorum sedecim, Philosophiam docuit apud Aqueses: Cartesio & Galilæo de Gallilæis familiaritate conjunctus. Edidit ille librum de vera cognitione Dei ex solo naturæ lumine per theorematà adversus Atheos, Mathematico more demonstrata: qui liber (ut ipse refert lib. 1. Astrologiæ gallicæ) fuit à Philosophis & Theologis, insigni plausu exceptus ob methodi in hisce rebus tractandis novitatem, ac brevitatem. Probatio istius veritatis, quòd DEUS sit, ab ipso data, supponit Definitiones 13. Axiomata 22, illasq; Definitiones & Axiomata supponit Morinus esse omnino certa, & ex illis deducit theorematà 40. ex quibus demum theorematibus concludit existere Deum. Porro Argumentationis ejus medulla consistit in hoc discursu ad Argumentum tale reducibili.

*Ejus Argumenta
pro Existentia
Dei.*

Omne Ens finitum habet suum esse ab Ente infinito; sed Mundus hic finitus est. Ergo habet esse ab Ente infinito. Subsumitur. Sed infinitum hoc Ens, est Deus. Ergo existit Deus.

Major hujus Argumenti probatur. Quia Ens finitum habet esse ab alio Ente. Ergo ab Ente finito, vel ab infinito. Si hoc: habetur intentum. Si illud; rursus dicetur hoc finitum Ens habere esse ab alio Ente finito, vel ab infinito: sicq; vel iterum habebitur intentum: vel continuabitur progressus in qualemcumq; numerum Entium finitorum; contra illud Axioma: In causis non datur progressus in infinitum.

finitum. Qui numerus ideo nequit esse infinitus, quia infinitum est indivisibile.

Minor etiam probatur. Nam globus terrestris, non est totus Mundus, sed pars Mundi: idemq; dicitur de sole, luna, & quolibet Astro, vel etiam Coelo. Ergo Mundus est aliquod totum ex illis partibus compositum, ideoq; in illas divisibile: ac sic Mundus non est infinitus.

Subsumptum itidem illius Argumenti probatur. Quia Ens infinitum est, quod nullis essendi limitibus includitur. Est item purus Actus: aliàs essendi limitibus includeretur. Est item immutabile: aliàs non esset purus Actus: est item unicum: non possunt enim esse duo Entia infinita: quia infinitum essentia vel entitate, est omne id, quod est, vel esse potest. Finita etiam corporis essentia nequit esse subjectum accidentis infiniti: qualis esset extensio infinita vel aliqua qualitas. Ens item infinitum est indivisibile. Non enim est divisibile in duo Entia infinita, aliàs pars esset æqualis toti. Nec possunt esse duo Entia infinita, juxta dicta. Nec est divisibile in finitum & in infinitum. Nam detractò finitò, semper relinqueretur infinitum. Ergo Ens infinitum est indivisibile. Insuper, ut constat ex dictis, Ens infinitum est simplicissimum, quia si aliquo modo esset compositum, tunc esset divisibile in ea, ex quibus componeretur, & sic non esset indivisibile. Hæc autem prædicata, Essè actum purum: Essè id omne, quod est, vel esse potest: Essè Ens immutabile, unicum, indivisibile, simplicissimum. Hæc inquam prædicata, sunt convertibilia cum Deo.

Confirmatur vis Argumenti superioris. Mundus hic creatus est in tempore ab Ente infinito. Ergo existit Ens infinitum, proinde Deus. Antecedens probatur: quia Mundus hic, finitus est, ut supra ostensum. Ergo non est æternus. Nullum enim Ens finitum est, vel esse potest ab æterno. Aliàs essent duæ numero æternitates, & sic darentur duo infinita, quod implicat. Accedit: quia si numerus gyrationum primi Mobilis ab æterno hucusq; esset infinitus, eo ipso numerus ille non erit numerus: nam omnis numerus est divisibilis; infinitum autem est indivisibile.

Argumenta proposita licet Morino videantur evidentissima: mi-

*Multa in-
certa con-
tinent.*

hi tamen nec videntur evidentiā, imò nec probabilissima. Multa enim in illis continentur, Doctissimorum Virorum controversiæ jure merito obnoxia, proinde nec omnino certa & evidentiā; imò aliqua in illis continentur, quæ vix gradum alicujus probabilitatis attingunt.

Primò enim incertum est, An numerus nequeat esse infinitus. Gravissimi enim plurimi Theologi ac Philosophi asserunt, possibile esse infinitum Categorematicum in numero, seu multitudine, non solum Entium spiritualium, verbi gratia. Angelorum, Animarum rationalium, cognitionum; sed etiam infinitum Categorematicum corporum, seu Entium materialium. Ita teste Josepho Polifio asseruerunt omnes antiqui Philosophi ante Aristotelem, imò & ipse Aristoteles, & præter illos Veteres, Mairon, Occam, Baconius Ariminenfis, Almainus, Vasquez, Hurtadus, Ariaga dicens hanc sententiā esse communem inter modernos: Comptonus, Polifius, Oviedo &c. Divus Thomas, saltem fuit hac in parte dubius, dicit enim Opusc. 25. Adhuc non esse demonstratum, quod Deus non possit facere, ut sint Entia infinita actu. Imò suppositā communi sententiā, quod Continuum componatur ex partibus in infinitum divisibilibus, & quod illæ partes sint actu distinctæ: sequitur dari actu infinitum categorematicum in multitudine partium non penetratarum in continuo: ut docet Oviedo, Ariaga, & plures alii acutissimi Recentiores; hancq; sententiā ego olim in Philosophia docui, & nunc etiam censeo eam esse multum saltem probabilem. Non pauci item gravissimi Auctores docent, posse dari infinitum in intensione, imò etiam in extensione; unumq; infinitum posse esse majus altero, & dividi in plura infinita. Proinde incertum est, debere infinitum esse nonnisi unicum, simplicissimum, & indivisibile.

Secundò, incertum est, quod infinitum nullis essendi limitibus includatur: siquidem juxta sententiā probabilem, unum potest dari majus altero. Imò in sententiā multorum Scotistarum, est possibile in creatis infinitum categorematicum secundum Essentiā, quod tamen includeretur intra limites Abalietatis, dependentiæ ab Ente à se.

Tertiò, non est omnino evidens, in causis non dari, nec posse dari progressum in infinitum.

Quartò, incertum est, quod nullum Ens finitum potuerit esse ab eterno.

Quin-

Quintò, incertum est, quòd subjectum infiniti non possit esse Ens aliquod finitum. Cur enim Anima rationalis, quæ est ens finitum, non possit esse subjectum gratiæ infinitè intensæ? imò & pariter, cur non possit esse subjectum infinitè intensæ albedinis vel alterius coloris?

Sextò, incertum est, ut constat ex dictis, quòd positis duobus infinitis, sequeretur, partem esse æqualem toti. Quanquam Principium hoc: *Omne totum est majus sua parte. et. Nulla pars potest esse æqualis suo toti.* An locum habeat in infinito, controvertunt Doctores. Non pauci enim illud Principium habere locum in infinito negant: ut Ariminensis, Holcot, Bassolis, Major, Ægidius, Ferrariensis, Capreolus, Soncinna, Conimbricenses 3. Physi. Cap. 8. Q. 2. Art. 4. ad 2. Vasquez, quos omnes citat & sequitur Pater Joannes Baptista de Benedictis in sua Physica: & rationem dat; quia cum excedere, in rigore sit progredi ultra mensuram & terminum alterius, & infinito mensura ac terminus non sit, ideo quantumvis infinitum unum comparatur ad aliud, ut totum ad partem, non potest illo esse majus.

CAPUT VI.

Renatus des Cartes, vulgò *Cartesius*, qui Joanni Dolæo Medico, est Philosophiæ Sanæ & reformatæ Antistes: Peripateticis verò Philosophis, insanæ & deformatæ Philosophiæ Author censetur, vel saltem Patronus (cujus descriptionem vide fusiùs in libro meo cui titulus: *Gradus ad Atheismum*, in Tract. 3tio) is in libro, cui titulus: *Meditationes de prima Philosophia* edito Amstelodami, post annum 1640, proponit Rationes, Existentiæ Dei probantes (ut ipse ait) more geometrico dispositas, tali modò.

Propositio Prima.

Dei Existentiæ ex sola ejus Naturæ consideratione cognoscitur.

Demonstratio.

Idem est dicere, aliquid in rei alicujus natura sive conceptu contineri, ac dicere idipsum de ea re esse verum, sive de ipsa posse

*Cartesii
propositiones,
quibus
Argumenta
ejus in-
fundan-
tur.*

affirmari. Atqui Existencia necessaria, in Dei conceptu continetur: quia in omnis rei Idea, sive conceptu, continetur Existencia. Nihil enim possumus concipere, nisi sub ratione existentis: nempe continetur existencia possibilis, sive contingens in conceptu rei limitatæ: necessaria verò & perfecta, in conceptu Entis summè perfecti. Ergo verum est de Deo dicere, necessariam existentiam in eo esse, sive ipsum existere.

Confirmatur. Sicut ex eo, quòd verbi gratiâ, percipiat mens nostra in Idea trianguli, necessariò contineri tres ejus angulos æquales esse duobus rectis, planè sibi persvadet, triangulum tres angulos habere æquales duobus rectis. Ità ex eo, quòd mens nostra percipiat existentiam necessariam & æternam in Entis summè perfecti idea contineri, planè concludere debet, Ens summè perfectum existere.

Propositio 2da.

Dei Existencia ex eo solo, quòd ejus idea sit in nobis, à posteriori demonstratur.

Demonstratio.

Realitas objectiva cujuslibet ex nostris Ideis requirit causam, in qua, eadem ipsa realitas non tantum objectivè, sed formaliter vel eminenter contineatur. Hæc Propositio, tam necessariò est admittenda, ut ab ipsa una, omnium rerum, tam sensibilibium, quàm insensibilibium cognitio dependeat. Unde enim scimus, exempli causa, Cælum existere? an quia illud videmus? At ista visio, mentem non attingit, nisi quatenus idea est, idea inquam, menti ipsi inhærens, non autem imago in phantasia depicta. Nec ob hanc ideam, possumus judicare, cælum existere, nisi quia omnis idea causam suæ realitatis objectivæ habere debet realiter existentem, quam causam judicamus esse ipsum Cælum: & sic de cæteris. Sic probatâ Majore, probatur Minor. Sed habemus ideam Dei, hujusq; Ideæ realitas objectiva, nec formaliter, nec eminenter in nobis continetur, nec in ullo alio, præterquam in ipso Deo, potest contineri. Ergo hæc Idea Dei, quæ in nobis est, requirit pro causa Deum, proinde existit. Minoris prima pars, probatur. Quia nomine Ideæ, intelligo (inquit Cartesius) cujus-

cujuslibet cogitationis formam illam, per cujus immediatam perceptionem, ipsius ejusdem cogitationis conscius sum. Secunda etiam pars Minoris probatur. Quia sunt diversi gradus realitatis sive Entitatis; nam substantia, plus habet realitatis, quàm Accidens, vel modus: & substantia infinita, quàm finita: ideoq; etiam est plus realitatis Objectivæ in idea substantiæ, quàm accidentis, & in idea substantiæ infinitæ, quàm in idea finitæ.

Propositio 3tia.

Dei Existentia demonstratur etiam ex eo, quòd nos ipsi habentes ejus Ideam, existimamus.

Demonstratio.

SI vim haberem meipsum conservandi, tantò magis haberem etiam vim mihi dandi perfectiones, quæ mihi desunt. Quia qui potest efficere id, quod majus est, sive difficilius, potest etiam efficere id, quod minus: & majus est creare vel conservare substantiam, quàm attributa: non autem majus est creare idem, quàm conservare. Ego autem non habeo vim mihi dandi istas perfectiones: alioqui enim jam ipsas haberem. Ergo non habeo vim meipsum conservandi. Deinde non possum existere quin conserver, quamdiu existo: atqui non habeo vim meipsum conservandi. Ergo ab alio conservor. Præterea ille à quo conservor, habet in se formaliter vel eminenter omne id; quod in me est: in me autem est perceptio multarum perfectionum, quæ mihi desunt, simulq; Ideæ Dei. Ergo est etiam in illo, à quo conservor, earundem perfectionum perceptio. Deniq; ille idem non potest habere perceptionem ullarum perfectionum, quæ ipsi desint, sive quas in se non habeat formaliter, vel eminenter: cum enim habeat vim me conservandi, ut jam dictum est; tantò magis habet vim sibi, ipsas dandi, si deessent: habet autem perceptionem earum omnium, quas mihi deesse atq; in solo Deo esse posse concipio. Ergo illas formaliter vel eminenter in se habet, atque ita est Deus.

Corollarium.

Creavit Deus cœlum & terram, & omnia quæ in eis sunt, insuperq; potest efficere id omne, quod clarè percipimus, prout idipsum percipimus.

Demonstratio.

HÆc omnia clarè sequuntur ex præcedenti propositione, in ipsa enim Deum existere, ex eo probatum est, quòd debeat aliquid existere, in quo formaliter vel eminenter sint omnes perfectiones, quarum idea aliqua est in nobis. Est autem idea tantæ alicujus potentia, ut ab illo solo, in quo ipsa est, cœlum & terra procreata sint, & alia etiam omnia, quæ à me, ut possibilia, intelliguntur, ab eodem fieri possint. Ergo simul cum Dei Existentia, hæc etiam omnia de ipso probata sunt. Hucusq; Cartesius.

*Propositi-
ones di-
sta cum
suis pro-
bationib;
non subsi-
stere de-
clarantur*

Proposita ejus Argumenta à gravissimis Doctoribus reprobantur, atq; meritò: siquidem illa Argumenta, quæ Cartesius censet esse perfectas certissimas & evidentissimas demonstrationes, continent in se multa falsa, multa quoq; incerta. Nam in Probatione primæ Propositionis, falsa sunt hæc. *In omni rei idea, sive conceptu, continetur Existentia. et. Nihil potest concipi, nisi sub ratione existentis, sive contingenter, sive possibiliter.* Falsa inquam: tum quia multi sunt conceptus, in quibus etiam à possibilitate rei, non tantum ab existentia præscinditur. Tum quia concipiuntur negationes atq; chimæræ. Deinde in dicto Argumento, si intelligitur conceptus formalis; tunc conceditur dari illum, verum, in quo affirmetur necessaria existentia Dei. Quodsi intelligitur conceptus objectivus; negabitur suppositum, dari eundem. Unde prius supponitur, quod deberet probari.

Ad Confirmationem Respondet Pater Caregno. Sicut inquit ex eo, quòd verbi gratia, percipiat mens nostra in idea trianguli, necessariò contineri tres ejus angulos, æquales esse duobus rectis; non infertur existere in rerum natura, tres angulos, nisi ex suppositione, quòd in rerum natura sit triangulus; ita ex idea Entis summè perfecti, in cujus conceptu objectivo includitur existentia realis, non infertur dari in rerum natura talem existentiam, nisi ex suppositione quòd in rerum natura detur Ens summè perfectum. Ratio etiam à

pri-

priori utriusq; est; quia ex toto non infertur pars, nisi juxta statum, in quo totum ipsum supponitur.

2da Propositio falsa est, quia æquivalet huic, vel saltem sequitur ex illa, universalior hæc. *Existencia rei, ex eo solo, quòd ejus idea sit in nobis, à posteriori demonstratur.* Quod per se est falsum, maxime supposito, quòd in sensu Cartesii, idea, sit forma illa cogitationis, per cujus immediatam perceptionem ipsius ejusdem cogitationis conscius sum: consequenter enim hoc nihil est aliud, quàm ipsa cogitatio, vel ad summum Attentio ad propriam cogitationem: ex cognitione autem rei, evidens est, non sequi existentiam rei, aliàs cognoscendo plures Mundos præter hunc, qui defacto est, deberent existere plures Mundi à parte rei. Quod si Cartesius intelligit, per Ideam Dei, Speciem impressam Dei, tunc negatur suppositum, dari eam in viatoribus, (imò multi Theologi negant, eam etiam esse absolutè possibilem) Deus enim in via cognoscitur abstractivè solum per species alienas, quarum realitas objectiva, causam tantum postulat in illo Ente, cujus sunt species. De Coelo dispar longè est Ratio. Quia Coelum intuitivè cognoscimus per species proprias: secus Deum & multa alia. Etiam si in idea seu cognitione objecti, tantò plus sit realitatis, quantò plus est in ipso objecto: hoc est. Etiam si tantò perfectior (cæteris paribus) sit cognitio, quantò habet perfectius objectum: non ideo tamen, si objectum in nullo continetur formaliter, aut eminenter, nisi in Deo, cognitionis debet esse causa ipse Deus. Quia hoc fortè requiritur utcunque ad cognitionem intuitivam, sed non ad abstractivam.

3tia etiam Propositio, cum suis probationibus, non subsistit. Falsum enim est. 1mò. Quòd, si vim haberem meipsum conservandi, tantò magis haberem vim dandi perfectiones quæ mihi desunt. Quia perfectiones, quæ mihi desunt, sunt infinities plures, & majores, quàm meum iptius esse à me conservandum: & sic licèt si homo possèt se conservare, non ideo possèt sibi dare perfectiones Angelicas. 2dò. Falsum universaliter. Qui potest efficere majus, potest & minus. Ut patet in homine, potente generare hominem, non lapidem aut plantam, aut bovem. Item. Licèt Petrus Theologus possit optime discurre de Deo: non sequitur inde, quòd etiam possit portare doli-

um

um cerevisiæ. Unde limitandum est illud Principium, scilicet. Qui potest plus, potest & minus: si plus & minus sint in eodem genere, & nulla specialis Ratio obsit. In proposito autem Argumento, plus & minus sunt in diversa Ratione. 310. Falsum est. Majus esse, creare, vel conservare substantiam suam, quàm dare sibi perfectiones, quæ sibi desunt. Quia perfectiones quæ desunt, possunt esse meliores; & perfectiores incomparabiliter, quàm substantia conservanda. Desultoriè item, & inconstanter subjungitur ista Propositio. *Majus est creare vel conservare substantiam, quàm attributa.* Quia perfectiones, quæ mihi vel alteri substantiæ desunt, non possunt dici mea, vel illius substantiæ attributa: esse enim possunt illæ perfectiones non consecrariæ ad meam vel alterius substantiam, sed potius illi repugnantes, & illam infinitè excedentes. Corollarium non subsistit, quia priores Propositiones cum suis Probationibus non subsistere, ostensum est supra. Desinant proinde Cartesiani, recensitas sui Principales Rationes, in elenchum certissimarum ac evidentissimarum Demonstrationum reponere, multas liquidem incertas, quin & erroneas complectuntur Propositiones.



LIBRI SECVNDI

PRO DEO CONTRA ATHEOS.

TRACTATUS SECVNDVS.

*Doctissimorum novem Philosophorum Veterum
RATIONES VALIDÆ RECENSENTUR,
Atheismi eversivæ.*

Angelicus Doctor S. Thomas Quæstione 10. de Veritate art. S. Thomas
12. ait. *Opinio quorundam, qui dixerunt, quod Deum esse, non à veteri-*
est per demonstrationem scitum, sed est tantum à fide susceptum, b9 Philosoph
manifestè falsa apparet. Invenitur enim hoc, quod est, Deum esse, phis, irre-
rationibus irrefragabilibus etiam à Philosophis (scilicet Veteribus, mul- fragabilis
to magis etiam à Patribus) probatum. Plurimorum Philosophorum, ter Existē-
Theologorum, & Patrum libros (inter acervos licet aliarum occupa- tiam Dei
tionum ferè semper positus) accuratè diuque revolvì, sollicitè quæ- probatam
rendo has rationes irrefragabiles, & quas reperi, ex ipsis fontibus, esse dicit.
non ex rivulis desumptas, in Tractatu hoc 2do, & sequenti 3tio,
propono, & quidem propono ipsissimis Auctorum verbis; id enim
& ad rerum Auctoritatem, & ad Antiquitatis memoriam, & ad Ve-
ritatis majorem testificationem, nec non ad legentium multiplicem
utilitatem atq; etiam Voluptatem, magnopere pertinere sum arbitra-
tus. Quid enim aut jucundius, aut utilius esse potest? quàm gra-
vissimos Viros, sua verba loquentes, & contra Atheismum insurgen-
tes audire? magnoq; tum librorum, tum temporis æquè ac laboris
compendiò, legere tot Veteres Philosophos, ac Patres, Atheismum
evers

sumptarū evertentes? *habere collectum quasi in unam Coronam, germen floridum*
congeries, (Verbis loquor Cassiodori) *quod per librorum Campos passim fuerat*
cur Lecto- *antè dispersum?* Nec ulli prudenti, labor hic meus displicere debet:
ri displice- nam si *Collectori Sententiarum è libris, soli stulti malè affecti sunt:* ut O-
re non de- rator Regius antiquissimus, suaq; ætate per Europam & Asiam cele-
beat? berrimus, Isocrates notavit in Oratione ad Nicoclem Regem Cypri-
 orum: & si iudiciò omnium rectè sentientium, laudabiliter, S. Prosper,
 librum integrum Sententiarum trecentarum octoginta octo; & Vene-
 rabilis Beda, Commentaria in omnes Epistolas S. Pauli confecerunt,
 excerpando hæc omnia ex Divi Augustini Operibus, ejusmet ferè
 verbis; Cur ægrè ferant bene docti, quòd non solum ex unius S. Au-
 gustini, verum ex tot insuper Doctorem, ac Philosophorum Veterum
 libris, collectas exhibeam Atheisini subversivas rationes? sicq; eas
querenti (ut non in multum ablimili materia loquitur Magister Sen-
 tentiarum in suo Prologo in lib. Sent.) *non erit necesse librorum nume-*
rositatem evolvere, cui brevitatis, quod querit, sinè labore offert; illi præ-
 sertim, cui vel tempus evolvendi plures libros, vel voluntas, vel libri
 etiam, vel demum simul hæc omnia desunt, ut quærat illas rationes
 in vastis Voluminibus. Sancto Paulo ad Areopagum adducto, non
 displicuit, (Actuum Cap. 17.) Existentiam Dei confirmare ex loco
 quodam Arati, qui fuit Pœta Græcus, & Astrologus; mihi ex Gen-
 tilium multorum Philosophorum scriptis, idem præstare placuit. Et
 licet quandoq; aliquomodo secum convenire videantur Rationes di-
 verforum Auctorum adducendorum; differunt tamen illustrationibus,
 similitudinibusq; ac modis aliis, unaq; , aliam efficaciorē reddit.
 Addo insuper ex Magno Hypponenfi Præsule lib. 2do de Baptismo
 contra Donat. Cap. 1. *Ea, quæ instructioni sunt necessaria, sapius oportet*
insinuare tardioribus, & cum eadem multipliciter varieg, tractantur,
atq; versantur, ipsos quoq; capaciore intelligentiâ præditos adjuvant, &
ad facilitatem sciendi, & ad copiam disserendi. Porro in præsentī Tra-
 ctatu inducuntur novem Antiqui Philosophiæ Proceres, scilicet: Tris-
 megistus, Plato, Aristoteles, Seneca, Epictetus, Galenus, Empyricus,
 Plotinus, & Philo; quorum rationes propono. Quanto verò in præ-
 tio habenda sit prædictorum Philosophorum Auctoritas, indicant a-
 liquatenus, limen tamen veritatis non excedentia, Elogia, quæ singu-
 lis

Elogia,
 Philoso-
 phis & Pa-
 tribus qua-

lis apponuntur (idem præstiturus & in Tractatu tertio, Patribus ad re apposi-
ducendis) ut inde etiam aliquomodo extrinsecum majus eorum rati-
onibus addatur pondus, & pervicacia contradicentium, gravius ru-
bore suffundatur. Jam ergo audiantur Philosophi veteres, rationibus
suis Atheismum evertentes, inhæreatq; simul menti, dictum illud
Nicetæ apud S. Clementem lib. 2do. Recognitionum: *Solet frequen-
ter accidere, ut, qui Veritatem defendit, non semper obtineat, dum aut
in aliquo præventi sunt Auditores: aut non grandem curam melioris sen-
sentia gerunt.*

CAPUT I.

HERMES MERCURIUS TRISMEGISTUS.

Hic *Physicorum* seu Philosophorum omnium, teste Tertulliano lib *Quis fue-
rit iste
Mercurius?*
contra Valentianos Cap. 15. Magister fuit. Hanc Cicero ait (ut
scribit Lactantius lib. de Ira Dei Cap. II.) in numero Deorum apud
*Ægyptios haberi, scilicet, qui ob virtutem, multarumq; artium scientiam,
Trismegistus nominatus est: & erat non modò Platone, verùm etiam Py-
thagorâ, septemq; illis Sapiencibus longè antiquior. Vixit enim ante Chri-
stum ferè mille quingentis annis; cùm tamen septem Sapientes, Chri-
sti Nativitatem tantummodò circiter sexcentis annis præcesserint.
Multa de Deo scripsit vera, similiaq; doctrinæ Moysis, præsertim
in Pimandro, & Asclepio, prorsus aded, ut nonnulli eum vocaverint
Moysen Ægyptium. De rerum autem Principiis (ut refert ex Me-
neteo Jamblichus lib. de Mysteriis §. 39.) scripsit 36525. volumina.
Cui inter Deos tantus honor, cultusq; à vobis (ut dicit S. Augustinus
lib. de 5. hæresibus. Cap. 3. alloquens Paganum) allatus, ut ejus no-
mine, diem Domini vocaretis. Qui teste Horatio lib. I. Carm. Ode 10,
fuit Nepos Atlantis, juxta illud: Mercuri facunde Nepos Atlantis-
Te canam Magni Jovis & Deorum Nuncium. Hujus igitur totius
Vetustatis Ore celebratissimi Mercurii argumenta Capite 5to Piman-
dri contra Atheismum, audiantur.*

[Cùm statuum & Imaginem absq; fabro & pictore fi-
eri, nullus asserere audeat: miram Mundi hujus constituti-
onem,

Judiciò , onem sine Conditore constituisse putabimus? O cæcum
Mercurii , homunculum! O nimis impium! O profundis obrutum
Atheus cæ , ignorantia tenebris! cave, cave O Fili mi Tibi , ne unquam
cus est, ni , artificium prives Artifice - Si per ea, quæ terrâ sustinen-
misq; im- , tur fragilia, & aquæ profunditate conduntur, Deum Arti-
pius . , ficem investigare volueris, age Fili, circumspice humani
Multa Di , Corporis opificium, cujus admonitione perdisce, quis tam
divina artis , pulchræ Imaginis Conditor? quis oculorum Pictor? quis
opera, in , aures, naresq; tornavit? quis labia distendit oris? quis ner-
formatio- , vos tetendit, atq; ligavit? quis irrigavit venas? quis ossa
ne corpo- , congeffit solida? quis carnem pelliculâ tenui circumte-
ris huma- , xuit? quis digitos, articulosq; discrevit? quis fundamen-
ni relu- , ta pedum extendit? quis perforavit poros atq; meatus a-
cent . , peruit? quis splenem cœgit, atq; compressit, quis pyra-
 midis figuram cordi impressit? quis jecoris porro textit
 , fibras? quis pulmonum sculpsit fistulas? quis aluo capa-
 , cem amplitudinem tradidit? quis honoranda corporis
 , membra in propatulo figuravit? quis obscæna, in obscu-
 , ro prorsus abdidit, eaq; ab aspectu, cernentium voluit se-
 , creta jacere? Vide, quot Divinæ artis opera in una mate-
 , ria demonstrantur? singulaq; pulchra rectèque dimensa,
 , nec non propriis invicem officiis differentia. Quisnam
 , singula finxit? qualis Mater? qualis Pater? nonne
 , hæc solus ipse invisibilis Deus, cuncta propriâ voluntate
Nec non , molitus est? - Utinam Fili, tibi daretur facultas, ut ala-
in produ- , rum adminiculô in sublimem aëris plagam volares, me-
ctione to- , diamq; inter Cælum ac terram, regionem sortitus, con-
tius Mon- , spiceres terræ quidem soliditatem, maris diffusionem, flu-
di. , xum fluminum, aëris amplitudinem, ignis arctam cele-
 , ritatem. O felicissimum Fili spectaculum! O beatissimam
 visio-

,visionem! siquidem uno luminum motu, seriem totius
,Mundi comprehenderes, immobilemq; Factorem conci-
,tum latentem quoq; perspicuum cerneres.]

Porro idem Mercurius, Deum esse Unum probat duplici ratione:
scilicet. Tum ex recta gubernatione Mundi: tum quod Unitas sit prin-
cipium multitudinis, non è contra: addit & congruentiam hujus, desum-
ptam ex unitate Mundi. Verba ejus 2. par: Pymand: Serm. 1. sunt hæc.
,[Impossibile est esse plures Factores, neq; enim Ordo unus
,servaretur in multis, nam qui inter illos imbecillior esset,
,potentiori invideret, ex quo seditio oriretur] *Et serm. 4.*
,*Pymand:* [Unitas, omnium Principium, radix & origo:
,absq; vero Principio nihil. Principium ex nullo, nisi à se-
,ipso dependet. Unitas ergo Principium, omnem nume-
,rum continet, à nullo contenta.] *Item 2. Pymand: serm. 1.*
,[Deus est Unus, quia anima una, una materia, unica lu-
,na, sol unus, Mundus unus.] *Additq;.* [Esse Unum omni-
,um Auctorem, perspicuum est. Quisnam iste, quis alter
,præter unicum Deum? Qui (*ut ait Cap. 11. Pyman.*) si à
,quopiam opere influxum suum subtraxerit, deficiente vi-
,tâ in mortem corrueunt universa.]

*Unitas
Dei pro-
batur à
Mercurio*

Appono Christiano etiam Ore & corde dignum Eucharisticon,
quod idem Mercurius in fine Asclepii conclusit suum de rebus pleris-
que Divinis Tractatum. [Gratias tibi agimus ô summe &
,Exuperantissime. Hæc est enim sola humana gratulatio,
,cognitio Majestatis tuæ. O vitæ vera via! o naturarum
,omnium fæcunda prægnatio: æterna perseveratio: nos ve-
,lis servare perseverantes in amore cognitionis Tuæ.]

*Euchari-
sticon, itē
Hymnus
Mercurii
ad Deum
notatu di-
gnissimus.*

Appono & Hymnum ejus, ad Deum. [Universa Mundi
,Natura hunc audiat hymnum: audi terra, audite turbines
,imbrium, o sylvæ filete: cantaturus sum Creatorem omni-
,um, & Unum. Audite Cœli, quiescite venti. Circulus im-

, mortalis Dei, orationem istam exaudiat. Cano jam Cre-
 , atorem omnium terrarum Distributorem: cœlum aequi-
 , librantem: jubentem ex Oceano, undiq; fluere dulcem
 , undam ad hominum alimentum: jubentem ignem ful-
 , gere supernè ad actiones hominum. Agamus omnes illi
 , una voce gratias trananti Cœlos naturamq; creanti. Hic
 , mentis est oculus. Hic potentiarum benedictionem liben-
 , ter excipiat. O meæ vires laudate ipsum Unum, & Omne:
 , Consonate voluptati meæ omnes animi vires. Cognitio
 , Sancta, quæ tuo lumine fulges; per te lumen intelligibile
 , cantans, gaudiô mentis exulto. Omnes potentiæ mecum
 , unâ concinite. Constantia canta mecum. Justitia mea per
 , me Justum canat. Communio mea totum ipsum laudet:
 , per me canat veritas Veritatem, Bonum nostrum, Bo-
 , num deniq; canat. O Vita. O Lux. à Vobis in nos bene-
 , dictio currit. Gratias ago tibi Pater, Actus omnium Po-
 , testatum. Gratias ago tibi Deus, omnium Potestas Actu-
 , um. Verbum tuum per me, te laudet; per me Mundus,
 , verborum recipit sacrificium hoc. Meæ vires clamant, to-
 , tum cantant voluntatem tuam perficiunt: tua Voluntas
 , abs te in totum: sacrificium verborum ab omnibus exci-
 , pe.] Hucusq; Mercurius.

*Goropius,
 erroneè
 quid in-
 tellexerit
 nomine
 Mercurii.*

Joannes Goropius, vir aliàs Catholicus, nec ineruditus, natione
 Belga, qui obiit anno 1572. lib. 4. Gallicorum, & alibi, censet, quòd
 nomine Mercurii Trisnegisti, nihil aliud intelligi debeat, quàm Ver-
 bum Incarnatum, vel Deus ter Maximus, & trino Capite, sive tri-
 na Hypostasi, quam, Capitis nomine, Veteres intelligebant, omnia
 gubernans: vel Mens Divina, perfectissimè se contemplans. Opina-
 tur item, libros, nomine Mercurii circumferri solitos, esse compo-
 sitos ab Annebone Gentili Philosopho, qui fuit Magister Jamblichi.
 Verùm hæc opinio Goropii, meritò est rejicienda. Quia in nulla so-
 lida

lida ratione fundata est: è contrà plurimi vetustissimi ac gravissimi scriptores Gentiles & Christiani, dicta Mercurii, ut Philosophi antiquissimi, & ut indubitata citant. Unde temeritatis non exiguæ species est, tantis contradicere, eosq; ignorantia ac oscitantia tam crasse arguere. Item pari ratione & audaciâ dici posset Iliadem & Odissæam, non esse ab Homero conscriptam, nec illum fuisse in rerum natura; tituloq; falsissimo tribui in Verrem Orationes, Ciceroni: &c. Nesciverit sanè etiam Albertus apud Carthusianum in 1. Distin. 3. q. 3. quis fuerit Trismegistus. Quid tum? Sed præter innumeros, scivit Plato in Philæbo & Phædro: scivit Tertullianus, Clemens, Lactantius, Augustinus, Cyrillus, Cassiodorus, Suidas, aliiq;. Accedit, quod Goropius non videtur sibi constare: nam illo lib. 4. Gallicorum, paginâ 89. dicit. *Verbo Incarnato Mercurii nomen tribuendum est. Postea statim aliud quid asserit, nempe: Mercurius Trismegistus ille est Deus ter Maximus, & trino Capite, sive trinâ Hypostasi, quam Capitis nomine Veteres intelligebant, omnia gubernans. Deum dicit ibidem, paulò post. Concludimus Mercurium nihil aliud esse, quàm Mentem Divinam perfectissimè se contemplantem, à qua, omnis considerationis & intelligentia Perfectio descendit.* Hæc autem, nempe, Verbum Incarnatum, Essentia Divina cum tribus Personalitatibus, Mens Divina: non sunt omnino idem, ut certum ex fide. Tres item Hypostases, seu Personalitates in una Essentia, Gentilibus erant ignotæ. Adde. Darò, non concessò. Auctorem librorum illorum fuisse Anthonem Gentilem Philosophum, ut suspicatur Goropius: Stat adhuc inconcussa vis Argumenti propositi, ut patet.

CAPUT II.

PLATO.

IS, cùm antea ex Avi paterni nomine, Aristoteles vocaretur, quasi latus à latis humeris appellatus est Plato. *Vir ille unus, totius Græciæ facile doctissimus, & intelligendi gravissimus Auctor, & Magister.* Ciceroni lib. de senectute & de Claris Oratoribus. *Sapientia Antistes.* Etus? Plinio lib. 7. hist. Cap. 30. *Columen & sublimis Apex Philosophorum.* Quanto in Arnobio lib. adversus Gentes. *Judiciò plurimorum, quasi quidam De-* pretio ha-

bitus à Deus Philosophorum, & Princeps ingenii ac doctrinæ, habitus. Qui
Gentili- apud Christianos etiam Doctores, magnæ semper fuit Auctoritatis:
bus? nam teste S. Thomâ quæst: 16. de Malo art: 1. *S. Dionysius Areopagi-*
Quin, & à ta, in plurimis, fuit Sæctator sententiæ Platonica: item alii pleriq; Pa-
Patribus? tres. Hic ergo Plato in Dialogo decimo de Legibus, atheismum es-
 se erroneum, ostendit sic.

Ex produ- , [O Amice, facile est veritatem hanc ostendere, quòd
ctione or- , Dii sint. Quo pacto? Primum quidem, terra, Sol, Sidera,
bis, & cons- , ipsumq; Universum, temporum quoq; ornatissima varie-
sensu sum- , tas, annis mensibusq; distincta, id ostendunt. Græcorum
mo omni- , præterea Barbarorumq; omnium consensus, Deos esse fa-
um Genti- , tentium. J Et quidem tantus consensus, ut idem Plato de A-
um probat theis loquens in Dialogo de Legibus, apud Recupitum lib. 1. de
Plato Exis- Existentiâ Dei, quæst: 20. dixerit: [Profecto nullus eorum
stentiam , ab adolescentia usq; ad senectutem in hac opinione, quòd
Dei. , Dii non sint, perseveravit. J Tantus item consensus, ut te-
 ste eodem in Timeo. [Omnes, qui vel tantillum mentis ha-
 , bent, cum aliquid, sive magnum sive parvum aggrediun-
 , tur, Deum semper invocare soleant. J Et in Philebo, seu de
 , summo Bono, ait. [Omnes sapientes consentiunt, Intelle-
 , ctum esse Cœli terræq; Regem. - Utrum dicendum est, U-
 , niversum hoc agi ab irrationali quadam temerariaq; &
 , fortuita potestate, an contra? quemadmodum Majores
 , nostri senserunt, Ordine quodam Mentis & sapientiæ mi-
 , rabilis gubernari, fateri, Mente omnia hæc exornari, sen-
 , tentia quædam conspectu Mundi, solisq; , & Lunæ, cæte-
 , rorumq; Siderum, & omnis deniq; cœlestis circuitûs, di-
 , gna est; nec enim ego de iis, aliter loqui & sentire ausim, J
 alibiq; idem Plato, Opinionem Democriti asserentis, Mundum casu
 fortuito factum, stultam esse dicit. Ut testatur Eusebius lib: 12. de
 Præpa: Evang.

In *Timæo*, Parte secunda, asserit idem *Plato*, Angelos pro-
ductos à Deo; introducit enim Deum loquentem ad Angelos sic. quosq; pro-
f. Dii Deorum, quorum ego Opifex, Paterq; operum, in-
ducti à
solubilia erunt, me scilicet volente. Omne quidem quod Deo.
compactum, hoc & solubile: & quod pulchrè còaptatum
beneq; habet, potest solvi, à malo. Idcirco quoniam nati
estis, non estis immortales, & insolubiles omnibus modis-
Convertamini vos secundùm naturam ad animalia for-
manda, imitantes meam Virtutem, quâ in vestra nativi-
tate usus sum, & in quantum ipsis immortalibus cogno-
mines esse convenit, Dii dicimini. J

Nota. Dum *Plato* plures sæpè nominat Deos, vel nomine De-
orum, præter Deum unicum, intelligit, Cœlestes Spiritus Angelicos,
Dei Ministros: ut constet ex textu immediatè allato: vel loquitur quasi
coactus metu cicutæ, & ad populi gratiam, non ex animi Sententia:
quod ipsum patet ex Epistola ejusdem *Platonis* ad *Dionysium*, in qua
leguntur hæc. f. Notæ meminisse te puto, quam videlicet E-
pistolæ illis appono, quas alicujus ponderis scribo, & quas
nullius. Tu tamen ea, quæ nunc dicam, intellige, & dili-
genter adverte. Multi me rogant, ut ad te aliquid scri-
bam, quos haud facile est vacuos à me prorsus repellere.
Symbolum itaq; tibi hoc est: ut illius Epistolæ, quam se-
riò à me scriptam velim, accipias, dictio hæc, DEUS, sin-
gulari numero sit Principium: levioris autem Epistolæ,
Dii, numero multitudinis. J Et in *Parmenide* atq; *Timæo*, u-
nicum per seipsum, probat esse Deum.

Nomine
Deorum,
quid in-
tellexerit
Plato: &
cur nomē
Deorum,
usurpat?

CAPUT III.

ARISTOTELES.

Hunc, *Plato*; Mentem, Intellectum, & Veritatis Philosophum. Cice-
ro: Philosophorum acutissimum: *Plinius*: Immensa subtilitatis. & Aristote-
lis laus ex
sum-

Platone, summum in omni doctrina Virum. Divus Hieronymus: *Miraculum Nature & Ingenii*. Alii *Nature Secretarium, disciplinarum omnium Oceanum*, appellârunt. Is tantus Philosophus multis rationibus, Atheismum impugnat, Existentiam Dei probando. Prima ejus Ratio pro Existentia Dei, sub conceptu Primi Motoris, desumitur ex motu. [Neceffe est, (inquit ille 8. *Physic: à textu* 34.) Omne quod movetur, ab aliquo moveri, & aut ab eo, quod movetur, ab alio, aut non: & si ab alio quidem quod movetur: necesse est aliquid esse Primum Movens, quod non ab alio.] Hunc Primum Moventem seu Motorem 12. *Metaph. textu* 25. 35. 37. 43. 49. 54. dicit & probat esse substantiam, perpetuam, immobilem, Actum æternum, Primam Causam simpliciter, & quid Perfectissimum ac Unum. [Cum tres sint substantiæ, duæ quidem Naturales, alia autem Immobiles; de hac est dicendum, quòd necesse est perpetuam aliquam & Immobilem substantiam esse. Est aliquid quod non motum movet, quod æternum, & Substantia, & Actus est. In omnibus maximè ipsum, Principium, est bonum. Primum, est Optimum. Movens, Primo motu est Principium, ac Primum Entium. Quod movet, prius est motò, & quod prius Substantiâ est, Substantia sit, necesse est.] Porro enumerata Prædicata simul sumpta, conveniunt Soli Deo. Hæc Ratio, ex motu desumpta, ut concludat efficaciter, intelligenda est juxta dicenda infra in Tractatu 3tio: Capite sexto, in Notato 2do. Sufficiensq; est, ut non solum moveat, sed & permoveat Atheos, ut fateantur Dei Existentiam.

2dò, quia 2da Probatio Existentiæ Dei sub conceptu Entis summè necessarii in existendo, & Puri Actûs, desumitur ab Aristotele ex continuentia rerum Creatarum. [Quod (inquit ille 2. *Metaph: textu* 30.) potentia est, contingit non esse. Oportet igitur esse tale Principium, cujus Substantia, actus sit - Quonamque modo, & A., modo movebuntur (*Entia de potentia ad existere actu*) Si est purus, nulla erit actu Causa?] Hanc Probationem idem Aristoteles, vel

vel quisquis est Auctor librorum Theologiæ secundum Ægyptios, clarius & fufius lib: 3. Cap. 3. proponit sic. [Deum esse hæc Demonstratio inter omnes maximè videtur efficere, quòd nihil in potestate sit, quin aliud antecedit, quod actu existat: alioquin ne ipsa quidem potestas in actum suum deduceretur; cum illa aliud non sit, quàm ad actum quædam facultas; nec possit suâ vi in actum exire. Non enim rationi consentaneum est, aliquid à seipso, tanquam ab Agente existere: præsertim, cum Agens omne, eâ re prius habeatur, quam suâ vi efficit: falsumq; sit, idem seipso, in una & eadem ratione, prius esse ac posterius. Itaq; si potestas (*id est quodcumq; Ens contingens in existendo vel collectio quævis talium entium*) in actum educitur, necesse est Actum quendam Purum existere, quod hic nihil habere possit, à quo in actum excitetur. Ejusmodi verò est Ens necessarium, perpetuum, quod in nullam aliam Substantiam abire ullo modo potest, neq; imminui, neque ullis affectionibus commutari; à quo actiones omnes manant, & cujus nutu, potestas omnis in actum excitatur. Ipsum quoq; Incommutabile, quoniam ab alio procreari non potuit: nihil vero illi accidit, quia suapte Naturâ in actu perpetuo est, eodemq; necessario. Imò idipsum est, quod verè est, vel potius supra id, quod est. Atque idcirco ratio eorum, quæ sunt, ab illo pendet, in eodemq; conservatur, & ad illud revocatur, adeò, ut ne cogitatione quidem fingi possit hoc in aliqua potestate existere, alioqui altero indigeret, cujus vi in actum excitaretur: contrà verò, omnia, quæ ab illo diversa sunt, prius in potestate esse, intelliguntur, quàm in actu, quoniam Principium antecedit id, quod est, sicut & potestas neces-

,sitatem] Et lib: duodecimo ejusdem Theologiæ inquit. [Sicut ,centrum circuli in seipso est, lineæ autem ab eo ductæ ad ,ambitum, ipseq; ambitus cum punctis, in eodem centro ,existunt: Sic quoq; Naturæ omnes, tam quæ ad intelle- ,ctum, quàm quæ ad sensum pertinent, in Agente Primo ,consistunt, & confirmantur, ab eoq; pendent. Siquis verò ,inquirat, quomodo ea, quæ sunt, in Primo Opifice per- ,manere dicantur, dicemus, aliquid in altero permanere, ,uno quidem, ut forma in subjecto, vel contra: altero au- ,tem, ut in Agente: verbigratia: lux in lucente, & radius ,in eo, à quo emanat: & deniq; quodlibet in Essentia sim- ,plex in efficiente.]

3^{ti}o, 3^{tia} Aristotelica Probatio Existentiæ Dei, sub conceptu Causæ
quia da- Primæ 2. Metaph: tex: 6. proponitur sic. [Mediorum, quorum
tur Causa ,extra aliquid ultimum & Primum est, necesse est, quod
Prima. ,prius est. Causam esse eorum, quæ post illud sunt: Si e-
 ,nim dicere nos oportuerit, quid trium causa est. Primum
 ,dicemus: non enim ultimum: nullius enim, quod ulti-
 ,mum est: neq; medium, unius enim. Nihil enim differt,
 ,unum, an plura sint, nec infinita, aut finita. Infinitorum
 ,quidem hoc modo & omnino infiniti omnes partes me-
 ,diæ sunt similiter hucusq;: quare si Primum nihil est, o-
Hæc ter- ,mnino nulla Causa est.] Prædictam Aristotelis Rationem, Pa-
tia ratio ter Antonius Perez, Dispu: 1. de Voluntate Dei, Cap: 6. clariùs pro-
proponi- ponit taliter. [Si nulla est Causa Prima, ut Adversarius con-
tur fusiùs ,tendit. Ergo existit Causa Prima: alioqui omnes Causæ
à Patre ,rei, quæ fit, essent mediæ, id est causantes causatæ: fieret
Perez & ,ergo effectus mediatè per omnes causas medias. Quæ
illustra- ,Consequentia est manifesta. Sicut hæc. Homo percutit
tur. ,mediante baculo. Ergo ab aliquo percutiente cum bacu-
 lo,

,lo, seu medio baculo. At Causa operans mediatè per omnes causas medias, & per totam Actionem mediatam, est Prima, non Media: Causa enim media, non potest operari mediatè per omnes causas medias: ut est ex terminis notum. Ergo ex eo, quòd non existit Causa Prima, sequitur existere Causam Primam.] Similia habet Pater Quirós in suo Cursu Philosophico Disput: 58. Sect: 1. Appono hic & textum alium Aristotelis pro Existencia Dei, 12. Metaph: tex: 56, ubi dicitur. [Præterea si non erunt præter sensibilia (*intellige, Spirituales Substantie, & præsertim primo principalis inter illas*) non erit Principium, Ordo, Generatio, & ipsa Cœlestia]

Quarta Probatio ejusdem Aristotelis est, quòd Corpora Cœlestia sint non à Casu, sed ab aliqua Mente, quæ est Deus. 2. enim Physic. Cap: 6. tex: 44. & 45. dicit. [Sunt autem, qui Mundi hujus aliorum omnium causam, in casum referant; conversio nem enim & motum eum, qui Universum distinxit, & in hunc ordinem redegit, casu esse. Et hoc sanè admiratione maxima dignum est, quòd animalia quidem, & plantas, neq; esse, neq; fieri à fortuna, sed aut Naturam, aut Mentem, aut aliquid aliud tale, causam esse affirmant, propterea, quòd è cujusq; Semine, non quodvis fiat, sed ex tali Olea, ex tali autem homo. Cœlum autem, & ea, quæ inter sensibilia, diviniora sunt, casu effici censeant, taliumque eorum, nullam, qualis plantarum, & animalium est, Causam esse.] 1. verò Metaph: Cap: 4. Illos, qui censuerunt, Causam Mundi, non esse Intellectum aliquem præstantem, dicit, locutos fuisse ut ebrios; Anaxagoram autem, qui censuit, Causam Mundi esse Intellectum, fuisse locutum, ut sobrium. Dicit enim illo Cap: 4. [Quapropter, qui ut in animalibus, ita in Natura, Intellectum, esse Causam Mundi, totiusq; Ordinis dixerat, quasi

4to, quia corpora cœlestia non sunt à casu, sed ab aliquo Intellectu

, Sobrius, comparatus ad Antiquiores, vana dicentes, appa-
 , ruit.] Item idem Aristoteles, ut verba ejus adducit Cicero lib. 2.
 de Natura Deorum, in Persona Lucilii, præclare, hæc scripsit. [Si ef-
 , sent, qui sub terra semper habitavissent, bonis & illustri-
 , bus domiciliis, quæ essent ornata Signis atq; picturis, in-
 , structaq; rebus his omnibus, quibus abundant hi, qui Be-
 , ati putantur, nec tamen exissent unquam supra terram,
 , acceperissent autem famâ & auditione, esse quoddam Nu-
 , men & Vim Deorum: deinde, aliquo tempore patefactis
 , terræ faucibus, ex illis abditis Sedibus evadere in hæc lo-
 , ca, quæ nos incolimus, atq; exire potuissent, aspexissent-
 , que Solem, ejusq; tum magnitudinem, pulchritudinemq;
 , tum etiam efficientiam cognovissent, quod is diem effice-
 , ret, toto Cœlo, luce diffusâ: quum autem terras nox o-
 , pacasset, tum Cælum totum cernerent astris distinctum,
 , & ornatum, Lunæq; luminum varietatem, tum crescen-
 , tis, tum senescentis, eorumq; omnium ortus, & occasus,
 , atq; in omni æternitate ratos, immutabilesq; cursus: Hæc
 , quum viderent, profecto & esse Deos, & hæc tanta ope-
 , ra Deorum esse, arbitrarentur.]

sta Pro- *stam demum Probationem Existentiæ Dei, desumit Aristoteles*
batio de- *ex Consensu omnium: & quod nulla creatura sit sibi sufficiens: nec*
sumitur *obstet, quod non videatur Deus. 12. enim Metaph: tex: 50. ait:*
ex consen- *[Est ab Antiquis, Veteribusq;, fabulæ modo (seu, est res*
su omniū, *passim divulgata: fabula enim à fando dicta) traditum, Po-*
Et quod *sterisq; relictum, & Deos esse, & totam naturam, Divino*
Entia non *Numine contineri - Si quis sumpserit illas primas substan-*
sint sibi *tias Deos esse existimasse, Divinè dictum esse, arbitrabitur.]*
sufficien- *& in lib: de Mundo ad Alexandrum Cap: 6. dicit. [Restat, ut*
tia ad exi- *summatim de Causa differamus, quæ cunctarum ipsa re-*
stere, *rum*

,rum vim habet nutricem & continentem - Vetus igitur
 ,Sermo est, à Majoribusq; proditus inter omnes homines,
 ,Universa, tum ex Deo, tum per Deum constituta esse, at-
 ,que còagmentata, nullamq; Naturam satis instructam ad
 ,salutem esse posse, quæ citra Dei præsidium, suæ demum
 ,ipsa tutelæ permissa sit. - Itaq; ille omnium Princeps Pa-
 ,rensq;, animi tantum sensu spectabilis, simul ac signum
 ,Naturis dedit, inter cælum, terramq; vehementibus, earum
 ,unaquæq;, in orbibus suis jugi motu cietur. - Quum e-
 ,nim ab una Vi Impultrice cieantur omnia, fit utiq;, quòd
 ,cuiq; commodum est, & conveniens. Nec verò, si ea Vis
 ,ipsa, nec cerni ab hominibus, nec apparere potest, quo-
 ,quo pacto, id obstat, aut illi, ad ea, quæ diximus, agen-
 ,da, aut nobis ad fidem hisce rebus accomodandam: nam
 , & Anima ipsa, quâ vivimus, quâ Urbes, quâ domos ha-
 ,bitamus, cum haud quaquam sub aspectum nostrum sita
 ,sit, operibus tamen ipsis videtur, omnisq; vitæ cultus, ni-
 ,torq;, ut ab ea inventus est & descriptus, ita ex ea, teno-
 ,rem suum servat. Proinde hæc etiam de Deo nobis sen-
 ,tienda sunt, illo quidem, si vim spectes, valentissimò; si
 ,decorem, formosissimò; si vitam, Immortali: deniq; si vir-
 ,tutem, præstantissimò. Quapropter cum sit inconspicabi-
 ,lis Naturæ omni interituræ, ipsis nihilo secius Ipse cer-
 ,nitur ab operibus, atq; ea quidem, quæ in àère fiunt, quo-
 ,quo modo affecto, quæ in terra, quæ in aqua, ea certè, Dei
 ,opera esse, meritò dixerimus, Dei inquam, opera, cum
 ,imperio summo, Mundum pro potestate obtinentis. Fa-
 ,ma est Phydiam illum statuarium, cum Minervam illam,
 ,quæ est in Arce, coagmentaret, in medio ejus scuto, fa-
 ,ciem suam expressisse, oculosq; fallenti artificio ita devin-
 xisse

*Nec obest,
 quòd Deo
 non vide-
 tur.*

, xisse simulacro, eximere inde ut ipsam, si quis cuperet,
 , minimè posset aliter quidem certè, quàm ut ipsum solve-
 , ret simulacrum. Opusq; ejusmodi compactile confunde-
 , ret. Hanc igitur eandem rationem Deus habet, in Mun-
 , do, utpote qui universarum còagmentationem cohæren-
 , tem, cohibeat & còarctet, incolumitatemq; Universitatis
 , conservet - Ut verò summatim, jam loquamur, quod in
 , Navi, Gubernator est; quod in curru, Agitator: quod
 , in Choro, Præcentor: quod deniq; Lex in Civitate, &
 , Dux in Exercitu, hoc Deus est in Mundo. J

Unum esse

Deū, pro-

bat Ari-

stoteles :

licet di-

versis no-

minibus

appellatur

Idem Aristoteles in eodem lib: de Mundo. Cap. 7. Deum esse
 Unum, asserit & Probat esse, sic. ¶ Unus porro Deus cum sit,
 pluribus nominibus appellatus est. Vocatur & Fulgura-
 tor, & Altitonans, & Æthereus, & Fulminator & Pluvius-
 quin & Frugipotens, deniq; Servator dicitur, & Assertor.
 Et ut semel omnia complectar. Cœlestis & Terrenus: ab
 omni Natura sorteq; nomen adeptus, utpote qui rerum
 omnium Auctor sit. - Eundemq; Fatum dictum, à serie
 rerum conferta, inoffensoq; tenore procedente. - Et Neme-
 sim, quasi Potestatem divinam ejus quod visum est, cui-
 que distributricem. - Æsan deniq; dictum, quasi semper
 existentem. - Parcas non aliud quidquam, quàm Deum ef-
 se, planum est, ut Eximius Plato censuit. Enimvero De-
 us (ut est vetusto verbo proditum) Principium & finem
 , & media rerum omnium tenens, rectâq; lineâ incedens,
 , operatur ille secundum naturam. J *Metaphysicam suam de*
rebus Divinis, 12. Metaph: tex: ultimo concludit sic. ¶ Entia
 , nolunt malè gubernari. Non est bonum pluralitas Princi-
 , patuum. Unus ergo Princeps. J Ac ob asseritionem Unius Prin-
 cipii Primi, seu Dei ne dainnaretur ab Atheniensibus aufugit Athenis

ut

ut lib: 1. contra Celsum, prope finem, refert Origenes inquitens.
 , [Est memoriæ de Aristotele traditum, cum adversum se,
 , perinde ac impium, futurum esset, ut concitati Judices
 , convenirent, quia dogmata quædam, ejus Philosophiæ in-
 , duxerat, quæ contra Deorum cultum facere, Athenienses
 , existimarent, ex Athenis secedens, Chalcidem se contulit:
 , ubi & diu permansit, quo ex loco familiaribus, & notis
 , scribentibus, cum responderet. Ex Athenis (inquit) re-
 , cessimus, ne causam demus Atheniensibus, secundò scelus
 , committere, quale in Socratem (*qui ideo, ut scripsit Ter-
 tullianus in Apologet: Cap. 13. & S. Justinus, Apol. 1. damnatus,
 quia Deos destruebat, Unitatem confessus*) commiserunt: neve
 , contra Philosophiam iteratò impietatis còarguantur.]
 Lærtius quoq; testatur, Aristotelem, quòd Deorum pluralitatem
 damnaret, accusatum esse ab Eurimedonte.

Neque Dicas. Verba adducta superius in Probatione 4ta, à Ci-
 cerone, non reperiuntur nunc in Libris Aristotelicis. Item, liber de
 Mundo ad Alexandrum, non est Aristotelis, multò minùs libri The-
 ologiæ secundum Ægyptios. Respondetur enim Certum esse, ab A-
 ristotele plurimos conscriptos fuisse libros, prope quadringentos fu-
 isse testatur Lærtius, & Plutarchus: alii numerant ad septingentos
 quadraginta septem: licèt ex tanto numero, qui nunc supersunt, cen-
 tum viginti summam non excedant. Unde, quæ ex Aristotele, adducit
 Cicero, vir planè gravissimus, censendum est, desumpta esse ex aliquo
 illorum librorum: qui nunc interierunt. Porro, nomen Deorum, in
 eo sensu sumit Aristoteles, in quo, suprà Plato. Librum de Mundo,
 Aristoteli tribuunt plurimi & magnæ Auctoritatis Scriptores, ut S.
 Justinus Martyr (qui illum librum, etiam vocat: Compendium Peri-
 pateticæ Philosophiæ) Philoponus, Eugubinus, Picus, Carpentari-
 us, aliq; plures. Quanquam alii asserunt illum librum, esse conscrip-
 ptum à Theophrasto, qui Aristoteli in Scholæ regimine immediatè
 successit, eumq; , cum antea, Tyrtaio, illi nomen esset, ob Divinam
 elocutionem, Aristoteles, Theophrastum, appellavit. Libros 14. de
 Ss Theo-

*Liber de
 Mundo ad
 Alexan-
 dram: &
 libri The-
 ologiæ se-
 cundum
 Ægyptios
 an Aristo-
 telis?*

Theologia, seu, de Mystica Philosophia secundum Ægyptios, esse Aristotelis censet S. Thomas Opusc: 16. Petrus Nicolaus Faventinus, & Franciscus Rubeus Ravennas, qui Anno 1514, Damasci, Arabicè scriptos invenit, nomineq; Aristotelis inscriptos. Aliis videtur, librorum illorum Auctor, aliquis Platonis Auditor fuisse; nam Cap: 5. libri primi leguntur hæc. [Plato igitur olim dedit animæ attributa plura, quorum nos auriti fuimus testes.] Alii demum Opus illud tribuunt Palæphato cuidam Ægyptio, quem asserit Suidas, Ægyptiorum Theologiam scripsisse. Sed quidquid sit de Auctore citatorum librorum: certum est, illorum aliquem, vel aliquos, fuisse auctores Gentiles Philosophos Veteres, insigni doctrinâ conspicuos, ac utrumq; Volumen, si paucos errores ex posteriori deimas, dignos esse, qui tribuantur Aristoteli. Certum item, ex illis Voluminibus desumpta, congruere iis, quæ in Libris indubitatis Aristotelicis continentur. Rationes allatæ in hoc toto Capite ex Aristotele, roborantur magis & illustrantur ex dictis supra in Tractatu tertio Libri primi, & infra in Tractatu 3tio, Capite 6to.

CAPUT IV.

ANNÆUS SENECA.

Quis fuerit Seneca?

An Sane-
ty Paulus
ad eum
scripserit?

Petrus fuit Lucani Pœta, Frater verò germanus L. Junii Gallionis Proconsulis Achaïæ, ad cujus Tribunal à Judæis adductus fuerat S. Paulus; quem scripsisse ad Senecam, & vicissim ab eo accepisse literas, testatur Divus Augustinus Epistola 54. ad Macedonium, & S. Hieronymus lib: de Script: Eccles: aliq; Literæ tamen, quæ circumferuntur Pauli & Senecæ ad invicem, meritò de suppositione suspectæ sunt, nec satis dignæ, gravitate Pauli ac Senecæ: fuit vitæ continentissimæ, Stoicorum acutissimus, ac primarius avi sui Philosophus, & Neronis per quinquennium Præceptor: quo etiam toto tempore, laudabiliter Imperii habenas, tenuit Nero, rexit Seneca: triennio post, ante martyrium S. Pauli, interemptus ab eodem Nerone. Atheisimi fuisse hostem acerrimum declarant hæc. Lib. 4to de Beneficiis, Cap: 5to. 6to. & 7mo. Scribit sic. [Non dat Deus numerat, , beneficia. Unde ergo ista, quæ possides? quæ das? Quæ

, negas? quæ servas? quæ rapis? unde hæc innumerabilia, *quanta beneficia*
 , oculos, aures, & animum mulcentia? Unde illa, luxuri- *Deus ho-*
 , am quoq; instruens copia? Neq; enim necessitatibus tan- *minibus*
 , tummodo provisum est, usq; in delicias amamur. Tot ar- *præstat.*
 , busta, non uno modo frugiferæ, tot herbæ salutares, tot
 , varietates ciborum, per totum annum digestæ, ut inert
 , quoq; fortuita terræ alimenta præberent. Jam animalia
 , omnis generis, alia in sicco, solidoq; alia in humido in-
 , nascentia, alia per sublimè dimissa, ut omnis rerum na-
 , turæ pars tributum aliquod nobis conferret. Flumina hæc
 , amænissimis flexibus campos cingentia, illa præbitura
 , commerciis viam, vasto & navigabili cursu vadentia: ex
 , quibus quædam, statis diebus, mirabile incrementum tra-
 , hunt, & anhela & ferventi subjecta cælo loca, subita vis
 , æstivi torrentis irriget. Quid medicatorum torrentium
 , venæ? quid in ipsis littoribus aquarum calentium exun-
 , datio? - Si pauca quis tibi donasset jugera, accepisse te di-
 , ceres beneficium: immensa terrarum latè patentium spa-
 , tia, negas non esse beneficium? Si pecuniam tibi aliquis
 , donaverit, & arcam tuam (quoniam id tibi magnum vi-
 , detur) impleverit, beneficium vocabis. Tot metalla de-
 , fodit, flumina emisit in æra, super quæ decurrunt sola au-
 , rum vehentia, argenti, æris, ferri, immane pondus, omni-
 , bus locis obrutum, cujus investigandi tibi facultatem de-
 , dit, ac latentium divitiarum, in summa terra, signa dispo-
 , suit: negas te accepisse beneficium? Si domus tibi done-
 , tur, in qua marmoris aliquid resplendeat, & nitidius au-
 , rô, aut coloribus sparsa, num mediocre munus vocabis?
 , ingens tibi domicilium, sine ullo incendii aut ruinæ me-
 , tu struxit, in quo vides, non tenues crustas, & ipsa, quæ
 , fecan-

,secantur laminâ graciliores, sed integras lapidis pretiosif-
 ,simi moles, sed totas variæ distinctæq; materiæ, cujus tu
 ,parvula frustra miraris; tectum verò aliter nocte, aliter in-
 ,terdiu fulgens; negas te ullum munus accepisse? Et cum
 ,ista, quæ habes, magno æstimes, quod est ingrati hominis
 ,nulla debere te judicas? Unde tibi istum, quem trahis
 ,spiritum? unde istam, per quam actus vitæ tuæ disponis
 ,atq; ordinas lucem? unde sanguinem, cujus cursu vitalis
 ,continetur calor? unde ista, palatum tuum, Saporibus ex-
 ,quisitis ultra satietatem laceffentia? unde hæc irritamen-
 ,ta jam lassæ voluptatis? unde ista quies, in qua putre-
 ,scis, ac marces? Nonne si gratus es, dices?

,Deus nobis hæc otia fecit.

,Namq; erit ille mihi semper Deus, illius Aram

,Sæpè tener nostris ab ovilibus, imbuet agnus.

,Ille meas errare boves, ut cernis, & ipsum

,Ludere quæ vellem, calamô permisit agresti.

,Ille Deus est, non qui paucas boves, sed qui per totum
 ,Orbem, armenta dimisit, qui gregibus ubiq; passim va-
 ,cantibus, pabulum præstat, qui pascua hibernis æstiva sub-
 ,stituit, qui non calamô tantum cantare & agreste atque
 ,inconditum carmen ad aliquam tantum oblectationem
 ,modulari docuit, sed tot artes, tot vocum varietates, tot
 ,sonos, alios Spiritu nostro, alios externo cantus edituros
 ,commentus est. Neq; enim nostra ista, quæ invenimus,
 ,dixeris, non magis, quàm quòd crescimus: quàm, quòd
 ,ad constitutum tempus, sua corpori officia respondent.
 ,Nunc puerilium dentium lapsus, nunc ad surgentem jam
 ,ætatem, & robustiorem gradum transeuntem pubertas,
 ,& ultimus ille dies fugienti vitæ terminum ponens. In-
 sita

, sita sunt nobis omnium ætatum omnium artium semi-
na, Magisterq; ex occulto Deus producit ingenia- *Natura Deus est,*
ra inquit hæc mihi præstat. Non intelligiste, cum hoc di- *qui hæc*
cis, mutare nomen Deo. Quid enim aliud est Natura, *confert.*
quàm Deus & divina Ratio, toti Mundo & partibus ejus
, inserta?] Vide plura de eadem materia differentem Senecam su-
prà in Libri primi. Tractatu imo Cap: 4. sub nona Propositione.

Idem Seneca in Libro de Divina Providentia, dicit: [Su- *Cælum, A-*
, pervacuum est in præsentia ostendere, non sine aliquo *stra, non*
, Custode, tantum opus stare, nec hunc siderum certum *sunt casu*
, discursum, fortuiti impetûs esse, & quæ casus incitat, sæ- *producta,*
, pè turbari, & citò arietare; hanc inoffensam velocitatem *nec casu*
, procedere æternæ Legis imperio; tantum rerum terrâ *volvuntur.*
, mariq; gestantem, tantum clarissimorum luminum ex
, dispositione lucentium, non esse materiæ errantis hunc
, ordinem, neque quæ temerè coierunt, tanta arte, pendere;
, ut terrarum gravissimum pondus sedeat immotum, &
, circa se, properantis Cœli fugam spectet, insuper ut in-
, fusa vallibus maria, molliant terras: nec ullum incremen-
, tum fluminum sentiant, ut ex minimis seminibus, na-
, scantur ingentia.]

In Præfatione Lib. 1. Naturalium Quaestionum ait. [Quid *Quid est*
, est Deus? Mens Universi. Quid est Deus? Quod vides to- *Deus jux-*
, tum, & quod non vides totum. Sic demum magnitudo sua *ta Sene-*
, illi redditur, quâ nihil excogitari majus potest. Si solus *cam?*
, est omnia, opus suum & extra & intra tenet. Quid ergo
, interest inter Naturam Dei, & nostram? Nostri melior
, pars, animus est; in illo nulla pars extra animum. Totus
, Ratio est, cum interim talis error mortalia teneat, ut hoc,
, quô neq; formosius est quidquam, nec dispositius, nec in

, proposito constantius, existiment homines fortuitum & casu volubile - Dementia est ita sentire.]

Epistola verò 148. Spiritus Cœlestes, & summum Spiritum, quos nomine Deorum appellat, probat esse ex communi sensu omnium: dicit enim. [Deos esse, inter alia sic colligimus, quòd omnibus de Diis opinio insita est, nec ulla Gens usquam est, adeo extra leges, moresq; projecta, ut non aliquos Deos credat. Cùm de animarum æternitate differimus, non leve momentum apud nos habet, consensus hominum, aut timentium inferos, aut colentium.]

CAPUT V.

EPICTETUS.

Epictetus, quanto in pretio habitus apud Gentiles? Stoicæ Sectæ Philosophus, apud Gentiles ob suæ doctrinæ & integritatis vitæ præstantiam, existimationis & famæ ingentis. Hieropoli (est Urbs Phrygiæ, non longè à Laodicea sita) natus: Servivit Romæ Epaphrodito cuidam Neronis familiari: commoratus Romæ usq; ad tempora Marci Antonini, Domitianò autem imperante, vel offensus ejus Tyrannide, vel còactus ob senatûs consultum de pellendis Urbe Philosophis, Româ Hieropolim commigravit. De illo, Lib: 6to contra Celsum Origenes scribit. *Epictetus in*

Origenis judicium de Epicteto.

quorumvis manibus est, qui ejus ex scriptis, non mediocriter possunt proficere, admirationiq; his est, qui ejusdem ex dictis, non parum sentiunt meliores se redditos. Arrianus (Fuit is duobus Imperatoribus Antoninis, Pio & Philosopho apprime charus, ab iisq; ad Consulatum etiam evectus) Epicteti erat Auditor, scripsitq; Commentariorum de Epicteti Disputationibus, libros quatuor, referendo tanti Philosophi sententias, doctrinas, sermones, quorum partem aliquam, ad comprobandam Dei Existentiam, ejusq; Providentiam, hic appono. Uti nam ex attenta lectione horum, Athei, sanæ restituantur menti, fideles verò, præduce Gratiâ Divinâ, sentiant meliores se redditos.

Epictetus

Imprimis Lib. 1. Cap. 6. leguntur hæc. [Ex singulis, quæ in

in Mundo fiunt, rebus, Providentia laudari facile potest, *exponit*
 si cui duo hæc insunt: unum, facultas naturam cujusq; rei *singularia*
 perspicendi: alterum, gratus animus: nam alioqui, vel u- *Existen-*
 tilitates multiplices rerum conditarum non intelliget, vel *tia Dei,*
 gratiam pro iis non habebit. Si colores fecisset Deus, vim *ejusq; Pro-*
 autem eorum contemplatricem non fecisset, quænam ef- *videntia,*
 set rerum utilitas? Nulla penitus. Quid verò si utrumq; *documen-*
 sic fecisset, lucem autem non fecisset? Ne sic quidem ul- *ta.*
 la esset ejus utilitas. Quis ergo est, qui hoc cum illo, &
 illud cum hoc còagmentârit? Quis est, qui gladio vagi-
 nam aptavit, & vaginæ gladium? Nemóne? Atqui ex i-
 psa rerum perfectarum structura pronunciare solemus
 omnino Artificis alicujus eas esse opus. Itane hæc singu-
 la Artificem suum demonstrant, res autem aspectabiles,
 & aspectus & lux non demonstrant? -- At hæc quidem
 eum demonstrant. Talis autem ratio cogitationis, ut non
 simpliciter rerum sensibilibum formæ nobis imprimantur,
 sed ea vi prædita, ut etiam inde aliquid colligamus, & ab-
 strahamus, ut sensu perceptis rebus, aliquid adjungamus,
 & quædam per eas componamus, atq; adeo transeamus
 ab aliis ad alia hisce finitima: ne hæc quidem permovere
 queunt aliquos, eoq; verecundiæ adigere, ne Artificem
 deferant? Explicent ergo nobis, quid illud sit, quod hæc
 singula peragat: aut qui fieri possit, ut res tam mirabiles
 & artificiosæ temerè ac fortuito exstiterint. Quid ergo?
 in nobis solis hæc evenient? multa quidem in nobis so-
 lis, quæ præcipuè necessaria fuerunt compoti rationis ani-
 manti: sed & multa reperies nobis communia cum brut-
 tis. Nunquid ergo illa, res, quæ fiunt, intelligunt? Ne-
 quaquam, aliud enim est rei usus, aliud intellectus: ac il-
 la

la Deus sic instruenda censuit, ut visa sequerentur, nos
 , verò ut rerum usum intelligeremus. Itaq; satis illis est,
 , edere, bibere, quiescere, procreare, aliæq; cujusq; illorum
 , functiones, nobis autem, quibus intelligendi quoq; vim, il-
Homo cur , le tribuit, non item hæc sufficiunt, nisi enim ritè & ordi-
productus? , ne, & naturæ cujusq; rei, ac rationi convenienter egeri-
 , mus, nequaquam nostro fine potiemur. Hominem in vi-
 , tam introduxit Deus, ut spectatorem tum sui, tum ope-
 , rum suorum: nec spectatorem duntaxat eorum, sed &
 , explicatorem. Quare homini turpe est, inde & auspicari,
 , & ibi desinere, ubi brutæ animantes: imò potius inde qui-
 , dem auspicandum est, sed ibi desinendum, ubi & natura
 , in nobis desit, desit autem in contemplatione atq; intel-
 , ligentia, & totius vitæ ratione, naturæ convenienti: Pro-
 , inde videte, ne spectaculi hujus expertes, moriamini.]

*Deus om-
 , nia intue-
 tur.*

Idem Epictetus apud Arrianum lib. 1. Cap. 14. & 16. dicit.
 , [Sol tantam Universi partem illustrare potest, exiguam
 , illam relinquens luminis expertem, quam umbra terræ
 , occupat; qui autem Solem ipsum, & fecit & circumdu-
 , xit, parvam suorum operum partem, si cum Universo
 , conferatur, is verò non potest animadvertere omnia? At
 , ego, inquit, nequeo hæc omnia simul assequi. Quis ve-
 , rò istud tibi dicit te parem cum Jovē habere potentiam?
 , Nihilominus tamen etiam Procuratorem unicuiq; addi-
Unicuiq; , dit Genium cujusq;, eumq; illi custodiendum tradidit &
additus est , talem quidem, qui nec dormit, nec decipitur-- Cum i-
Genius. , gitur fores clauseritis & conclave tenebrosū effeceritis,
 , cavete, ne unquam dicatis, vos esse solos: neq; enim estis,
Animan- , sed Deus intus est, vester Genius intus est --- Nolite mi-
tia, cur, , rari, cur aliis animantibus, ea, quæ ad corpus pertinent,
 adeo

, adeo in promptu sint, non cibus modò & potus, sed & *que ad*
 , cubilia: non requirunt calceamenta, non stramenta, non *corpo per-*
 , vestem, nobis autem hæc omnia sint necessaria. Quæ e- *tinēt, ha-*
 , nim non sua causa, sed ad ministerium nata erant, ea *bent in*
 , non expediebat, ita esse facta, ut aliis rebus indigerent. *promptu*
 , Nam illud vide, cujusmodi foret, si curari nos oporteret
 , non modò nos ipsi, sed oves etiam, & asini, quomodo in-
 , duendi essent, quomodo calceandi, quo pacto esuri, quo
 , bibituri. Nunc brutæ animantes ita expeditæ sunt, ut mi-
 , lites Imperatoris, calceati, induti, armati; quàm verò Tri-
 , buno, grave esset, circumire, ut suos millenarios calcea-
 , ret, aut indueret! ita Natura etiam ea, quæ ministerii cau-
 , sâ, creata sunt, expedita fecit, instructa, nullam amplius
 , curationem postulantia. Sic unus parvus puellus vel pe-
 , dō propellit oves. Nos verò his de rebus, Deo gratias a-
 , deo non agimus, ut quod eandem illis curam, quam no-
 , bis ipsis non impendimus, propter nosmetipsos Deum ac-
 , cusemus. Atqui Deum Immortalem! satis esset vel una
 , rerum creatarum, verecundo quidem homini & grato, ad
 , Providentiæ sensum percipiendum. Neq; verò mihi ma-
 , gna nunc proferto. Istiuc ipsum duntaxat, ut ex herba,
 , lac nascatur, & è lacte caseus, è cute lana. Quis est, qui
 , ista fecerit, aut excogitârît? Nemo inquit. O magnam
 , impudentiam & stuporem! Age, omissis Naturæ operi-
 , bus, ea quæ illis obiter accedunt, contemplemur. Nunquid
 , inutilius est pilis, qui mento enascuntur? quid ergo?
 , nonne iis etiam maximo cum decore usa est? nonne per
 , eos, marem & fœminam discrevit? nonne statim eminus
 , cujusque nostrûm Natura clamat. Vir sum, sic ad me
 , accedito, sic colloquere mecum, nihil aliud require, ecce

*Pili, quare
in mento
marium e-
nascuntur?*

Deo refe-
rēda gra-
tia pro be-
neficiis.

Signa in promptu sunt? Rursus in mulieribus quemad-
modum ipsi voci mollius quiddam immiscuit, sic & pi-
los istos illis ademit. - Nonne & inter fodiendum & a-
randum & edendum, hymnus hic cantandus erat Deo.
Magnus est Deus, qui nobis instrumenta præbuerit hæc,
quibus terram excolamus. Magnus est Deus, qui manus
dederit, qui deglutiendi vim, qui ventrem, qui effecerit,
ut latenter crescamus, ut dormientes respiremus. Hæc
singulis in rebus cantanda erant, & hymnus maximus ac
divinissimus resonandus, quòd facultatem dederit harum
rerum intelligentem, & utendi ratione instructam - Quid
possum aliud Senex, claudus, nisi celebrare Deum? quod si
lusciniæ essem, lusciniæ officiò fungerer; si olor, oloris.
Nunc rationis cum particeps sim, Deus mihi celebrandus
est: hoc meum munus est, hoc exequor: neq; stationem
hanc deferam, quoad licuerit, & vos ad eandem hanc
cantilenam exhortor.]

Aureus E-
picteti sē-
sus.

Idem Gentilis Epictetus in Enchiridio suo, Cap. 15. ait.
[Nunquam te quidquam perdidisse dicito, sed reddidisse.
Filiolus obiit? redditus est. Prædium est ereptum? an
non id quoq; est redditum? At improbus est, qui eripu-
it? Quid id tuâ refert, per quem is, qui dederat Deus,
abs te repetierit? sed quamdiu concesserit, tanquam alie-
num id curato, ut cauponam Viator.] Et Cap. 23. [Acto-
rem esse fabulæ talis, qualis Deo Magistro probata fue-
rit, te memento, si brevis, brevis; si longa, longa; si men-
dicum agere te voluerit, fac eam quoq; personam inge-
niosè repræsentantes; ita si claudum, si Principem, si plebe-
ium. Hoc enim tuum est, datam Personam bene effin-
gere; eam autem eligere, alterius, scilicet, Dei.]

CAPUT VI.

GALENUS.

Vir (teste Sancto Hieronymo lib: 2. adversus Jovinianum) doctis- *Galenus*
 simus. Excellentissimus Trajani & Antonini Imperatorum Me- *quis ?*
 dicus, & præclarus sua ætate Philosophus, ac longævus, Vixit e-
 nim annis 140. Ex mirabili structura corporis humani, & animalium
 etiam exiguorum: Item ex multitudine finium ejusdem fabricæ
 corporis, colligit dari Opificem Sapientissimum, nec id fieri posse
 casu. Libro enim 17. de Usu partium, Cap: 1. leguntur apud ipsum hæc.
 , [Certè mihi subit viros illos admirari, qui naturam ajunt *Summum*
 , arte carere; si statuarios quidem laudant, cum partes dex- *artificium*
 , tras, sinistis æquales omnino fecerint. Naturam autem *relucet in*
 , non laudant, quæ præter partium æqualitatem, actiones *structura*
 , etiam exhibuit, ac præterea statim, ut animal fuit geni- *hominis*
 , tum, usum earum, ipsum edocuit. An Polycletum quidem *& aliorum*
 , jure admirabimur, propter partium statuæ, quæ Canon, *animan-*
 , id est Regula, fuit appellata, convenientiam ac proporti- *tium, et-*
 , onem. Naturam autem nonmodò non laudabimus, sed *am exiguo*
 , omni etiam arte privabimus, quæ partium proportionem *orum.*
 , non solùm extrinsecus, more statuariorum, sed in profun-
 , do etiam servavit? Nonne & Polycletus ipse, Naturæ est
 , imitator, in quibus saltem eam potuit imitari, potuit au-
 , tem in solis externis partibus, in quibus artem considera-
 , vit, ab iis quæ maximè sunt in promptu auspicatus, qua-
 , rum manus una est instrumentum homini maximè pro-
 , prium, quinque habens digitos, in latos ungves desinen-
 , tes, in unoquoq; ipsorum tres articulos, ac motus, quot *Demens*
 , & quales libro 10mo, exposui; quæ omnia plena sunt sum- *est, qui in-*
 , mi artificii. - Quis igitur adeo est demens, aut Operum *de non in-*
 , Naturæ inimicus, qui non ex cute statim, & iis quæ pri- *telligit*
 mum

Deum Opificem. , mùm occurrunt, artem Opificis intelligat? Quis non statim animo concepit Mentem quandam esse, quæ vim habeat admirabilem, quæq; terras omnes pervadens, in omnes ejus partes extendatur? Ubiq; certè animalia procreari videas, quæ constructionem habent admirabilem: neq; enim existimes in solo homine tantam inesse artem, quantam sermo superior explicuit: sed quodcunq; aliud animal dissecare velis, parem in eo artem Opificis, ac Sapientiam reperiēs: & quanto ipsum minus fuerit, tantò tibi majorem admirationem excitabit; quod declarant Opifices, cùm in corporibus parvis, aliquid insculpunt: cujus generis est, quod nuper quidam in annulo, Phæthonta, quatuor equis injectum sculpsit- quanquam horum quidquam opus, crure pulicis præstantius non habebat. Nam præterquam, quòd ars, toti cruri pulicis inest, dum ipsa vivit, alitur, atq; augetur; major adhuc alia quædam esse videtur artis ejus, qui pulicem condidit vis, atq; Sapientia, quæ ipsam nullo labore formet, nutriat & augeat. Cùm igitur ars tanta in tam abjectis animalibus appareat, quæ dixerit aliquis, accessionis vice, ab Opifice esse facta; quantam ejus Vim ac Sapientiam, in præstantioribus inesse putabimus? J Et in fine ejusdem Lib. 17mi ait. ¶ Quis conspiciatus in tanta carniū ac Succorum colluvie, scilicet corpore humano, Mentem tamen habitare: conspiciatus item est cujusvis animalis constructionem, omnia enim declarant Opificis Sapientiam, Mentis quæ Cælo inest (non per informationem, sed per assistentiam) excellentiam intelliget: tum Opus de partium utilitate, quod prius exiguum sibi esse videbatur, perfectissimæ Theologiæ (id est scientia, cognoscendi Deum) verum principium constituit.

,stituet, quæ Theologia multò est major, atq; præstantior,
, totâ medicinâ. J

Libro verò 3tio de usu partium Corporis humani, Cap: 10, inquit.

,[Insanus revera is fuerit, qui præterquam quòd ejusmodi
, non admiratur Naturæ opera, etiam insimulare audeat. -
, At verò si de hujusmodi pecudibus (*intellige Epicuro, e-*

jusq; affectis, qui omnia ex fortuita congerie atomorum facta es- Epicurei,
se blaterabant) plura verba fecero, melioris mentis ho- quia om-
, mines, meritò mihi fortè succenseant, dicantq;, me pol- nia in ca-
, luere Sacrum Sermonem, quem ego Conditoris nostri ve- sum refe-
, rum Hymnum compono; existimoq; in hoc, veram esse runt, pecu-
, pietatem, non si taurorum hecatombas, & plurimas, fa- des sunt.

, crificaverim, & casias, aliaq; sexcenta odora-
, gventa suffumigaverim: sed si noverim ipse primus, de-
, inde & aliis exposuerim, quanam sit ipsius Sapiencia,
, quæ Virtus, quæ Bonitas. Quod enim cultu conveniente
, exornare omnia, nihilq; suis beneficiis privatum esse vo-
, luerit id perfectissimæ Bonitatis specimen esse statuo: &
, hac quidem ratione, ejus Bonitas, hymnis est nobis cele-
, branda; hoc autem omne invenisse, quo pacto, omnia
, potissimum adornarentur, summæ Sapienciæ est; effecisse
, autem omnino, quæ voluit, Virtutis est invictæ, ac insu-
, perabilis. J

Demum, ut alia prætermittam in Libro de Fœtuum formatione Cap: 6.

scribit ita. [Illud manifestè præferre mihi videtur effor-

, matio corporis animalium, summum scilicet Opificis, qui

, nos condidit artificium, quòd nemo, qui modo, æquò ju-

, diciò rem perpendat, referre in temerariam fortunam po-

, test. Nam cùm in animalis corpore multò plures muscu-

, li sint, quàm trecenti, qui voluntariâ motione membra

*In produ-
ctione re-
rum, relu-
cet Dei
perfectis-
sima Boni-
tas, sum-
ma Sapi-
entia, &
invicta
Virtus.*

*Hominis
structura
quàm per-
fecta!*

*Quotnam
in illa mus-
sculi?*

, agitant; unusquisq; ex ipsis, & formam, & magnitudinem, & caput, & finem, & Situm, & insertionem, admodum convenientem habet, nervusq; ac vena, & arteria, ita apte inseritur, ut horum congrua ad musculum magnitudo, locusq; servetur, atq; ex tam multis, nihil invenitur, quod reprehendi vel minimum possit; id, quod in Libris, de Usu partium, demonstratum est. Verumtamen si trecentarum particularum structura spectetur, quarum singulæ, decem Scopos, ac fines habeant, eosq; feliciter assequantur, ad trium millium numerum omnes evadent; & nondum tamen dixi id, quod maxime mirandum in horum fabrica est: æquales prorsus esse in sinistris partibus, musculos, iis, qui in dextris sunt: arteriis item arterias, venis venas, ac nervis nervos, ut tria millia finium dupli-

*Quot os-
sa?*

*Quanta
multitudo
finium?*

canda jam sint. Idem est in ossibus, quæ ducenta sunt, & amplius: quorum item singulorum fines, decem cum sint, longè plures, quàm duo millia efficiuntur, & duplicati, quatuor millia, & amplius evadunt. Eadem ars in visceribus omnibus, & demum omnibus partibus spectari potest: ut si quis fines uniuscujusq; fabricæ numerare velit, numerus omnium, summam perfectionem assecutorum,

*Omnia
hæc à Sa-
pientissi-
mo & Po-
tentissimo
effecta O-
pifce.*

, in myriadas, non chiliadas, hoc est, non in millia, sed in dena millia redigatur. Quos ego nequaquam, ut dixi, nisi à Sapientissimo ac Potentissimo Opifce factos esse, crediderim. Hoc habeo, quod de Causa animalium formatrice asserere posse, existimem, quod summa in ea, ars, summaq; Sapiencia inest. J Hucusq; Galenus.

Quis porro is esset Opifex, & quænam Causa primò principalis sit formatrix animalium, dubius hærebat, hoc loco, Galenus: inclinabatq; in opinionem quorundam Platonicorum, docentium, Ani-
mam

nam, quæ per totum Orbem diffusa est, foetus formare: tamen aliis in locis, præsertim in libris de Ufu partium, ut constat etiam ex allegatis hic ejus textibus, primariò id Deo attribuit. Ac meritò: nam Anima Mundi, figmentum purum est: Semini autem, vel formis brutorum, vel alicui Enti materiali, summam attribuere Sapientiam, summæ est insipientiæ.

CAPUT VII.

SEXTUS EMPYRICUS & PLOTINUS.

Empyricus, Philosophus Ethnicus, Plutarchi Nepos, Marci Antonini Imperatoris amicus, floruit circa annum Christi Centesimum quadragesimum. In Examine suo physiciæ scientiæ Cap. imo. cum aliis Antiquioribus, quos refert, impugnat Atheismum, sic.

¶ Si quispiam sedens supra Trojanam Idam, vidisset Græcorum exercitum decenter & ordinatè in campis procedere, Equites quidem primùm cum equis & curribus, deinde retro, pedites: ei omnino venisset in mentem, quòd sit aliquis, qui regit, & moderatur, & militibus, qui ab ipso reguntur, eum ordinem servare imperat, nempe Nestor, aut aliquis alius ex Heroibus, qui scit & equos regere, & homines scutiferos: & quomodo, qui est navis peritus, cum primùm conspexit navem, quæ secundò ventò fertur, & velis benè est instructa, intelligit esse aliquem, qui eam regit, & ad portus deducit propositos. Ita, qui primùm, cælum suspexerunt, & contemplati quidem sunt Solem, ab Oriente usq; ad Occidentem, cursum suum veluti in stadio conficientem, stellarum autem quasdam ordine procedentes choreas: inquirebant Opificem pulcherrimæ hujus ordinationis, eam conjectantes casu non accidere, sed à quadam Potente

*Quis Em-
pyricus?*

*Ex consi-
deratione
cæli, Solis,
Astrorum
suiq; ipsius
facile de-
ducitur
homo, in
cognitio-
nem Dei:
illustra-
turq; hoc
ipsum va-
riis pari-
tibus.*

,tente Natura, & inquam non cadit interitus, quæ quidem est Deus -- Quomodo, cum conspexerimus pulchrum aliquod & affabrè factum Opus, desideramus ejus scire artificem, utpote quòd materia sit per se immobilis: ita universorum materiam moveri contemplantes, esseq; & formatam & ornatam, jure, causam, quæ eam movet, variisque eam formis exornat, esse concludimus. Deniq;, num si videris effigiem pulchrè & affabrè factam, dubitaveris an Mens hoc effecerit Artifex, an nec te tenueris, quominus tale quid suspiceris, adeo ut admireris operis & artis excellentiam? Num ergo externam hujus videns figuram, ferstestimonium ei, qui condidit, & dicis esse aliquem Opificem? In te autem videns imaginem, quæ tam variis modis cuivis antecellit, imagini, & picturæ, an casu eam existimas esse factam, & non ab Opifice, qui præstantem vim habet, & Sapientiam? J

*Plotinus
quis?*

Plotinus, (teste Marsilio Ficino lib. de Religione Christiana Cap. 12, & Macrobio) *Platoniorum Interpretum, & Philosophiæ Princeps*, in quo (ex communi Philosophorum & Divi Augustini lib. 3. Acad. sensu) Plato videtur revixisse. Multorum Romanorum Senatorum & Porphyrii, in Philosophicis, Magister: Galieno Imperatori, ejusq; uxori Salominæ percharus: natione Ægyptius, Lycopoli enim in Ægypti Civitate natus: asserit & probat dari Primum Ens, seu Deum, à quo omnis res & omne pulchrum accipit suum esse. Item probat, quòd Deus, sit Unus, cum sit Ens se solo sibi sufficiens, nec indigus locò. Enneade enim 4ta lib. 7. Cap. 9. scripsit hæc.

Is probat , s Ommino necesse est, alteram quandam esse Naturam, præter corpora, quæ esse habeat ex seipsa - Non omnia peregrinâ utuntur vitâ, alioqui in infinitum progress-

gressio fiet: sed oportet Naturam quandam existere Pri-
 ,mò Viventem, quam Incorruptibilem, Immortalemq; es-
 ,se, necessarium est, utpote quæ aliis sit vitæ principium.
 ,Hoc sanè in gradu, omne Divinum atq; beatum oportet
 ,consistere, ex seipso vivens, atq; existens, primò exi-
 ,stens, primoq; vivens, mutationis secundum Essentiam
 ,expers, neq; oriens neq; occidens - Hoc itaq; Primum
 ,Ens, semperq; Ens, non decet vitâ carere, instar lapidis,
 ,aut ligni, sed oportet esse Vivens, purâq; vitâ frui.] Et
 Enneade 2. lib. 9. Cap. 16. ait. [Ille animò erit prorsus igna-
 ,vò, neq; ad aliquid unquam aliud incitabitur, quisquis
 ,videns cuncta in hoc Mundo præclara spectacula, abso-
 ,lutumq; ordinem, ex perfecta mensurarum proportionem
 ,compositum, ac speciem in stellis, quamvis longè remo-
 ,tis mirificè resplendentem, hinc non admiratione inten-
 ,tissima contempletur & colat, qualia videlicet, à quali
 ,proficiscantur admirans: alioqui neq; hoc consideravit,
 ,neq; illa cognovit.] Enneade item 6. lib. 9. Cap: 4. 6. & 7. dicit.
 ,[Omne pulchrum, & Deò est posterius, & à Deo: quem-
 ,admodum diurnum omne lumen à sole. - Potest aliquis
 ,per id, quòd Deus, seipso sufficiens appellatur, summam
 ,Dei Unitatem nihilominus comprobare; oportet enim
 ,summum rerum Principium, nullo modo indignum es-
 ,se, sed sufficientissimum omnium, maximèq; seipso con-
 ,tentum: Quidquid autem non Unum est, sed multum,
 ,necessariò est egenum. Quippe cùm ipsum quidem non
 ,sit unum, sed ex multis, unum evadat, itaque ejus essen-
 ,tia indiget, unum fieri: at ipsum Unum, seipso non in-
 ,diget, ipsum namq; jam existit-- Locus item huic est
 ,nullus, nullo enim indiget fundamentò, quasi se sustine-

Hocq; Ens
 à se, est u-
 num, nec
 indiget
 locò.

re non possit: nam quod in alio fundandum est, vitâ
 vacuum judicatur, molesq; labans, nisi fortè sustineatur,
 stabiliuntur & alia propter ipsum, per quem & simul
 exstiterunt, & locum sortita sunt, ubi ex ordine loca-
 rentur: quod autem quærit locum, proculdubio est ege-
 num: at verò Principium his, quæ sequuntur, minimè
 indiget. Itaq; Principium omnium, prorsus indiget nul-
 lis. -- Merito Deum, quem fugiunt (*Athei*) apprehen-
 dere nequeunt, & qui seipsos jam perdiderunt, alium
 indagare non valent. Atqui & filius furore quodam ex-
 tra se positus, non agnoscet Patrem: qui verò seipsum
 didicerit, etiam unde sit, jure cognoscet.]

Cur qui-
 dā negant
 Deum?

Gentilibus Philosophis appono Philonem, qui licet tempore
 prior sit Galenō, Empyricō, & Plotinō, tamen Religione propior
 fuit Patribus.

CAPUT VIII.

PHILO.

*Philo, quāto in pre-
 tio habi-
 tus à Pa-
 tribus.
 Et à Gen-
 tilibus.*

H Ebræorum Plato: illum enim, teste Sancto Hieronymo Epi-
 stola 84. ad Magnum Oratorem Romanorum. *Vel alterum,
 vel secundum Judæum Platonem, Critici pronuntiant.* Juxta Sanctum
 Augustinum lib. 12. contra Faustum, Cap: 2. *Vir liberaliter eruditus-
 simus, unus eorum, cujus eloquium, Græci, Platoni æquare, non dubi-
 tant. Qui (ut scribit Eusebius lib. 2. Hystor: Eccles:) non nostro-
 rum hominum solum, sed etiam Gentilium, qui humanitatis ac poli-
 tioris literaturæ elegantia excellabant, facile principem locum obtinuit.*
Omnibus suæ memoriæ & ætatis Viris antecelluisse predicatur. Primus
 divinarum Scripturarum Veteris Testamenti Expōitor. Natione
 fuit Alexandrinus, inter suos primarius: fuit enim germanus fra-
 ter Tiberii Alexandri Alaibarchæ (sic in Ægypto, Judæorum sum-
 mus Magistratus appellabatur) cui, Romæ, inter Consulares Ve-
 spasia-

spasiani Amicos, Statua fuit erecta: ad Cajum Caligulam Imperatorem legatione pro Gente sua functus etiam est. Hic, inquam, alter Plato, lib: i. de Monarchia, non procul ab initio, redarguit Atheos, taliter.

[An sit Deus, quòd negat quorundam pessima impietas, non magnò discitur negotiò, Opifices plerumque noscuntur ex opificiis: quis enim inspectâ statuâ, vel tabulâ, non statim intelligit pictorem, vel statuarium? Quis vestibus, navibus, domibus, inspectis, non cogitat Textorem, Materiarium, Cæmentarium? Item dum aliquis adit Urbem, cujus benè constituta sit Respublica, ornataque pulchris legibus, quid aliud crederet, quàm bonos ei Magistratus præesse? Sic qui venit in hanc veram Megalopolim (*id est magnam Urbem*) Mundum, videlicet, videns terræ montana, & campestria, plena stirpibus & animalibus, omnibus perennibus & torrentibus, pabulis, & maritimis subvectionibus, tum aëris temperiem & mutationem vicesque annuas temporum; ad hæc, Solem, Lunamq; noctis & Diei Principes, cæteraque sidera, vel fixa vel erratica, totiusq; Cæli choreas & ambages: nonne veri similem atque adeo necessariam cogitationem de horum Patre Conditore, atque Rectore concipiet? Nullum enim artificiosum opus sponte provenit. Mundus autem arte summa factus est, dubiò procul à Conditore optimo ac perfectissimo. Ita jam, esse Deum, percepimus.]

Libro autem de somnijs leguntur hæc. [Credendum est, sicut in curru, aurigam; aut in navi, Gubernatorem; ita in rebus omnibus, superstare eum, qui præest Corporibus, Animabus, Animantibus, Mentibus, Angelis,

, cunctis, quæ, terrâ vel àère, vel cœlo continentur, Naturis, tum visibilibus, tum invisibilibus, totum enim Mundum ex se pendentem regit.]

Gentilibus Philosophis, & Hebræorum Platoni succedant jam decem Patres, Eruditione, Sapientiâ, imò pleriq; & Sanctitate, præstantissimi, Everfores Atheismi.



LIBRI SECVNDI

PRO DEO CONTRA ATHEOS.

TRACTATUS TERTIVS.

SAPIENTISSIMORUM DUODECIM PATRUM, ET THEOLOGO-
RUM VALIDA REFERUNTUR ARGUMENTA EVERSIVA
Atheismi.

IN Superiori 2do Tractatu, Gentiles octo Philosophos, & Philo-
nem, Hebræorum Platonem, adversus Atheos victoriosè decer-
tantes, spectavimus: nunc juxta ordinem temporis, quò florue-
runt (si excipias tantum Divum Chrysostomum, ob rationem
infra dandam) duodecim Patres, omnigenæ Eruditionis ac Sapientiæ
Proceres inducuntur: scilicet, S. Athanasius, S. Nazianzenus, S. Augu-
stinus, S. Prosper, S. Damascenus, S. Bernardus, Richardus, S. Ed-
mundus, S. Thomas, S. Bonaventura, Subtilis Scotus, & S. Chrysosto-
mus. Quibus hi armis ac telis impetant & prosternant Atheos, li-
beat nunc intueri. Porro Divus Chrysostomus, licet tempore præ-
cessit S. Damascenum, quin & S. Augustinum, (floruit enim circa An-
num 390) tamen in Tractatus hujus 3tii, imò ferè & totius hujus
Voluminis Conclusionem, post alios Patres ac Doctores inducitur, non
tam ex eo, quia nervosè ac eloquentissimè, more suo, multa comple-
ctitur, verbis suis infra apponendis: quàm, quòd illa ejus verba, Spi-
ritus Dei fervore plena, plurimum convenientia sentiam, ad confir-
mandos Fideles in sua certissima sententia de Dei Existencia, nec
non ad permovendos Atheos, ut à suo errore nefando recedant: quod
utrumque, non tantum hujus Tractatus 3tii, verum etiam totius Vo-
luminis conscripti præcipuus est finis. Jam sit

*Nomina
duodecim
Patrum &
Theologo-
rum re-
censentur.*

*Cur Divus
Chrysosto-
mus in fi-
ne Tracta-
tus hujus in-
ducitur?*

CAPUT I.

S. ATHANASIUS MAGNUS.

Divi
Athanasii
Encomi-
um.

Magni Antonii Discipulus, Archiepiscopus Alexandrinus, qui per quadraginta sex Annos, magnis persecutionum, calumniarumque procellis, ab Arianis, imò toto ferè Oriente, agitatus, semper Victor evasit: quem Constans Imperator Occidentis, & Orthodoxi, summè coluerunt: de quo Sanctus Nazianzenus in Oratione de laudibus Sancti Athanasii, & in Oratione, quam in laudem Heronis, aut verius Maximi, Philosophi composuit, habet hæc. *Athanasius, virtutes omnes complexu suo tenebat: ex Patriarchis, Prophetis, & Christi Discipulis, alios æquavit, ab aliis parvò intervallò superatus est, nonnullos etiam antecessit. Vita, sublimis: Forma, Angelicus; Anima, magis Angelicus. Oculis Orbis: Fidei Columen: Christi Lucerna: Secundus Precursor. Magna veritatis Tuba. Sonum hujus Tubæ, in Oratione contra Idola, audiant Athei.*

Enumera-
tione va-
riorum o-
perum &
additis
plerisq; il-
lustratio-
nibus, pro-
bat San-
ctus Do-
ctor exi-
stere De-
um,

[Homini est facultas, ex illis quæ apparent; Dei cognitionem addiscere, rerum Natura, veluti literis, per Ordinem & Harmoniam, Dominum suum Condito remq; in dicante, & altissima voce protestante. Bonus enim cùm sit Deus, & hominum amans, curatorque Animarum, quas condidit, sed tamen invisibilis, & incomprehensibilis natura, & altior omnibus rebus creatis, ut homo in eo colu- gnoscendo frustra laboraret, eò, quòd ipse ex non Ente ad essentiam prodierit, Ille autem creatus non sit; ideo re- rum naturam ita ratione instruxit, ut quamvis per natu- ram sit invisibilis, ex operibus tamen cognosci potest. Sæ- pè enim ex operibus cognoscitur Artifex, etiam si in ocu- lis non sit; quemadmodum referunt de statuaria Phidia, quem sua opera ex commensione & proportionem partium, inter se, etiam absentem, extraq; contuitum, positum re- præsentarint. Ita quoq; ex Mundi Ordine, ejus Opifex &

Con-

, Conditor Deus intelligendus est, tametsi corporeis oculis
, spectari nequeat. - Quis enim cœlestem Ambitum, cur-
, sum solis & Lunæ, aliarumque stellarum situs, rationesq;
, actas in Orbem, contrarias quidem & diversas, sed tamen
, in diversitate illa, æqualiter ordinem suum servantes, cer-
, nens, non secum ratiocinetur, illa non à se ipsis creata es-
, se, sed alium esse earum rerum Condito rem, Gubernato-
, remque? Quis item Solem conspiciens, diurno tempore
, exorientem, Lunam verò noctu apparentem & occiden-
, tem indemutabili lege pro certo numero dierum, incre-
, menta & decrementa sumere, ex sideribus alia discurre-
, re, ac multipliciter cursus suos variare, alia verò citra va-
, gationem, certò modò procedere, non animo colligat,
, omnino esse aliquem Opificem, qui ista gubernet? Quis
, item cernens contrarias inter se naturas, còaptatas tamen
, esse, & concordem harmoniam tenere; veluti quis videns
, ignem, frigidum; & siccum, humido commixtum esse, at-
, que hæc sibi invicem non resistere, sed unum quasi ex u-
, no corpus absolvere, non secum cogitet, foris & seorsim
, esse Eum ab istis, qui ista ad hunc modum conjunxit?
, Quis oculis vicissim animadvertens, Hyemem conceden-
, tem Veri, Ver æstati, Æstatem Autumno, eaq; inter se con-
, traria, cùm aliud in frigidet, aliud fervefaciat, aliud fove-
, at, aliud corumpat, omnia tamen ista æqualem, innoxii-
, umq; usum hominibus conficere, non consideret esse ali-
, quem istis præstantiorem, qui omnibus æqualitatem præ-
, beat, omniaq; gubernat? quanquam sub oculos nostros
, non veniat. Quis spectans in aère nubes fieri, & in nubi-
, bus pondus aquarum colligatum, non cognitionem con-
, cipiat de eo, qui eas res colligavit, cujusq; jussu hæc om-
nia

,mnia fiunt: aut quis considerans ipsam terram, naturâ gra-
,vissimam, in aqua stabiliri, immotamq; consistere in re
,suapte naturâ agitabili, non secum expendat, esse aliquem,
,qui hæc ita disposuerit & fecerit, Deum? Quis rursus vi-
,dens suis temporibus, terræ sæcunditatem ac pluvias cœ-
,lestes, amnium affluxus, fontium scaturigines, animalium
,ex diversis sexibus foetum, eaq; non semper, sed certis
,temporum vicibus, fieri. In summa, quis animadverso,
,in dissimilibus contrariisq; parem similemq; ordinem ex
,illis conflare, non animo ratiocinetur, unam esse Vim Po-
,tentiamq;, quæ ista dispenset & gubernet? pro cuius ar-
,bitrio, omnia ita ritè in eo statu perseverant, ipsa enim
,per se nunquam vel constiterint, vel apparuerint, ob mu-
,tuam, quæ in eis est, discordiam naturæ. Aqua enim per
,se gravis est, & deorsum fluit: Nubes contrà leves, & ex
,eo numero rerum, quæ agiles sunt, sursumq; feruntur:
,nihilominus tamen, aquam cernimus, quæ ponderosior
,est, in nubibus per aërem circumferri: ac rursus terram
,omnium gravissimam esse, rursus verò aquam, hac levi-
,orem, tamen gravius à leviori portari, nec subsidere, sed
,terram immobilem consistere. Masculus item non idem
,est, quod fœmina, tamen in unum conciliantur, unaq; ab
,ambobus similis animantis procreatio conficitur. Et ut
,compendio dicam, frigidum calido infestum est, humidum
,siccò repugnat, ob id tamen postquam convenerint, nihi-
,lo magis inter se se seditionibus laborant, sed ex concor-
,dia, unum corpus & rerum omnium procreationem con-
,stituunt. Non igitur pugnantia & contraria, ex ipsa na-
,tura in unum coalescerent, nisi præstantior aliquis esset,
,& Dominus, qui ea conjungeret, cui & ipsa elementa

,tanquam servi obsequentes cedunt, & obtemperant - Qua-
lis, quæso, Mundus esset, si Sol tantummodò appareret, aut
,Luna duntaxat circumferretur, aut nox sola, aut dies per-
,petuus existeret? qualis rursus harmonia, si tantummo-
,dò cœlum sit finè ullis stellis, aut stellæ finè cœlo? quid
,utile, si solum mare in rerum natura inveniretur, aut
,terra finè aquis, aliisq; naturæ partibus jaceret? Quomo-
,do aut homo, aut ullum in terris animal prodiisset, ele-
,mentis inter se seditione sævientibus, & uno duntaxat præ-
,dominante, neq; tamen eo ipso ad corporis constitutio-
,nem satis efficaci? Non enim ex solis calidis, aut ex so-
,lis frigidis, aut solis humidis, aut siccis omnino aliquid
,componitur; ita enim omnia omnino incompressa, inor-
,dinataq; essent: sed neq; hoc ipsum, quod prædominatu-
,rum cæteris videretur, consistere per se, sine aliorum ad-
,miniculo posset: siquidem ideo omnia etiam nunc consi-
,stunt, quia non inordinatio, sed ordo est in omnibus, ne-
,que disconvenientia, sed convenientia, neq; rudis indige-
,stio, sed mundus, qui nihil aliud est, nisi congruens un-
,decunq; dispositio. Necessum est igitur reputare, atque
,cognoscere eum Dominum, qui ista in unum còëgit, &
,concentum istum, congruentiamq; injunxit, qui tametsi
,oculis non conspiciatur, ab ordine tamen, congruentiaq;
,rerum dissidentium, intelligere eum possumus, istorum
,omnium Principem, Ducem, & Regem esse. Ut enim si
,videas Civitatem ex multis, variisq; hominibus constan-
,tem, parvis, magnis, opulentis, pauperibus, senibus, ju-
,nioribus, maribus, fœminis, bono ordine rectâq; discipli-
,nâ coli, eosq; qui ibi degunt, tametsi diversos inter se, ani-
,mô tamen consentire, neq; opulentiores contra pauperes,

Dei Unitas probatur.

, neq; magnos, contra parvos, neq; juvenes contra senes, insurgere, sed omnes æqualitate juris, pacem tueri. Si hæc, inspiciamus, fieri nequit, quin in mentem veniat, Principis ibi præsentia hanc concordiam foveri, tametsi ille in, conspectum non prodeat, cum immodestia, pro signo habeatur, sine capite Rempublicam esse: Ordo autem contra, Principis curam, moderationemq; demonstrat. Ut enim cum in corpore, membrorum inter se congruentiam, videmus, neq; oculos cum auribus pugnare, neq; manus, contra pedes, seditionem movere, sed unumquodq; proprium perficit negotium absq; seditione; prorsus ex illo, ipso intelligimus, esse animam in corpore, quæ ista, ad, istum modum temperet, ac regat: etiamsi illa, oculis non, pateat; ita quoq; Universitatis istius ordine & harmonia, necesse est, ut animadvertamus, omnium istorum Principem, esse Deum, eumq; Unum, & non plures. Nam ille dispositionis ordo, & rerum omnium consentiens harmonia, non multos, sed unum sibi Ducem, Principemq; esse, declarat. Quemadmodum, sicut Musicus, ubi lyram, adaptaverit, & gravia acutis, & media, extremis, ex arte, sua conjunxerit, certum, designatumq; melos absolvit. Ita quoq; Dei illa Sapientia, rerum universitatem, ut lyram, tenens, & æra terrenis copulans, & cœlestia àëreis, univ ersaq; cum singulis còaptans, circumagensq; nutu suo, ac Voluntate unum Mundum, Mundi; unum ordinem absolvit rectè & congruenter, ipse quidem invisibilis perseverans. - Homines stolidi, repudiata Dei cognitione & pietate, res, quæ non sunt, rebus, quæ sunt, anteposuerunt, & pro vero Deo, ea, quæ nulla essent, Deos statuerunt, creaturæ potius quàm Creatori servientes, remq; & stultam

, tam & impiam designantes: non aliter, quàm si quis, opera, præ Opifice admiretur, & ad monumenta in civitate, obstupeſcat, conditorem eorum pedibus conculcet. Aut, veluti, si qui, musicum instrumentum laudibus extollant, Concinnatorem, Auctoremq; ejus rejiciant, stolidi nimirum, & magnopere oculis capti. Quomodo enim ullâ ratione cognoverint aliter, aut navem, aut domum, aut cytharam, si non faber navalis, qui operam adhibeat, aut Architectus, qui ædificet, aut Musicus, qui concinnet, & componat? ut igitur qui hæc considerant, furunt, imò, omnem furorem transcendunt, ita mihi sani esse non videntur, qui Deum ignorant, & Verbum ejus non colunt.] Hucusq; Sanctus Athanasius, de quo Divus Nazianzenus scribit: *Erat percutientibus adamas, dissidentibus Magnes.* Utinam his validis rationibus ab hoc Sancto allatis, ad agnitionem Dei, ferrei attrahantur Athei.

CAPUT II.

S. GREGORIUS NAZIANZENUS.

IS primùm Saffimorum, deinde Nazianzenus Episcopus, de quo Sanctus Hieronymus Lib: de Scriptor: Eccles: ait. *Vir eloquentissimus Præceptor meus Gregorius, quò Scripturas explanante didici.* S. Damascenus in Epistola ad Cosinum. *Magnus, inquit, in Theologia Gregorius. S. Batilio, Studiorum comes Athenis, eiq; amicissimus. Cujus* (teste Ruffino) *neq; vitâ aliquid sanctius: neq; eloquentiâ clarius & illustrius: neq; fide purius & rectius: neq; scientiâ plenius & perfectius, inveniri potest. Sol Orientis* (ut dicit Card: Baronius in Notis Martyrol:) *occasum nesciens: Sacer Vertex Orientalis Ecclesie, Cujus* (inquit S. Thomas, 1. p. q. 61. art. 3.) *tanta est in doctrina Christiana Auctoritas, ut nullus unquam ejus dictis, calumniam inferre præsumpserit.* Calumniaberisne ejus, Athee, Rationes, quibus Existentiam Dei propugnat? Audi illas, desumptas ex Oratione 1da sive lib. 2do de Theologia.

Quàm Eximig Doctor Divg Nazianzenus!

Oculi & , [Deum (*inquit*) esse, eundemq; omnium effectricem, con-
Natura , servatricemque esse causam, & oculi & naturæ lex, nos
lex quali- , docent. Illi quidem, dum ad ea, quæ his videri possunt,
ter docent , convertimur, & omnia pulchrè compacta, pulchrius pro-
dari Deū: , gredi, ac ut sic dicam, sine erroris motu moveri, ferrique,
multis id , miramur. Hæc verò, dum per ea, quæ oculis sunt expo-
modis de- , sita, eoq; ordine composita, Principem eorum Auctorem,
clarat Sā- , & velut Architectum, ratiocinando colligimus. Alioqui
Etus Do- , quibus fundamentis hæc rerum Universitas, vel subsiste-
etor. , ret, vel constaret, nisi essentiam cuiq; suam suppeditaret,
 , suppeditatamq; conservaret Deus? Et profecto, ut, qui
 , bellè fabricatam cytharam, ejusq; concinnitatem, com-
 , positionemq; miratur, aut concentum audit, nihil aliud,
 , quàm ipsius cytharæ vel artificem vel moderatorem cy-
 , tharædum, animo concipit, eoq; tota cogitatione conver-
 , titur, etiamsi oculis eum fortasse non cernat; ita & nobis,
 , se ipsum prodit illud, quod & facit omnia, & facta mo-
 , vet atq; conservat: cùm interim quid illud tandem sit,
 , mentis nostræ angustiiis nequeat comprehendere. Quid est,
 , quod cælestia hæc pariter & terrena, pulcherrimo ordine
 , concinnavit, & quæcunq; vel in àère, vel aquis degunt,
 , imò quæ his sunt antiquiora, cælum, terram, & aquæ na-
 , turam? Quis hæc sic inter se & temperavit, & secrevit,
 , quæve horum mutua communicatio, cognatio, conspira-
 , tioq;? est, (*scilicet, Oppianus Cilix Pòeta Græcus Gentilis, An-*
tonino Imperatori percharus) cujus hæc sunt voces. Quid
 , est, quod hæc movet, & progressu perpetuo, & nunquam
 , interquiescente vertigine circumagit? an non horum Ar-
 , tifex? Is, qui singulis rationem, & modum indidit secun-
 , dùm quem, hæc rerum, universitas se ipsa librans constabi-
 bili-

, bilitur? Tum quis ille Artifex? an non, qui hæc fabrica-
 , vit, & ut sic essent, produxit? neq; enim fortuitis casibus
 , tantum facultatis est tribuendum, ut nullo fabricante, tan-
 , tam molem ultro extitisse assentiamus. Sed ut demus,
 , casum esse, quòd Mundus factus est. Age, pulcherrimus
 , hic rerum ordo, cujus erit? quin potius, ut & hoc, casui
 , tribuamus, illud quæro, cujus sit hæc tueri, & velut inter
 , certarum legum præscripta, juxta quas instituta primùm
 , sunt omnia continere, alteriusne, an & hoc casus? alte-
 , rius profecto, quod casu multò sit superius. Hoc autem
 , quid tandem est, si non Deus est? & adhuc modum,
 , ratio, quæ à Deo proficiscitur nobis innata, & prima ho-
 , mini lex, cunctis indita, per eorum, quæ oculis cerni pos-
 , sunt considerationem, velut quandam semitam, ad Deum
 , nos reduxit. Proinde alio initio denuo sumpto, sic dici-
 , mus. Deus, quid tandem in sua Natura & Essentia sit?
 , (*Intellige perfectè & omnimodè*) hoc hominum nemo in-
 , venit unquam: sed quod sit, hoc nemo non invenerit.]

Oratione verò 4ta, sive libro 4to, de Theologia dicit. [Tres
 , de Deo sunt præcipuæ opiniones; quarum prima, nullum
 , Deum, nullum Dei Imperium: alia, Deos multos, & cui-
 , que suum Imperium: Tertia unum solùm, ejusq; unicum
 , Imperium statuit. Duabus prioribus, luserunt Græci, at-
 , que adeo ad Satietatem usque ludant: siquidem ubi nul-
 , lum est Imperium, ubi nullus ordo: ubi multorum domi-
 , nium, ibi seditio: ut & sic nullum Imperium, nullus or-
 , do existat]

CAPUT III.

SANCTUS AUGUSTINUS.

Divi **D**E hoc Sancto, Cassiodorus, Consul olim Romanus, libro de Institutut: Divin. liter: cap. 22do scripsit: *Doctor eximius Beatissimus Augustinus, Debellator hereticorum: Defensor fidelium, & famosorum Palma certaminum.* A Sancto Paulino, aliisq; , meritò appellatur: *Magister Theologia: Doctor Doctorum: Eruditorum Sanctissimus, & Sanctorum eruditissimus.* Eum Sanctus Damianus, Sermone de Sancto Stephano, rectissimè nominat: *Lingvam Ecclesie.* Divus verò Bernardus, Serm. 80. in Cantica. *Validissimum hereticorum malleum.* quàm validè conterat hic malleus, etiam Atheos, audiatur.

Dei Exi- *Enarr: in Psalmum 73. ait. ¶ Dicitur mihi, ubi est De-*
stentia, , us tuus? & quia non possum ostendere Deum meum, quasi
cur non , inane sequar, insultatur mihi. Quid faciam talibus? Osten-
neganda, , dam, quod non vident, non possum. Non enim propter
et si non , illos, Deus, visibilis debet fieri. Videat, qui potest, credat,
videatur , qui non potest, esse Deum, & , si videt, qui potest, num-
oculis cor- , quid oculis videt? intellectu videt, corde videt. Non vi-
poreis. , deo, inquit, quid crediturus sum? Anima enim tua vide-
 , tur? ut opinor; stulte, corpus tuum videtur. Animam tu-
 , am quis videt? cùm ergo corpus tuum solum videatur,
 , quare non sepeliris? Miratur, quia dixi: si corpus tantum
 , videtur, quare non sepeliris? & respondet: Sapit enim ad-
 , huc: quia vivo: unde scio, quia vivis, cujus Animam non
 , video? unde scio? Respondebis: quia loquor, quia ambu-
 , lo, quia operor. Stulte, ex operibus corporis, agnosco vi-
 , ventem. Ex operibus creaturæ, non potes agnoscere Cre-
 , atorem? J

Philosophi *Sermone 143. ¶ Vobis insinuavimus, Sapientes Genti-*
Gentiles , um, quos Philosophos dicunt, ipsi, qui in eis excellentis-
 , simi

, simi fuerunt, scrutatos fuisse naturam, & de operibus Ar-
 tificem cognovisse. Prophetas non audierunt, legem Dei
 non acceperunt, sed Deus quodam modo silens, ipsius Mun-
 di operibus loquebatur: eos ad quærendum Artificem re-
 rum, Mundi species invitabat: Nec potuerunt in animum
 inducere, cœlum & terram, sine auctore constare-- In-
 terroga pulchritudinem terræ; interroga pulchritudinem
 maris, interroga pulchritudinem dilatati & diffusi aëris,
 interroga pulchritudinem cœli, interroga ordinem sive
 rum, interroga Solem, fulgore suo diem clarificantem; in-
 terroga Lunam, splendore subsequens noctis tenebras,
 temperantem; interroga animalia, quæ moventur in aquis,
 quæ morantur in terris, quæ volitant in aëre, latentes ani-
 mas, perspicua corpora, visibilia regenda, invisibiles re-
 gentes, interroga ista. Respondent tibi omnia: Ecce vide,
 pulchra sumus. Pulchritudo eorum, confessio eorum est:
 Ista mutabilia, quis fecit? nisi Incommutabilis Pulcher. J
 Vide ex eodem S. Doctore supra plura, lib. 1. Tract. 3. sub Argu-
 mento 25. & 26. ac alibi.

CAPUT IV.

S. PROSPER. S. DAMASCENUS.

Divus Prosper Aquitanus, S. Leonis Magni quondam Notarius,
 Episcopus Rhégiensis, adversus Pelagianos acerrimus Fidei &
 Divi Augustini præclarus Defensor: is in libro 2do de Vocatione Genti-
 um cap. 4. in paginis Elementorum, legendam Atheis exhibet DEI
 existentiam, inquit. [Cœlum ac terra & mare, omnisq; cre-
 atura, quæ videri atq; intelligi potest, ad hanc præcipuè
 disposita est humani generis utilitatem, ut Natura ratio-
 nalis de contemplatione tot specierum, de experimentis

*S. Prosper,
 in paginis
 Elemento-
 rum legē-
 dum exhibet
 tot*

bet Athe- , tot bonorum, de perceptione tot munerum, ad cultum &
 istestimo- , dilectionem, sui imbueretur Auctoris, implente omnia Spi-
 nium de , ritu DEI, in quo vivimus, movemur & sumus. -- Et qui-
 Existencia , dem ut dicit S. Paulus, non sine testimonio reliquit semet-
 Dei, , ipsum DEUS, bene faciens de cœlo, dans pluvias, & tem-
 , pora fructifera, implens cibô & lætitiâ corda vestra. Quod
 , est autem hoc testimonium, quod semper Domino deser-
 , vit, & nunquam de ejus bonitate ac potestate conticuit?
 , nisi ipsa totius Mundi inenarrabilis pulchritudo, & inenar-
 , rabilium beneficiorum ejus dives & ordinata largitio, per
 , quæ humanis cordibus, quædam æternæ Legis tabulæ præ-
 , bebantur, ut in paginis Elementorum, ac Voluminibus
 , temporum, communis & publica Divinæ Institutionis
 , Doctrina legeretur Cœlum ergo, cunctaq; cœlestia, ma-
 , re & terra, omniaq; quæ in eis sunt, consono speciei suæ,
 , ordinationisq; concentu, protestabantur gloriam DEI, &
 , prædicatione perpetua, Majestatem sui loquebantur Aucto-
 , ris. J Hæc S. Prosper.

Quis S.
 Damasce-
 nus?

S. Joannes, natione Damascenus, cognomento autem Chryso-
 & Mansur, à Paulo Diacono appellatur etiam, Manzurim, & Sarace-
 nicus. Vir (ut ait Suidas) eloquentissimus, nec ulli eorum, qui ipsi-
 us tempestate, doctrinæ Laude præcipuâ claruerunt, secundus: in-
 gni etiam Sanctitate conspicuus: qui primus circa annum 740, The-
 ologiam universam recto ordine comprehendit in suis quatuor libris
 de Fide Orthodoxa, eumq; imitati sunt Magister Sententiarum, ac
 Doctores Scholastici. Quem Joannes Jerosolymitanus Patriarcha, de-
 scribens ejus vitam, appellat: *Veritatis Ducem, insipientes sapientiâ in-
 struentem*. Atheos insipientes, qualiter, libro 1mo de Fide Orthodo-
 xa cap. 3tio instruat, audiatur.

Cuncta , [Omnia, quæ in rerum natura sunt, aut creata sunt, aut
 que vidē- , increata. Si creata: utiq; & mutationi obnoxia? quorum
 enim

, enim natura à mutatione initium duxit, ea quoq; mutati-^{tur, sunt}
 , oni subsint, necesse est: utpote quæ, vel intereant, vel vo-^{mutabi-}
 , luntate atq; animi institutò commutentur. Si autem incre-^{lia; proina}
 , ata; sequitur profectò, ut mutari nequeant. Quorum ^{de ab ali-}
 , enim Essentia inter se contraria est, eadem quoq; essen-^{quo im-}
 , tiæ modo ac ratione, hoc est, quantum ad proprietates at-^{mutabili}
 , tinet, inter se pugnant. Ecquid ergo nobis non assentia-^{et incre-}
 , tur, omnia quæ sunt, non solùm, quæ sub sensum nostrum ^{ato Ente,}
 , cadunt, sed Angelos etiam ipsos mutari & alterari, variò-^{producta.}
 , que ac multiplici modò moveri atq; immutari? sic nimi-
 , rum, ut ea quidem quæ animò intelliguntur, hoc est An-
 , geli, Animæ, & dæmones, voluntatis ratione atq; & pro-
 , gressionis in bono, & rursus abscissionis à bono, se se vel
 , intendentis, vel remittentis, reliqua verò quantum ad ge-
 , nerationem & corruptionem, augmentum item & decre-
 , mentum, mutationemq; eam, quæ qualitate contrahitur,
 , ac denique localem motum, immutentur. Quocirca quæ
 , mutabilia sunt, sanè etiam creata sunt. Quæ autem creata
 , sunt, dubium non est, quin à quopiam condita sint. Con-
 , ditorem porro increatum esse necesse est: nam si ipse quo-
 , que creatus est, à quonam profectò creatus est: idque tan-
 , tisper locum habebit, quò ad aliquid minimè creatum per-
 , venerimus. Increatus ergo omnino est Summus ille Opi-
 , fex, atq; immutabilis: hoc autem quid tandem aliud esse
 , queat, quàm Deus? Jam verò ipsa rerum conditarum
 , compages, & conservatio atq; gubernatio Deum esse, qui
 , universam hanc rerum molem còagmentavit, atque tu-
 , eatur, atque conservet, eique perpetuò prospiciat, nos do-
 , cet. Qui enim, quæso, fieri potuisset, ut ignis & aqua, àér, ^{Compages}
 , & terra, hoc est pugnantes inter se naturæ, ad unius Mun-^{ex diver-}

sis natu- , di ornatum, numeris omnibus absolvendum simul cõirent,
ris conser- , adeoq; tenaci nexu cohæreant, ut nulla ratione dissolvi
vatio & , possint? nisi omnipotens vis aliqua, hæc & conciliasset, &
guberna- , ita semper tueretur, ut disjungi ac dissolvi nullo modo
tio Mun- , queant? Quis ea, quæ in cælis, & quæ in terra, quæ in àère,
di, indi- , & quæ in aquis degunt, imò etiam quæ his priora sunt, cæ-
cant esse , lum, ac terram & aérem, ignis etiam & aquæ naturam cer-
Deum. , to ordine collocavit? Quis hæc junxit & separavit? Quis
 , motum his attulit? Quis hæc perpetuò & nulla re impe-
 , dito cursu versat? An non eorum Artifex & Fabricator?
 , Quiq; omnibus rebus rationem, modumque imposuit, quò
 , Universum hoc volvitur ac gubernatur? jam quis horum
 , Artifex? Nonne is, qui ea procreavit, atq; in ortum pro-
 , duxit? Nec enim casui ac fortunæ talem vim facultatem-
 , que tribuamus. Sit enim sanè casûs ac fortunæ, quòd ex-
 , stiterint: cujus tandem erit, ea, suo ordine collocasse? Ve-
 , rum illud quoq; si lubet, concedamus: cui tandem eorum
 , juxta eas, quibus primùm condita sunt rationes, conser-
 , vationem atq; custodiam adscribemus? alteri nimirum,
 , quàm fortunæ. Hoc verò ecquid aliud esse queat, quàm
 Deus?]

Item in historia Barläam cap. 17. idem Sanctus Damasce-
nus ait: [Si navis, sine Gubernatore non potest subsistere,
Recensens , sed mōx submergitur: & domus modica sine Provisore:
tur ea, ex , Mundus quomodo constat tanto tempore, creatura sic
quib9 de- , magna, sic bona, & mirabilis, sine gloriosa quadam, ac
claratur , magnifica atq; mirabili gubernatione & Sapientissima Pro-
Dei Virt9 , videntia? Ecce enim cœlum, quantum tempus habet? &
 , non denigratum est: terræ virtus non est lassata ex tanto
 , tempore: fontes non defierunt fluere, ex quo facti sunt:
 mare,

, mare, tot & tanta suscipiens flumina, non supergreditur
, mensuram. Cursus Solis & Lunæ, non mutantur: ordines
, diei & noctis non pervertuntur. Ex omnibus istis, inef-
, fabilis Dei Virtus & magnificentia, nobis declaratur]

CAPUT V.

S. BERNARDUS, RICHARDUS, S. EDMUNDUS.

Divus Bernardus, Clarevallensis Primus Abbas: Mellifluus Ecclesiæ
Doctor, & ob miraculorum multitudinem, sublimitatem scientiæ,
zelum Gloriæ Divinæ propagandæ ardentissimum, suavitatemque fa-
cundia, per universum Orbem celebratissimus: facile notitiam DEI
haberi posse, declarat, dum Sermone 31. super Cantica, dicit.

*S. Bernardus docet,
unde facili
lis notitia
Dei haberi
possit?*

, [Tanta hæc formarum Varietas atq; numerositas spe-
, cierum in rebus conditis, quid nisi quidam sunt Radii Dei-
, tatis, monstrantes quidem, quia verè sit, à quo sunt, non
, tamen quid sit prorsus definientes. Itaq; de ipso vides, sed
, non ipsum: cùm autem de eo, quem non vides, cætera vides,
, scis indubitanter existere; quem oportet inquirere, ut in-
, quirentem non fraudet gratia: negligentem ignorantia
, non excuset: verum hoc genus videndi, commune, in prom-
, ptu enim est, juxta Apostolum omni utenti ratione: Invisi-
, bilia DEI per ea, quæ facta sunt, intellecta conspicere.]

Item in die Pentecostes Sermone 3tio [Tria (*inquit*) in ma-
, gno hujus Mundi opere cogitare debemus; videlicet, quid
, sit, quomodo sit, ad quid sit constitutus. Et in esse quidem re-
, rum inæstimabilis potentia commendatur, quòd tam mul-
, ta, tam magna, tam multipliciter, tam magnificè sunt cre-
, ata. Sanè in modo ipso Sapientia singularis elucet: quòd hæc
, quidem sursum, hæc verò deorsum, hæc in medio ordinatiffi-
, mè sint locata. Si verò ad quid factus sis, mediteris; occur-
, rit tam utilis benignitas, tam benigna utilitas, quæ etiam in-

, gratissimos quosq; multitudine & magnitudine beneficio-
 , rum possit obruere. Potentissimè siquidem ex nihilo omnia,
 , sapientissimè pulchra, benignissimè utilia sunt creata.]
Hec Divus Bernardus.

*Richardus
 à S. Victo-
 re, probat
 esse ali-
 quod Ens
 à semet-
 ipso: seu
 Ens im-
 productū
 & summū
 à quo sunt
 omnia.*

Richardus de S. Victore, Divo Bernardo amicissimus, in scriptu-
 ris divinis & altioribus scientiis insigniter exercitatus, victoriosè Lib:
 imo de Trinitate cap. 8. 10. & 12. contra Atheos decertat sic,

, [Ex illo esse, quod non est ab æterno, nec à semetipso,
 , ratiocinando colligitur & illud esse, quod est à semetipso,
 , & eo quidem etiam ab æterno. Nam si nihil à semetipso
 , fuisset, non esset omnino, unde ea existere potuissent, quæ
 , suum esse à semetipsis non habent, nec habere valent. Con-
 , vincitur itaq; , aliquid esse à semetipso, & eo ipso & ab æter-
 , no: alioqui fuit, quando nihil fuit, & tunc quidem futu-
 , rorum nihil futurum fuit: quia qui sibi vel aliis initium
 , existendi daret, vel potuisset dare, tunc omnino non fu-
 , it: quod, quàm falsum sit, ipsa evidentia ostendit, & re-
 , rum existentium experientia convincit. Sic sanè ex his
 , quæ videmus, ratiocinando colligimus, & ea esse, quæ
 , non videmus; ex transitoriis, æterna: ex mundanis, super-
 , mundana: ex humanis, Divina. -- Illud certissimum est,
 , & unde, ut credo, nemo dubitare potest, quia in tanta mul-
 , titudine rerum existentium, & tam multiplici differentia
 , graduum, esse oporteat aliquid summum; Summum ve-
 , rò omnium, dicimus, quò nihil est majus, nihil melius;
 , absq; dubio autem, est melior, rationalis, quàm natura
 , irrationalis: oportet itaq; , ut aliqua rationalis Substantia
 , sit omnium summa: quam autem constat, in hac rerum
 , Universitate, summum locum tenere; non potest autem
 , hoc ipsum, quod est, à suo inferiori accipere. Oportet er-
 , go ut aliqua sit Substantia, quæ utrumq; habeat; & sum-
 mum

,mum videlicet locum tenere, & à semetipsa esse: nam si-
cut superius jam diximus, atq; probavimus: si nihil esset
,à semetipso, nihil esset ab æterno; & tunc quidem nulla
,rerum origo, nulla esset rerum successio: Convincit itaque
,rerum expertarum evidentia, aliquam Substantiam esse à
,semetipsa oportere. Nam si nulla à semetipsa esset, nul-
,lum omnino eorum foret, quæ aliunde originem trahunt,
, & à semetipsis esse non possunt: Pertinet itaq; Substantia
, illa, quæ non est nisi à semetipsa, pertinet, inquam, ad il-
, lud esse, quod est ab æterno, & sine omni initio. Certissi-
, mum est, quòd in tota rerum universitate; nihil esse po-
, test, nisi possibilitatem essendi, vel de se ipso habuerit, vel
, aliunde acceperit: quod enim esse non potest, omnino non
, est. Ut igitur aliquid, existat, oportet, ut ab essendi po-
, tentia, posse esse accipiat: ex Essendi itaq; potentia, esse
, accipit omne, quod in rerum universitate subsistit: sed si
, ex ipsa sunt omnia, nec ipsa quidem est, nisi à semetipsa,
, nec aliquid habet, nisi à semetipsa. Si ex ipsa sunt omnia.
, Ergo omnis essentia, omnis potentia, omnis sapientia: Si
, omne esse ab illa est, ipsa Summa Essentia est: si ab illa
, omne posse, summè potens: si omne sapere, summè sapi-
, ens est: est enim impossibile, majus aliquid dare, quàm
, habere.] Hæc Richardus.

Sanctus Edmundus, Archiepiscopus Cantuariensis, pietate, cum
Sanctissimis Doctrinâ cum Eruditissimis comparandus: floruit circa
Annum 1240. Moriens inter Oscula Crucifixi, ajebat: *Me DEus, te te-*
stem habeo, nihil me unquam expetiisse, præter te. Qualinam ratione,
Deus esse cognoscatur, in speculo Ecclesiæ, Capite 27, quod habetur in
Bibliotheca Sanctorum Patrum, Tomo 13. taliter exponit.

, [Per rationem venit Deus in cognitionem hominis, *Sanctus Edmundus ostendit, Ens ali-*
hoc modo. Quilibet homo bene potest videre in se, quòd *quod esse sine prin-*
cipio, esse-

que Au- , ipse est, quòd habet esse, & quòd non semper fuit, & ex
ctorem & , hoc bene scit, quòd initium aliquando habuit. Tunc se-
Guberna- , quitur, quòd aliud tempus erat, in quo ipse non fuit: sed
torem o- , quando non fuit, tunc nullo modo se ipsum facere potuit.
mnum. , Hoc enim vides homo in omni creatura: nam qualibet die
vires aliquas creaturas transire & aliquas venire, & quia
omnes res sunt, & à se ipsis non sunt: ideo oportet neces-
sariò, quòd una res sit, quæ dat omnibus esse: hoc est, à
qua omnia sunt: Et ex hoc convincitur necessariò, quòd
ille, per quem omnia sunt, est sine principio: quia si habe-
ret principium, oportet, quòd haberet ex alio, tunc non
esset primus Author, & Primum Principium omnium.
Et ideo oportet necessariò, per quem omnia facta sunt,
sit ante omnia, & nihil ante ipsum, & si nihil sit ante i-
psum, non venit ex alio, tunc semper fuit, & sine princi-
pio. Nam ut prius; omne, quod habet initium, ex alio
habet illud: nihil enim quod non est, sibi ipsi potest dare
esse: & ideo oportet omnibus modis, quòd una res sit,
quæ nunquam principium habuit. Et quando Ratio ho-
minis videt necessariò, quòd non potuit aliter esse, inci-
pit firmiter credere, quòd Unum est absq; principio, qui
est Auctor, Factor, Gubernator omnium, quæ sunt in
Mundo, & illud appellatur Deus.] Hucusq; S. Edmundus.

CAPUT VI.

S. THOMAS AQUINAS.

Doctor
Angelicus
in sua Sū-
ma probat
Dei Exi-
stentiam

Theologorum Princeps, Theologiæ Angelus: Doctor, Vitâ, Eru-
ditione, Sapientiâ, Modestiâ, Scriptionis claritate, Angelicus:
in sua Summa Theologiæ, quæ est Medulla omnium ejus laborum, ac
multiplicis Eruditionis, Myfteriorumq; Compendium, Epitome alie-
næ Sapientiæ, & Summa suæ: Rationibus quinq; seu Viis quinq; im-
pugnâ-

pugnando Atheos, probat Existentiam DEI sic.

, [Ima, & manifestior Via est, quæ sumitur ex parte *ima. Su-*
 , motus. Certum est enim, & sensu constat, aliqua moveri *mitur ex*
 , in hoc Mundo: Omne autem quod movetur, ab alio mo- *parte mo-*
 , vetur: nihil enim movetur, nisi secundum quod est in po- *tus.*
 , tentia ad illud, ad quod movetur: movet autem aliquid,
 , secundum quod est actu. Movere enim nihil aliud est,
 , quam educere aliquid de potentia in actum: de potentia
 , autem non potest aliquid reduci in actum, nisi per aliquod
 , Ens in actu: sicut calidum in actu, ut ignis, facit lignum,
 , quod est calidum in potentia, esse actu calidum, & per
 , hoc movet, & alterat ipsum. Non autem est possibile,
 , ut idem sit simul in actu & potentia secundum idem, sed
 , solum, secundum diversa: quod enim calidum est in actu,
 , non potest simul esse calidum in potentia, sed est simul
 , frigidum in potentia. Impossibile est ergo, quod secun-
 , dum idem & eodem modo, aliquid sit movens & motum:
 , vel quod moveat se ipsum. Omne ergo, quod movetur,
 , oportet ab alio moveri. Si ergo id, à quo movetur, mo-
 , veatur: Oportet & ipsum ab alio moveri, & illud ab alio.
 , Hic autem non est procedere in infinitum, quia sic non
 , esset aliquod primum Movens, & per consequens, nec a-
 , liquod aliud Movens: quia moventia secunda, non movent
 , nisi per hoc, quod sunt mota à primo movente. Sicut ba-
 , culus non movet, nisi per hoc, quod est motus à manu,
 , Ergo necesse est devenire ad aliquod primum Movens,
 , quod à nullo movetur: & hoc omnes intelligunt, Deum.]
 Non absimile Argumentum, sed longè fufius discussum, ad proban-
 dam Existentiam Dei infundatum huic Principio. Omne quod move-
 tur, ab alio movetur: proponit ex Aristotele idem Divus Thomas li-
 bro 1mo contra Gentiles cap. 13.

2da, ex Ratione cause efficientis, ¶ 2da Via est ex Ratione Causæ efficientis. Invenimus enim in istis sensibilibus esse ordinem causarum efficientium: nec tamen invenitur, nec est possibile, quod aliquid sit causa efficiens sui ipsius: quia sic esset prius se ipso, quod est impossibile. Non autem est possibile, quod in causis efficientibus procedatur in infinitum: quia in omnibus causis efficientibus ordinatis, primum est causa medii, & medium est causa ultimi: sive media sint plura, sive unum tantum: remotâ autem causâ, removetur effectus. Ergo si non fuerit Primum in causis efficientibus, non erit ultimum, nec medium. Sed si procedatur in infinitum, in causis efficientibus, non erit Prima Causa efficiens, & sic non erit nec effectus ultimus, nec causæ efficientes mediæ, quod patet esse falsum. Ergo est necesse ponere aliquam causam efficientem Primam, quam omnes, Deum nominant.

3tia ex possibili & necessario, ¶ 3tia Via est sumpta ex Possibili & Necessario, quæ talis est. Invenimus enim in rebus quæ sunt possible esse, se & non esse: cum quædam inveniantur, generari & corrumpi, & per consequens, possible esse & non esse. Impossibile est autem, omnia quæ sunt talia, semper esse: quia quod possibile est non esse, quandoq; non est. Si igitur, omnia sunt possible non esse, aliquando nihil fuit in rebus. Sed si hoc est verum, etiam nunc nihil esset: quia quod non est, non incipit esse, nisi per aliquid, quod est. Si igitur nihil fuit Ens impossibile, fuit quod aliquid inciperet esse, & sic modo nihil esset: quod patet esse falsum. Non ergo omnia Entia sunt possible, sed oportet aliquid esse necessarium in rebus. Omne autem necessarium, vel habet Causam suæ necessitatis aliunde, vel non habet, Non

, Non est possibile, quòd procedatur in infinitum in necessariis, quæ habent causam suæ necessitatis: sicut nec in causis efficientibus, ut probatum est. Ergo est necesse ponere aliquid, quod sit necessarium, non habens causam necessitatis aliunde, sed quod est Causa necessitatis aliis: quod omnes dicunt Deum.

, 4ta Via sumitur ex Gradibus, qui in rebus inveniuntur. Invenitur enim in rebus aliquid magis & minus bonum, & verum, & nobile, & sic de aliis huiusmodi. Sed magis & minus, dicuntur de diversis, secundum quod appropinquant diversimodè ad aliquid, quòd maximè est: sicut magis calidum est, quod magis appropinquat maximè calido. Est igitur aliquid, quod est Verissimum, & Optimum, & Nobilissimum & per consequens, maximè Ens. Nam quæ sunt maximè vera, sunt maximè Entia: ut dicitur secundo Metaphysicorum. Quod autem dicitur maximè tale in aliquo genere, est Causa omnium, quæ sunt illius generis: sicut ignis, qui est maximè calidus, est causa omnium calidorum: ut in eodem libro dicitur. Ergo est aliquid, quod omnibus Entibus est Causa esse & bonitatis & cujuslibet perfectionis; & hoc dicimus Deum. J

*4ta ex
Gradibus.*

Cum hac 4ta Ratione còincidit & illa, libro 1mo contra Gentiles cap. 13. ubi hæc leguntur. [Potest & alia Ratio colligi, ex verbis Aristotelis in lib. 2do Metaph: ostendit enim ibi, quòd ea, quæ sunt maximè vera, sunt & maximè Entia. In 4. etiam Metaph: ostendit, esse aliquid maximè verum, ex hoc, quòd videmus duorum falsorum unum altero esse magis falsum. Unde oportet, ut alterum sit etiam altero verius. Hoc autem est secundum approximationem, ad id, quod est simpliciter & maximè verum.] Scilicet, ut

explicat hic Ferrariensis, quantum ad Materiale tantum, vel quantum ad esse: & sic non inconvenit, unum esse altero verius, sicut unum est altero perfectius Ens: propter quod perfectissima entium, dicuntur verissima. Quantum vero ad Formale, sive quantum ad Materiale, ut stat sub Formali, & sic unum non est altero verius. Unumquodque enim natum est adæquare sibi intellectum suo modo: & unumquodque Divino Intellectui pro sua entitate adæquatur: nec fieri potest, ut unum magis altero adæquetur.

Hac ratione quæta usque antea & Bøetius.

Cum illa 4ta Via cõincidit & illa Ratio, quæ antea usus est Bøetius Severinus, Vir Clarissimus, Senator & Consularis, dum libro tertio de Consol. dicit. ¶ Quin existat Deus, sitque veluti quidam fons omnium bonorum, negari nequit. Omne enim, quod imperfectum esse dicitur, in diminutione perfecti imperfectum esse perhibetur: quo fit, ut si in quolibet genere imperfectum quid esse videatur, in eo perfectum quoque, aliquid esse necesse sit: etenim perfectione sublatâ, unde illud, quod imperfectum perhibetur, exstiterit, nec fingi quidem potest. J Hæc Bøetius.

Ha via probandi Existentiæ Dei, sumitur ex Gubernatione rerum.

¶ 5ta Via sumitur ex Gubernatione rerum. Videmus enim, quod aliqua, quæ cognitione carent, scilicet corpora naturalia, operantur propter finem: quod apparet ex hoc, quod semper aut frequentius, eodem modo operantur, ut consequantur id, quod est optimum. Unde patet, quod non à casu, sed ex intentione perveniunt ad finem. Ea autem quæ non habent cognitionem, non tendunt in finem, nisi directâ ab aliquo Cognoscente, & Intelligente: sicut sagitta à sagittante. Ergo est Aliquid Intelligens, à quo omnes res ordinantur ad finem, & hoc dicimus, Deum. J

Cum hac 5ta Via seu Ratione convenit ferè & illa Ratio, quam desumptam ex Sancto Damasceno & Averroe, Divus Thomas loco supra citato contra Gentiles, proponit sic. ¶ Impossibile est ali-

qua

, qua contraria & dissonantia, in unum ordinem concordare semper, vel pluries, nisi alicujus gubernatione, ex qua omnibus & singulis tribuitur, ut ad certum finem tendant. Sed in Mundo videmus res diversarum naturarum, in unum ordinem concordare, non ut raro, & à casu, sed ut semper, vel in majori parte. Oportet ergo esse aliquid, cuius Providentia gubernetur, & hoc dicimus, Deum. J. Hucusq; Sanctus Thomas. Longè verò antè, Bôetius libro 3. de Consolatione, Prosa 12, ratiocinabatur sic. *Mundus ex tam diversis contrariisq; partibus, in unam formam minimè convenisset, nisi unus esset, qui tam diversa conjungeret: conjuncta verò naturarum ipsa diversitas invicem dissociaret, atq; divelleret, nisi esset unus, qui quod nexuit, contineret. Non tam verò certus natura ordo procederet, nec tam dispositos motus locis, temporibus, efficientia, spatiis, qualitatibus explicaret, nisi unus esset, qui has mutationum varietates, manens ipse disponderet.*

Nota hic inò. Cardinalis de Lugo lib: imò de Deo quaestione 2da cap. 2do, dicit, quòd ex illis quinq; Rationibus, tres priores, videantur in eandem fermè Argumentationem coincidere, & quod omnes quinq;, si debite applicentur, vim habeant. Idem plures alii asserunt. Pater Gregorius de Valentia, præstantissimus ævi sui Theologus, Disputatione ima de Deo, quaestione 2da. Puncto 3tio omnes adductas suprà quinq; Rationes, seu Vias Divi Thomæ, ad quas reducuntur & illæ Rationes quatuor, quæ in libro imò sententiarum continentur, strenuè conatur propugnare, & Objectiones in contra solvere. *Quidnam de illis quinq; Rationibus seu viis, sctit Cardinalis de Lugo, & Valentia?*

Nota 2dò. Difficultas non levis est inter Theologos, qualiter nam intelligi debeat Principium illud. *Omne quod movetur, ab alio movetur.* Pater Valentia, loco superius citato cum pluribus Philosophis & Theologis, dicit, illius Principii non esse sensum hunc. *Omne quod movetur, moveri ab alio immediatè.* Nam aqua reducit se ipsam ad frigus nativum: viventia etiam, localiter se ipsa movent: itidem gravia & levia: ipsæq; Sanctus Thomas docet, aliqua à se ipsis moveri: nam ima 2dæ q. 51. Arti: 2do ad 2dum, dicit. *Nihil prohibet, idem à se ipso moveri.* Et ima, 2dæ, quaestione 9na artic: 3tio in Corpore, *Qualiter intelligendum est: Omne, quod movetur, ab alio moveretur?*

re, ait. *Intellectus per hoc, quod cognoscit principium, reducit se ipsum de potentia in actum, quantum ad cognitionem conclusionum, & hoc modo movet se ipsum: & similiter voluntas per hoc, quod vult finem, movet se ipsam ad volendum ea, quæ sunt ad finem.* Dicit proinde Pater Valentia cum pluribus, illius Principii esse sensum hunc. [Omne, quod, movetur, moveri ab alio, sive immediate, sive mediate. Quatenus nimirum Mobile acceperit saltem ab alio illud, Principium, quo se movet immediate, atq; ita dicatur moveri ab alio saltem mediate. Et in hoc sensu est verum & evidens illud Principium: constat enim, omne Ens, quod, scimus aliquo motu moveri, accepisse saltem perfectionem suam, quâ movetur ab aliquo alio: sicut est evidens, omne tale Ens, esse productum ab alio.] In idem ferè recidit explicatio eorum, qui dicunt: ad verificationem Principii hujus. *Omne, quod movetur, ab alio movetur:* non opus esse, ut nihil se ipsum moveat, sed solum requiri, ut id, quod movetur, non moveat se ipsum primò, nec Primum Movens, Primum Principium ac Prima Causa efficiens sui motus, sit. Hinc liquet Probationem Existentiæ Dei, infundatam in illo Principio bene intellecto. Omne, quod movetur, ab alio movetur: esse & solidam, & vel ultimatò coincidere cum Ratione 2da & 3tia Divi Thomæ, vel saltem ab iis non multum esse diversam. Quod si optas, notabilius eam esse diversam, instituere eam posses:

Probatio sic. Certum est, à Corporibus coelestibus moveri sublunaria: horum enim motus, puta, ortus, augmentatio, interitus, fiunt à temporum vicissitudine, hæc autem ipsa vicissitudo provenit à corporibus coelestibus, præsertim à Sole, Luna, diversimode terram respiciente, & afficiente per suum motum, lucem, calorem, & alias probabilis influentias: moventur ergo sublunaria à corporibus coelestibus: hæc autem ipsa corpora coelestia, cum videamus perpetuò constanter, & regulariter, & mirandè moveri: hiq; motus non proveniant à natura illorum: ut probatum supra in libro imò in Tract. 2do Cap. 6to sub 3tia Proposit. sequitur, illa ab alio Ente, à se distincto moveri: cum autem in serie moventium, necessariò deveniri debeat ad aliquod Movens

vens immobile, hoc Principium immobile & immotum, dicimus esse Deum, qui sive per se solum, sive, quod probabilius est, simul cum Intelligentiis, corpora coelestia movet. Ergo datur Deus. Qui res nostras celeri citatas turbine versat, terrarum coeliq; Sator: qui tempus ab ævo ire jubet, stabilisq; manens, dat cuncta moveri.

Nota 3^{to}, dum Sanctus Thomas, aliiq;, ex Via Eminentiae, probant, Deum esse. Scilicet, quod cum detur majus & minus bonum, verum, & Nobile, debeat dari aliquid, quod sit Optimum, Verissimum, & Nobilissimum, & maxime Ens. Nota inquam, ex hac Via Eminentiae præcisè, videri (& satis bene) multis Theologis, non sumi efficax Argumentum pro Existentia Dei. Ratio est. Quia Atheus dicere posset: melius & nobilius dari relative ad Bonum & Nobile, quod est infra se, seu quod exceditur, non ad Optimum & Nobilissimum, quod est supra se. Sicut species numeri, determinatae sunt, etiamsi nulla sit maxima vel minima, penes quam excessus terminetur. Ut ergo ex Via Eminentiae sumatur Argumentum efficax pro Existentia Dei, conjungenda est simul Via Eminentiae cum via efficientiae, scilicet ita. Præter existentes rerum species, possibiles sunt species aliae meliores, perfectiores, & nobiliores in infinitum. Ergo debet dari Ens Optimum, perfectissimum, & nobilissimum.

Nota 4^{to}. Axioma illud. *Quod dicitur maxime tale in aliquo genere, est Causa omnium, quae sunt illius generis:* intelligendum, esse causam saltem ut plurimum in cognoscendo: est enim ut plurimum mensura perfectionis aliorum, quæ in tantum, minus & magis perfecta esse cognoscuntur, in quantum, minus aut magis accedunt ad Primum. Non est autem Axioma intelligendum, quod debeat semper etiam omnium esse causa in essendo, seu ut sint. Sol enim est primum in genere luminosi, neq; tamen est causa omnis luminis: & ignis est primus in genere calidi, tamen non est causa efficiens, seu in essendo omnis caloris. Albedo (juxta Aristotelem lib: 5^{to} de Generat: Animal: cap: 6^{to}.) est prima in genere colorum, & tamen non est causa in essendo omnium colorum. Nec homo est causa omnium Animantium, licet sit perfectissimus Animalium. Porro, Deus est mensura omnis Entis in cognoscendo: perfectio enim major Creaturarum mensuratur ex eo, quod magis Deo appropinquant: & ex hoc ipso rectè

Ex Via eminentiae depræptatio, ut efficax sit, qualiter intelligenda?

Explicatur Axioma illud: quod dicitur maxime tale in aliquo genere, est Causa omnium, quae sunt illius generis.

infertur, quòd Deus sit mensura omnium omnino creaturarum etiam in essendo: siquidem creaturæ non possunt pendere, nisi ab Ente à se, seu ab Ente in omni genere perfectissimo, continente eminenter omne esse.

CAPUT VII.

S. BONAVENTURA.

*S. Bona-
ventura,
Deū mul-
tis modis
ostendit.*

S. R. E. Episcopus Cardinalis Albanensis, Eximius Ecclesiæ Doctor, ex Ordine Minorum: Vir Sanctissimus & doctissimus, in libro imo Compendii Theologicæ Veritatis Cap: I. Atheismum ita evertit. [Deum esse, multis modis ostenditur, hoc enim Fi-
des recta testatur, Sacra Scriptura loquitur: comparatio i-
tem rerum ad ipsum facta, indicat; tam verum enim esse,
Deus habet, quòd nostrum esse, suo comparatum, nihil est.
Item. Deum esse, creaturæ clamant; omnia namq; suo mo-
do dicunt: Quoniam ipse fecit nos, & non ipsi nos: quia
ipse Deus, est Vox Naturæ: quia omnia pulchra, testantur
ipsum pulcherrimum: dulcia, dulcissimum: sublimia, al-
tissimum: pura, Purissimum: fortia, Fortissimum; & sic
de aliis: quia sicut in Patria, Deus est Speculum, in quo
relucent Creaturæ: sic in via è converso, creaturæ sunt
Speculum, quò Creator videtur. Deum esse, Ratio natu-
ralis dictat, quæ per effectum in cognitionem causæ per-
venit. Omne namq; creatum indiget alio, ut sit, & illud
iterum alio, ut sit, & ita erit aut in infinitum procedere,
vel erit ibi circulus, vel pervenietur ad aliquid, quod sit
causa omnium: circulus autem non in rebus singulis: quo-
niam oporteret aliquid esse prius & posterius se ipso: nec
erit processus in infinitum: quia universitas creaturarum
tota causata est, sive sit finita, sive infinita. Ergo indiget
alio, ut sit, quod erit extra universitatem causatorum: &

hoc

,hoc Deus est, à quo fluunt omnia.]

CAPUT VIII.

JOANNES DUNS SCOTUS.

Natione Hybernus (quanquam de tanto Viro, plures Nationes certant) ortus in Urbe, Duns dicta: antea, Hybernia, vocabatur, Scotia: unde vel à Natione, vel etiam à Familia, dictus est Scotus. Oxonii, & Parisiis, Theologiam cum summa laude docuit, & ab illis Academicis, Summoq; Pontifice, Doctoris Subtilis nomine, intitulatus. Eum memoriae fuisse admirandæ, ac ingenii acutissimi, perspicacissimiq; judicii, vel hinc collige: ducenta Argumenta contra Immaculatam Conceptionem Pretiosissimæ Dei Parentis, proposita, ita exnunc omnia repetiit, quasi Angelus suggereret: ita dissolvit, quasi Angelus responderet. In disputatione quadam Parisiis, Doctor quidam, cui ex fama tantum notus erat, profunditatem doctrinæ ejus admiratus, obstupescens coram exclamavit: Unus es trium, Angelus de Coelo: Diabolus ab inferno; vel Scotus de Duno, ut legitur in ejus Vita. In Philosophia, in multis superavit Aristotelem. In Theologia pænè æquavit Sanctum Thomam. Utrobiq; tam bene, ut Sacra Congregatio Cardinalium decreverit, ut quæcunq; Scoti esse constituerit, sinè examine ulteriori à Magistro Sacri Palatii, typo mandari permittantur. Naturali ac communi morte sublatus est die octava Novembris Anni 1308, Colonia Agrippinæ, ætatis suæ 34. ut demonstrat Lucas Vadingus in Annal: Tomo 3tio aliiq; plurimi. Hujus ergo Subtilis Doctoris Argumenta pro Existentiâ Dei, quæ continentur in Libro Sentent: Distinet: 2. quæstione 2da, in compendium à me redacta, propono nunc.

Propositio Ima.

Datur aliquod Ens effectivum Primum simpliciter.

Probatur. Aliquod Ens est effectibile, aut igitur à se, aut à nullo, aut ab aliquo alio. Non à nullo. Quia nullius est causa illud, quod nihil est. Non à se. Quia nulla res est, quæ se ipsam faciat, vel generat. August: Imo de Trinit: Cap: imo. Ergo ab alio effectivo. Illud aliud

Scotus, quis, & quantus Vir?

Probat ille dari ali- quod Ens Primum triplici Primitate: nempe.

Primum, secundum efficientiam.

aliud sit A, si A est primum modo exposito, habeo propositum. Si non est primum. Ergo est effectivum posterius: quia effectibile ab alio, vel virtute alterius effectivum. Si enim negetur negatio, ponitur affirmatio. Detur illud alterum, & sit B, de quo arguitur, sicut de A, argutum est: & ita aut procederetur in infinitum, quorum quodlibet respectu prioris erit secundum: aut stabitur in aliquo, non habente prius. Infinitas autem in causis essentialiter ordinatis est impossibilis in ascendendo. Ergo Primitas necessaria.

Confirmatur Propositio. Effectivum nullam imperfectionem ponit necessariò. Ergo potest esse in aliquo sine imperfectione. Sed si est sine dependentia ad aliquid prius, est sine imperfectione. Ergo effectivitas independens potest inesse alicui Naturæ, & illa est simpliciter prima. Ergo effectivitas simpliciter prima, est possibilis. Si autem tale Efficiens primum est possibile, tunc est in re: quia tale Efficiens, utpote simpliciter primum, non potest esse ab alio, & tamen potest esse, utpote possibile. Ergo potest esse à se. Ulterius inferitur. Ergo est à se: quia quod non est à se, non potest esse à se: quia tunc non ens perduceret aliquid ad esse, quod est impossibile, & adhuc idem causaret se, & ita non erit incausabile omninò. Accedit. Quia inconveniens est, Universo deesse supremum gradum possibilem in essendo, qualis gradus est, Esse à se.

Quòd Infinitas essentialiter ordinatorum sit impossibilis, probatur. Tum ex consensu Philosophorum. Tum quia Universitas causarum essentialiter ordinatorum, est causata. Ergo ab aliqua causa, quæ non est aliquid illius Universitatis: quia tunc esset causa sui: tota enim Universitas dependentium, dependet, & à nullo illius Universitatis. Tum quia causæ infinitæ essent simul in actu: quod nullus Philosophus admittit. Tum quia prius est, quod est primo propinquius: ex 5^{to} Metaph: Ergo ubi nullum primum, nihil essentialiter prius. Tum quia in per se ordinatis, superior causa est perfectior in causando. Ergo in infinitum superior, est in infinitum perfectior: & ita infinitæ perfectionis in causando, & per consequens, non causans in virtute alterius: sic enim esset imperfectè causans, quia dependens ab alia in causando.

Item, Infinitas in accidentaliter ordinatis est impossibilis, nisi
pona-

ponatur status essentialiter ordinatorum. Quod ipsum Probatur. Quia nulla difformitas perpetuatur nisi in virtute alicujus permanentis, quod nihil est illius successionis. Omnia enim successiva taliter (puta Pater, Filius, Nepos &c. quæ sunt accidentaliter ordinata, posterius enim non dependet in causando à priori: nam Filius ita generat Patre mortuo, sicut ipso vivo) sunt ejusdem rationis; sed est aliquid prius essentialiter; quia quodlibet successionis dependet ab ipso, & hoc in alio ordine, quam à causa proxima, quæ est aliquid illius successionis.

Propositio 2da.

Primum efficiens, est ultimus finis, & Primum Eminentia. Item Pri-

Prima Pars Probatur. Quia omne per se efficiens, agit propter finem, & prius efficiens agit propter finem priorem. Ergo primum efficiens, agit propter ultimum finem: sed propter nihil aliud à se principaliter & ultimè agit; quia nihil aliud à se potest esse finis ejus: aliàs enim illud aliud deberet esse perfectius Primò efficiente: naturà enim finibile, excellitur à fine in bonitate, & per consequens, in perfectione. Ergo Primum efficiens agit propter se, sicut propter ultimum finem. Ergo Primum Effectivum, est ultimus finis, seu finitimum simpliciter primum: hoc est, non est ad aliud ordinabile.

2da etiam Pars Propositionis 2dæ probatur. Quia Primum efficiens non est univocum respectu illarum naturarum effectarum, sed æquivocum. Ergo eminentius & nobilius eis. Ergo Primum Efficiens, est Eminentissimum.

Propositio 3tia.

Illud Efficiens, quod est Primum triplici Primitate, (scilicet Illud, Ens secundum efficientiam, secundum rationem Finis, & secundum Eminentiam: illud, inquam, Efficiens) est Ens essentialiter necessario existens.

Probatur. Quia est penitus Incausabile. Nam contradictionem includit, aliquid esse prius in genere Cause Efficientis, vel Finis;

& per consequens in genere alterius cujuscunq; causæ (quia aliæ causæ, puta intrinsecæ, sunt causatæ ab extrinseca, vel secundum esse earum, vel in quantum causant compositum, vel utroq; modo: proinde quod non habet causam extrinsecam, non habet intrinsecam) Ergo est omnino incausabile. Ulterius ex hoc ipso arguitur sic. Nihil potest non esse, nisi cui aliquid impossibile positivè vel privativè potest inesse. Sed ei, quod est à se & penitus Incausabile, non potest aliquid inesse, quod sit ei impossibile positivè, vel privativè. Ergo non potest non esse. Major patet. Quia nullum Ens potest destrui, nisi per impossibile sibi positivè vel privativè. Minor probatur. Quia illud impossibile, aut potest esse à se, aut ab alio. Si à se. Ergo est à se. Ergo duo impossibilia sunt simul, vel neutrum erit: quia utrumq; destruit esse alterius. Si ab alio. Contra est: Nulla causa potest destruere aliud Ens propter repugnantiam sui effectûs ad illud, nisi suo effectui det perfectius, & intensius esse, quàm sit esse alterius destructibilis. Nullius autem Entis ab alio est nobilius esse à sua causa, quàm sit Entis à se: quia omne causatum habet esse dependens.

Propositio 4ta.

Illud Primum, est Infinitum.

Et infinitum.

*Proinde
existere
Deum.*

PROBATUR. Tum quia Primum Efficiens simul quantum est ex se, habet eminenter omnem causalitatem, quæ simul posset infinita, si simul essent factibilia. Tum quia Primum Efficiens est finis ultimus; in Voluntate autem est inclinatio naturalis, quia ex se, & sine habitu, promptè & delectabiliter fertur ad amandum bonum infinitum, & in illo quietatur: proinde Finis ultimus est Bonum infinitum. Tum quia Eminentissimò, impossibile est aliquid esse perfectius. Ergo est infinitum. Ex dictis habetur pro Existentia Dei probanda Argumentum tale.

Aliquod Ens Primum triplici primate, scilicet secundum Efficientiam, secundum rationem Finis, & secundum Eminentiam, essentialiter necessario existit, & est infinitum: ut constat ex probata Propositione 1ma, 2da, 3ta, 4ta. Sed tale Ens est Deus: ut patet, Ergo Deus existit. Hucusq; Scotus,

CAPUT IX.

S. CHRYSOSTOMUS.

PRO Coronide ferè totius hujus Voluminis, ob rationem ad initium hujus Tractatus 3ⁱⁱ expositam, appono aurea planè verba, quæ Ore suo aureo, adversus Atheos protulit S. Joannes Antiochenus, ob aureum Eloquentiæ flumen, cognomento Chrysostomus, Magnus Ecclesiæ Doctor, Episcopus Constantinopolitanus: cui Divus Petrus & Joannes, Claves & librum ad Scripturas intelligendas dedisse: S. verò Paulus Apostolus, scribenti ac prædicanti, multa dictasse creditur. Hic ergo Sanctus Doctor, Homilia in Psal: 13. validissimè impetit Atheos, taliter.

S. Chrysostomi Excellentia.

[Non est Deus, & quomodo sunt? quæ sunt post Deum? Non est Deus, & quomodo, quæ sunt per Deum? Non est Deus, & quomodo omnis lingua hominis, Deum nominat? Falluntur ergo omnes hominum myriades, quæ Deum esse dicunt, & solus insipiens se putat verum dicere, qui solus ita mentitur: & qui quinq; quidem, vel septem testimonia vult in testamentis evertere, per consensum reprobat, ac rejicitur, quando judicat Veritas: publicam autem totius Orbis, & universam Mundi linguam, solus vult insipiens evertere? & quomodo non est verè reprobis insipiens, & se ipso insipientior? insipiens in negando, in se impudenter gerendo insipientior. Quamvis enim Mundi homines, de Deo diversas Sententias germinaverint, Noministamen fundamentum, nemo labefactavit. Dixit insipiens in corde suo: Non est Deus. Non est fundamentum, & quomodo stat ædificium? non est carina, & quomodo consistit navigium? Non est Fabricator navis, & quonam modò, navis comparata est? Non est ædificator, & quomodo domus facta est? Non est Architectus,

Insipientiam Athei multiplicat demonstrat S. Doctor.

,tectus, & quis Urbem condidit? Non est Agricola, & quomodo agri tulere manipulos? non est musicus, & quomodo in Mundi lyra apparet concentus? non est, qui provideat, & quomodo per omnia pervadit Providentia? non est auriga, & quomodo quatuor Elementorum currus, agitur? non est Statuarius, & quomodo homines, veluti quædam Statuæ in Mundo facti sunt? non est fornicis Constructor; & quis tibi Cæli fornicem construxit? non est Aurifex, & quis veluti discum Aureum tanquam in mensa, Solem in Cælo posuit? non est, qui ferat lampadem, & quis tibi veluti lampadem argenteam, dedit Lunam in noctem? non est qui illuminet, & quis tibi clara, & lucem præbentia dedit luminaria? non est, qui faciat solus magna lumina: & quis accensos Astrorū lychnos, tibi in Cælo posuit? Quemadmodum dicit Propheta, Psal: 135. Qui facit luminaria magna solus, solem, ut præsit diei, & lunam, ut præsit nocti? Non est Opifex, & quomodo pulchritudo Creaturarum testatur Creatorem? ex magnitudine enim, & pulchritudine Creaturarum, convenienter earum Conditor consideratur. Dixit insipiens, in corde suo: non est Deus. Quæcunq; in Mundo fiunt, aguntur, & exercentur, habent, qui eis præsit, eaq; perficiat, & solus Mundus non habet, qui eum administret? Si non est Deus, quid facis, in iis, quæ Dei sunt? in domo Dei manes, & domum Dei inficiaris? vel da mercedem domûs, gratiarum actionem; vel domo egredere. Cur etiam fumô eructati maledicti, ac blasphemiar, domum imples?] Hæc S. Chrysostomus. Vide & ejus verba aurea, supra in lib: 1. Tract: 3. sub Argumento 23. Si quis fertur desiderio in plura ex Patribus Veteribus de Existentia Dei, legat is Tertullianum in Apologetico Cap: 17. & lib. de Testimonio Animæ Cap. 5. S. Ambrosium, super primum Caput i. ad Romanos Episto-

pistolæ Divi Pauli. S. Hieronymum in Expositione ejusdem Epistolæ. S. Basilium operis Hexæmeri, Homil. 1. 2. 3. 6. 11. S. Gregorium Nyssenum, in Disputatione de Anima & Resurrectione: non procul ab initio. Ex horum Omnium Patrum citatis locis, jam scripto consignaveram Textus oblongiores: verum consulendo brevitati, destiti ab iis imprimendis.

EPILOGUS.

IN Prologo, seu (ut ibi præfixus sonat Titulus) in Præmuntione Operis totius, motiva exposui, quæ animum & calamum impulere ad conscribendum hoc Volumen, & Posteritati relinquendum. Nec non piguit, Media ibidem insinuare, eò collimatura, ut non tantum evolveret, sed fructuosè etiam attereret has paginas & ille, qui ausu plusquam impio, in irrationabilissimum & malorum omnium pessimum barathrum (Atheismum usq; adeo formidando nomine, rectissimè tamen, compellat Divus Damascenus Lib: 1. de Fide Cap 3.) sese præcipitem dedit, vel jamjam daturus est. Nunc ultimam Volumini impono manum, ac totum Punctis Considerationum claudio sequentibus.

I.

Ex una Parte certum est, Fundamenta impietatis Atheisticæ non posse subsistere, utpote multum levia & debilia, verèq; straminea. Evidenter id ipsum deduxi in toto Tractatu imo, Libri 1mi, ea funditus subvertendo, quibus suffultus impiissimus error, stabilitatem quandam sibi polliceri poterat. Ex altera parte, non solum probabile, vel probabilius, sed omnino certum ac evidens est, Deum existere, ut patenter constat Tum ex Rationibus Patrum & Philosophorum Veterum, adductis in Tractatu 2do & 3tio Libri 2di. Tum ex Argumentis supra quadraginta Propositis in Tractatu 3tio Libri 1mi. Licet enim quædam ex illis Rationibus & Argumentis, non videantur excedere gradum Summæ Probabilitatis, tamen longè plura sunt, quibus certò & evidenter, intellectui rectè disposito demonstratur Existen-

*Puncta
tria mul-
tùm pro-
fusa ad cō-
siderandū
cuius,
presertim
pseudopo-
liticis.*

ria Dei. Nomine, Intellectus rectè dispositi: intelligo hominem, Rationis usum habentem, non semistultum, aut nefandis sceleribus, præsertim luxuriæ coeno, totaliter immersum: libido enim effrenata, lumen rectæ Rationis, saltem magna ex parte extinguit, hominemque ita excæcat, ut ineptus reddatur ad contemplationem Divinorum: sicut enim ex igne, fumus egreditur oculos excæcans: ita ex libidine, exeunt faditates, rationem excæcantes. Quare Doctor Angelicus 2. 2. q. 153. art. 5to, inter octo filias luxuriæ, ponit imo loco, Cæcitatem mentis: comprobante id jam antea S. Gregorio Magno. Et Aristoteles 7. Ethic: ait. *Venus furatur intellectum Sapientis*. Lib: item 2do Rhet: cap: 24. Venerem appellat, *Præfectam amentiam*. Unde etiam Venus dicta est à *ve* quæ est particula privativa, significans, Absq: & *veo*, id est, *mens*: quasi absq: mente, seu, amens.

II.

Ast, demus per impossibile, quòd Sententia asserens, Deum dari, non sit certa & evidens metaphysicè, vel physicè, tamen non minus est id certum, quàm certum est, tibi, te ex legitimo natum esse toro: ac legitimum possessorum horum vel illorum bonorum: item quàm certum est, te, ab his vel illis Parentibus, in lucem editum esse: vel quàm certum est, exstitisse in rerum natura, Ciceronem, Alexandrum Magnum: existere Antipodas &c. ut clarè deduxi in Lib: 1mi. Tractatu 2do. Cap. 2. sub Proposit: 3tia, 4ta. Præsertim verò in Lib: 1mi Tractatu 3tio, sub Argumento 4to, 5to, 33tio, 34to. Cur ergo, si aliqua de his suboriatur dubitatio, eam protinus elidis, imò nec admittis: ast Supremi Numinis Existentiam: non tantum in dubium vocare, sed etiam audes, quantum ex te est, tollere: & eo ipso (ut constat ex dictis suprâ in Lib: 1mo. Tractatu 2do. Cap: 1mo.) in Classem impossibilem & chimerarum redigere? Penitus te ipsum oro, inspice, faciliè reperiēs, ad tam nefandos ausus, te impelli à vehementia carnalium prohibitarum voluptatum, aliisque horrendis sceleribus, quibus involveris, nec non à metu vindictæ, ob tanta scelera, à Summo Iudice infligendæ. Age vitam, rectæ rationi consonam, evolve hoc volumine contenta, & procul dubiò à tam impiis desistes ausibus.

III.

III.

Quod si adhuc fluctues, quid tibi hoc in passu agendum sit, tunc in ulteriorem tecum procedo arenam. Demus per impossibile non esse etiam moraliter certum & evidens, sed incertum, utrum existat, vel non existat Supremum Numen, Vindex scelerum, Remunerator bonorum: tamen recta ratio & prudentia dicat, ut credatur, existere. Quod ipsum ut evincam, statuo Principium hoc. Ex duobus incertis, v. g. A. & B. sibi è diametro oppositis, in re gravissimi momenti, ex cujus unius incerti, v. g. A, electione, nullum imminet, nec prudenter timeri potest periculum. Ex alterius verò incerti, v. g. B, electione, imminet summi mali periculum ac irreparabilis damni incurrendi: tunc prudentissime, unum eligitur, nempe. A: & non nisi stolidissime, adum videlicet, B: Ut patet. Imprudentiam enim grandem sapit, conjicere se sponte in periculum summi damni irreparabilis incurrendi. Hujus Principii Veritas insuper illustratur liquore plena duo pocula, v. g. A, & B: ex cujus unius poculi haustu, v. g. A, Petrus sciret nullum esse periculum vitæ amittendæ: dubitaret verò, an periculum mortis repentinæ non incurreret ex haustu poculi B: nonne Summæ imprudentiæ rectè argueretur Petrus, si hauriret liquorem ex poculo B? Idem dic de hospitibus duobus, à se remotius diffitis, in quorum uno, omnino transigenda est nox Viatori, dubiusq; esset, an periculum grave non incurreret, si in 2do hospitio daret se quieti, cum illud pestilenti lue infectus, incolat: in uno verò diversorio, quod nullum simile vitæ discrimen lateat, constaret. Quidni juxta prudentiæ leges eligendum ipsi foret hospitium, omni periculo vacuum? Item si duo essent pontes v. g. A, & B, constructi super abyssum horrendam, per quorum unum, iter omnino agendum esset Viatori: nonne à prudentiæ semita longè aberraret Viator, si relicto spretoq; ponte, per quem, tutissimum se iter offerebat, nullumq; occurrebat periculum in abyssum decidendi illam: alii ponti, se committeret non admodum firmo, ex quo periculum esset labendi in tam horrendam abyssum? Demum, prætermisissis illustrationibus aliis; quis prudens, dubitans, an sit via obsessa inmanissimis la-

*Argumē-
tum vali-
dum ad es-
versionē
Atheismi*

troni-

tronibus, aliud iter non arripit, nullis periculis circumseptum? Ex his illustrationibus, evidenter constat, cum esse imprudentissimum, emotæq; mentis hominem, qui in nostro principali casu, eligit incertum quid, obnoxium periculo vitæ æternæ amittendæ, incurrendique dirissimos, & nunquam terminandos, quia æternos cruciatus.

Stabilitô hõc Principiô, jam Infero. Ergo etiam, dato non concessô, has duas Sententias, quarum una affirmat, Deum existere: altera negat; esse incertas; tamen quia sunt in re gravissimi momenti, ex cujus unius electione, nempe hujus: *Deus existit*: nullum incurritur periculum. Si enim id credidero, nullum mihi nocumentum auferet, imò emolumentum; ad vitam enim honestam & homine dignam, mihi viam aperiet. Ex alterius autem electione, videlicet hujus: *Deus non est*: periculum est summi mali & irreparabilis damni, incurrendi. Si enim existit Deus (uti revera infallibiliter Eum existere, Universus Orbis firmissimè sentit & credit, gravissimis ac evidenter ad id inductus rationibus) & tu illum esse neges: ob hanc perfidiam ac blasphemiam, æternum miserrimus futurus; cruciandus enim per immensam æternitatem, quòd stultâ temeritate, quantum ex te, Deum annihilare volueris. Proinde nonnisi imprudentissimè negatur Existencia Dei; prudentissimè verò illa firmiter tenetur Sententia, quæ affirmat Ejus Existenciam.

Non absimile huic Argumento est & illud Dilemma, quo feliciter, temporibus Cornelii à Lapide S. I. (ut ipse testatur in Commentariis suis doctissimis in Cap: 5um Amos, versu 19.) quidam pseudopoliticus, seu veriùs, Atheus, moriens convictus & conversus est. Vel est Numen & Vindex Deus post hanc vitam: vel non est. Si non est: attamen si id credidero, non mihi nocebit, imò proderit: inducet enim me ad vitam honestam, & homine dignam. Si est: & ego illud non credidero, imò negavero: quas Ejus iras, quæ tormenta, ab eo, ob hanc perfidiam & blasphemiam expectare me oportet? Potius ergo illud credam, & confitebor: cum illud nocere nequeat: non credere autem, gravissimos cruciatus mihi accersere possit. Rursum, vel sunt præmia bonorum, & supplicia malorum (ut ipsa ratio dicat) post hanc vitam: vel non sunt. Si non sunt: ea tamen credere, sperare, & timere non oberit, imò proderit ad omnem virtutem. Si sunt:

sunt: & ego ea non credens, turpiter & sceleratè vixero: utique suppliciis illis æternis mancipabor? Longè ergo satiùs & prudentiùs est, ea credere, quàm non credere. In idem ferè recidit & illud Argumentum, quòd usus est non infelicitè, Gloriæ Divinæ amplificandæ Studiosissimus, & Theologus absolutissimus, R. P. Franciscus Zapolski Soc: JESU, cujus etiam mentionem feci suprà in libri mmi Tractatu imo Cap: imo in fundamento 8vo. Porro ejus Argumentum ut in literis ad me datis Anno 1698. scripsit, erat ejusmodi. *Ego (inquit) dum Atheum illum Dominum Casimirum Lyszczyński, incarceratum, inviserem, proposui illi hoc Argumentum. Sensum de Deo habere, quem Providentia Natura (supponendum, quòd ille omnia in Naturam derivabat) svadet habere, expedit Natura mea. Sed habere sensum, seu judicium hoc, quòd Deus sit, svadet Providentia Natura mea. Ergo illum sensum habere, expedit Natura mea. Minorem probavi. Quia Providentia Natura svadet, ut illud judicium de Existèntia Dei sequar, quòd mihi securius est: securius autem est mihi, sentire, quòd Deus sit, quàm, quòd non sit. Quia si Deus est, & ego dicam, Deum non esse, itaque me geram, ac si Deus non esset, debeo timere Deum, sui honoris justum Vindicem. Si Deus non est, sive dicam, Deum esse, sive non esse, nihil mihi timendum est. Ergo habere sensum, seu judicium hoc, quòd Deus sit, svadet Providentia Natura mea. Et revera (ut addit prædictus Pater) videbatur id multum apprehendisse ille Atheus; qui Anno 1688, Mense Martio, Varsaviæ, Capitis abscissione, supplicium tulit, ejusque cadaver exustum: longè tamen ante supplicium, cum ingenti dolore ac ejulatu, suum adeò nefandum errorem fuerat detestatus.*

Puncta hæc, aliaque in hoc contenta Volumine, attentè revolvant, seriò ac tempestivè apprehendant in Atheismum delapsi, vel jamjam lapsuri; cognitoque errore suo (ut facilè cognosci potest) redeant animò contritò ad Dominum DEum suum & Patrum suorum. Ad Cujus MAJOREM GLORIAM, animarumque salutem, pretioso Christi Sangvine redemptarum, scripta hæc cum singulis apicibus, cedant.





INDEX RERVM

NOTABILIVM, QUÆ IN HOC VOLUMINE
CONTINENTUR.

A.

ADversus Atheos scribendi necessitas declaratur cum solutione
Objectionum in contra. à pag. 1. ad pag. 9.

Athei similes sunt quibusdam perversis causidicis. 13.

Atheistarum fundamenta decem recensentur, & convelluntur.
à pag. 14. ad 44.

Atheismi everfiva Argumenta supra quadraginta. 191.

1umum. Ex subversione fundamentorum Atheismi desumitur. 192.

2dum. Ex possibilitate Entis perfectissimi. 193. & seq.

3tium. Ex sequela gravissimorum inconvenientium. 195.

4tum. Ex consensu omnium Gentium & Sapientum. 196. & seq.

5tum. Ex Antipodarum existentia. 202. & seq.

6tum. Ex sensu & exemplo Magni Augustini. 204. & seq.

7mum. Ex qualitate Personarum, Deum negantium. 207.

8vum. Ex Mundi còordinatione mirabili. 208.

9num. Ex Mundi Gubernio invariabili, quò ad plurima Entia. 209.

10mum. Ex actuali, aut saltem possibili novitate Mundi. 210.

11mum. Ex possibilitate majoritatis vel minoritatis hu us terra-
quei globi & astrorum. Item, Ex possibilitate aliorum siderum, &
alterius terraquei globi. 211.

12^{mum}. Ex possibilitate perfectiorum specierum, & substantiarum Spiritualium intellectivarum completarum. 212.

13^{tium}. Ex possibilitate interitûs specierum quarundam. 213. & seq.

14^{tum}. Ex insufficientia Entium caufatorum ad existendum. 216. & seq.

15^{tum}. Quia falsum est, quòd omne Ens sit ab alio. 218.

16^{tum}. Quia debet dari Ens necessariò Existens. 218. & seq.

17^{mum}. Quia debet admitti extra totam collectionem, Ens incausatum caufativum. 220.

18^{vum}. Inferitur Existencia Dei ex contingentia Creaturarum ad existendum. 221.

19^{mum}. Item inferitur ex impotentia Creaturæ se producendi, vel conservandi. 221. & seq.

20^{mum}. Desumitur ex impotentia Creaturæ, aliquid creativè producendi. Nec non ex determinatione ad individuationem effectûs. 222. & seq.

21^{mum}. Ex operationibus Agentium naturalium convenienter ad finem. 224.

22^{mum}. Ex brutorum operationibus admirandis. 225. & seq.

23^{tium}. Ex productione Corporum Cælestium. 227. & seq.

24^{tum}. Ex productione Elementorum. 231.

25^{tum}. Ex productione plantarum. 232.

26^{tum}. Ex productione Animalium. 233.

27^{mum}. Ex productione Hominis. 234. & seq.

28^{vum}. Ex vultuum, vocum & Characteris diversitate. 236.

29^{mum}. Ex præmiabilitate Virtutis, & punibilitate flagitii. 237.

30^{mum}. Ex Hominis scelerati tacito pavore. 238.

31^{mum}. Ex Animæ humanæ Spiritualitate, & immortalitate. Item, Quia debet dari tale quid, quod sit expletivum appetitûs humani. 239. & seq.

32^{dum}.

32dum. Ex Angelorum Existentiâ. 241. & seq.
 33tium. Ex Libro Scripturæ Sacræ. 243. & seq.
 34tum. Ex miraculis. 245. & seq.
 35tum. Ex Prophetiis 248. & seq.
 36tum. Ex Visionibus, Revelationibus, Apparitionibus. 249. & seq.
 37mum. Ex admirandis somniis, & inspirationibus. 252. & seq.
 38vum. Ex occultorum scelerum, & innocentiae admiranda manifestazione. 253. & seq.

39num. Ex talionis pœna mirabiliter irrogata. 255. & seq.

40mum. Ex mirabili pœna blasphemiae, perjurii, & Sacrilegii. 257. & seq.

41mum. Argumentum sat validum, everfivum Atheismi, habetur in Epilogo Voluminis totius. pag. 373. & seq.

Abucaræ rationes, quibus improbat Atheismum, nonnisi ex certa suppositione, sunt convictivæ 268. & seq.

S. Anselmi Argumentum, quod Atheismum impugnat approbatur à Salmerone, Vasquez, Perez, & aliis Theologis: Reprobatur graviter (sed immeritò) à Gersone, Alliacensi, & quodam innominato. Quid de illo censet Divus Thomas & quidam Recentiores? Conformiter ad mentem subtilis Scoti & Salmeronis decernitur, quidnam de illo Argumento S. Anselmi sentiendum sit 271. & seq. Nec non & de Argumentis P. Antonii Perez. 280. & seq. Et P. Martini de Esparza. 292. & seq. Quid item est sentiendum, de quatuor Argumentis quorundam Auctorum? 295. & seq.

Argumenta Joannis Morini continent multas incertas Propositiones. 296. & seq. Cartesii verò quasdam erroneas. 299. & seq.

Argumenta, quibus Atheismum evertunt Philosophi Veteres, ut: Trismegistus, Plato, Aristoteles, Seneca, Epictetus, Galenus, Empyricus, Plotinus, & Philo. Vide totum Tractatum 2dum Libri 2di a pagina 305. ad pag. 340. Quibus verò Argumentis idem præ-

stant Patres & Theologi Antiqui, ut: Athanasius, Nazianzenus, Augustinus, Prosper, Damascenus, Bernardus, Richardus, Edmundus, Thomas Aquinas, Bonaventura, Scotus, Chrysostomus. Vide totum Tractatum 3tium Libri 2di, à pagina 341. ad pag. 373.

Athenienses graviter animadverterunt in Atheos. 60. & seq.

Athei an multi? & ubinam? 198. & seq. Atheus est monstrum naturæ. 205. Anatomista perfectus nullus fuit Atheus. 235.

Adamus cur in virili ætate productus? 87.

Aristoteles quidnam senserit de Mundi origine? 88. Multa didicit à quodam Judæo. 78. Censuit Animam humanam esse immortalem. 173. Ejus Argumenta contra Atheismum. Vide 314. & seq. Probat esse Deum unum; & ob assertionem unius Dei, ne damnetur, aufugit Athenis. 320. & seq. Liber de Mundo ad Alexandrum: & Libri Theologiæ secundum Ægyptios, an Aristotelis? quot libros scripsit? 321. & seq.

Argumentatio, quandonam valet à sensu distributivo ad collectivum, quando non? pag: 108. & seq. Regula statuitur rectæ à sensu distributivo ad collectivum consequentiæ. pag: 111. & seq.

Animantia perfecta à quonam causantur? pag: 100. Imperfecta verò animantia, quæ dicuntur generari ex putri, probabile est, de facto generari ex semine. pag: 101.

Angelorum Existentia probatur sufficienter ex effectibus mirabilibus maleficorum, Sagarum: & impotentia submergendi: ex agilitate & motu ipsius cadaveris, incantationeq; Serpentum: Item ex motu Corporum Cælestium à pag: 116. ad pag: 126.

Angeli non sunt Entia à se. 241.

Arbores admirandæ ex variis Capitibus. 147. & seq. Quædam arbores in Brasilia: Tilia item Neostadiana, & ficus Indicæ, amplitudinis ingentis. 149.

Avium quarundam magnitudo stupenda. 153.

Animantibus rapacibus denegata sæcunditas copiosa: secus iis, quæ solent esse præda maioribus. 154.

In Avium, efformatione relucet eximia DEI sapientia. 156.

In Avicula Americana quadam, colorum omnium compendium est. 156.

Animam humanam esse substantiam Spiritualem, & immortalem, probatur à pag: 167. ad pag: 173.

Ab Astrologis non possunt certò prædici futura contingentia. 183. & seq. Cur tamen quandoq; vera prædicunt Astrologi. 185. & seq.

Ex S. Augustino desumpta allocutio Athei, notatu dignissima. 197.

S. Augustinus an erravit circa existentiam Antipodarum? 205. & seq. Notabilis Ejus consideratio pro Existentia Dei. 232. & 233. Item Ejus Rationes contra Atheismum. 350. & seq.

Abucaras quis fuerit? qualiter probat Existentiam Dei? 268. & seq.

Divi Anselmi elogium. Ejusq; Rationes comprobantes Divinam Existentiam. 271. & seq.

Ex Aseitate, quænam perfectiones inferuntur? 291.

Argumentorum Congeries ex Philosophis & Patribus desumptorum, cur Lectori displicere non debeat? 305. & seq.

S. Athanasius meritò Magnus. Multis probat Deum esse, Atheosq; insanire. 342. & seq.

B

Brasilorum impietas in Parentes. 58. An fuerint sine notitia Dei? 69. & seq.

Brachmanum stulta opinio de Simiis. 118. Nec non de araneo. 138.

Bonitas Divina insignis relucet in plantis. 150. Item in productione Animantium. 158. Manuum & digitorum constructio, indicat Bonitatem & Sapientiam DEI. 165.

Brutorum operationes fiunt convenienter ad finem, suntq; admirandæ. 224. & seq. Bruta norunt Remedia 226.

Blas-

Blasphemorum pœna gravis & mirabilis. 257. & seq.

S. Bernardus declarat, unde notitia DEI haberi possit. 355.

Bœtius, quâ ratione usus contra Atheos? 362.

S. Bonaventura quibus mediis demonstrat Deum? 366.

C

Critias, Atheus; ejus Atheismi fundamentum refellitur. 16. & 26.

Cordis motus unde? 32.

Calvinus quidnam sensit de rationibus iis, quibus probari solet Existentia Dei? 38.

Creaturæ, qualiter sunt Deo improporcionatæ? 40. Illarum contingentia non obest demonstrationi Causæ Primæ, in existendo necessaria. 40.

Cæli nomine, quid multoties intelligitur? 51. & 60.

Consensus absolutè omnium, est indicium Veritatis. Solvunturq; Objectiones in contra. 63. & seq. Consensus omnium de Existentia DEI, undenam oritur? 197.

P. Cabæi Ratio contra æternitatem Mundi, defenditur. pag. 91. & seq.

Capitis cadaverici abscissio, ad maleficium tollendum, an licita? pag: 122. & seq.

Cælestia Corpora moventur ab Angelis. pag: 124. & seq. Sunt ab aliquo Ente producta: destituuntur omni vitâ: mutantur intrinsecè: Sunt absolute imperfectiora animantibûs: non sunt simpliciter independentia: nec à casu fortuito producta: Eorum quanta est amplitudo, & à terra, quanta distantia, nec non eorundem celeritas? 131. ad pag: 140.

Causa efficiens sui ipsius quò ad primò esse, nihil est, nec esse potest: pag: 127. & seq. Nec se causare queunt mutuò duo Entia, quò ad primò esse. pag: 129. & seq.

Cetorum quanta magnitudo? 152. & seq. Ciceronis & Lactantii sensus de mundi Gubernatore. 209.

S. Chry-

S. Chrysoftomi notabilis Textus adversus Atheos. 230. Illius item Argumentum quò eos impetit. 371. & seq. Cur in fine voluminis huius positum? 341.

S. Clementis Argumentum pro Existentia Dei. 229.

Cartesii Argumenta contra Atheos, invalida sunt. 299. & seq.

D

Desiderium Auctoris. 12.

Deo disponente, cur bona & mala temporalia, communia sunt bonis ac malis: imò plerumq; prospera eveniunt impiis, adversa iustis? 14. & 20. & seq.

Divinæ Bonitati & Providentiæ congruit, ut permittat mala in Mundo. 22. & seq.

Dei Existentia demonstrari potest, & evidenter demonstratur intellectu debite disposito: Objectionesq; in contra solvuntur. 35. Sed admissò etiam, quòd non demonstretur; tamen non rectè inde sequitur, Deum non existere. 37. Deus ubinam fuit ante productionem Mundi? 43. Dei nomine intelligitur, Ens in omni genere perfectissimum. Diluunturq; Objectiones contrariæ. 50. & seq. Deum existere, cuncti fatentur: conveniuntq; in hoc omnes Sæctæ Sapientum. 67. & seq. An, & quales fuerint Gentes sine cognitione Dei? 69. & seq.

S. David quantum Salomoni reliquit pro templo exstruendo? 74.

Divinæ Sapientiæ, Potentiæ, ac Bonitatis documenta in corporibus cælestibus Elementis, plantis, animalibus, Homine, recensentur. à pagina 136. ad pag: 167.

S. Damascenus ex mutabilitate rerum & ex còdågmentatione earundem, nec non & conservatione, evincit dari Deum. 352. & seq.

E

Enti alicui negare possibilitatem vel Existentiam, ex eo, quòd illud comprehendere nequeas, magnam insipientiam redolet. 33. & seq.

Ex possibilitate Entis in omni genere perfectissimi, benè deducitur actualis ejus Existentia: convellunturq; Objectiones contrariæ. 48. & seq.

Ens à se, esse in omni genere perfectissimum, evincitur multipliciter. 52. & seq.

Entia Spiritualia completa, non implicant. 98.

Ex Entium singulorum insufficientia ad existendum, rectè infertur insufficientia totius collectionis ad existendum. pag. 102. & seq.

Elementa non sunt Entia à se. 141. Elementum Aquæ, longè minus est elementô Terræ. Ejus necessitas & utilitas. 143. Aëris elementum, quantum excedit terraqueum globum? Ejusq; necessitas, &, Cur àér tenuis & omnium Colorum, Saporum, Odorum, ex natura sua expers? &, Qualianam meteora in illo fiunt? eorumq; utilitas & necessitas. 144. & seq.

Elementi Ignis proprietates quædam, & utilitates, recensentur. 145. An Ignis verus sub concavo Lunæ? 146.

Elementum Terræ, quot continet milliaria? 141. Cur Terra immobilis, & in medio Mundi sita? 142.

De Eclipsi miraculosa solis in passione Christi, testantur Gentiles. 182.

P. Esparzæ Argumenta contra Atheos. 292. & seq.

Elogia Philosophis & Patribus, quorum Rationes afferuntur adversus Atheismum, Cur apposita? 306. & seq.

Epietetus quanto in pretio habitus? Origenis judicium de Epieteto. 326.

Exponit ille singularia Existentiæ Dei, ejusq; Providentiæ documenta. 327. & cur homo productus: nec non, cur animantia, quæ ad corpus pertinent, habent in promptu? Pili quare in mento Marium enascantur? Voluntatemq; nostram, docet, conformandam esse Divinæ. 328. & seq.

Empyricus, variis similitudinibus deducit, posse faciliè ex considerati-

ratione Corporum Cælestium, haberi notitiam Dei. 335. & seq.

S. Edmundus ostendit, Ens aliquod esse sine principio, quod Ens, omnium sit Auctor & Gubernator. 357. & seq.

F

Quod fide Divina creditur, potest ex alio motivo demonstrari. 39.

Fulicæ Avis bonitas singularis. 158.

Futura contingentia certò sunt antè prædicta. 186. & seq.

Formicarum & Apum opera, admirationem merentur. 225.

G

Galenii error de causâ productiva venenatorum, corrigitur. 26.

Gentis Pegusianæ Opinio stolidâ de pluralitate Deorum & Mundorum. 70.

Ex mirabili structura hominis & animantium: ex multitudine item finium partium Corporis humani, validè impugnat Galenus Atheismum. 331. è sensu ipsius, quotnam sunt muscoli in animalis Corpore, quot item ossa, eorumq; fines? 333. & seq.

Gentiles Philosophi, à Prophetis, aliisq; Hebræis, multa didicerunt. 78. & seq.

Genera quotnam sunt piscium, avium, & animantium terrestrium? pag. 98. & pag. 152.

S. Gregorii Magni consideratio singularis, pro Existentiâ Dei. 232. & seq.

H

Historia notabilis de Homine educato inter feras, undenam cognitionem Dei hauserit? 27. Nec ab Homine, nec etiam ab Angelis ipsis comprehendî perfectè naturas rerum creaturarum demonstratur. 31. & seq.

Homines ad initium Mundi, cur longævi? 87. Nunc multitudo hominum, quanta? 94. Nequit homo naturaliter produci, nisi à sibi simili. 100. & seq.

Homines singuli, & tota collectio hominum est insufficiens sibi ad existendum. pag. 107. & seq. Homo non à casu productus fortuito: ejus corporis fabrica excellens. Admiranda capitis structura: item cerebri, oculorum, dentium, aurium, narium, faciei, manuum. à pag: 159. ad pag: 167. Hominis convenientia cum magno Mundo. item Animæ cum Deo. 234. Structura humani corporis, incomprehensibilis est. 235. Opinio Veterum quorundam erronea de productione Hominis. 236.

Herba quædam, remedium est insipientium. 232.

I

Idololatriæ, Mahometismi, Arianismi falsitas demonstratur. 65. Ignis natura mirabilis. 145.

Idololatria evidenter erronea est: modò primum post diluvium exorta. 65. & 66.

Apud Judæos, hucusq; à temporibus Moyſis perseverantia festa, quænam? & cur instituta? 72.

Interpretes septuaginta duo, Scripturæ Sacræ, eam, quàm miraculosè in Græcam linguam transtulerunt ex hebræa? 82.

Inventores qui & quando, Typographiæ? Pyxidis nauticæ. Horologii solaris & trotatilis? Pulveris nitrii, Tubi optici? 90.

K

P. Kircheri judicium de plantarum ortu & incremento. 149. Ejusdem sensus de herba Te. 151. Mira refert de tigridibus. 159.

L

Lingvarum peregrinarum notitia repentina, non provenit à melancholia, nec à siderum influxu. pag: 119.

Libido effrenis impellit in Atheismum. II. & pag: 374.

Lipsius qualiter probat Existentiam DEi? 227. & 238.

M

Maris necessitas, ac utilitas, & cur falsum? 24. & seq. Quàm profundum? 143. Marinarum Insularum quæ necessitas? 143. Machiavellus ipse comprobat necessitatem Religionis. 58.

Mahometis quonam medio crevit? contemnitur ab ipsis Turcis & Persis prudentioribus. 65. Avicenna & Averroes Mahometani licet, arguunt falsitatis Mahometem. 66.

Moyſes quantus Vir? 72. & seq. Fuit antiquior Diis Gentium, etiam Jove. 76. Unde didicit, Mundum in tempore productum esse? 87.

Mundus potuit non esse ab æterno: imò defacto fuisse in tempore productum, multifariè deducitur. à pag: 85. ad pag: 95.

Miracula vera esse à Christo Domino patrata, demonstratur. 173. & seq. Miracula ante adventum Christi facta, recensentur. 181. Miraculorum veritas, comprobatur 245. & seq. Grande est miraculum, conversio Mundi ad fidem Christi. 246. & seq.

Martyrum quanta multitudo? 203.

Monarchiæ quædam principaliores, quando incæperunt, & desierunt? 209.

Minucii Felicis Argumentum pro Existentiâ Dei. 229. & seq. item 236.

Morinus, quis fuerit? Ejus Argumenta contra Atheismum quantinam roboris? 296. & seq.

Ex motu desumpta duplex probatio Existentiæ Dei. 359. & 364.

N

Necessitas & utilitas multiplex Sylvarum, montium, paludum. 23. & seq.

Naturæ nomine, quid denotatur? 28. In eam, ut contra distinctam à Deo, non possunt omnia refundi. 29. & seq.

Negativa Argumenta, cur initio Tractatûs 3tiii, ponuntur? 191.

Nòetici diluvii meminerunt Gentiles Historici. 214.

Nemefii Argumentum pro DEi Existentia. 236.

S. Nazianzenus declarat modis plurimis, qualiter oculi & naturæ lex, doceant dari Deum. 348. & seq.

Nabuchodonosor an salvatus? 258.

O

Opinio quorundam, qui censuerunt, non posse pro hoc statu demonstrari Existentiam DEi, censuratur graviter, & meritò à S. Thoma, aliisq; Theologis, validèq; convellitur. 37. & seq.

P

Principium statuitur, ex quo rectè infertur. Non implicare Ens in omni genere perfectissimum, sed esse possibile. 46. & seq.

Politheismus, quando incæpit? 66.

Principes Sectarum Gentilium, quidnam de Deo senserint? 68. & seq.

Plantarum mira constructio. 147. & seq.

Psittacorum supra centum sunt species. 152.

Piscium formatio in multis cum Avibus convenit: in eaq; relu-
cet sapientia insignis. 157.

Propositio qualis potest transire de incerta in certam. 207.

Phlebotomiæ & Clysterum demonstratores, sunt bruta animan-
tia. 226.

Perjuria mirabiliter punita. 262. & seq.

Pharaonis nomen, Regibus Ægypti commune. 257.

P. Perez Antonii Argumenta decem contra Atheismum. à pagi-
na 280 ad pag: 288. Theologorum judicia de efficacia dictorum
Argumentorum. 288. & seq. Probat P. Perez ingeniosè ac solidè,
Ens omni defectu carens, esse necessariò unum. 290. & seq. No-
mine Argumenti Pereziani, quid intelligitur? 292.

Plato, multa desumpsit ex Scriptura Sacra. 78. Unde dictus Plato? 311. Quanto in pretio habitus etiam à Patribus? Nomine Deorum, quòd intellexerit Angelos productos à Deo, ipsemet asserit. Duplici ratione impetit Atheos. 312. & seq.

A Platoniciis, in quo sensu, DEus dicitur Anima Mundi? 234.

Plotinus quis? ejus Argumentum contra Atheos: Dei unitatem etiam comprobat: docetq; cur quidam fiunt Athei? 336. & seq.

Philonis Judæi (quem ipsemet Gentiles summis æquare suis Philosophis non dubitarunt) Ratio, pro Deo adversus Atheos 338. & seq.

S. Prosper in paginis elementorum legendum exhibet testimonium de existentia Dei. 351. & seq.

Principium illud. *Omne quod movetur, ab alio movetur*: qualiter intelligendum? 363. & seq. Nec non & illud. *Quod dicitur maxime tale in aliquo genere, est causa omnium, quæ sunt illius generis*. 365.

Puncta tria considerationis, perutilia multis, præsertim Pseudo-politicis. 373. & seq.

Q

Quæsitis plurimis adæquatè ut respondeatur, homo est insufficiens. 42. & seq.

R

Rationes desumptæ contra Atheos ex Scriptura Sacra, non sunt improbandæ. 6. & 71. & seq.

Rosa Sinica, quàm mirabilis? 147.

Richardus de S. Victore, insignis Theologus: S. Bernardo amicissimus, probat dari Ens improductum & Summum, à quo sunt omnia. 356. & seq.

S

Scriptura Sacra, ex decem præcipuè capitibus, meretur apud quoscunq; etiam infideles, Auctoritatem & pretium suum majus, quàm

quàm Libri Historicorum Veterum, etiam simul sumpti. Est Epistola Dei ad nos: item inexhaustæ profunditatis, ingenti pollet efficacîa, insignibusq; prodigiis Veritas ejus comprobata. à pag: 71. ad pag. 83. item pag: 243. & seq.

Ex Scriptura Sacra, quænam sunt à Poëtis, aliisq; Gentilibus desumpta, recensentur. 78. & seq. Scripturæ Sacræ locus ex Libri Sapientiæ, Capite 13tio, à versu imo, ad versum sextum, explicatur. 228. Ex libris Veteris Testamenti, quotnam textus continentur in Novo Testamento? 187.

Salomon Rex, Academiam ædificavit, in qua ipsemet publicè docuit. 75. Ab illo multi Gentiles hauserunt Sapientiam. ibidem. Nec non & ex Scriptura Sacra. 77. & seq.

Species sunt sicut numeri. Axioma hoc qualiter intelligendum? pag: 98.

Sagæ, qualinam unctiōe utuntur? 118.

Sublevatio admiranda corporum in àera, non oritur naturaliter à fervore Orationis. pagina 119. & seq.

Submergendi impotentiam extraordinariam, quidnam causare solet? 121.

Serpentum incantatio, undenam provenit? pag: 123.

Sphæra mirabilis Archimedis & Regis Cosroæ. 136.

Solis natura explicatur, nec non cæli & Astrorum. 131. & seq.

Sol in medio planetarum, cur positus? Motusq; ejus quare excentricus? 140. & seq.

In Sina, Arbores proprietatum admirandarum. 147. & seq.

Serpenti Bojuningo, crepitaculum cur appensum? 158.

Sanguinis circulatio qua de causa fit in homine & brutis? 166.

Sinensium de DEo sensus. 59. item fusè. 200. & seq. Quanta multitudo Sinensium? 198. Quali Argumento probata est illis Existentia Dei? 217.

Species rerum, qualiter sunt ingenerabiles, & incorruptibiles?

215. & seq.

S. Stephanus quid vidit, intendens in cælum? 250.

Somnia admiranda & inspirationes. 252. & seq.

Sacrilegis, divinitus pæna irrogata. 263. & seq.

Senecæ Rationes, Atheismi convulsiuæ. 322. & seq. Quid est DE-
us juxta Senecam? 325.

Seoti Subtilis Elogium. 367. Probat ille dari aliquod Ens Pri-
mum Triplici Primitate, nempe: Primum, secundum Efficientiam:
secundum rationem Finis: & secundum Eminentiam: Illudq; Ens,
esse necessarium essentialiter in existendo, & infinitum: proinde, da-
ri Deum. 367. & seq.

T

SS. Trinitatis Mystrium, nullam involvit contradictionem ve-
ram. Expressivaq; SS. Trinitatis est aliquomodo, Anima nostra. 41.
& seq.

Terraqueus globus potest esse major vel minor. 95. Possibiles
item terraquei globi plures. 97. Quantum terræ eripuit hominibus,
aqua? pag. 92.

Tigridum solertia in bibendo. 159.

In Titulo Tractatûs 3tii, quare appositum Li. *Supra quadragin-
ta Argumenta*? 192.

Theodoreti textus notabilis pro Existentia Dei. 231.

Talionis pæna mirabiliter irrogata. 255. & seq.

Totum omne, an majus sua parte? 299.

Trismegistus Mercurius, quis? quot libros scripsit? multis impro-
bat Atheismum: Deumq; unicum esse comprobat. Ejus item Hym-
nus ad Deum, & Eucharisticon, notatu dignissima. 307. & seq. Go-
ropius, aliud quidpiam, (verum erroneè) intellexit, Trismegisti
nomine. 310. & seq.

S. Thomas testatur, à Veteribus Philosophis, Existentiam Dei probatam esse Argumentis irrefragabilibus. 305. Angelicus hic Doctor quinque; Rationibus probat Existentiam Dei. 359. & seq. De illis Rationibus, quid sentit Lugo & Valentia? 363.

V

Voluminis hujus prolixitas & Stilus scribendi, defenditur. Mediasque præscribuntur fructuosè legendi hoc Volumen. pag. 4. & seq. item 10. & seq.

Visibile nihil, nisi per invisibile videt homo. 18. & seq.

Venatorum Animantium multifaria utilitas 25. & seq.

Vespertilionum ac serpentum carnibus quinam populi vescuntur? 25. Ventorum utilitas 145.

Patris Vasquez scitu digna adversio de iis, qui student magicis artibus, & de hæreticis. 242.

Visiones eximiae sex Divi Pauli recensentur & aliorum. 250. & seq.

Veritates aliquæ objectivæ simpliciter necessariae, æternæ in quoniam sensu admittendæ? 293.

X

S. Xaverius multum notabile refert de cultu unius Dei in Indiis. 64.

FINIS.





ERRATA.

*Litera, p. paginam: v. versum: f. versus, à fine pagina,
numerandos indicat.*

Pagina 15. versu 16. lege: Hypotyposion. p. 16. v. 13. Lucretii. p. 21. f. v. 4. opulentiam. p. 24. v. 15. famem. p. 27. v. 5. occultandum. p. 32. f. v. 13. proveniat. *Ibidem*. f. v. 9. influente. p. 34. v. 4. de Trinit. lib. 5. cap. Imo. p. 38. v. ult. invisibilia. p. 40. v. 15. Causæ increatae. p. 48. v. 14. Impossibile. *Ibidem*. v. 15. possibile. p. 60. f. v. 3. perniciosos. p. 64. v. 1. aliquid. p. 67. v. 11. homines. p. 74. v. 3. perscrutando. p. 75. v. 18. alienigenas. p. 80. v. 2. sacra. *Ibidem*. f. v. 10. plura. p. 81. f. v. 11. Simonem Stilitem, Franciscum Assisium. p. 97. v. 8. Item plura. p. 98. v. ult. Materiales. p. 105. f. v. 3. Allatae Probationes. p. 107. v. 8. conserventur. p. 108. v. 20. dele: imo. p. 112. f. v. 14. sub Propositione. p. 115. f. v. 3. in infinitum. *Ibidem post versum ultimum, dele*. Stupo. p. 121. f. v. 13. non levi. p. 124. v. 20. ab aliquo Intellectu. p. 125. f. v. 10. reddi. p. 131. v. 17. dele: in. p. 136. f. v. 12. polus. p. 144. f. v. 5. fulmina. p. 145. f. v. 5. maximum. p. 152. f. v. 12. dentes & lingua. p. 154. v. 9. tigris. p. 161. v. 7. numerositate. *Ibidem*. v. 14. efficiendas posuit. p. 164. v. 16. excipias. *Ibidem in margine*: manuum & digitorum. p. 165. f. v. 14. & si quæ adhuc. p. 171. v. 1. pereunte. p. 175. f. v. 6. auditione. *Ibidem v. ult.*: unâ cum responsoria. p. 177. v. 13. Christus. p. 180. f. v. 8. & ex eo Cornelius à Lapide. p. 186. f. v. 4. ante Christi advenum. p. 188. f. v. 8. & apud. p. 206. v. 22. historica cognitione. p. 208. v. 4. Juramentò. p. 210. v. 20. gubernationi. *Ibidem in margine*. Ex actuali. p. 217. f. v. 3. manuum. p. 220. v. 6. Cap. imo sub Propositione sta. p. 230. v. 17. Cæli enarrant. p. 234. v. 17. quot nervi) ab uno corde. p. 238. v. 11. vivendi. p. 241. f. v. 4. mirabilibus, quandoq; peccaminosis, productis. p. 242. v. 16. forent subjecti. p. 244. v. 4. assimilatus sum. p. 254. v. 3. manifestatum est crimen. p. 257. v. 2. perjuris. p. 266. v. 16. convertendos Atheos. p. 267. v. 7. duodecem Patrum. p. 269. v. 9. quò sustinetur. p. 273. f. v. 3. Tridentino. p. 274. v. 1. evincit & probat. p. 276. f. v. 14. Thomas. *Ibidem v. ultimo* Theologi. p. 279. f. v. 11. quòd non sint chimæ. p. 287. v. 21. ad rationem chimericam volitivi. p. 289. v. 23. Ego conformiter. p. 308. v. 3. Titi. p. 311. v. 16. Demum. *Ibidem*. f. v. 6. Aristocles. p. 318. f. v. 6. à sando dicta. p. 325. v. 16. pendere. p. 329. v. 15. propellit. p. 331. v. 10. sinistris. p. 337. f. v. 8. indigum. p. 349. *desuper*. Patrum. p. 351. v. 3. non acceperunt. p. 352. v. 17. Auctoris. p. 362. *in margine*. Hac via,







Biblioteka Jagiellońska



stdr0023581

